

წერა-პითხვის გამავრცელებელი საზოგადოების გამოსცემა. № 192.

დადიონი.

მოთხრობები.

ტფილისი.
სახელმწიფო სტამბა.
1920.





J. J. ...

არსენ ანტონის მე მამულაიშვილი

(ლალიონი)

(მოკლე ბიოგრაფია)

ჯერ-ჯერობით არსენ მამულაიშვილის სრული ბიოგრაფიის დაწერა ყოველად შეუძლებელია სხვა და სხვა მიზეზების გამო... ამ ჯამად ჩვენ განვიზრახეთ, მის თხზულებათა კრებულის პირველ გამოცემას წაუშმდღვართ ჩვენი ბელეტრისტის მოკლე ბიოგრაფიული ცნობები, რაც, უეჭველია, სიამოვნებით იქნება წაკითხული განსვენებული მწერლის პატივისმცემელთაგან.

არსენი დაიბადა სოფ. დვაბზუში (გურიაში) ოფიციალური ცნობით 1868 წ. 12 იანვარს, ხოლო ნამდვილად 1866 წ. 23 იანვარს. მამა მისი ანტონი იყო უსწავლელი ღარიბი აზნაური, რომელიც ფიზიკური შრომით გაკვირვებით არჩენდა თავის ცოლ-შვილს. მაგრამ ეს მარჩენალიც მალე გამოეცალა ოჯახს და პატარა არსენი თავის უფროსი ძმით და ორი დით დარჩა დედის ანაბარა.

წერა-კითხვა არსენს ასწავლა მისმა უფროსმა დამ. ამის შემდეგ ის მიაბარეს ოზურგეთის საქალაქო სასწავლებელში. პატარა არსენი თავის სახლიდან დადიოდა სკოლაში, — რამდენიც სამი ვერსის მანძილზე მდებარეობდა, — ხშირად დაგლეჯილი წულებით და ზამთარშიაც კი ტილოს ბლუზით.

1883 წ. არ. მამულაიშვილმა გაათავა ოზურგეთის სასწავლებელი და უნდოდა იმავე წელს განეგრძო სწავლა, მაგრამ სიღარიბემ ხელი შეუშალა და ის იძულებული გახდა ერთი წლით სახლში დარჩენილყო. მეორე წელიწადს კი მოახერხა ტფილისში ჩამოსვლა. იქ თავის-თავად მოეპოვა და 1885 წ. შევიდა ტფილისის სამასწავლებლო ინსტიტუტში, სადაც სახელმწიფო ხარჯზე იქმნა მიღებული. ინსტიტუტში მასწავლებლებიცა და მოწაფეებიც სიყვარულითა და პატივისცემით ეპყრობოდნენ მას, როგორც პატიოსანსა და გულწრფელ კაბუქს.

1889 წ. არსენმა ინსტიტუტი დაამთავრა და იმავე ზაფხულს გამწესებულ იქმნა ქ. შემახაში სამოქალაქო სკოლის მასწავლებლის თანაშემწედ. ძნელი იყო მისთვის სამშობლოს მოშორება და სადღაც მივირდნო ქალაქში გადავარდნა, მაგრამ, როგორც სახელმწიფო ხარჯზე აღზრდილს, არ შეეძლო წასვლაზე უარი ეთქვა და ისიც დამორჩილდა თავის ბედს.

ქ. შემახაში არსენი ორ წელიწადს იყო მასწავლებლის თანაშემწედ, ხოლო შემდეგ ჩარიცხულ იქმნა შტატის მასწავლებლად. იქნება კიდევ დიდხანს დარჩენილიყო ამ ქალაქში, მაგრამ სკოლის ინსპექტორი, რომელსაც ვერაფრად ეპიტნავებოდა არსენას პირში-მთქმელობა, ეცადა თავიდან მოეშორებინა, და მართლაც მთავრობამ არსენი 1893 წ. „სამსახურის სარგებლობისათვის“, მის დაუკითხავათ გადაიყვანა ამავე თანამდებობაზე ქალ. ნახჩევანში, ერევნის გუბერნიაში, სადაც ოდესღაც ჩვენი დიდებული პოეტი ნიკოლოზ ბარათაშვილი იყო მაზრის უფროსის თანაშემწედ.

თუმცა არსენი მოაშორეს სამშობლოს, მის საყვარელ გურიას, მაგრამ სულითა და გულით მუდამ მასთან იყო, ზაფხულ-კი ყოველთვის გურიაში ატარებდა... უხმაუროთ, უფართო-ფურთოთ სწავლობდა ჩვენს ცხოვრებას და ამის შედეგი კი იყო ის, რომ შემახაში ყოფნის დროს მან დაწერა და 1896 წ. ჟურნალ „მოამბე-ში“ გამოაქვეყნა თავისი პირველი მოთხრობა „ფირალი დავლაძე“, რამაც მიიქცია მთელი ქართველი საზოგადოების ყურადღება, ხოლო გურიამ დაინახა მასში ახლად დაკარგულის, ძვირფასი ბელეტრისტის ეგ. ნინოშვილის მოადგილე.

ქ. ნახჩევანში ყოფნის დროს ამდენათ დაავადმყოფდა ჩვენი არსენი, რომ იძულებულ გახდა სამსახურისათვის თავი დაენებებინა, და 1897 წ. გადმობარჯდა ტფილისში... წამლობდა არსენი, მაგრამ, რადგანაც სიღარიბე ნებას არ აძლევდა ერთ წელიწადს მაინც დაესვენა, იმავე წელს შევიდა მასწავლებლად ტფილისის სათავად-ახნაურო გიმნაზიაში, სადაც დარჩა 1900 წლამდის. ამ წლის ზაფხულს-კი იმასაც თავი მიაჩნებდა და მასწავლებელ ივ. გომელაურთან ერთად ტფილისში დააარსა კერძო სკოლა პანსიონით. თავის სკოლაში არსენმა სათანადო ადგილი დაუთმო ქართულ ენას ქართველ ბავშვებისათვის. ამ გარემოებამ-კი საბაბი მისცა სკოლის მტრებსა და მეტოქეებს საზოგადოებაში გაევიწყლებინათ ხმები, რომ არ. მამულაიშვილის პანსიონში ყველაფერს ქართულად ასწავლიან და აბა იქ მომზადებული მოწაფე როგორ ჩააბარებს გამოცდას მთავრობის სკოლაშიო... მიუხედავად იმისა, რომ სამი წლის განმავ-

ლობაში ვინც-კი ემზადებოდა იმის პანსიონში, თითქმის ყველა შევიდა გიმნაზიაში თუ მთავრობის სხვა რომელსამე სკოლაში, მოწაფეთა რიცხვმა მაინც ვერ იმატა, რის გამო სკოლა-პანსიონი განიცდიდა დიდ ეკონომიურ გაჭირვებას... 1903 წ. არსენმა ოუიჯი ციალურად დაბურა თავისი სკოლა, თუმცა კერძოთ მაინც განაგრძობდა ბავშვების მზადებას, რადგანაც ცხოვრების სხვა გზა არა ჰქონდა... ამ ხანებში არ. მამულაიშვილი ქონებრივად აუტანელ მდგომარეობაში ჩავარდა (ხშირად წამლის ფულიც-კი არა ჰქონდა), მაგრამ მთავრობისათვის მაინც ადგილი არ უთხოვია, იმდენად სძაგდა მაშინდელი მთავრობა და მისი დაწესებულებანი...

1905 წ. პოლიტიკურმა ქარიშხალმა ცოტათ თუ ბევრად გასწმინდა მოშხამული ჰაერი და მაშინ არსენამაც გადასწყვიტა დაბრუნებოდა მთავრობის სკოლას. თუმცა მას გული უფრო სათავად-აზნაურო გიმნაზიისკენ უწევდა, მაგრამ ამ ხანებში ავტონომიურად მოწყობილ პედაგოგიური საბჭოს უმეტესობამ არ ისურვა მისი თანამშრომლობა.

სკოლების მაშინდელმა მზრუნველმა ზავადსკიმ ყურადღებით მოისმინა მისი განცხადება და შესთავაზა ფოთის გიმნაზიის მოსამზადებელი კლასის მასწავლებლობა, მაგრამ არსენმა ქალაქში დარჩენა ამჯობინა და ამიტომ სთხოვა, რომ ის გაემწესებინათ ტფილისის პირველ (ვერის) უმაღლეს დაწესებუთი სკოლის მასწავლებლად, და რადგანაც ამისთანა თავისუფალი ადგილი არ აღმოჩნდა ხსენებულ სკოლაში, ის გამწესებულ იქმნა იმავე სკოლაში მასწავლებლის თანაშემწედ 1906 წ. 1 ავგვისტოდან, ხოლო სამი წლის შემდეგ დაამტკიცეს იქვე შტატის მასწავლებლად. ამ სკოლას და თანამდებობას არსენი აღარ მოსცილებია სიკვდილამდის.

ქალაქის საღმა ჰაერმა და მუდამ ეჭიშვების მეთვალყურეობის ქვეშ ყოფნამ კარგად იმოქმედა არსენის დაავადებულ ჯან-ლონეზე, მაგრამ მისი საბოლოოდ გამომთელება ვერ მოხერხდა, მიუხედავად იმისა, რომ განსვენებული მეტის-მეტად უფროთხილდებოდა თავს და, რამდენათაც შეეძლო; ხელს უწყობდა.

არ. მამულაიშვილი თუმცა სუსტი და დაავადმყოფებული ადამიანი იყო, მაგრამ ყოველთვის მხურვალე მონაწილეობას იღებდა ყველა საზოგადო დაწესებულებაში, სადაც-კი მას უხდებოდა მუშაობა... დრო-გამოშვებით სწერდა თავის მოთხრობებს და, როგორც იტყვიან, „ცხრაკლიტულში“ ინახავდა... დიდათ პატივსა სცემდა ბექვდით სი უყვას, ესმოდა მწერლის პასუხისმგებლობა საზოგადოების წინაშე...

რუსეთის დიდმა რევოლუციამ სიცოცხლის ახალი ძალა შთაბერა ფიზიკურად მოუძღვრებულ არსენს. დაავიწყდა თავისი თავის ნებირობა და ჩაება ყოველგვარ მუშაობაში... საქართველოს პირველმა ეროვნულმა ყრილობამ, სხვებთან ერთად, არსენიც აირჩია საბჭოს წევრად, ხოლო საქართველოს დამოუკიდებლად გამოცხადების შემდეგ ისიც შეიქმნა ჩვენი პარლამენტის წევრი.

არსენის აღფრთოვანებას ფრთები შეაკვეცა ოსმალთა ჯარების მიერ გურიის ერთი ნაწილის აკლემამ. გულმხურვალე მონაწილეობა მიიღო ტფილისში დაარსებულ გურიის დამხმარე კომიტეტის მუშაობაში, სადაც ის თავმჯდომარედ იყო არჩეული...

ამავე ხანებში მიწვეულ იქნა ხმოსნად ქალაქის თვით-მმართველობაში...

არსენის სუსტმა აგებულებამ ვერ აიტანა აქდენი შრომა. მითუმეტეს, რომ ბოლო ხანებში, ხელმოკლეობის გამო, ველარც სააკარაკოდ დადიოდა და ველარც შესაფერი კამა-სმა ჰქონდა... ყველა იმან-კი იმდენად მოაუძღურა ჭეშმარიტი ადამიანი, რომ 1918 წ. კავრცელებული ინფლუენციის („ისპანკის“) ერთი ხელის წამოკვრით დაეცა და სამი დღის ავადმყოფობის შემდეგ კიდევაც განუტევა თავისი წრფელი სული... ეს მოხდა 1918 წლ. 17 სექტემბერს. ის აკრძალეს დიდუბეში, ქართველ მოღვაწეთა პანთეონში.

ჩვენ ძვირფას არსენს დაოჩა მეუღლედ და ერთი ქალიშვილი.

ი. გ—რი.

ფირალი დაკლაძე.

I

188... წ. მთელი მაისი სოფ. ს—ში გავატარე. კვირა დღე იყო. საუამოს ასე ხუთ საათზე დაირის ხმა და სიმღერა გაისმა სოფელში. „ეე, დღეს თამაშობაა მინდორში! გზას ქვედაი და გზას ზედაი თამაშობენ!“ დაიძახა ჩემი მასპინძლის შეიღმა, პატარა გიგომ და მოჰკურცხლა მინდვრისაკენ. დაირის გაგონებამ გული შევიტოკა: მომაგონდა ჩემი წარსული ბავშვობა, ის ნეტარი დრო, როდესაც მეც, პატარა გიგოსაებრ, მოუთმენლად გავრბოდი „სათამაშოში“ გულმა აღარ მომიშინა, ავდექ და გავსწიე იქით, საიდანაც სიმღერის ხმა მოდიოდა. ორლობეში დამეწია რამდენიმე ახალგაზრდა ყმაწვილი ბიჭი, „სათამაშოში“ მიმავალი. ტკბილი „ხელხვავი“ სიცოცხლით საღსე ახალგაზრდებისა გულს მტაცებდა... აი, „სათამაშოსაც“ მიუახლოვდით. მწვანით მოსილი მინდორი სააპურად ბიბინებდა. ამ მინდორს ერთი მხრით ჩაუდის სასოფლო გზა, რომელიც ოზურგეთისაკენ მიიმართება, მეორე მხრით—კი ჯაგნარი აკრავს. იქვე მშვენიერი, ანკარა წყარო ამოჩუხჩუხებს მიწიდან. მინდორში, თითქმის შუა ალაგას, სდგას ვეებერაულა კაკლის ხე, ცოტა მოშორებით—პატარა თხმელა. ხალხს ბლომად მოეყარა თავი. აგერ პაწია ბიჭები ბურთაობენ: ერთ მათგანს ბურთი მოუტაცნია და ძალზე გარბის, დანარჩენნი ჟივრლ-ხივილით უკან გამოსდგომიან. „არქა, კოწიელავ, ჰა, ჰა, ჰა!“ გაიძახის ოფელში გაწურული პატარა ბიჭი. ის საშინლად დაქანცულია, მაგრამ, გამარჯვების იველით გატაცებული, მაინც გარბის რაც ძალი და ღონე აქვს, რომ ამხანაგს დროზე მიეშველოს, თუ საჭირო იქნება... თხმელის

ჩრდილში რამდენიმე გლეხი რალაცაზე გაცხარებით ლაპარაკობს. კაკლის ქვეშ ახალგაზრდობა მოგროვილა. ერთი მხრით სდგანან ქალები. ამათ პირდაპირ ყმაწვილი ბიჭები გატაცებით სიმღერას ამბობენ. სასიამოვნო კრიმანჭული ცამდის ადის. სიმღერა გათავდა. „აგაშენათ ღმერთმა! კაი ხანია აღარ გამიგონია!“ სთქვა ერთმა აზნაურიშვილის მეუღლემ. ყმაწვილებმა თავაზიანათ მადლობა გადაუხადეს. ჩქარა შესდგა მოცეკვავეთა წრე. ერთმა ახალგაზრდა, მეტად შნოიანმა ქალმა აიღო ხელში დაირა. გაიმართა ლეკური. პირველად იცეკვეს პატარა ბიჭებმა; ამათ შემდეგ კოხტათ გამოსრიალდა გურულად გამოწყობილი 20—21 წლის აღექსი სანდომიძე, სწრაფად ჩამოიარა წრე, მიცურდა მოდაირე ქალთან და მოხდენილად თავი დაუკრა. ქალი არ გაჰყვა. ყმაწვილი კაცი მკვირცხლად შემოტრიალდა, მეორედ შემოუარა წრეს, ისევ იმ ადგილზე მიფრინდა და ნაზად თავი დახარა. ამ დროს ქალს რალაცა წასჩურჩულეს ამხანაგებმა; მან დაირა სხვას გადასცა, გაისწორა თავზე აბრეშუმის ქსოვილი „ცახოცი“ და კეკლუცად გამოცურდა მწვანეზე. სწორედ საუცხოვო სანახავი იყო ეს ორი ახალგაზრდა. მე გატაცებით ვადევნებდი თვალს მათს მოხდენილ მოძრაობას, მაგრამ ამ დროს ერთმა სხვა მოულოდნელმა სანახავმა უეცრათ ბოლო მოუღო ჩემს სიამოვნებას: ვზაზე გამოჩნდა ოთხი კაცი, ოზურგეთისკენ მიმავალი; სამი მათგანი თოფით შეიარაღებული გლეხები იყვნენ, ხოლო მეოთხე თეთრ-ყირმიზა 22—23 წლის ახალგაზრდა იყო. ეს უკანასკნელი კარგად გამოწყობილი იყო ჩოხაში. მის ლამაზ სახეზე სიამაყე და გამბედაობა იხატებოდა. ამათ დანახვაზე რამდენმამე გლეხმა და ახალგაზრდა ბიჭმა აჩქარებით ვზისაკენ იწიეს, რომ ეცნათ პატიმარი. უკანასკნელს ეს არ ესიამოვნა და პირზე ყაბალახი შემოიხვია. გაბრიელა გლეხმა სულ ახლოს ჩაუარა და თვალეში ჩახვდა პატიმარს, რომელიც ამით მეტად გაბრაზდა; „რას კრეჭ, ყაძახო, კბილებს!“ თვალეზის დაბრიალებით უთხრა მან გაბრიელას და ვზას გაეშურა.

— კაცი რომ გადირევა და ველარ დიეტევა ღეთის გა-

ჩენილ ქვეყანაზე, აბა კაი რაფა დაემართება იმას! — სთქვა გაბრიელამ და თვალები მე შემომამკვიტა.

— ვინ არის ეს ყმაწვილი? — დავეკითხე მე.

— მაი, ბატონო, ივანე დავლაძე გახლავს, გიორგი დავლაძე, მოგხსენდება, შეილია იმის. მეზობელია, აქანადღანა, ავერ, ყურის ძირში.

ამ პასუხმა დამაფიქრა. მე ვიცნობდი დავლაძეს, პატარაობისას მის ოჯახშიაც ვყოფილვარ. გენახა მისი პირში, ერთად-ერთი შეილი, პატარა ვანო. ეხლა-კი ეს ვანო, უკვე ახალ წვერ-ულვაშ აშლილი, სიცოცხლით სავსე კაბუკი, სატუსალოში მიჰყავდათ...

ეხლა, როდესაც მე ამ ამბავს ვიწყებ, ივანე აღარ არის ამ ქვეყნად. მისი მოუსვენარი სიცოცხლე მეტად მოკლე იყო, მაგრამ ამ მოკლე დროშიაც ბევრი რამ მოხდა საყურადღებო.

სოფ. ნ — ი მას შემდეგ, რაც მე იქ ვიყავი, შესამჩნევად გამოიცვალა. თითქმის თვითეულს ოჯახს სხვა ფერი დაეღამ ხნის განმავლობაში. გიორგი დავლაძის კარ-მიდამო ხომ სულ ერთიანად განადგურებულია ამ ჟამად. გამვლელს აქ აღარა მოაგონებს-რა ამ ადგილის უწინდელს დროს, არც ერთი შენობა აქ აღარ მოიპოვება. ოდესღაც ამ ადგილს მრავალი სხვა და სხვა ხეხილი ამშვენებდა, მაგრამ დღეს არც ერთი მათგანი არ მოსჩანს, ყველა გადაუჩენიათ. თვით ის რუკ, რომელიც დავლაძის ოდას გვერდით ჩაურბოდა და აქაურობას აცოცხლებდა, ეხლა სრულიად ამომხმარა. როცა უყურებ ამ გაპარტახებულ კარ-მიდამოს, მე მაგონდება მისი წარსული, მაგონდება თვით გ. დ — ძე მისი ცოლ-შვილით და ამიტომ მსურს შეძლებისამებრ გავაცნო მკითხველს ეს ოჯახი და მისი თავგადასავალი, ვუამბო ის, რაც ჩემს მეხსიერებას შერჩენია.

187... წელს გურიაში ცხელი ზაფხული იყო. მარიაშო ბისთვე იდგა. მე მაშინ სკოლის შეგირდი ვიყავი. სწავლის დაწყებამდის ჯერ კიდევ ორი კვირა დარჩენილიყო და ეს

დრო უნდა გამეტარებინა ჩემი მოყვარე ქალისას. სოფ. ს—ში, რადგან იქ უფრო გრილა და საუცხოველ ჰავაც არის. მეორე დღე იყო, რაც ს—ში ამოვსულიყავ ოზურგეთიდან. მე დავალბებული მქონდა გიორგი დავლაძისას მისელა და მისდა წერილის გადაცემა, რომელიც ერთმა ჩვენმა ნაცნობმა გამომატანა. ს—დან სოფ. ნ—მდის, სადაც გიორგი დავლაძე ცხოვრობდა, დიდი მანძილი არ იყო, ამიტომ დაუყოვნებლივ თუხით გზას გავუდექი და გზის მაჩვენებლად ერთი პატარა ბიჭი წავიყვანე. მზე კარგა გადახრილიყო, როდესაც ჩვენ ნ—ის სასოფლო შუკაში შევედით. ჩემს თანამგზავრს გზა დაებნა და აღარ ვიცოდით, საით წავსულიყავით. ამ დროს წინ შეგვეჩხა მხარზე თოხ-გადებული ერთი გლეხი, რომელიც სადღაც მიეწურებოდა.

— გამარჯობა შენი!—მივაძახე მე.

— გაგზარდა ღმერთმა!

— გიორგი დავლაძე სად დგას?

— გიორგი დავლაძე აგერაა აქანაი. ამ შუკას რაეც გაათავებ, მაღალ ჭიშკარს დეინახავ და იმაში ჩადით. მარა ძაღლმა არ გიკბინოს, ჯოხი დეიკავე ხელში.

ჩვენ ჯოხები მოვიმზადეთ, მაღლობა ვუთხარით და წავედით. მართლაც, იმ შუკის თავში ერთი პატარა მინდორი გამოჩნდა და იქვე, მარჯვნივ, ყავრით დახურული ჭიშკარი. ჯერ ჭიშკარში არცკი ჩავსულიყავით, რომ ძაღლებმა შეგვაშინეს და უფით ჩვენსკენ გამოიქცნენ. ჩვენ შეგვეშინდა და ლობებზე ავედით.

— ე, ბიჭო, ვინცხა ბაღნებია ეგერ, ძაღლებმა არ დაკამოს!—ბოხის ხმით დაიძახა ვიღამაც. მსახური ჩქარა მოგვეშველა და ძაღლები გარეკა. ჩვენ ეზოში ჩავედით. აქ იდგა ერთი სამ-ოთახიანი ოდა, სამხარეულო სახლი, სიმინდის ნალია და ბეღელი. ეზო სუფთა იყო, მწვანე ბალახით შემოსილი. ოდის აივანზე იჯდა მასპინძელი, ასე 45 წლის, ცოტა ქალარა შერთული კაცი. მას წვერი მოპარსული ჰქონდა და გძელი უღვაშები რაღაც თავისებურ გამომეტყველებას

აძლევდნენ მისს პირისახეს. იჯდა მოაჯირზე ნიდაყვ-დაყრდნობილი, ცალს ხელში ჩიბუხი ეჭირა და თამბაქოს აბოლღებდა. მე აივანზე ავედი, სალამი მივეცა და მისეღის მიზეზიც ავუხსენი.

— ვისი ხარ, ბიძია, შენ?—დამეკითხა მასპინძელი.

მე ჩემი ვინაობა ვუთხარი.

— საწყალი სიმონ!—განაგრძო მან.—მამა შენი კაი შეგობარი კაცა იყო ჩემი.—ამ სიტყვებით წერილი ჩამომართვა და ოთახში შევიდა. მე აივანზე დავრჩი.

— აა, სოფიო, ნესტორს აგერ რაცხა წიგნი გაპუუგზანია, წეიკითხე ერთი!—უთხრა გიორგიმ ცოლს და წერილი მიაწოდა.

— რა მინდაო აწი ნეტაი!—გაიკვირვა სოფიომ.

— რა ვიცი მე! რაცხა უნდა, წიგნში იქნება.

ცოტა ხანს სიჩუმე ჩამოვარდა.

— უი, რაცხა მოკლილი ყოფილა იგი!—დაიწყო სოფიომ.

— რა იყო?

— მოჯამაგირე ბიჭი მიშოვნეო, შამუუთელია.

— ბიჭი ჩემდა ვერ მიშონია მე,—წაილულულა უკმაყოფილოდ გიორგიმ.—მისწერე მაინც, რომ საცდელს არ დავაკლებ!) და თუ გამოჩთა რამე ხეირიანი, გამოგიგზანი-თქვა.

— სად იშონი ახლა ბიჭს ასთე უცბად?—შეეკითხა ცოლი.

— მისწერე, ოჯო, ვიშონი თუ არა, მაინც ასე სჯობს.

— ვინ შეიტანა აი წიგნი?

— აგერ ბალანია. შამოდი, ბიძია, აგერ ოთახში,—გამომძახა მასპინძელმა.

მე შევედი.

— აი ბალანაი საწყალი სიმონ ა—ლის შეილია, —დაიწყო გიორგიმ.

— დასტურ, რაფა, რაფეუ გაბედა. ამხელა ბალანამ

ოზურგეთიდან წამოსლა. მარტუაი ხარ, თუ გახლავს ვინმე?
— დამეკითხა სოფიო.

მე მინდოდა პასუხი მიმეცა, მაგრამ ამ დროს ეზოდან ბავშვის ტირილი მოისმა. ოღის კიბეზე ამოვიდა მოსამსახურე, ყმაწვილი ბიჭი, მას მოსდევდა 4-ნ წლის თმა-ხუჭუჭა, შშენნიერის სახის ბავშვი, რომელიც ბიქს ებღაუჭებოდა და ტირილით ეუბნებოდა:

— მომეცი, ბიჭო!

მსახურე ოთახში შემოვიდა. ხელში დიდი დანა ჰქონდა.

— რას ატირებ, ბიჭო, ამ ბალანას?— გაუჯავრდა გიორგი.

— ა, ბატონო, დაუკავებია ხელში ამხელა დანა და უჩახუნებს ყოლიფერს, — დაიწყა მოსამსახურემ: — რომ რამე იტკინოს, მერე მე გამიწყრებით, რეი...

— უი, შე დილენჯო, შენ! — გააწყვეტინა სოფიომ. — ამიზა აატირე მერე? ჩელტაძის მუნიანი ყაზილარი ხომ არ გგონია!

— ბატონო, რაფა, დანა გამუართვი ბალანას, სხვაი არაფერი დამიშავებია, მგონია. აგერაა აი დანა და რაფაც გინდებიენ, ისე ქენით.

— ნუ ტლიკინობ ბევრს! — შეუტია სოფიომ მოსამსახურეს. — მოდი, ნენა, შენი ჰირიმე, ვინ გაგიბედა შენ ატირება, — მიუალერსა შეილს და მიაწოდა მას დანა. — მაგ გადათრეულს ვინ კითხავს, ნენა!

— აა, შენ... გლახავ... — ბუტბუტებდა ბავშვი, დედის სიტყვებით წაქეზებული, და დანით ხელში მოსამსახურისაკენ იწვედა, დარტყმით ემუქრებოდა. ბავშვის ასეთის საქციელით კმაყოფილი სოფიო მივარდა შეილს, ხელში აიყვანა და დაჟინებით კოცნა დაუწყა, შემდეგ, როცა გული იჯერა, ტახტზე დასო და შზრუნველობით შუბლზე ხელი გადაუსვა.

— დედავ, ცხელია ბალანაი, რა დიემართა, ღმერთო მომკალი! ლა ტივა, ნენა, შენი ჰირიმე? — მოქცეულის კილოთი დაეკითხა დედა.

— რაფა, ბალანაი ამ დღეი სად დეიარება, ღმერთის მეტმა

კაცმა არ იცის და ავით გახდება, აბა კაი რაფა დიემართება ვითამ! — უკმაყოფილოდ შენიშნა გიორგიმ

— ნეტაი ახირებული ლაპარაკი არ იცოდე! — გაჯავრებით წამოიძახა სოფიომ, ბავშვი აიყვანა ისევ ხელში და ოთახში სიარულს მოჰყვა. — ე, ნენა, ძამიეი აგერ, — ანიშნა შეილს ჩემზე.

— ერთი დასწერე წიგნი ბარემ, აი ბალანაი იცდის, — მიუბრუნდა ცოლს გიორგი.

— ბიჭო, დამიძახე ერთი ციცას! — უბრძანა სოფიომ. მოსამსახურე გოგოც შემოვიდა.

— წადი, ცავ, ბესარიონისას, ერთი საწერ-კალამი შათხუეთქვა ელანძე, — უთხრა სოფიომ.

გოგო კარებისაკენ გაბრუნდა, მაგრამ პატარა ვანომაც მასთან წასვლა მოინდომა.

— მე წავეყობი, ნენა! იქინეი პაწაი კეკულებია.

— არა, ნენა. შენ ავით ხარ, შენი ქირიმე, — დაუყვავა შეილს სოფიომ.

— აბა, მე მინდა, — ტირილით ამბობდა ბავშვი და თავის განთავისუფლებას ცდილობდა.

— კი, ნენა, ბატონო, კეკულას აქანაი მუაყვანიებ, შენი ქირიმე. კამფეტი გინდა, ნენა, კამფეტი?

მაგრამ ბავშვს აღარა ესმოდა — რა დედისა, ის გაანჩხლებული ჰყვიროდა, ხელებს ასაგსავებდა.

— აბა... აბა, არ მინდა... წავეყობი! — სულ ამას გაიძახოდა. დედ-მამა ვერას გახდნენ: ბავშვმა თავისი გაიტანა.

მე იმ ღამესვე დავბრუნდი ს — ში.

II

გიორგი დავლადემ თითქმის მთელი თავისი ყმაწვილობა მილიციის დრუჟინაში გაატარა. ის ჯერ კიდევ 22 წლის ახალგაზდა იყო, როდესაც სამხედრო სამსახური დაიწყო. რამდენისამე წლის შემდეგ გიორგი „ვახშისტარი“ შეიქმნა და წმ. გიორგის ჯვარიც გულს უმშვენებდა. გიორგი ფიქრობ-

და ამით დაესრულებინა თავისი სამხედრო მოღვაწეობა, რადგან ახლა ცოლი შეერთო და ოჯახში ცხოვრება განიზრახა, მაგრამ მისი მეუღლე, სოფიო, ამის წინააღმდეგი იყო: „სანამდღე ჩინს არ იშონი, სახლში მოსვლა არ იფიქრო“-ო, ასე ეუბნებოდა ის თავის ქმარს. მართალი რომ ვთქვათ, გიორგი თითონაც ხშირად ოცნებობდა „ჩინზე“; ამიტომ ცოლს დაეთანხმა და ჯერ კიდევ სამსახური ამჯობინა. ამ დროს რუს-ოსმალთა ომი ასტყდა. გიორგი, როგორც იყო, ეღირსა პრაპორშჩიკის ეპოლეტებს და, ომის გათავების შემდეგ, სრულიად დათხოვნილ იქმნა სამსახურიდან. გიორგი პირველად თავის უფროს ძმასთან თევდორესთან ერთად დასახლდა. მაგრამ რძლები ვერ მოეწყვნენ ერთმანეთს. სოფიოს უნდოდა ოჯახში უპირატესობა ჰქონოდა. უფროსი ძმის ცოლმა დიდხანს ითმინა, ბევრი შეურაცყობა აიტანა, მაგრამ ბოლოს ამასაც დაეკარგა მოთმინება... სოფიო მუდამ იმას ჩასჩინებდა ქმარს, რომ „ჩვენ წილი უნდა გვეკუთნოდეს საზიარო ქონებიდან; შენი სამსახურში ყოფნის დროს თედორე სულ თავიზა ხარჯავდა ყოლიფერსო.“ გიორგი ყოყმანში იყო: არ იცოდა, გაპყროდა ძმას, თუ არა. „რა მენადღელება, მე კი ბატონსავით უნდა მარჩინო და შენ, თუ გინდა, რაც გაქ, იგიც გააჩუქეო,“ ხშირად განუმეორებდა ქმარს გაბრაზებული სოფიო.

ბოლოს ძმათა შორისაც უსიამოვნება ჩამოვარდა. ამის შემდეგ ერთად ცხოვრება შეუძლებელი იყო. ძმებმა გაიყვეს საზიარო ქონება და სამუდამოდ გაიყარნენ. მამა-პაპეული ოღა უფროსმა ძმამ დაინარჩუნა: გიორგიმ თავის წილში ფული მიიღო, ამას ცოლის მზითვეიც დაუმატა და ამ ნაირად ლამაზად მოაწყო ოჯახი. მამულიც გვარიანად ჰქონდა, ასე რომ ერთს დროს გიორგი ღარიბ აზნაურად არ ჩაითვლებოდა გურიისში. მეზობლები ჰფიქრობდნენ, რომ ომიანობამ ძალიან უშველა გიორგისაო: „პახოთობა არ შამოსწრობოდა, ნახავდა მის სეირსო,“ ამბობდნენ ზოგიერთნი. სოფიოს ერთი შეილის მეტი არ გასჩენია. მშობლები თავს ევლე-

გოდნენ პატარა ვანოს და ნებივრობაში ზრდიდნენ მას. ბავშვს რომ თავი წარმოსტკენოდა, ერთს ალიაქოთს ასტეხდნენ, ათასს რამეს „შემოარებდნენ თავზე“, წირვას გადაუხდიდნენ, „ნაბრალები არ იყოსო“. როცა ვანო რვა წლისა გახდა, მამას უნდოდა დროებით სასოფლო სკოლაში მიეზარებინა, მაგრამ სოფიო ამის წინააღმდეგი შეიქნა: „რა დროის მაგის სტავლაა ჯერ, ბაღანამ ერთცახე წამეიზარდოსო“.

დავლადებებს უყვარდათ სტუმრობა; მათი ოჯახი ყოველთვის გულუბნევი იყო სტუმრისათვის. 15 აგვისტოს, 1915-ის ეკლესიის დღეობას, გიორგის მუდამ დიდი წვეულება ჰქონდა. მეუღლენი ამ დღისათვის დიდს სამზადისში იყვნენ და ცდილობდნენ უფრო რჩეული სტუმრები მიეწვიათ სადილზე. ამით სოფიოს დიდად მოჰქონდა თავი; იმას უნდოდა ყველაფერში პირველობა დასჩემებოდა, ამისთვის, რასაკვირველია, ხარჯსაც იმდენად არ ერიდებოდა. „ძალიანიც რომ მიჰქირდეს, მტერის ჯინზე, მაინც არაფერს შევიკლებო“, ფიქრობდა სოფიო.

ამასობაში ოჯახი თან-და-თან უკან მიდიოდა. გიორგის რაც ფული გააჩნდა, სულ შემოეხარჯა და მარტო მამულის ანაბარა დარჩა. მამულს პატრონობა უნდოდა, მოვლა ექირვებოდა; გიორგი-კი მუშაობას ჩვეული არ იყო ის მუდამ „პახოთობაზე“ ოცნებობდა, იმით აპირებდა გაშვებულს. „ნეტაი ჩხუბის თუ რამე იყურება?“ ეკითხებოდა ის ყველას, ვისაც-კი ევროპიულად ჩაცმულს შეხვდებოდა. საყვანედ გაცემული მამული ვერ აკმაყოფილებდა ცოლ-ქმრის ყოველ სურვილს. ამიტომ მამა-პაპეულს მიწას მიჰყევს ხელი და ცოტ-ცოტაობით ჰყიდდნენ მას...

გიორგი ცოლ-შვილს მუდამ პატივით ეპყრობოდა, მათი სურვილის წინააღმდეგობას როგორცაა ვერ ახერხებდა. სოფიომ კარგად იცოდა ქმრის ხასიათი და ამით ხშირად სარგებლობდა თავის ენის დასასრულებლად. მე თავის დღეში არ დამევიწყდება ის უსიამოვნო შემთხვევა, რომელიც გიორგის

კოლის მიზეზით მოუვიდა. ამ შემთხვევამ დიდი შიშვენიერება მოატყდა და ქორები აღძრა ნ — ში.

სულ უბრალო გარემოებამ-კი გამოიწვია ეს უსიამოვნება. გიორგის მეზობლად ცხოვრობდა გლეხი, ტიმოთე ქანლაძე. სოფიოს ძალიან ეჯავრებოდა ტიმოთე, რადგან ის თვედორეს მეზობლობდა და იმისი მზარე ეჭირა. „ღვინა-მისის შვილია, დააბიჯოს ჩემს ადგილში ფეხი, მტერობა რავა უნდა, ვაჩვენებ მე იმასო,“ ამბობდა სოფიო. მართლაც, ტიმოთე მეტად შევიწროვებული იყო გიორგის მიერ: საურბეგზა დაკავებული ჰქონდა მისგან; ამაზე საჩივარი სწარმოებდა სამსჯავროში. შინაური პირუტყვი, თუ-კი რამ გააჩნდა, სიმშლით ეხოცებოდა ტიმოთეს: საძოვარი ადგილი მას თავისი არ ჰქონდა და ეზოს იქით-კი ვერ გაუშვებდა საქონელს, რადგან გიორგი ყველაფერს დაიჭერდა, რასაც-კი თავის მიწაზე მოახელებდა. სოფიო გულზე სკდებოდა, რომ ტიმოთე, ეს ღარიბი და მეტად შევიწროვებული გლეხი, წელეებზე ფეხს აღგამდა და შვილს-კი სკოლაში ზრდიდა. „ქვეყანა რავა არ ღვიქცევა, რომ კომოთაის შვილიც კლასში დეიარებაო,“ ხშირად იტყოდა ბრაზმორეული სოფიო.

ერთ დღეს პატარა ვანო მეზობლის ბავშვებთან თამაშობდა. საღამოზე ის მივიდა ტალახში ამოსერილი და ტირილით ღვდას შესჩივლა: „კომოთაის ნიკოიამ გამლახა და ტალახში ხამაგდოო.“ გიორგი შინ არ იყო. სოფიო ცეცხლივით აენტო, გაბორბლებული გარედ გამოვარდა, ტიმოთეს ეზოსთან მიიჭრა და ლანძღვა-გინება დაიწყო. ამას ტიმოთეს კოლის პასუხიც მოჰყვა. რაღა საჭიროა იმისი განმეორება, რაც აქ ითქვა... ვიტყვი მხოლოდ, რომ სოფიო ამის შემდეგ კიდევ უფრო გაწინაშედა. სწორედ ეზოში ჩაუვარდებოდა, ზელ და ხელ ეცემოდა ის თავის მოწინააღმდეგეს, რომლითაც აგანაც ასეთ კადნიერებას არ მოელოდა, რომ იქვე ტიმოთე არ შემეჩნა.

ამასობაში გიორგიც მოვიდა შინ. სოფიო ოდის წინ

იღვა და გაკაპასებული კიდეც ილანძღებოდა. ქმრის მოსვლა არ გაუგია მას.

— რა ამბავია? — იკითხა გოცებულმა გიორგიმ.

— ოი, რეიზა ჩამავლო ღმერთმა შენს ხელში, რეიზა დამსაჯა! — მიუბრუნდა ქმარს სოფიო.

— რა ამბავია-მეთქი, აღარ შეტყვი?

— წუწკმა მოჯალაბე ყაძახმა რომ თავი ეიგლო და...

— შენი მოჯალაბე შენ შინ გიგდია, შენ დასტურ წუწკა! — მოისმა მოთბინებიდან გამოსულის ტიმოთეს ხმა.

— ხომ გეყურება შენი დასავსები ყურებით! — მივარდა სოფიო ისევ ქმარს, — რაღა სასიკოცხლო ხარ ამის იქით, რომ ყაძახი გლანძღავს და შენ გაჩუმებული უყურებ! — ამბობდა გაცოფებული და თან ქმარს ანჯღრევდა.

— თუ არ გადირია აი ქალი! ყაძახს ეზოში რატურ ჩაუფარდე? — ამბობდა დაბნეული გიორგი.

— ოი, გამოგწყვეტს ღმერთი, გამოგწყვეტს! — გააწყვეტინა ცოლმა. — შენ თუ დაგავლახებს შენი გამჩენი, მაშენ მე ვიცი, რაც უნდა!

ამ სიტყვებით სოფიომ ხელი წამოავლო დიდ ქვას და გაეკანა ტიმოთესაკენ, რომელიც თავის ეზოში ლობესთან იღვა. გიორგიმ აქ-კი ველარ შეიკავა თავი. ცოლის ასეთმა საქციელმა მასზე დიდად იმოქმედა. ერთ წამს მან თავისი თავი შეურაცხყოფილად იგრძნო, სისხლი თავში აუვარდა და მთლად აირია. როგორღაც, თავისდა შეუმჩნეველად, მან იძრო ხმალი და თვალის ღახამხამებაში ტიმოთეს ეზოსთან გაჩნდა, სადაც ამ დროს ერთი ალიაქოთი იყო: ცოლი ემუდარებოდა ქმარს.

— ერთი ცახე უკან დეიწიე, მაგ შეჩვენებულს ნუ აყობი, რა ვიცი, ეშმაკს არ სძინავს!..

შეშინებული ბავშვები საზარლად ჰყვიროდნენ, მაგრამ ტიმოთე არავის ყურს აღარ უგდებდა, ის უძრავად ერთ ადგილზე იღვა. გიორგი მიუახლოვდა ტიმოთეს, ხმალი მოიშარჯჯა და ის იყო გულში უნდა ეძგერებინა მისთვის, მაგრამ ამ დროს

დიდმა როკის სარმა შეითამაშა ჰაერში და თავ-გატეხილი გიორგი თხრილში ჩაგორდა. მშობლებმა დიდის გაქირვებით შოაშორეს ამ ადგილს გაფითრებული ტიპოთე. „აა. შე... სიცოცხლე ხომ გამიმწარე და ახლა ჩემს ეზოშიც აღარ მაყენებ?“ ნაწყვეტ-ნაწყვეტად წარმოსთქვა მან, როდესაც სახლისკენ მიჰყავდათ.

ამ შემთხვევის შემდეგ გიორგი მთელი თვე გარედ აღარ გამოსულა. „გათაყვებულია, ერთ დღეს მაინც შამომაკრება ში ყაძახიო“, იტყოდა ის ხშირად.

ვანო ათი წლის გახდა. ჯერ კიდევ შინაობაში „ანბანს“ სწავლობდა. ერთხელ გიორგისას სტუმრად ამოვიდა ოზურგეთიდან ერთი შორეული მოყვარე ქალი. ამ მანდილოსანმა მეტად გაიკვირვა, რომ ამოდენა ბავშვი მშობლებს აქამდე სკოლაში არ მიღებარებინათ.

— ვაი, მასი ქირიმე, რამხელა გაზდილა! — დაყვავებით უთხრა მან ვანოს. — კი, მარა აი ბალანაი კლასში რეიზა არ შეიყვანეთ აქამდე? რას უყურებთ ნეტაი? — იკითხა სტუმარმა.

— სოფიოს რომ კითხო, ჯერ აღრეაო. რაფა დაგიჯერებს რამეს, თუ რა გინდა! — სთქვა გიორგიმ.

— ჩემს მტერს დიემართა აი, ბატონო! — განაგრძო სტუმარმა. — ამხელა ბაღნები ახლა მეორე და მესამე აღანაღლიაში არიან და თქვენ კიდო აღრეაო, იძახით. ახლავე მიეცი თხოვნა და ენკენისთვეში მიიღებენ, — მიუბრუნდა ის გიორგის: — მაგას ჩემს იქით არსად არ გუუშობ და ხარჯსაც არ გამოგართუმ. ნეტაი მაგისი სტაფლა-კი მეღირსებოდეს და რაფა დაეზოგავ რამეს! ხომ-კი ისტაფლი, ნენა, კლასში — დაეკითხა ვანოს.

როგორც იყო, მშობლებმა გადასწყვიტეს შეილის ოზურგეთში გასტუმრება. ენკენისთვეში ვანო მიღებულ იქნა სამოქალაქო სასწავლებელში. საცხოვრებლად ბავშვი, რასაკვირველია, დააყენეს მოყვარე ქალისას, რომელმაც, რაკი სიტყვა საქმეზე მიდგა, ერთი-ორად მოითხოვა ხარჯის თასო, თითქო სრულიად დაავიწყდა თავისი დაპირებაო. გიორგიმ

ყველაფერი აღუთქვა, ოღონდ „ბალანას კარგად მოხედეო.“ ვერიჩკამ (ასე ეძახდნენ მოყვარე ქალს), თუმცა დიდად დააიმედა გიორგი, მაგრამ თავისი მოვალეობა სრულიადაც არ შეასრულა. ბავშვი ხეირიან საქმელსაც-კი მოკლებული იყო. მასპინძელი ხშირად გზავნიდა პატარა მოსწავლეს თავის საქირაობისათვის: ხან ლუქანში. და ხან „საპარასკეოზე“. აქ ვანომ ჩქარა გაიცნო ხილით მოვაჭრე ბიჭები; რომლებთანაც ის ხშირად მოდიოდა, მათთან თამაშობით ერთობოდა. აქ მას მოჰქონდა სხვა და სხვა სახელმძღვანელო ნივთები და ხილულობაში სცვლიდა.

ვანო ბუნებით ნიჭიერი ყმაწვილი იყო, მაგრამ სკოლა იმ თავიდანვე შეიძულა. გაკვეთილებს ხშირად აკლდებოდა, ხან რას მოიმიზეზებდა და ხან რას. სამი წელიწადი დაჰყო მან ერთსა და იმავე კლასში. ბოლოს დედ-მამას გამოუცხადა: „მე სასულიერო კლასი მიჩნონია, იქინეი უფრო ვისწავლიო.“ ამაზე მშობლებიც დასთანხმდნენ და ვანო სასულიერო სასწავლებელში მიაბარეს.

— ჩემი ბატონი, რეიზა გამეიყვანეთ ვანო სახორციელ კლასიდან? — ჰკითხა სოფიოს ერთმა გლეხის ცოლმა, რომელიც შვილის გაგზავნას აპირებდა ოზურგეთში, სასწავლებელში მისაბარებლად.

— ბეჩა, სახორციელო კლასი რათ ვარგა! — მიუგო სოფიომ: — კლასების მაგიორად იქინეი ადანალიებია, პაწანი სტავლაა. ჩვენ იქინეი-კი არ შეეიყვანდით ბალანას, მარა იმ დაწყველილმა ვერიჩკამ მოგვატყუა. კლასი ხუცის კლასია! ოთხი კლასია და ძალიან დიდი სტავლაც არის; იქინეი ლაჟინურს ასტავლიან და სახორციელოში სადაა რამე!

მშობლების იმედი არ გამართლდა: სასწავლებლის გამოცვლამ საქმეს ვერ უშველა. ვანომ ვერიჩკას თავი დაანება და რამდენიმე ამხანაგთან ერთად ცალკე სადგომი დაიჭირა ერთს მახლობელს სოფელში და თავის ნებაზე დაიწყო ცხოვრება. ამ დროს ვანომ ბევრი უკუღმართობა ჩაიდინა. მეზობლები არ ემაღლიერებოდნენ მას, სასწავლებელშიაც ცუდის თვალით უყუ-

რებდნენ. არა ერთი და ორი გლეხი მისულა სასწავლებლის უფროსთან და შეუჩივლია მისთვის: „თქვენმა უჩენიკებმა ძალიან შეგვაწუხეს, ერთის სიტყვით, ყანაში სიმიინდი აღარ შეგვარჩინეს და ხეზე ყურძენიო.“ დამნაშავეთა მოთავედ უფრო ხშირად დავლაძეს ასახელებდნენ. არც ერთი ბურთის თამაშობა „ლანველოს“ მინდორში ისე არ გათავებოდა, რომ ვანოს ვისმესთვის ჩხუბი არ აეტეხნა. ამასობაში მან მთლად აიკრუვა გული სწავლაზე.

— რაა, ბაბა, ვუშინდელმა შესულმა ბაღნებმა რომ წინ გაგისწრეს! აღარ გცხონია? — უსაყვედურა ერთხელ შეიღოს გიორგიმ.

— უჩიტლები მემტერებიან და მე რა ვქნა! ყოლიფერი ვიცი, მარა მაინც არ გადამიყვანეს, — მიუგო ვანომ.

სამოსწავლო წელიწადი გათავებული იყო, ზაფხული იწყებოდა. კვირა დღეს სასწავლებელში შეკრებილს მოსწავლეებს საპედაგოგო საბჭოს დადგენილება წაუკითხეს და ნიშნებიც დაურიგეს. ვანო უკმაყოფილო დარჩა ცუდის ნიშნებით. მან მასწავლებელს შეურაცხყოფა მიაყენა სიტყვით. თანაც დაემუქრა და ქუჩაში გამოვარდა. ამის შემდეგ ზეორე კლასის მოსწავლე, 18 წლის ვანო დავლაძე, დათხოვნილი იქმნა სასწავლებლიდან, როგორც „უნიქო“ და ცუდის ყოფა-ქცევის შეგირდი. სოფიო და გიორგი სრულიად დარწმუნებულნი იყვნენ, რომ იმათს შეიღოს მასწავლებლები ემტერებოდნენ და ამიტომ ვანოს საქციელი არაფრად გაჰკვირვებიათ.

— შე ქე ვთქვი, ხუცის კლასი არ ივარგებს-მეთქი, მარა შენ დუუჯერებ კაცს! — უსაყვედურა ცოლს გიორგიმ. — ხორციელო კლასში რომ ყოფილიყო ბაღანაი, იგი არ ჯობდა? სტავლა არააო, დეიჩემა!

— ასეი იცი შენ! თუ რამე წახდა, მე დამაბრალებ მუჰეინათე! მაშეინ სად იყავი, თუ ყოლიფერი იცოდი? ვერ შეიტყვე კარგად, რაფერ იყო! — გაჯავრდა სოფიო.

III

გავიდა სამი წელიწადი. ვანომ, სასწავლებლიდან გამო-

სგლის შემდეგ, ბათუმში წასვლა მოისურვა. აქ ის რამდენიმე თვე უსაქმოდ ცხოვრობდა. თითონაც არ იცოდა, რისთვის ჩამოსულიყო ბათუმში. შრომა და სამსახური მას არა სურდა. მშობლებს-კი სწერდა: „ამ პატარა ხანში სამსახურში მიმიღებენ, მარა ჯერ ფული შეიჩია და რაცხაფერაი აღრე გამომიგზანეთ, თვარა საქმე დამიკბოლდება.“ გიორგის და სოფიოს სჯეროდათ შვილის სიტყვები. თავის სარჩო-საბადებელს ჰყიდნენ ცოტ-ცოტაობით და ვანოს ფულს უგზავნიდნენ. „ღმერთმა თუ იმის ჩინონიკობა-კი მომასწრა, მერე რალა მიჭირს, ადგილსაც-კი იყიდის და ყოლიფერს,“ ამბობდა სოფიო. მაგრამ ვანო ამაზე სრულიადაც არა ჰფიქრობდა; ის მხოლოდ იმის ცდაში იყო, რომ დღე და ღამე ლხინსა და ქეთფში გაეტარებინა ახლად გაცნობილ ანხანაგებთან ერთად.

ვინ იცის, რა მოუვიდოდა ვანოს ბათუმში (იქნება საპყრობილეშიაც-კი შებრძანებულიყო), რომ ამ დროს, მოულოდნელად, დეპეშა არ მიეღო მამისაგან, რომელიც აუწყებდა მას დედის ავადმყოფობას და საჩქაროდ სახლში იწვევდა. ვანომ დედას ვეღარ მოუსწრო ცოცხალს. სოფიომ სიკვდილის წინად მოიხ'ო ქმარი და უთხრა: „შენ იცი, რაფა მიხედავ იმ ბალანას, კარგა შუუწყვე ხელი და კაი მზითვიანი ქალი შერთე, ფუტი არ გააკვივო.“

ვანო, მამის თხოვნით, სახლში დარჩა და ვითომ ოჯახობას მიჰყო ხელი, მაგრამ უფრო დასაძინებლად თუ მოდიოდა შინ, დანარჩენ დროს-კი მეზობლებში ატარებდა. ხშირად ოზურგეთში მიდიოდა და ხან-და-ხან მთელის კვირაობით. იჭრჩებოდა...

ერთს კვირა დღეს გლენს სამსონ ტარაძეს ნათლობა ჰქონდა. სამსონ კარგათ შეძლებული გლეხი იყო: საკმაოდ მოზრდილი ოდა, ორი სამხარეულო სახლი, ბელელი და ნალია ეზოს უმშვენებდნენ. სამსონი წინედ ვაქრობდა ოზურგეთში და ერთს დროს შეძლებულ ვაქრადაც ითვლებოდა. ამ დროს მან შეირთო აზნაურის ქალი, მაკრინე. მაგრამ ვაქრობაში სამსონს ბედმა მალე უღალატა; ის ერთობ გადიარებდა. მაშინ ვაქრო-

ბას თავი დაანება და ოჯახს მიუბრუნდა. მერე სოფლის მამასახლისად იქნა არჩეული. ამ თანამდებობაში კარგად მოითხო ხელი, მაგრამ აღრე გაუგეს ეშმაკობა და გამოცვალეს. ახლა ის იჯარებს იღებდა, გზებსა და ბოგიერებს აკეთებდა. ამისთვის საჭირო იყო ვინმე „ფულიანი კაცი“, რომელსაც გაქირვებაში დახმარება შესძლებოდა. ამისთანა კაცად სამსონმა აირჩია ნიკო კანლაძე. შვილი ტიმოთე კანლაძისა.

ტიმოთემ თავისი უფროსი შვილი, 12 წლის ნიკო სასოფლო სკოლიდან გამოიყვანა და ოზურგეთში ერთს ვაჭარს მიაბარა.

— შენი ღვთის გულიზა აი ბალანაი გამიზარდე, ვაჭრობაში გამოაჩვიე და ხუთი-ექვსი წელიწადი ტყუილი იმსახურე; ეგება რამე დროში კაცი შეიქნეს, — შეევედრა ვაჭარს ტიმოთე.

ვაჭარმა მიიღო ბავშვი და დაჰპირდა ტიმოთეს, თუ ყოჩაღად იქნება და ბეჯითობას გამოიჩენს, სამი წლის შემდეგ ჯამაგირსაც დაუნიშნავო.

— შენ იცი და შენმა ღმერთმა! მე ერთი საწყალი კაცი ვარ და მაგ სიკეთეს ღმერთი თუ გადაგიხდის, თვარა მე სად შემიძლია! — უთხრა გახარებულმა ტიმოთემ.

ნიკომ ჩქარა შეისწავლა ვაჭრობის წეს-რიგი; ის ყოველთვის მკვირცხლად, ბეჯითად და დაუზარებლად ასრულებდა ბატონის ბრძანებას. ნიკო ვაჭრობაში კარგად გავარჯიშდა, მაგრამ ამასთან ბევრი არა-სასიამოვნო თვისებაც დასჩემდა. ამხანაგების წახედვით მან კარგად შეამჩნია, ვისგან შეიძლებოდა უვარჯისს საქონელში მეტი ფასის აღება. მან იცოდა, რომ სოფლელი ვერ არის დახელოვნებული ვაჭრობაში და სწორედ ამით სარგებლობდა ჩვენი პატარა მოვაჭრე და სრულიად უბრალო ნივთსაც კი მამასისხლად ასაღებდა. ამ ხერხს ხშირად ხმარობდა ის, რომ თავის „ხაზინის“ ყურადღება მიეპყრა. ამ უკანასკნელსაც მოეწონა ნიკო და ორი წლის შემდეგ ჯამაგირი გაუჩინა. ნიკო სულ იმაზე ოცნებობდა, რომ „ფულიანი კაცი“ გამხდარიყო როგორმე. ის შეეჩვიო

უფროსებთან თავის მოკატუნებას, მათდა სასიამოვნოდ არა-
ფერს არ დაიშურებდა. წერა-კითხვა ნიკომ სასოფლო სკოლა-
ში შეისწავლა, მაგრამ ახლა ამაზე აღარ ფიქრობდა, წიგნს
ხელშიაც არ აიღებდა. ხუთის წლის შემდეგ ნიკო, უკვე ვაჭრო-
ბაში დახელოვნებული ახალგაზდა, ბათუმში გადავიდა. იქ
ერთ მდიდარ ვაჭართან კარგს ჯამაგირში დადგა და შემდეგ
მასვე გაუამხანაგდა. დღეს ნიკო 27 — 28 წლის ახალგაზდა
კაცი და თავის საკუთარი ვაჭრობა აქვს ბათუმში. იმას ჯერ
დიდი შეძლება არა ჰქონდა, მაგრამ თავის გამოჩენა კი დი-
დად სურდა. ბავშვობიდანვე შესისხლბორცებული ჰქონდა ის
აზრი, რომ „მტერის ჯინზე კაცი“ გაშხარაიყო და ეხლს
ცდილობდა ქვეყნისთვის დაენახებინა, თუ რამდენად მდიდარ-
ი და შეძლებული იყო. ამიტომ ნიკო, შინაობაში თითქმის
ქუნწი კაცი, გარედ, „ქვეყნის შესახედავად,“ ყოველთვის თავ-
ზომწონედ გამოდიოდა. ის უფრო ევროპულ ტანსაცმელს
ხმარობდა.

აი, სწორედ ეს ნიკო გახლდათ ნათლია ს. ტარაძისა.
სტუმრები აივანზე ისხდნენ და ნიკოს მოსვლას ელოდნენ.
შეკრებილ საზოგადოების ყურადღებას იქცევდა ახალგაზდა
ქალი. ნინო ბედაძისა. მართლაც სასიამოვნო სანახავი იყო
ეს ტურფა, მშვენიერი სახის ქალი; მისი მიწვილი, კეთი-
ლი თვალები გონიერად გამოიყურებოდნენ და რაღაც სანე-
ტარო სინათლეს აბნევდნენ გარშემო. გიშრის თმის ნაწნავი
ბეჭს უშვენიებდა. მას ეცვა სადათ, თითქმის ლარიზად, მაგ-
რამ ისეთის მოხდენით, რომ სხვა, უფრო მდიდრულად ჩა-
ცხული მანდილოსნები უნებლიედ რაღაც უხერხულობას
გრძნობდნენ. ნინო იყო დისწული სამსონის ცოლის მაკრი-
ნესი. ნინოს მამა, მაქსიმე, ერთ დროს კარგა შეძლებული
აზნაურ-იშვილი იყო, მაგრამ სხვა და-სხვა გარემოებათა წყა-
ლობით, უმეტესი ნაწილი იმის მამულისა ვალში გაიყიდა.
ეხლა მაქსიმე სოფლად, თავის პატარა მამულში, ლარიზად
ცხოვრობდა. ის ადრე დაქვრივდა, მაგრამ, ცოტა ხნის შემ-
დეგ, ისევ დაქორწინდა. პირველ ცოლისაგან მას დარჩა ქალ-

გაგი: ნინო და იმისი უმცროსი ძმა. ნინომ ჩინებულად დაასრულა ოზურგეთის საქალგობა სკოლა.

სამსონის სტუმართა შორის ჩვენი ნაცნობი ივანე დავლაძეც იყო, რომელსაც დღეს არაჩვეულებრივი აღელვება ეტყობოდა: ის მოუსვენრად აღგზნებდა თვალს ნინოს, ყოველ მის მოძრაობას. ვანო კარგად იცნობდა ნინოს. იყო დრო, როდესაც მას ეს ქალი მარტო უნის მოსაკლავად უნდოდა, მაგრამ ნინოს რამდენიმე შეხვედრამ, მისმა წყნარმა, მშვიდობიანმა სახემ და ღირსებით საესე მიხერა-მოხერამ სულ სხვანაირად შესცალეს ივანეს გული. ერთ დღეს „სათამაშოში“ ვანო საცეკვაოდ გამოვიდა და იქვე მდგომი ნინოც გამოიწვია; ესეც გამოპყვა და თავისი მომხიბლავი თვალები ყმაწვილ კაცს მიაპყრა. ვანო უნებლივ შეკრთა, მას თითქოს შერცხვა თავისის უწინდელ განზრახვისათვის და უცბად რაღაც უცნობი გრძნობა დაებადა... ამ დღიდან მან გადასწყვიტა ნინოს შერთვა, მაგრამ როგორ? მანაც არ იცოდა, როგორ მოეხერხებინა ეს საქმე. ეჭვი არ იყო, რომ მაქსიმე ისეთს კაცს მიათხოვებდა თავის ქალს, რომლისაგანაც გაჭირვებაში დახმარების იმედი ექნებოდა. რასაკვირველია, უპირატესობას მისცემდა მდიდარს კაცს, თუ გინდ ეს კაცი მოხუცებული ან გლეხიც ყოფილიყო. მაშ რა ექნა ივანეს? ძალა ეხმარა? ამაზედ წინად იქნება არც კი დაფიქრებულიყო: „ქალი, ვინც უნდა იყოს, რაღა ვერ ჩევიგდებ ხელშიო,“ არა ერთხელ უთქვამს მას, მაგრამ დღეს ამაზე ფიქრსაც კი ფრიდებოდა. საკვირველი იყო ამ კაცის მდგომარეობა: ყოველთვის და ყველაფერში გაბედული და შეუპოვარი ამ ეამად სრულ უღონობას და, ასე გასინჯეთ, რაღაც დამცირებასაც კი გრძნობდა. „ვინ იცის, როგორ შეხედავს დღეს ნინო ნიკო კანლაძეს; იგი ხომ მდიდარი კაცია და კიდევაც ეცდება მოაწონოს თავი ყველას,“ ჰფიქრობდა ვანო. მას სძულდა და ეგაფრებოდა ნიკო, რომელიც ბათუმშიაც ბევრჯერ ენახა. ასეთის იქნებით იტანჯებოდა ვანო. ის დადუმებული იჯდა, თუმცა სხვა სტუმრებს ამ დროს გაცხარებული ბასი ჰქონდათ. „ფული! მი საჩქაროდ ფული უნდა ვიშოვო.

და მაშინ ყოლიფერს ვიზამ,“ გაუელვა მას უეცრად. ამასობაში ნიკოც მოვიდა, მის დანახვაზე ივანე შეეკრთა და უსიამოვნოდ შეეკრეოლა, მაგრამ თავი შეიკავა. მასპინძელი ბიგება ნიკოს. აივანზე სტუმარს ნათლადედა შეხვდა.

— ჩემს სტუმრებს ყველას ვერც ქე იცნობ შენ!— ჰისალშების შემდეგ უთხრა მან ნიკოს.

— ვისაც ვერ ვიცნობ, იმასთან რეკამანციას გამიწევთ, იმედია, — მიუგო ნიკომ.

— კი, ბატონო, შენი კირიძე! — წარმოსთქვა მაკრინემ და სტუმარი ნინოსთან მიიყვანა: — ეს ჩემი დისწული გახლავს.

ნიკომ თავი დაუკრა და ხელი ჩამოართვა ნინოს. ჰერგ სხვებსაც სალამი მისცა

— რა ამბავია, კაცო, ამდენს ხანს რომ გვატოიე! ჰაწია აღრე არ გეკადრებოდა მოსვლა, სილოური დიდი კაცი ხარ შენ! — ძალ-დატანებულის ხუმრობის კილოთი უთხრა ნიკოს ივანემ.

— შენთან კი ვარ უკაცრავად! — მიუგო მას ნიკომ ისეთი მდიდურის ღიმილით, რომელსაც ზოგიერთები ხმარობენ, როცა უნდათ ვისიმე დამცირობა. ეს ღიმილი კარგად შეამჩნია ვანომ და აენტო.

— უკაცრავად კი ხარ, ყაძახო, მეტი თუ არაფერი! — წარმოსთქვა ივანემ გაბრაზებით. ნიკომ ოთახისაკენ გასწია, თითქო არც კი გაუგონია ივანეს უკანასკნელი სიტყვები. პატარა ხანს სიჩუმე ჩამოვარდა. ყველანი უხერხულეებას გრძნობდნენ.

— აბა ჩვენ ქე შევეუდგეთ აწი საქმეს! ნეტაი წყალი თუა მზად? — იკითხა მღვდელმა.

— კი, ბატონო, რახანია მზათაა ყოლიფერი! — მიუგო სამსონმა.

ბავშვი მონათლეს. ნიკომ მშვენიერი ოქროს ჯვარი დაანათლა ყრმას და ნათლიდელსაც კარგი საჩუქრები მიართვა. „ნეტაი რა დაანათლა?“ წასჩურჩულა ერთმა მანდილოსანმა მეორეს. „რა ვიცი, რაცხა კი შეინახეს შეხოული და არ ჰინახავს,“ მიუგო მეორემ.

ამასობაში სუფრაც გაშალეს და სტუმრები სადილზე მიიწვიეს.

— აგერ მობძანდი, ნიკო! — წარმოსთქვა მასპინძელმა და საპატიო ადგილი ანიშნა ნათლიას.

— მობძანდი, მობძანდი! — დაუმატა მღვდელმა, რომელსაც სახეზე კმაყოფილება ემჩნეოდა. — შენ პატივსაცემი კაცი ხარ.

ყველანი რიგ-რიგად დასხდნენ. სადილი მხიარულად დაიწყო. ჩქარა გაიხმა მწყობრი „მრავალ-ქაშიერ“.

— ერთი მოკვარე კაცი მყავს ბათომში, თუ იცნობ, იფლიანე მ—ძე, ნეტაი რას შობა? — დაეკითხა ნიკოს ერთი სტუმართაგანი.

— რა უკირს, ქია კარგათ, — მიუგო ნიკომ.

— მაგინი რეიზა არ იქნებიან კარგათ, თუ ღმერთი გწამს! ფული მაგენს არ აკლია, თეთრი და საქონელი, რა ენატრებიან ღვთის გაჩენილი! — დაიწყო სამსონმა.

— ახლანდელ დროში ფული ვისაც აქ, კაციც იგია, — დაემოწმა მასპინძელს მეორე სტუმარი.

— ოჯო, ცარიელი ფულიც აფერი არაა, თუ კაცი თვითონ არ ვარგა და პაწია განათლება არ ახლავს! — შენიშნა მესამემ.

— ნეუყელი შენ უფულოდ გააკეთებ რამეს, კაი განათლებულიც რომ იყო? — თავმომწონედ დაიწყო ნიკომ: — შეძლება თუ გაქ, განათლებულიც მაშინ ხარ. რაფა, რას უძახი შენ განათლებას? იგი კაცი კას ჭამს, კას სვამს, კარგად აცვია და ახურავს, მტერს რიგიანად დაუხვდება და მოყვარენს, ერთის სიტყვით, განათლებული ცხოვრება აქ. ფული რომ არ ქონდეს, ამას ხომ ვერცეთს ვერ იზამს? ბევრი ვიცი მე ამისთანა კაცი, რომ განათლებუოად მოაქ თავი და მქალი ქვ ენატრება!

— აბა მე გეტყვი შენ, — დაიწყო ივანემ ათრთოლებულის ხმით: — კაცი თუ ჩამომავლობით ჯალაბია, იმას ვერც

ფული მუარჯულებს და ვერც ვერაფერი. კისრამდი ოქროში რომ ჩასვა იმისთანაი კაცი, მინც თავის ზნეს არ შეიშლის.

— კი, მარა ამ ცარიელმა, გაფხეკილმა აზნაურიშვილობამ რა მოუტანა ვინმეს? ვინ უყურებს ახლა ჩამომავლობას! რამდენია იმისთანაი აზნაური, რომ მკადს არ წაუტეხს კვლად, ორი კაპეიკიზა ცოლ-შვილს დააწინდრებს. კი ხანია წყვიდა უწინდელი დროი! ახლა კაცი იგია, ვინც თითონ ვარგა, ვისაც რამე გააჩნია. მარტუაი აზნაურიშვილობა სულ აფერი არაა, იგი ტყულაი არ თქვას ვინმემ! — ცხარობდა ნიკო.

ამ სიტყვების გაგონებაზე ივანეს ფერი ეცვალა და თვალებმა ბოროტად გაუფლვეს. მღვდელმა შეამჩნია ეს და, ლაპარაკი რომ უფრო არ გამწვავებულოყო, სთქვა:

— ბატონებო, კმარა ამაზე ლაპარაკი! კაი კაცი აზნაურიც ბევრია და მსახურიც. დღეს ნათლობაა და მხიარულება უგემართებს!

— შენ დაგლოცა ღმერთმა, მამაო! ამას არ ვჩივი მეც! — შენიშნა სამსონმა. — აბა, მომეხმარეთ, თქვით ერთი სიმღერა! — მიმართა მან ახალგაზდა ბიკებს, რომელნიც სუფრის ბოლოში ისხდნენ და პირველი ხმა თითონვე დაიწყო.

სიმღერა გაჩაღდა, კიჟინაც ზედ დაერთო. სტუმრები კარგა შეზარხოშდნენ. თამადამ ხუთი მოზრდილი ჭიქა დაამწკრივა. თფშზე, სუყველა ღვინით გაავსო. ჯერ თითონ დაცალა, მერე ისევ გაავსო და ივანეს მიაწოდა. ივანემ ღვინო დალია.

— მე ნიკო კანლაძესთან ვარ ალავერდი, — სთქვა მან და ღვინით სავსე ჭიქები მას გაუგზავნა.

— მე ვერ გაიხლები მაგ ღვინოს, ტყულაი ირჯები! ახლა აღარ მწყურია! — სთქვა ნიკომ.

— მე კი მწყუროდა, რომ დავლიე?

— იგი არ ვიცი მე! აღბად გინდოდა და იმიზა დალიე. მე ხვალეც ვიშონი ღვინოს და ვისაც ენატრება, იმან ჩერი ჩვეს შით!

— ბევრს ნუ ლაპარაკობ, თვარა მაგ ჭიქებს დაგაფჩხენი თავზე! — შეუტია ბრაზ-მორეულმა ივანემ.

— რა საკადრისია, ივანე, მაგისტანაი პასუხი, ღმერთმა ჩემს მტერს დამართოს აი! — შენიშნა წყენით მაკრინემ.

— დელიშენის შვილი ხარ და გაბედავ რამ...

ნიკომ სიტყვა ველარ დაასრულა: თვალის დახამხამებაში ივანემ ღვინით სავსე ბოთლი შიგ თავში მიარტყა. ნიკო იქვე, სკამზე, გადაიქცა და თავ-პირი სისხლით შეეღება. ერთი ალიაქოთი შეიქნა. ივანეს მისცვივდნენ, მაგრამ ის რევოლვერით ხელში იდგა და გააფთრებული ჰყვიროდა: „არ მომეკაროთ სიხლოვეს, თვარა სულს გაგაგდებინებ, ვინც მოხვალ, მაგ წუწკს გავათავებ ბარამლაი!“ ნიკო გამოეყრკვა, ფეხზე წამოდგა და ივანესაკენ გაიწია, ვითომ სამაგიეროს გადახდას უპირებდა. ივანე ისევ გაშმაგებული ჰყვიროდა: „გამუუშვით ერთი, გამუუშვით, გავაპობ შვაზე მაგ ძაღლს!“ ნიკო მეორე ოთახში გაიყვანეს, იარა შეუხვიეს და დააწვინეს. ყველანი სწუხდნენ, თავზე აღგნენ მას. ამით ისარგებლა ნინომ და, მიუახლოვდა რა ივანეს, დაყვავებით უთხრა მას:

— ჩემო ივანე, თუ ღმერთი გწამს, ამ წუთში წადი სახლში, აქ ნუ მოიციდი, ჩხუბი რა საჭიროა!

ივანე ერთბაშად მოლბა.

— აბა მაგისტანა ყაძახს რაფა შევარჩენ თავის აგდებს! — სთქვა მან.

— კიდევ გთხოვ, ეხლავე სახლში წახვიდე, — განუმეორა ნინომ.

— მე წავალ, ნინო, შენი თხოვით, მარა შენც უნდა წახვიდე აქედან და შენ თუ მეიცადე, მაშინ მეც აქანაი დავრჩები, იცოდე, და ვინცხას კი მოვკლავ დღეს! — წარმოსთქვა ივანემ მღელღარებით.

ნინო დასთანხმდა, მაგრამ მათი ერთად წასვლა მოუხერხებელი იყო, ამიტომ ივანე პირველი უნდა წასულიყო. ამასობაში ოთახიდან საშსონიც გამოვიდა.

— უმაღლრი გამყოფა ღმერთმა, ივანე დავლაძე, რაფერ

შენ წამამწარე დღემანდელი დღეი! თუ დალიე ორი ქიქა ლეინო, ქე გადირევი, გახელდები, უჩხუბრად და უდავიდარაბოდ ველარ გაჩერდები! რა ღმერთი გამიწყრა მე, შენ რომ დაგპატიე!—უსაყვედურა მან ივანეს.

— დეიკარგა საცხა შენი დაპატიებება და შენი თავი, შეჯალაბ გადათრეულო! ძალიანიც რომ შემეხვეწო, მე კი მოვალ აწი შენსას? შენ შენისთანაი მუტაკიეი გინდა! ყაძახი ღორის ქყანში ხარ ყვალაი მონათლული. აქანაი აფერს გიჩივი და სხოვან მე ვიცი!—სთქვა ეს ივანემ და შინისაკენ გასწია.

ივანეს წასვლის შემდეგ სამსონ ლანძღვა-გინებას და მუქარას მოჰყვა:

— მაგისტანა ნადირს რავე ჩამუეშობს კაცი ეზოში! მარა მაცალოს, მაგიორი თუ ვერ უქნა, მაშინ მისი ფეხები დამაბანიოს და ახლა რაღაი!

— ღმერთი დალუპავს და შიაჩვენებს იმ გადათრეულს, იმ წუწკს იმას! დედო კვესკნელი რომაა, იქინეი წევრდა იგი დღეისწორამდი, ღმერთის წყალობით, მე თუ იგი ამას არ მემართლებოდეს!—ბანს ეუბნებოდა ქვარს გაკაპასებული მაკრინე, რომელიც ის იყო აივანზე გამოვიდა სისხლში მოსვრილ პირსახოკით ხელში და წყლისკენ გაეშურა.

— რომ თქვას კაცმა, არც იგი თქვენი ნიკო ყოფილა თლა წმინდა წყალი! აუშვია თავი და რას ლაპარაკობს, არ იცის! ვითამ ვინ მუუთმენდა, რაც იმან დღეს იცბედა? ახიც იყო იმაზე!—სთქვა ნინომ და სახეზე ოდნავ წამოწითლდა.

სამსონ სახტად დარჩა: ის არ მოელოდა ნინოსაგან ივანესადმი თანაგრძნობას. „მაგენს რაცხა კი აქ ერთმანეთში“ გაიფიქრა მან.

— ტყუილი იყო, რაც უთხრა, თუ?—დაბნეულად წარმოსთქვა სამსონმა და სახლში შებრუნდა.

IV

ივანემ დამე მოუსვენრად გაატარა, იმას ექვი არჩობდა: ნინო და ნიკო ფიქრისაგან არ გაშორებიან მას.

— რა ქენი, გუშინ, რაეაი მაინძელი იყო სამსონაი? —
დაეკითხა შვილს გიორგი მეორე დილით.

— რაეაი და იგი! ყაძახის მაინძლობა კაი შვილია! — სთქვა
უგუნებოდ ივანემ, — ჯალაბი მისდღემში ჯალაბია! მარა იმის
დარდი არ მაქ, რაც იყო-იყო, დან ერთი რაცხა უნდა გითხრა.

— რაა, ბაბა?

— რაა და ნასახლევეზე რომ მიწაა, იგი უნდა გავყიდოთ.
ახლა რომ ერთი ოცდახუთი თუმანი არ ვიშოვნო, არ იქ-
ნება, იმისთანაი საქმე მაქ!

— რა საქმეა ახლა იმისთანაი, ოჯო? აი ადგილი ამა-
სობაში ქე ჩაგელია ხელში! საქმელი მქადი აღარ გვექნება,
თვარა სხვას ვინ ჩივა! — სასოწარკვეთილებით შენიშნა გიორგიმ.

— მქადი თვარა გაჭაკეთებს იგი მქადი, მე ვიცი! მეტ-
რალა გინდა ქვეყანაზე! ღლამა-კი წააკტა ამისთანა სიცოც-
ხლეს! ერთი თუმანი რომ გინდოდეს, იმას ვერ იშონი, ქვე-
ყანა რომ დეიქეს! — წამოიძახა გაჯავრებულმა ივანემ და
ეზოდან გავიდა...

ათი დღის შემდეგ გურიის ერთს სოფელში შემადრწუნე-
ბელი ავაზაკობა მოხდა: საკუთარ სახლში მოჰკლეს ერთი მე-
მამულეთაგანი, რომელსაც ფულიანი კაცის სახელი ჰქონდა
გავარდნილი. ეს საზიზლარი კაცის-კვლა მოხდა ღამით, როცა
მთელ სოფელს ეძინა. სახლის პატრონის გარდა სასიკვდილოდ
დაქრეს მისი მსახური ბიჭი, რომელიც გზაზე გადაელობა ბო-
როტგანმზრახველთ და სახლში არ უშეებდა მათ. მსუბუქათ
დაქრილნი იყვნენ აგრეთვე ზემამულის ცოლი და მისი ორი
ქალი. ამ აღშფოთებელმა ავაზაკობამ მთელი სამაზრო აღმი-
ნისტრაცია შესძრა. დაპატიმრებულ იქმნა რამოდენიმე კაცი
და მათ შორის, ივანე დავლაძეც. ეს უკანასკნელი, როგორც
ამბობდენ, სამსონ ტარაძის „დანოსით“ შეიპყრეს. ივანე თა-
ვის გასამართლებლად ამბობდა: „მართალია მე იმ ღამეს შინ
არ ვყოფილვარ, მარა საქმე მქონდა, სხოგან ვიყავი“. აქ ის
ერთ კაცს ასახელებდა: „მე იგი ღამე იმასთან გავათიე, იგიც
შინ იყოვო“. მაგრამ გამოძიებამ აღმოაჩინა, რომ დასახელე-

ბული კაცი სწორედ იმ ღამეს, როცა კაცის-კვლა მოხდა, ქუთაისში იმყოფებოდა. აშკარა იყო, რომ ივანე სტყუოდა. ეს გარემოება, რაღა თქმა უნდა, უფრო სარწმუნოდ ხდიდა მისს დანაშაულობას. საპყრობილეში ივანე პირველად ძალიან დაღონებული იყო; იჯდა მუდამ თავ-ჩაქინდრული, დაღვრემილი და რაღაც ფიქრებში გართული. რაც დრო მიდიოდა, მას უფრო მოუსვენრობა და სიბრაზე ემატებოდა. თითქმის არავის არ ელაპარაკებოდა. გამომძიებელთან ხშირად დაჰყავდათ ის ჩვენების ჩამოსართმევად. ამას მოთმინებიდან გამოჰყავდა ივანე. როდესაც ის უკანასკნელად კიდევ მიიყვანეს გამომძიებელთან, ველარ მოითმინა და ჰკვახელ უთხრა მას:

— რა ამბავია, რომ აღარ მომასვენებთ? ერთს და იმავეს ათასჯერ მკითხავთ და მაინც ატფერი გეშველა თქვენ!

— მე თქვენ გირჩევთ, მოთმინება იქონიოთ და თავდაქერილად მოიქცეთ! — მიუგო გამომძიებელმა.

— თავდაქერილად, თვარა თავი არ გაშავდებო აქანაი! რას მიზამ, თუ იცი? შენ ღმერთი გგონია შენი თავი! შენისთანაი ათასი ჩამოთრ...

— მოწყალეო ხელმწიფე! — შეჰყვირა მოთმინებისაგან გამოსულმა გამომძიებელმა, — ნუ დაიფიწყებთ, რომ გამომძიებლის კამერაში ხართ და ვალდებულობა გადევთ, ყოველს კითხვაზე დამწვიდებით მომიგოთ პასუხი!

— სრულებით არაფერის ვალდებული არ ვარ ქვეყანაზე! ისე, თუ მაინდამაინც გინდა, ამ ერთი გზობა კიდო მკითხე, მარა მეტს ველარ გაიხლები სწორეთ! რაც გინდებიან, იგი ქენით!

— აქ არის ერთი კაცი, — განაგრძო გამომძიებელმა, — რომელიც უკვე გამოტყდა, რომ თქვენთან ერთად მონაწილეობა მიუღია იმ ბოროტ-მოქმედებაში.

ივანე გაფითრდა.

— მაგისთანაი კაცი ჯერ არ დაბადებულა ქვეყანაზე! — წარმოსთქვა მან დაბნეულად.

— ეხლავე გირჩვენებთ იმ კაცს, — სთქვა გამომძიებელმა

და თავის მწერალს რალაც ანიშნა. ამ უკანასკნელმა მაშინვე მეორე ოთახიდან ერთი ახალგაზდა პატიმარი შემოიყვანა, რომელსაც საპი თოფიანი ჯარის-კაცი შემოჰყვა.

ივანე ამოდ ცდილობდა გულგრილად დახვედროდა მოპირდაპირეს და თავისი აღელვება როგორმე დაეთარა.

— ამ კაცს იცნობთ თქვენ?—დაეკითხა მას გამომძიებელი და ახალ-მოსულზე მიუთითა.

— სულაც ვერა, მის დღემჩი არ მინახავს!

— ჰაი გიდი, ბიჭო!—დაიწყა ახალ-მოსულმა პატიმარმა,—ახლა ვეღარ მიცნობ და როიცხა მგზანიდი, შენიტყვე, შინ რის იქნება და რომელ ოთახში სძინავსო, მაშინ ხომ კარგათ იცნობდი გოგია ზა—ძეს! ვინ დეიწყა უწინ მაი საქმე, ვინ მუყარა ბიჭებს თავი, ვინ დალუბა ამდენი კაცი? შენ არ იყავი, რომ ჩიოდი, მაგას ვერათფერი კაცი ვერ შეგვიტყობს, მაინც ფირალს დააბრალებენო? ფულები ყველაზე მეტი შენ ჩეჩხრიალე ჯიბეში და ახლა მე დევიკარგო და შენ აქანაი ბრძანდებოდე! ვეღარ მოგართვი სწორეთ!

ივანე სულ აირია.

— ჩემთან კილო გაქ თქვენ რამე საქმე?—დაეკითხა ის გამომძიებელს.

— რას იტყვით ამაზე?

— მაი ყაძახი... გალახული მყავს მე... სხვაი რომ ვფერი მაწყინა, ახლა ამით უნდა გადამიხადოს... მარა... მაგას არ შერჩება მაი!..—ნაწყვეტ-ნაწყვეტად წარმოსთქვა ბრაზ-მორეულმა ივანემ და მრისხანედ გადახედა თავის მოპირდაპირეს.

გამომძიებელმა ჯარის-კაცთ ანიშნა და ივანე ისევ საპრობილეში წაიყვანეს.

სამსონმა დიდი კავშირი დაიქირა ნიკოსთან. ნათლიამ შიშატიყა მოყვრები ბათუმში, კარგად გაუმასპინძლდა მათ და შექდეგ პატივისცემით გამოისტუმრა შინ. მაკრინეს ძალიან მოეწონა ბათუმი: „ვისაც იგი არ უნახავს, იმას ცოცხალი ვარო, არ ეთქმის სწორედ: რა და რა სანახავეები იქი-

ნეია, იმას ენა და პირი რავე გამოთქვამს!“ ამბობდა ის კმა-
კოთილებით. გავიდა ორი თვე. ივანე სატუსალოში იჯდა.
ერთს საღამოს ტარაძეებს ნიკო ეწვია. სამსონ შინ არ იყო.

— რაა, ასეი ძვირი სტუმარი რომ ხარ ჩვენი? ასე
უნდა მოყვრობა?—უსაყვედურა ნიკოს ნათლიდედამ.

— რა ვქნა, მე-კი მინდა სულ აქანაი ვიყო, მარა რომ
არ მცალია, რა ვქნა?

— ოჯო! გული-გულობდეს, თვარა მოცლა აფერია!—
განაგრძო მაკრინემ.

— რომ ვერ ვახერხებ! ახლაც აგერ ტფილისიდან გამე-
ვიარე, თვარა სადაა მოცლა!

ჩაის შემდეგ ნიკომ დაიწყო:

— ჩვენ რომ რაცხა ვიცით, იმის-რა ქენი შენ დასტურ?

— რა ვიც, — სთქვა მაკრინემ და ეშმაკურად ჩაიციინა, —
ჯერ აფერია, მარა იმას-კი ვუაწყობთ ჩვენ, რავარც იქნება.

— ახლა იმაზე ხომ არაა! ქალი ათასი შეძლება მე აზ-
ნაურის და თავადისაც, ერთი-ერთმანეთზე უკეთესი, მაგრამ
მაი რაცხა უფრო ჩამიფარდა გულში. შენ რომ არ გეთქვა, მე
მაგას არ ვითქვებდი...

— აბა მე გეტყვი შენ, ნიკო! ოღონ ლარიბია, ლარი-
ბია, გვზითი არათფერი აქ, თვარა მაგისთანაი ქალი არაა ახლა
ამ გურიაში. იგი არ ვიცი სწორედ, ეგება ქე განაზდენ, მა-
რა ისეი უნდა მუვაწყოთ საქმე, რომ უარის თქმაი აღარ მო-
ხერხდეს. სხვებს რომ დევითანხმებდეთ რამე ნაირაჲ, მარტული
ცოცაი ვეფერს გახდება.

— აბა შენ იცი ეხლა, ჩემი 'ლაპარაკი რაღად გინდა!
ეგება ფული დარჩეს საჭირო და შემატყობიე, ნუ მომერიდე-
ბი. სსვაფერ ახლა რა ვიცი, თუ თლა აბდალი არაა ქალი,
რეიზა უნდა თქვას უარი: ვის წაყობა იმისთანას, რომ ჩემსა-
ვით არჩინოს იგი?

— ასეა, მარა, ხომ იცი, პაწია ნასტავლი ქალია და თუ
გაჯინიანდა, არათფერს დეიჯერებს. მარა რაც უნდა ქნას, შე
იმისთანა საქმეს მუუხერხებ, რომ მერე თვითონ შამომეხვეწოს.

მაკრინემ მეორე დღესვე გაუგზავნა. კაცი ნინოს და შეუ-
თვალა: „ჩემო ნინო, საჩქარო საკერავი მაქ და ხვალ რაცხა
ფერაი მომეხმარე.“

ნინო მოვიდა. მაკრინე მოეხვია მას, ჩაჰკოცნა და აღერ-
სით უთხრა:

— შენ დაგაცალა ღმერთმა, ჩემო ნინო! შენ რომ ახ-
ლა არ მოსულიყავი, საკერავი ქე დამირჩებოდა.

— ოჯო, რა დიდი საქმეა შანი, დეიდა, მეტი რა სიკეთე
შეგიძლია! აბა, რა გაქ საკერავი?

— რაცხა სამსონის ახალოხი მაქ; ბათუმში აპირობს
კვირიზა და მეჩქარება.

კერვა დაიწყეს.

— ერთ რაცხას გკითხავ, ნინო, და თუ ღმერთი გწაშს,
მართალი მითხარი, — დაიწყო მაკრინემ სადილის შემდეგ, რო-
ცა ორივენი მარტო დარჩნენ. — მე ნუფერს დამიძალავ, ღმერ-
თმა-კი იცის, მე რომ შენდა სიკეთე მინდა, ჩემს შეილებში
არ გამომერჩევი:

— რა იყო, დეიდა, თქვი, რაეა დაგიძალავ, თუ-კი სა-
თქმელია!

— რა ვიცი, ბალანაი ქალი ხარ, ეგება შეგრცხვენს.

— თქვი, ბატონო, რაცხაა და...

— გათხოვას არ აპირობ აწი?

ნინო ქარხალივით წამოწითლდა.

— დამეთხუე, ჩემი დეიდაი!

— დედავ, შენი ქირიმე, აბა რას შობი, ბატონო? რა
გიქირს, ვითომ დრო არაა თუ? მამა-შენი ღარიბი კაცია,
შვილები, ღმერთის წყალობა, სხვაიც ბევრი ყავს, ყველას
გაზდა და პატრონობა უნდა. ხომ იცი, რა ძნელია ახლანდელ
დროში გასათხუაქჲ ქალის შენახვა. მოვნახოთ ერთი კაი
კაცი, პატიოსნად რომ თავი გერჩინებოდეს განათლებულ
ადგილზე, იმისთანაი. მე მყავს ეგერ ერთი კაცი გამორჩეული
და შანი საქმე რომ მოხერხდებოდეს, შენ მერე ჩემი ლოცვის
მეტს აფერს არ იზამ სწორედ!

— ვინ არის, მაინც შევიტყო?

— ხომ იცი, რომ შენდა გლახას აფერს ვიფიქრებ. საწყალმა ჩემმა დამაც ისეი ჩამაბარა შენი თავი და სიცოცხლეშიაც სულ იმას მელაპარაკებოდა, რომ ჩემი ნინო ვინმე ხეირიანი კაციზა მიმატეპიეო. ჩემიანი რომ ხარ და შენდა კაი მინდა, იმიზა გეტყვი, თვარა ქალი ათასი ეძლევა იმას, ზოგი თავადის და ზოგი აზნაურის, მარა იგი ყველას ვარს უჩივა. შენ-კი იცნობ იმას.

— არ ვიცი სწორედ. ვის ჩივი.

— ნიკო კალაძეს.

— იმას მაინც არ წაყვეები, სულ რომ საშველი არ ქონდეს ჩემს საქმეს!— წარმოსთქვა ნინომ აღელვებით.

— დედავ! რა აქ იმას დასაწუნარი, ღმერთო, კი მომკალი!— გაიკვირვა მაკრინემ.— უი, რაცხა, შე დალოცვილო, იზაშდეს, თვარა...

— ქვეყნის უკეთესიც რომ იყოს, მე მაინც არ მინდა!

— ჰე ძალიანი მიკვირს შენი საქმე სწორედ! ნიკო კალაძეს ვინ ეტყვის ვარს, აღარ ვიცი მე! რა აკლია ღვთის გაჩენილი ქვეყანაზე? ისე განათლებულად შეინახავს იგი ქალს, რომ მგორე არ ეყოლებდა ტოლი. მის ბედს ძალი არ დაყუფს, ვინცხას იგი შეხთება. მე გეტყვი შენ, მდიდარი არაა თუ! მარტუაი ბათუმში ცხოვრება რად ღირს? ახლა ჩივი ასეი, თვარა მერე შენც ბევრს ინანებ!

ნინო საშინლად აღელდა, ზეზე წამოდგა და ათრთოლებულის ხმით უსაყვედურა მაკრინეს:

— დეიდა, ამიზა არ მოვსულუვარ მე აქანაი! რაა, რომ დამიჩემე აი ნიკო კალაძე და საშველს აღარ მაძლევ? ბაბას მჰადი-კი ეშონება, მე ხმელაი მჰადს ეჭამ და იმისთანა კაცს არ წაყუობი, რაც უნდა დამეპართოს. ვისაც უნდა, იმას ყავდეს იგი!

— ჯვარი გწერია, ბატონო, შენი ნებაა! მე ვიფამ კაი მინდოდა, — გულ-ნაკლულად წარმოსთქვა მაკრინემ.

ნინოს იმ ღამესვე უნდოდა სახლში წასვლა, მაგრამ მა-

კრინემ არ გაუშვა: „რა გეჩქარება ამ შუალამეზე. ამელამ დარჩი აგერ და ხეალ დილას, გრილის სულზე, ქე წახვალ, თუ მაინცადამაინც საშველი არაა აქ. ციცას გაგატან.“

ნინო დასთანხმდა. ვახშმის შემდეგ მაკრინემ ცალკე ოთახში გაუშალა ლოგინი ნინოს. ყმაწვილი ქალი მარტოდ დარჩა და რაღაც ფიქრებში გაერთო. ამ დროს კარები გაიღო და ნინოს ოთახში, სრულიად მოულოდნელად, ნიკო შემოვიდა. ამის დანახვაზე ნინო სულ ერთიანათ გაფითრდა, შიშისაგან კანკალი დააწყებინა.

— უკაცრავად! მგონია არ მელოდით ახლა თქვენ! სალამო მშვიდობის, ბატონო ნინო! — ურცხვად წარმოსთქვა ნიკომ. ნინო შიშისაგან გამოერკვა და გული მოიბრუნა.

— ეშმაკმა წაგიღო შენც და შენი მშვიდობაც! — ზიზღით წარმოსთქვა მან და კარში გასვლა დააპირა, მაგრამ კარები დაკეტილი დაუხვდა

— ვაიმე! დეიღამ მიქნა აი! — წამოიკივლა ნინომ სასო-წარკვეთილებით. ის კვლავ შიშმა შეიპყრა.

— სსს... ჩუმათ! ტყუილად ირჯები, ვერსად წახვალ! ნუ ყვირი, შენდა ჯობს! აქ რომ ვინმე მოვიდეს ახლა — შენთვის უარესია, შენ გეილანძღები, თვარა მე რა მიჭირს. ჩვენს მეტი ამ სახლში ახლა არაფერ არაა.

ნინომ სკამს ხელი სტაცა და კუთხეში გაჩერდა. ტანი სულ ერთიანად უკანცახებდა.

— რა გნებავეს თქვენ ჩემთან? — ძლივს წარმოსთქვა მან.

— რაა, დასტურ, ასთეი რომ მ.ჯავრდები, რა დავაშავე. რომ არ ვიცი! — სთქვა ნიკომ და ნინოსაკენ წავიდა.

— არ მოხეიდე, თვარა თავს გაგიტებს, იცოდდე! — წამოიძახა ნინომ განწირულებით და სკამი მოიმარჯვა ხელში.

— რა იქნა, მართლა, კაცის მქამელი ხომ არა ვარ! მე საჩხუბრად კი არ მოვსულვარ შენთან, მოსალაპარაკებლად მოვედი, თვარა ჩემზე რაცხა რომ გითხრეს, იმისას რას იტყვი?

— რა მაქ შენთან სალაპარაკო იმე? შენ საძაგელი კაცი

ხარ, საშინლად მეზიზღები! თავი დამანებე, შენდა წადი! — მიუგო ქალმა.

ამ პასუხმა ნიკო დიდად გააბოროტა. მას სიბრაზისაგან სახე ერთიანად გაუყვითლდა. „რადგანაც ასეა, მაგას მაინც ჩევივდებ ხელში, თუ გინდა რაც დამეპართოს!“ გაიფიქრა და რაღაც მხეცური გრძნობა აღეძრა, გრძნობა შურის-ძიებისა, ძალ-მომრეობისა, მაგრამ თავი შეიმაგრა, ვითომცა აქ არაფერი იყო და წყნარის ხმით წარმოსთქვა:

— რა გიეწყობა! თუ არ გინდებვარ, ძალით ხომ არ იქნება! მარა ერთს-კი გთხოვ: ამ ამბავს ნურაფერ კაცს ნუ შეატყობიებ, თუ ღმერთი გწამს!

ნინომ თავისუფლად ამოისუნთქა და სკამი ძირს დაუშვა. მაგრამ ამ დროს, უეცრად, მას მიიღარდა ნიკო და ხელები დიუქირა. გულ-გახეთქილმა ნინომ ერთი დაიკივლა და გაბრძოლება დააპირა.

— ახლა რაღას იტყვი, ქალბატონო! — დაიწყო ნიკომ და პირზე ბოროტი ღიმილი შეეთამაშდა.

გამწარებულმა ნინომ კვლავ გაიბრძოლა, ხელების განთავისუფლებას ცდილობდა, მაგრამ ამაოდ: ნიკომ ისე მძლავრად დაუქირა მას ხელები, რომ ქალს ტკივილისაგან კინადამ გული წაუვიდა. ბრძოლა შეუძლებელი იყო.

— რა საკადრისია მაი, მოწიფულმა კაცმა მომერიე სუსტ ქალს, დამიჯაბნე! გამიშვი ხელი, თუ ღმერთი გწამს! — შეევედრა ნინო აკანკალებულის ხმით.

— ხომ ხედავ, ჩემს ხელში ხარ? ახლა რაც მინდა, იმას გიზამ, მარა მაგას კილო არ ვკადრებ ჩემს თავს. მომეცი პატოსანი სიტყვა, რომ ცოლად წამკობი, შენი შერთვა მინდა, თვარა რა მენაღვლება: თავი შენ მოგვექრება, მეიჯაყები, ქვეყანას შევატყობიებ, რომ მე შენთან დამე გავათიე.

— ხელი გამიშვი! ლაპარაკი ისეიც კი შეიძლება.

— ყოლიფერს ვიზამ, თუ ჩემ სიტყვას დეიჯერებ. — ამ სიტყვებით ნიკომ სკამზე დახო ნინო, თითონაც ახლო მიუჯდა და ტკბილად განაგრძო:

— შენისთანაი ცხოვრება ერთს ქალს არ ექნება გური-
აში: სადაც შენ ამოიჩიე, იქინეი გაცხოვრებ. ღეთისგან
გაჩინილი არაფერი არ მოგაკლდება ქვეყანაზე: საქმელი კაი
გექნება და სასმელი, წახლა და მოსლა. მამა-შენიც მადლი-
ერი იქნება: მე კაცი ვარ ქვეყანაზე, იმის პატივის-ცემას-კი
შევიძლებ.

— დამეთხუე ამაღამ და ხვალ ყოლიფერს გეტყვი.

— აბა დაუფიქრდი კარგა მაგ საქმეს! უარის თქმაი
შენდა უარესია, იცოდე! თლა გეილანძლები, ველარსა ვერ
გამოჩიები. მერე-კი ინანებ, მარა გვიან იქნება! მე ასეი გე-
უბნები და სხვაი შენ იცი, — სთქვა ნიკომ და მეორე ოთახში
გავიდა.

ზიზლით გააყოლა ნინომ ავალები მიმავალს ნიკოს. შუა-
ლაქე იყო. ყმაწვილი ქალი დაჯდა ლოგინზე; მას გული
ამოუჯდა, ტირილი დაიწყო.

მეორე ღღეს გაშმაგებული მაქსიმე სამსონისკენ მირბოდა.

— რას მიპირობ ახლა, რას, შე ქრისტეს ფეხის მკამე-
ლო? — შეჰყვირა გაბრაზებულმა მაქსიმემ მაკრინეს, რომელიც
მას აივანზე შემოეგება, — შენ ჩემს გალანძლვას შეგარჩენ, თუ
რაფა გვონია?

— თუ არ გაღირე შენ? პირჯვარი დეიწერე, რა გა-
ლანძლევაა?! — გაიკვირვა მაკრინემ.

— შენ აფერი სიავის არ შეგცხოზობა, შე შეჩვენებულო,
შენ! ვისას გეილანძლა ჩემი ქალი წუხელის, ვინ მიქნა მაი? —
ჰყვიროდა მაქსიმე.

— ბატონო, ჯერე ამბავი შეიტყვე და მერე გამჯავრდი!
ღმერთო, შენ დამიცევი, მოწყალეე! რამ გადარია აი კაცი?
რა დაეაშავე, რომ არ ვიცი! რაფა, სტუმარი არ შამომეშვა
სახლში თუ?

— ჩემს ბალანასთან რა უნდოდა მერე შენს სტუმარს
ლაქე?

— ღმერთო, ნუ გადამრეე! რაფერ გააფრცელებენ ყო-
ლიფერს? ელანძე შინ არ დავრჩი და ნიკო შევიდა თურმე

ისასთან, ხელი ჩამოგრთმია და ლაპარაკი დერწყო, ცოლად წამყვეიო, ეთქვა. ახლა ასეა მიღებული ყოლგან განათლებულ ადგილებზე, მარა ქვეყანა-კი არ დაქცეულა. ქალს თუ უნდა, პირობას მისცემს, თუ არა და უარს ეტყვის და გათავდა. ამის არც შუამავალი უნდა, არც არათფერი. ამიზა გადირია, გახვლდა, ლამე ძვილაა მოვატოე და დღეს გათენებამდი გამეიქცა. აგი იყო ასე! რა ვქნა მე სასიკვტილემ? კისერი მომტეხოდა ნეტაი და მაგი არ დამმართოდა, იგი არ მერჩია! შენ ქე დამემღურე, იგი, მგონია, საუკუნოდ დამეკარგა. რა მიწა-ში წვეიდე, რომ არ ვიცი! — მღელვარებით დააბოლოვა სიტყვა მაკრინემ და თვალებიდან კრემლები ამოიწმინდა.

— მაგას ვერ გამიბედაედა მე იგი ყაძახი, შენ რომ არ გექნა! — წყნარის ხმით უსაყვედურა მაქსიმემ.

— რა მექნა, შენი ქირიმი? ასე იყო, აი რომ გითხარი!

— კი, მარა ჯერე ჩემგან არ უნდა შეიტყო ამბავი? ჩემდა უკითხავად რაფა გაბედა ივასთან ლაპარაკი ვითამ?

მაქსიმე ახლა უფრო დამშვიდებით ლაპარაკობდა. ეს გარეშობა მაკრინეს არ გამოეპარა.

— მე ერთი ქე მითხრა, სულლო ცოდვილო, მოციქულობა მიქენიო, — დაიწყო მან, — მარა შენ ველარ გნახე სალაპარაკოდ. ისეი ციცას ტყუილაი, გამო:აცთელად, ქე ვუთხარი გუშინ აქანაი. იმას რაფა ვეფიქრებდი, თუ ნიკო თვითონ ეტყრდა რამეს.

— კი, მარა ახლა ხომ მომეკრა თავი ქვეყანაში, ხომ გვეილანძლე!

— ვინ შეიტყობს, ბატონო, იგი რაფა იტყვის რამეს! აბა მე გეტყვი შენ, მაქსიმელ, — განაგრძო მაკრინემ: — სიტყვამ მეიტანა აგერ და ქე ვიტყვი. ისეი რაფა გამიწყრება მე ლმერთი, რომ ჩემი დისულიზა რამე გლახა ვიფიქრო. ვითომ რომ ვქნათ მანი საქმე, ურიგო იქნება თუ? მოგეცა ღვთის წყალობა. იგი შეძლებული კაცი იყოს! ვინაა მაგის-ბადალი ახლა ამ გურიაში? მე გეტყვი შენ, ქალს ვერ შეინახავს განათლებულად, თუ რა გინდა!

— ყაძახს რაფერ მივსცე ქალი და იგიც კიმოთაი კა-
ლაძის შვილს! ქვეყანა რას იტყვის?

— შენ დალოცვილო, ახლანდელ დროში ვიღან უყუ-
რებს აზნაურიშვილობას! ყალი კაცი კაი ცხოვრებიზა იკლავს
თავს. მე გეტყვი, ბიჭად დეიწუნებს ვინმე! ჩემო მაქსიმელ!
ხომ იცო, ქვეყნის უკეთესი თუ ვინმეა, იგი გზითვისაც ბევრს
ითხოვს და ზოგიერთი აზნაურის და თავადის მიცემას, მაგის
მიცემა ჯობია ათასწილაი: შეძლებული კაცია, ქალს კარგად
არჩენს და შენც პატივს გცემს. შვილები გამოსაზარდი გყავს,
რომ დაგჭირდეს, დღეს ათას მანათს გიშონის.

— ციცამ რა თქვა, თუ ჰკითხე?

— ციცაი უარზეა, მარა იმას რას უყურებ შენ, ბატო-
ნო! ქალი მის დღემში არ იტყვის, კი მინდაო. ახლა იგი არ
ვიცი შე, ეგები სხვაი რამეც ქე ქონდეს მას გულში. ვინ
იცის, რას არ იფიქრებს ყვაწვილი ქალი. ამას წინეთაც კი
გითხარი, მაქსიმე, თუ გახსოვს, ივანე დაელაძის სხვანაირად
უჭირავს თვალი-მეთქი. ახლა გვმართებს დაფაცურება, მოწი-
ფულ ქალს დროზე უნდა პატრონობა. ვინ იცის, ი? შეჩვენ-
ებულმა რომ გვიშვას თავი და ქალი გაგვილანქლოს, რაღა
გვეშველებს მაშინ? ახლა გვაქ აგერ დროი, ბედი კარზე მოგ-
ვადგა და ჩვენც ნუ გავაბრუნებთ. ერთი სიტყვით, შაი ძა-
ლიან კაი საქმეა და რაცხაფერაი ნულარ დაეკარგავთ.

— თუ დევითანხმეთ, კი, მარა, რა ვიცი.

— ოჯო, რაფა ვერ დევითანხმებ, თუ-კი მენდომებ, შენი
ნება არაა! შენ რომ ეტყვი, იმას დეიჯერებს, აბა რას იზამს!

აპით გათავდა ლაპარაკი. მაქსიმე დამშვიდებული დაბ-
რუნდა სახლში. მან გადასწყვიტა თავისის ქალის ბედი და ეს
გადაწყვეტილება ნინოსაც გამოუცხადა.

— რა გიჭირს, ბაბა, — უთხრა მაქსიმემ შვილს დაყვავე-
ბით: — კაი ბიჭია და ძალიანი მდიდარი, ბატონსავით გაცხოვ-
რებს, შენმა გაზდამ, ერთი ქალი ვერ იქნება შენსავით. მამა-
შვილობამ, შეც-კი მინდოდა ერთი კაი ნასტავლი ჩინონიკი
მომენახა შენდა, მარა, თუ ვინმე ხეირიანია, იმას დიდი გვზი-

თი დასკირდა და ჩვენ, ხომ იცი, არაფერი არ გვაქ. ლარბი აზნაურს ისევე მაგი ჯობს.

ნინომ პასუხის მაგიერად ტირილი დაიწყო.

— საკუდაო ბაბავ, გაგიქირდა და მყიდი! — ბოლოს ქვითინით წარმოსთქვა მან. — არაფერს არ გთხოვ ქვეყანაზე. ამელაი მქალი მაქამე და იმას ნუ მიმცემ! მე რომ ნაკაბევი დამქირდება, იმისას რაცხას კი გავაკეთებ შინ!

— ნუ დეჩემებ რაცხა ახირებულს! — წყრომით უთხრა მამაქ. — გასაკირალი აფერია და ძალათაი იქივრებ! ქვეყანაში ხომ თავი მოგვექრა, ხომ თლა გვეცლანძღეთ, რომ ახლა მია საქმე არ იქნას! შერე მაგისტანაი კი არა, უკანასკნელი მუტაკიეიც აღარ წაგიყვანს!

— მე აფერი კაცი არ მინდა ქვეყანაზე, მარა, თუ ჩემი დაკარგვით გაკეთდებით, იმასაც შევიტყობ!..

ნინოს კიდევ უნდოდა რალაც ეთქვა, მაგრამ ვერ ახერხებდა: ცრემლები არჩობდა.

მოლაპარაკება გათავდა. ამბობდნენ, მაქსიმე? ნიკოსაგან ორმოცი თუმანი მიიღო. ჯვარის წერის დღეც დანიშნეს. საქმრომ ძვირფასი საქორწილო ტანსაცმელი გამოუგზავნა საცოლოს. ყველანი მზადებაში იყვნენ. ნინო-კი ჩუქად იმღვლრებოდა, ის ერთ კვირაში საშინლად გახდა. ეკლესიაში, ჯვარის-წერის დროს, ნინო ფერ-მიხდილი იდგა ნიკოს გვერდით. როდესაც მღვდელმა ჰკითხა: „ხომ შენის სურვილით მიჰყვები ნიკოსა“, ნინომ პასუხი არ გასცა. მღვდელმა განუმეორა კითხვა, მაგრამ პასუხი ვერც ეხლა მიიღო. მესაზე კითხვაზე ნინომ მწუხარედ შეხედა მღვდელს და პირზე მწარე ღიმილმა გადაურბინა... V

V

სოფ. ნ — ში ეკზეკუტია დგას. მკვიდრთა ვაი-ვაგლახით და მწარე ოფლით მოპოვებული სარჩო-საბადებელი დღეს ჯარის-კაცთა ხვედრად გაშხდარა. სოფელი დრტვინავს, სასოწარკვეთილებას ეძლევა. ის ემუდარება ხან მაზრის უფროსს

და ხან გუბერნატორს: „თქვენი ღვთის გულიზა, გვიშველეთ რამე, ამოგვაგდეს, დაგველუბა ოჯახი, ცოლშვილი. ჩვენ აფერ შუაში არ ვართ, ღმერთმა მოჰკითხოს იმას, ვისი მიზეზითაც ჩვენ ამ ყოფაში ვართ! ან რამე საშველი მოგვეცით და ან გადაგვასახლეთ მაინც აქედან საღმეო.“ მაგრამ სოფელელთა ამგვარი თხოვნა-ვედრება უყურადღებოდ რჩება, რადგან მათ, მთავრობის აზრით, დიდი დანაშაული აქვთ: ამ სოფლის შვილი, ივანე დავლაძე, ყაჩაღად გავარდნილა, ის დღეს მეთაურობს ერთს საშინელს ბრბოს ავაზაკებისას, რომელთაც თავაზრი დასცეს არამც თუ მარტო გურიას, არამედ მთელს გუბერნიასაც-კი. საკვირველის სისწრაფით გადადის ეს ბრბო ერთის ადგილიდან მეორეში, დაუსჯელად სძარცვავს და ანადგურებს ყველაფერს, რაც-კი საღმე საკბილო შეხვდება. ამ ავაზაკთა შეუპოვარ მოქმედებას განცვიფრებაში მოჰყავს აღმინისტრაცია, რომელიც სხვა-და-სხვა „განსაკუთრებულ ზომებს“ იგონებს ამ ბოროტების მოსასპობად. სხვათა შორის მან საკიროდ სცნო სასტრუქად დავსაჯა ნ—რი, რადგან დაწმუნებული იყო, რომ ეს სოფელი ინახავდა ბვლად ფირალს დავლაძეს... ივანეს საქმის შესახებ დანიშნული გამოძიება უკვე გათავდა. სულ რვა შეწამებულნი იყვნენ, ამათში სამი სრულიად გამართლდა. ამ სახით, დანაშაულობა ხუთ კაცს ბრალდებოდა. მათ შორის დავლაძე საქმის მოთავედ იყო ბიჭნეული. აღმოჩნდა, რომ ბოროტ-განშზრახველთ ფულად 1900 მან. წაეღოთ. ამ ფულიდან ივანეს 800 მ. აეღო. ის იყო. ივანე ოზურგეთიდან ქუთაისს საპრობილგოში უნდა გაეგზავნათ, მაგრამ ამასობაში იმან გაქცევა-ც-კი მოახერხა.

5—ის სასოფლო სამმართველოს ეზოში ყრილობაა, ხალხი გუნდ-გუნდად დაყოფილა და გაცხარებული ლაპარაკი აქვს.

— ოჯო, რა გევიკლიო, იმ სტრატემა უარესი ქნა კილა!—სთქვა ერთმა ჭალარა-შერეულმა გლეხმა.

— მე თუ მკითხავ, ივენმა აპუაგლო თლა ქვეყანა! სტრატე ვართ და წვეფერს შეგეწამებს კაცო და რას შობიან, ღმერთის მეტმა კაცმა არ იცის!—დაწმატა მეორემ.

— ასეა ხო და ფულს ქე გვახთიებენ ჩვენ და იგენს ჯამაგირად აძლევენ! ქვეყანაში სამართალი ჯერ არ დალეულა, ვითხოვთ, ამის ფულს მაინც ნულარ გვახთიებენ, სხვაი შეწუხება აღარ გვეყოფა თუ?!—ცხარობდა მესამე.

— ითხუე, თვარა მაშეინათვე დაგიჯერებენ, არ გინდა! შენი გაქირება ძალიანი კი ენაღლება ვინმეს!?!—მწუხარედ შენიშნა მეოთხემ.

— დაგვიჯერებენ, თუ არა, მაინც ეცადოთ და სამართალი თუ შეიწობა ჩვენი გულიზა, მადლობა ღმერთს, იპასაც შეიტყოფს კაცი!—წარმოსთქვა მესამე.

ამასობაში ბოქაულიც გამოჩნდა. ყველანი ფეხზე წამოდგნენ და სალამი მისცეს მას. ბოქაულმა ლაპარაკი დაიწყო:

— მე თქვენ შეგყარეთ აქ დღეს, რომ კიდევ იმ ფირალების შესახებ მოგელაპარაკოთ. თქვენ სჩივით, რომ თქვენი დღევანდელი მდგომარეობა მეტად საძძიმოა, აუტანელიაო. თუ გინდათ ამ გაქირებიდან გამოხვიდეთ და თავი განითავისუფლოთ, ისევ თქვენვე უნდა ეცადოთ. მთაფრობა თქვენს თხოვნას არ შეიწყნარებს, სანამ თქვენ დავლაძეს არ ჩაგვაბარებთ. იგი ამ სოფელში ბუდობს, თქვენ არჩინთ მას. ხელს აფარებთ. თქვენ ყველაფერი იცით. მოგვეცით ეს ავაზაკი და მისი თანაშემწენი და მაშინ თქვენც საშველი მოგეცემათ. თუ ამას არ იზამთ, მაშინ, იცოდეთ, კიდევ უარესი დაგემართებათ! ამიერიდან, თუ ვინმე მოკლულ იქნება, ან სხვა რაზე დაშავდება, ყველაფერში თქვენ აგებთ პასუხს, თქვენ უნდა ზღოთ!—დააბოლოვა სიტყვა ბოქაულმა. ხალხში ჩოჩქოლი შეიქმნა. ერთმა დამსწრეთაგანმა საპასუხოდ რაღაც ჩილაპარაკა თავისთვის, მაგრამ იმისი ხმა გარკვევით არ ისმოდა.

— კაცო, თუ რამეის, თქმაი გინდა, გეიწიეი წინ და ისეი თქვი ბარამღაი, რომ ყველამ გეიგონოს!—შენიშნა მოლაპარაკეს ვიღამაც, მაგრამ ამ დროს მეორე მხარეს ხალხი გაიპო და წინ წამოდგა ალექსი სანდომიძე. ალექსი იყო შვილი ქვრივის მარინესი, მისი ერთადერთი ნუგეზი და იმედო. ნახევრის წლის იქნებოდა ალექსი, როცა მისი მამა გარ-

დაიცვალა. დაბეჩავებულმა მარინემ შეილი გიორგი დავლადქეს შიანათლინა, „ახნაურიშვილია და მთარველობას გამიწევსო.“ მარინე თავის შეილს შეჰხაროდა, მხოლოდ მის ბედნიერებაზედ-ლა ოცნებობდა. ახლა ის სასძლოსაც ეძებდა. „ღმერთი რომ ჩემი ალექსას ცოლ-შვილს მომასწრობდეს, მერე თუ მოვკტები, აღარ ვჩივიო,“ ხშირად იტყოდა მარინე. მეზობლები დიდს პატივსა სცემდნენ ალექსის. ეს იყო პატიოსანი, გულკეთილი და შრომის მოყვარე ახალგაზდა. მარად მკვირცხლს და მხიარულს. მას სიმღერაში და ცეკვა-თამაშში ბადალი არა ჰყვანდა მთელს სოფელში. დღევანდელ ყრილობაზე ალექსის მოულოდნელმა საქციელმა, მისმა მღელვარებამ და არაჩვეულებრივად მოეღვარე თვალეზმა მთელი საზოგადოების ყურადღება მიიპყრო. ყველამ ხმა გაკმინდა. ალექსი ფერმკრთალი იდგა, სიბრაზე არჩობდა მას. აზღვავებული გრძობა გულს ჰაწწა და გადმოხეთქა...

— ჩვენ რაც გვჭირს, იგიც გვეყოფა! მეტი რა უნდა ვვიქნათ, რაღა შეგვგრჩენია, რომ წაგვართვათ და გავვიყოლოთ? ჩვენ შიმშილით ვისოცებით, არაფერი აღარ შეგვარჩინებს ქვეყანაზე! ახლა მუშაობასაც აღარ გვანებებთ! ერთი კვირა აგერ, შინ არ ვყოფილვარ, ხან აქეთ მათრით, ხან იქით. წუხელის მოვედი რავარც იყო შინ და ჩემი მარჩენალი ხარები აღარ დამხეთენია! ვინ წამართვა მე იგინი? ფირალი იმიზა არ მოვიდოდა, ფირალი იმდონს ვერაფერს გვაწყენს, რასაც სხვაი გვიშობა ჩვენ! მე კი ვიცი, ვინცხამ მიქნა მამი, მარა ჩემს დაქცევას იგენს არ შეგვარჩენ, თუ ალექსაი ვარ! ასეი ვიღუბებით ჩვენ და კილა დაგიჩემებიენ, ფირალები მოგვეციტო! საიდან მოგცეთ, თქვენ ვერ დეიქირეთ, თუ ასთეი ადვილია? მარა რა გენაღვლებიენ, რასაც იტყვით, ქე გაგივათ-და! აი ტრაჟი რაღას აკეთებს აბა? ტყულაი ჰამენ მაგენი ჩვენს ნაოფლარს! თლა იგენი უწყობენ ხელს ფირალს! ჩვენ არ გვინდა იგინი, არა! იგენის ჯამაგირს აწე ველარ გადვიხდით!—თვალეზის დაბრიალებით დაასრულა სიტყვა ალექსიმ და ირგვლივ მიმოიხედა.

ამ პასუხზე ბოქაული მოთმინებიდან გამოიყვანა. მან წარბი შეიკრა და მრისხანედ იკითხა:

— ვინ არის ეს თავხედი, ასე შეუპოვრად რომ ლაპარაკობს?

— მაგი, მე რომ ამას წინეთ მოგახსენე, იგი გახლავს, — მიუგო მამასახლისმა.

— ახლავე დაიქირეთ და ოზურგეთში გამოგზავნეთ! — ბრძანა ბოქაულმა.

— ევლარ მოგართვი სწორედ! ძალიანი უკაცრავად ბძანდები, მე ხელს ვერ მახლებს კაცი! — დაიძახა ალექსიმ. მარდად შემოტრიალდა, გაარღვია ხალხი და გაიქცა.

— დაიქირეთ მაგი ბრიყვი! — ჰყვიროდა გაათურებული ბოქაული.

მამასახლისი, მისი თანაშემწე და ერთი ვილაც კიდევ გამოუღწენ გაქცეულს, ჩქარა ცხენოსანი ყაძახებიც დაედევნენ, მაგრამ გვიან-ლა იყო: ალექსიმ ამასობაში სიპინდის ყანაში გადირბინა და თვალის დახამხამებაში გაჰქრა. დამსწრე საზოგადოება მღელღარებამ შეიპყრა: ალექსის სიტყვები ყველას გულს მოხვდა...

გულ-გახეთქილმა მარინემ დიდხანს ეძება შეილი. ბოლოს, როგორც იყო, სადღაც შეხვდა მას, მუხლებზე მოეხვია და შეევედრა:

— ნენა, შენი ქირიჰე! ნუ დამღუპავ, ნუ გამომქრი ყელს, წამოდი იმ ნაჩანიკთან, შევეხვეწოთ ორივემ, მუხლზე ვაკოცოთ და ეგება გვაპატიოს.

— არა, ნენა, იქინეი მისვლა მე არ შემიძლია! იგენს რომ კაცი ჩაუვარდება ხელში, მერე რაღა დროისაა! იგენტან ცოცხალი არ მივალ, თავს ვერ გავალახვინებ, მაინც ჰე დამკარგვენ და ისევე ასე ჯობს. საწყალო ნენაე! ძალიანი კი მეცოდვები, მარა რა ვქნა! თუ რამეა შინ, იგი შენ ჰე შეიხვარე სიცოცხლეში და მე ვითომ მკტარი ვყოფილვარ, ან სულ არ დავბაღებულვარ, ისე იფიქრე! — ალექსიმ საშინელის

მღელვარებით სთქვა ეს სიტყვები. შემდეგ გადაეხვია დედას, მხურვალედ ჩაჰკოცნა, გამოემშვიდობა და წავიდა.

VII

ბათუმის ერთს განაპირა ქუჩაზე, ზღვის პირას, პატარა სახლი სდგას. ამ სახლში ცხოვრობს ნიკო კალაძე თავის ჰეულ-ლით ნინოთი. შეიდი თვეა მას შემდეგ, რაც ნიკომ ჯვარი დაიწერა. შემოდგომის გრილი საღამოა. გაღებულ სარკმელთან ზის ნინო და ზღვისკენ გაიყურება. ამ შეიდი თვის განმავლობაში ის შესამჩნევად გამოცვლილა. მისი ოდესღაც მშვენიერი თვალები ჩაღრმავებულია. გამხდარი, სევდა-მწუხარებით მოცული სახე აშკარად ჰმოწმობდა, რომ ცხოვრება ამ ქალისთვის აუტანელი ტანჯვა-ვაება იყო. ნინო ფიქრებში გართულიყო. ვინ იცის, რა აგონდებოდა მას ამ დროს. ღამის ათი საათი დაჰკრა. ნინო ისევ უძრავად იჯდა და თვალს ადევნებდა ზღვის ტალღების მოძრაობას. ამასობაში ნიკო მოვიდა.

— რა ამბავია, რომ გაგიფითქავს მაი აკოშკა და ჯადა-ყუღებულხარ ზეთ, სიციფე რომ არის, ველარ შეიტყვე? — უსაყვედურა მან კოლს.

ნინომ ხმა არ გასცა.

— შეგცივდება და ავად გახდები, რეიზა შობი ამას. გენაცვალე? — მიუალერსა ნიკომ და ხელები მოხვია ნინოს. ქალმა თავი გაინთავისუფლა და ზიზღით წარმოსთქვა:

— გამეცალე იქით!

— ვის უჩივი მაგას? — მე ვინ ვარ? — ჰკითხა გულმოსულმა ქმარმა.

— ვინა ხარ და ერთი მოჯალაზე, გადათრეული! აბა კაცი გგონია ვითომ შენი თავი?

— გაჩერდი, თვარა მე შენ წაგაკნეტიებ მაგ ენას ერთ დღეს! რომ წაგეკიდები თმაში, სულ შემოგათრეე ამ ეზოს! — შეუტია კოლს გაბრაზებულმა ნიკომ.

— მეტი რა სიკეთე შეგიძლია აბა შენ, კაცის საჯაყო! —

სტკვა ნინომ და მგორე ოთახში გავიდა. ნიკო იქვე დარჩა, სტოლს მიუჯდა, ამოიღო ჯიბიდან ფულები და ანგარიში დაუწყო. ამ დროს, უეცრად, კარები გაიღო და ნიკოს ოთახში შევიდა თავით ფეხამდე შეფარალებული ივანე. მას ორი სხვა თოფიანი კაციც შემოჰყვა. ხმაურობაზედ ნინომ გამოიხედა, მაგრამ შეამჩნია რა ივანე, ერთი შეჰკივლა და გულ-შემოყრილი იქვე კარებთან ჩაიკეცა. ნიკო შიშისაგან ერთიანად გაფითრდა, ტანში კანკალი აუფარდა.

— უკაცრავად, მგონი საქმე შეგიშალეთ! — დაიწყო ივანემ. — მგონია, კი უნდა მიცნობდე. კაი ხანია შენი ნახვა მინდოდა, მარა აქამდე ვერ მოვახერხე.

— დაბრძანდით! — ძლივსლა წაილულლულა ნიკომ და სკამის მოსატანად წამოიწია.

— არ გიქვანო მაქიდან, თვარა ამ წუთში გაგაქრე! — დასჰყივლა ივანემ.

ზარ-დაცემული ნიკო ხელებ-გაწვდილი გაშეშდა.

— ვინ ხარ შენ, მამა შენი ვინ იყო, ხომ კი გახსოვს? — მკაცრად ჰკითხა ივანემ.

— მე... კი... უნდა მიცნობდე თქვენ. — ძლივს წარმოასტკვა ნიკომ.

— შენ კიმოთაი კალაძის შეილი ხარ, გლახა კიმოთაი რომ იყო, სამოწყალო, იმის! შენ გუურეცხელი ყაძახი ხარ. მოჯალაბე, ხომ კი?

— ბატ...

— ახლა მიძახი ბატონს, შენ წუნკერო, შენ? — გააწყვეტინა სიტყვა გამძვინვარებულმა ივანემ. — შენი ბატონი ყოველთვის ვიყავი მე, მარა ორი კაპეიკი რომ იშონე, შერე კაცი აღარ გიხთა თვალში, ქვეყანა შენი იყო, გეგონა!

— მომიტევე, თუ...

— მე მაშეინათე დამკარგაედენ, გეგონა, აღარ ფიქრობდი, თუ სადმე კილო შეგთხებოდი და მაგიორს გიზამდი, თავი ეიგდე თლა, იმისთანაი საქმე გაბედე, მარა ახლა კი წაგანკალე ყოველიფერს ერთათ, ჩაგაძალღებ!

სინათლის შუქზე უეცრად ხანჯალმა გაიღვია, მოისმა ყრუ გმინვა და რალაცა მძიმედ იატაკზე დაეშვა. ივანე მაშინვე ნინოს მივარდა, რომელიც ამ დროს გაფითრებული კედელს მიყრდნობოდა, ხელი მოხვია მას და თავისკენ მიიზიდა; მაგრამ ქალი გამოუსხლტა, ხელი ჰკრა ივანეს და წყრომით წარმოსთქვა:

— გეიწი იქით! კაცი მკვლეელი მე არ მინდა!

ივანე გველ-ნაკბენივით ნინოსაკენ გაექანა.

— შენც მომატყუე ხომ?— წამოიძახა მან გააფთრებულმა, ხანჯალი ჩასცა ქალს ზურგში და გარედ გავარდა.

ნიკოს შემადრწუნებელმა სიკვდილმა მთელი ბათუმი შეაშფოთა. ნინო, როგორც იყო, ქრილობას გადურჩა. მკვლელებს სახლიდან არაფერი არ წაეღოთ, არც ფულად და არც რაიმე ნივთიერება. ეს გარემოება აშკარად ამტკიცებდა, რომ ნიკო შურისძიების მსხვერპლი იყო და სხვა განზრახვას ამ ბოროტმოქმედებაში აღგილი არ ჰქონდა, მაგრამ ვინ იყო ეს შურის მძიებელი? გამოძიებამ აღმოაჩინა, რომ ნინო თვისის სურვილით არ გათხოვილა, რომ ვითომც ის ერთხელ კიდევაც დაჰმუქრებოდეს ნიკოს: „თავი დამანებე, ნუ გადამკიდებინხარ, თვარა არ შეგრჩება მაგი შენო.“ ცოლ-ქმარი თანხმობით ვერ სცხოვრობდნენ, მუდამ უსიამოვნება მოსდიოდათ. აღმოჩნდა, რომ ნიკო კარგად ჯიცნობდა წინაღ ივანეს. ყველა ამ გარემოებათა წყალობით ნინოზე ეჭვი მიიტანეს: უთუოდ მას ნიკოს ჯადური ჰქონდა, მისი სიკვდილი სწყუროდა, ესლა შემთხვევა მიეცა და ივანეს შემწეობით თავისი განზრახვა კიდევაც შეასრულაო. ჭამ აზრს ის გარემოებაც ეთანხმებოდა, რომ ნინო მსუბუქად დაჭრილი აღმოჩნდა. ნიკოს მოსამსახურე ბიჭმა განაცხადა გამოძიებელთან: „ქალბატონმა ერთი გზობა რაცხა დაწერილი წიგნი მომცა და მითხრა, თუ შეგიძლია მაი წიგნი წნაობახში მიიტანეო, მარა მერე ისევე გამომართვა, და მგონი დახია; მას აქეთ ქე' იქნება ერთი ხუთი თვეი; მაშინ სოფელში ვიყავით.“ მოსამსახურე გოგომ სთქვა: „ფირალეები რომ მოვიდნენ, მე მაშინ სამ-

ზარეულო სახლში დავრჩი. ორი შეიარაღებული კაცი დამადგა თავზე და მითხრეს, აქედგან არ გიექანო და აფერი თქვაო. მე არ დამინახავს, რანაირათ მოკლეს ბატონი, მარა აი კი ვიცი, რომ ქალბატონი მაშეინ მეორე ოთახში გაჩუმებული იყო.“ ნინო ამბობდა: „მე, თუ დამიჯერებთ, მაგ საქმეში აფერი დანაშაული არ მაქ. მართალია, მე სიცოცხლე არ მინდოდა, ხუთი-ექვსი გზობა კი ვიფიქრე, ზღვაში დევირჩობ თავს-მეთქინ, მარა ველარ გავბედე. ქმარი კი მძულდა სწორეთ, მაგას რეიზა გამიმტყუნებს ვინმე: მე ძალითაი გამათხუეს. ასე იყო, მარა მისი სიკეტილი მაინც არ მიფიქრია. რაც იყო, იმას არ დავმალავ. ივანე დავლაძეს კი ვიცნობდი გათხოვებამდღი, მარა იმასთან აფერი თვისება არ მქონებია და არც რაზე შემითლია მისდღემში! მართალი თუ გინდებიენ, აგია და სხვაი თქვენ იცით.“

ნინო დააბატიმრეს. მან გადასწყვიტა ბედს დამორჩილებოდა, გულგრილად შეხვედროდა ყოველ გაქირვებას, მაგრამ ვერ შესძლო. როდესაც ნინოს წინ საპყრობილის კარები გაიღო, მან ცრემლები ველარ შეიკავა. ღამე ნინოს ძილი არ მიჰკარებია. საშინელმა მწარე ფიქრებმა გაიტაცა ის, მოაგონდა ბავშვობა, სკოლა, თავისი ცქრიალა ამხანაგები, რომელთა შორის ბევრნი დღეს ბედნიერნი და კმაყოფილნი იყვნენ. შემდეგ წარმოუდგა თავისი ტანჯული ცხოვრება, გაცრუებული იმედები და ველარ გასძლო: „ღმერთო, რეიზა გამაჩინე, თუ ამისთანაი ბედი მელოდა!“ ამოიკენესა საწყალმა, მას გული ამოუჯდა, იატაკზე დაეცა და მწარედ ქვითინი დაიწყო...

ღლით ნინოს ოთახიდან რალაც ახირებული სიცილი მოისმა. საპატიმროს მსახური ბიჭი მივიდა კარებთან. ნინომ დაინახა თუ არა ის, მაშინვე წამოვარდა ზეზე და მიაძახა:

— მომიყვანეთ ცხენი, მომიყვანეთ, რაფა, რა იქნა ელანძე! ციცას დამიძახეთ მაინც, ციცას! გამიგზანეთ ჩქარა, რაფა ქე დამაგვიანდა, ჩემს მტერს დიემართა აი!

— რას ჩივი, შენ, რას?—ჩასძახა მსახურმა. ნინომ ხმა

არ გასცა. გაკვირვებული მსახური გაიქცა საპატრონოს უფროსთან და მოახსენა:

— ბატონო, იი ქალი რომაა ნაობახში, ქმარის მოკლაზე დაქირული, იგი ქე გაღირია! ჯერ სიცილი დეიწყო ტყუილი და ახლა რაცხას ლაპარაკობს, ვეფერი ვერ მიეხთი, რას ჩივა!

მეორე დღეს მოსამსახურებმა ცოცხალ-მკვდარი ნინო იატაკიდან აიღეს და საავადმყოფოში წაიყვანეს.

საწყალს ტვინის ანთება მოსვლოდა. ოთხი დღე-ღამე საშინლად იტანჯა ავადმყოფი. ვერავის ვერ სცნობდა. ხშირად წამოიკვილებდა: „არ ვიცი მე, არა, დავეთხუეთ!“ ბოლოს ნინო საშინლად დასუსტდა, გრძნობა სულ მთლად დაჰკარგა და მეხუთე დღეს სულიც განუტევა.

„ვაიმე, შეილო, ჩემო კაო ნინო, ჩემი ხელით დაგღუბე, მე უბედურმა!“ საცოდავად ბლაოდა მაქსიმე და თმებს იგლეჯდა.

VIII

ბახვის წყლის პირზედ ამართულია ერთი გორაკი, რომელიც დაბურულის ტყით შემოსილა. შემოდგომაა. არე-მარე ღამის წყვილიდს მოუტავს. ყველაფერი მშვიდობიან მოსვენებას მისცემია. მხოლოდ ბახვის წყლის მოუსვენარი შხუილი და ზოგჯერ ბუს ყრუ ხმა არღვევდნენ ბუნების მღუმარებას. ამ დროს ტყეში, ერთის ხის ძირას, მიწოლილა ნაბღებში გახვეული ორი კაცი. მარჯვენა ხელი ორთავეს თოფებისთვის ჩაუვლიათ. აგერ რალაც შრიალი მოისმა: მახლობელ წიფელზე ფრინველებმა ფრთხილი შექმნეს. ერთი მწოლარეთაგანი ფიცხლავ, დაქრილ ნადირივით, წამოვარდა ზეზე, თოფი მოიმარჯვა და ბნელ სივრცეს დააცქერდა, საიდგანაც საეჭვო ხმაურობა შემოესმა. ბოლოს, რაკი დარწმუნდა, რომ საიმისო არა იყო-რა, ისევე თავის ნაბღისაკენ მიბრუნდა.

— ალექსავ, ალექსავ! ადექი ბიჭო, ზეთ! რაფერ დაგე-

ბინება ისე, რომ კაცმა თავი მოგქრას, ვერ შეიტყობ?—გა-
ზოგხმაურა ის მწოლარეს.

— ამის დარდი არ მაქ! თუ ვინმე მომკლავს, უკეთესია,
ზარალში გადაერჩები ამ ბელას და იგი იქნება!—მოისმა ნაღ-
ვლიანი ხმა მეორე ამხანაგისა, რომელიც ამასთანავე წამოჯდა
და ხეს მიეყრდნო.

მკითხველი მიხვდება, რომ ამ ფირალთა შორის ერთი
ივანე იყო, მეორე—ალექსი სანდომიძე.

— შენ სახლში უნდა ეგდო, ნაცარს უნდა ქექდე, ფი-
რალთა რა შენი საქმეა! ჯერ ერთი თვე არაა აგერ და ასე
რომ წახდი, ყაძახო, აწე რაღას იზამ შენ?—განაგრძო ლაპა-
რაკი გულ-მოსულმა ივანემ.

— ჩემი ჯავრი ნუ გაქ შენ! მე არა კაცს არ ვეკიდები
ზურგში! მაინც და მაინც აფერი ყაძახობაა ლამ-ლამე ძუნძუ-
ლი და თოფის ჩახმახის გამოშლა. მე ბიჭობის გამოსაჩენად არ
გავმდგარვარ. ჩემდა ჯერ წკიპურტი არ წუუყარებია კაცს და
ფერც წამაკარებს, სანამდი სული მიდგანა! თავს არ დაეპირ-
ვიებ ივენს, ცოცხალი მაინც არ ჩუუყარდები ხელში და
ატარს რაც უნდა, იგი მიქნას!—წარმოსთქვა ალექსიმ.

— რას ჩურჩუტობ, თუ იცი? ასე რა შეგინახავს შენ?
ჯერ არ იცი, რამდენი ფული უნდა ფირალს. ფირალად ვიქ-
ნები და კაცს აფერს ვაწყენო—არ იქნება. ვითამ რეიზა უნდა
შევიბრალო ვინმე, ერთი მითხარი? რა კაი მიქნა მე სხვამ? მე
კარგათ მომემყრენ თუ? მარა არა კაცს არ შევარჩენ მე ამას,
თუ ივანე დავლაძე ვარ! არავის არ დევინდობ ქვეყანაზე,
ვისი ჯინიც კი მაქ! ჯერ სადაა, ბარე ორის დედა ატირდება!
მე ვიცი, ბევრი ჩემი მტერი გახარებულია ახლა, ივინი ლხინ-
ში და ქეიფში ატარებენ დროს, მარა ყველას წავეანკალებ და
ჩავაშხამებ, თუ ბიჭი ვარ: გავსჭრი, გავაპობ და ისე გვევიარ
შუაში!—სკვედა და ჰქუხდა გაბოროტებული ივანე.

— ახირებული კი იცი, ივანე, ღმერთმანი! სიმართლე
ნუ გეწყინება! კაცს ღმერთის უნდა ეშინოდეს მაინც! ვინაა

დანაშაული შენს საქმეში? შენი ხელით წეიხთინე თავი და ვის რას ემართლები, რომ არ ვიცი?

— ნუ ბეუტურობ რაცხას! იგი მე ვიცი, ვინცხაა დანაშაული! მე არაფერს ვემართლებოდი ნიკოია კალაძეს? აფერს ვემართლებოდი სამსონა ტარაძეს და სხვებს კიღო? არა კაცს არა აქ ბრალი? ა? ქვეყანას არ შევარჩენ მე ჩემს ვაფუქებას! ვინც მევინელე, მევინელე და ვინც არა, იგენსაც მალე დღუბნელე მზეს!—კბილების კრაქუნით დააბოლოვა ივანემ.

— შენ არა კაცი აღარ გენაღლება ახლა!—ცოტა ხნის სიჩუმის შემდეგ დაიწყო ალექსიმ ათრთოლებულის ხმით,— ბრუნდს და მართალს აღარ არჩევ, იმიზა რომ თვითონ არ გამოგიცდია შაი შეწუხება! რას ვერჩი სოფელს, ვინ რა დამიშავა? არაფერი არ მინდა ქვეყანაზე! სანამდე ცოცხალი ვარ, ორ ლუკმა მქადს ისეიც კი ვიშოვნო, ამიზა აფერ კაცს არ ვაწუხებ!

— დეიკარგე საცხა! გულ-ჩვილობა დამიწყო ახლა აცანი! ამიზა რალა გაფირალებდა, თავს ქშენი ხელითაც კი შეიკლავდი, თუ გინდოდა!

ალექსი მოთმინებიდან გამოვიდა.

— თვითონ შენ დააქციე ჩემი ოჯახი, შენ გამაუბელურე მე და ახლა მიჩივი მგას?—შეჰყვირა მან.—ნუ მათქმიე უკალიფერს! ნენაის ცოდვა კაის არ გიზამს შენ! რა მოხვიდოდი ჩვენსას იმ ღამეს, რა გინდოდა? ხომ იცოდი, რომ სხვაიც შეიტყობდა მგას? მარა არაფერი კაცი არ გენაღლება შენ, არც მტერი და არც მოყვარე! იცოდი, არ გიღალატებდი და ქე დამლუპე!.. მე წკიპურტი არ წამიკარებია კაციზა მის დღემში! ოლონდ ახლა გამიწყრა აგერ ღმერთი, თვარა! მე დღეს კაცის მკვლეელი შევიქენი! ღმერთმა ჰკითხოს. ვინცხაის ბრალი მაგია! გადამრიეს, ოჯახი ამომიგდეს და ქე დამიღოია ეშმაკმა! კაცი რომ განადირდება, მერე რას არ იზამს იგი? მარა მეტი აღარ შემიძლია, არა! მე თავი მომტულდა, არაფერს არ ვეძებ ქვეყანაზე, საცხა ერთი ტყვია რავა ვერ მომკლავს!

ივანე გაბრაზდა:

— რა თავს იგდებ შენ, ყაძახო! გაჩუმდი, თვარა... კისერიც მოგიტეხია, მე იმის დარდი არ მქონდეს! — მრისხანედ შესძახა მან.

ეს ლაპარაკი მოულოდნელმა ხმაურობამ შესწყვიტა: ჯანთიადმა მოაწია, შორიდგან მოისმა სიმინდით დატვირთულ ურმების ქრიალი და მშვენიერი „ხელხვაეი“. ალექსის გული ამოუჯდა. „ვაიმე ჩემო დაღუპულო ოჯახო!“ წაილულლულა მან და თვალეზზე ცრემლი მოადგა.

უმეტესი ნაწილი გურიისა დიდად შეწყუხებული იყო. ავაზაკობა ისევ მძვინვარებდა. თავ-გასული თირალები არავის აღარ ერიდებოდნენ. კაცის-კვლა და ძარცვა-გლეჯა ხშირი იყო. ვინ იცის, ამ ავაზაკობის წყალობით რამდენმა უღირსმა კაცმა შეისრულა თავისი საზიზღარი განზრახვა, ვინ მოსთვლის რამდენ აღმაშფოთებელ ბოროტებას ჩაუვლია სრულიად შეუმჩნევლად, დაუსჯელად!.. ამ სენის მოსასპობად ბევრს ცდილობდნენ, სასოფლო გზებში ლამის დარაჯნი, „სტრაჟები“ და ყაზახები იყვნენ ჩასათვრებულნი, სამაზრო ადმინისტრაციას ხან-და-ხან მოსდიოდა ცნობები: „თირალები ამა და ამ კაცისას ათევენ ლამესო“, ოზურგეთიდან ხშირად იგზავნებოდნენ ჯარის-კაცთა რაზმები სხვა-და-სხვა სოფლებისაკენ ავაზაკების შესაპყრობად, მაგრამ ეს უკანასკნელნი ყოველთვის ახერხებდნენ ხიფათისაგან უვნებლად თავის დახწყვას.

დეკემბრის სუსხიანი ღამე იყო. ხან-გრძლივი წვიმების შემდეგ პირველი თოვლი მოდიოდა. ხეები თეთრად შემოსილიყო. თოვლს დედამიწაც დაეთარა, მხოლოდ სასოფლო ატალახებული გზა აქა-იქ შავად გამოიყურებოდა, ჯერ კიდევ აქ ვერ მოეკიდებინა ფეხი თოვლს. სოფ. აზ-ს კარგა ხანია ჩასძინებოდა. ხან-და-ხან, კანტი-კუნტად, ძაღლის ყუფა თუ მოისმოდა. აგერ მამალმაც იყივლა, განთიადი მოახლოვდა. ამ დროს ხსენებულს სოფელში, ერთი აზნაურის სამაზარეულო სახლში, ცეცხლის პირას, იდგნენ ივანე და ალექსი. ამათ გარდა

ჰკრთალად განათებულს სახლში მოსჩანდა თვით მასპინძელიც.

— მასპინძელმაც ღამე ჩემთან უნდა გაათიოს, ვერ მომცალდება. მეც დაიმედებული უნდა ვიყო, ლალატის აღარ უნდა შეთქვამდეს!—დაიწყა ივანემ.

— მადლობა ღმერთს, პირველად არ ხარ ჩემს ოჯახში!— რაღა რატურ ჩივი, ივანე, თუ ლალატი მდომებოდა, ამდენ ხანს ვერ გილალატებდი, თუ იკი? აგერ წუხანდელი უძინარი ვარ და პაწას წვევიძინებ-მეთქი ოდაში, თვარა ისე სულ ერთი არაა, საცხა ვიქნები!—წარმოსთქვა მასპინძელმა, რომელსაც თან-და-თან მოუსვენრობა ეტყობოდა.

— ვეფერ კაცს ვერ ვენდობი ახლა, ვერა! ამაღამ აქიდან ვერ გაებანდალები ტყუილი!—წამოიძახა განრისხებულმა ივანემ.—ათერი სალაპარაკო არ გაქ ახლა აქანაი! ფულს იღებ და ღამეც ისეთი უნდა გამათევიო, რაფაც მე მინდა, თვა...

ივანეს რალაც კიდევ უნდა ეთქვა, მაგრამ დაუსრულებელი სიტყვა პირში შერჩა: ამ დროს აჩქარებული ბაგა-ბუგი მოისმა. ამის გაგონებაზე ივანე თვალის დასამხამებაში მივარდა მასპინძელს და გულში ხანჯალი აძგერა. „ჩემი... ლალატი... გაკეთება თუ გინდოდა... აბა ნახე რაფაია ლალატი... შენ მაინც აღარ დაგტიებ ცოცხალს!“ ნაწყვეტ-ნაწყვეტად წამოისროლა გამძვინვარებულმა ივანემ. ალექსი იმ დროს კარს მისდგომოდა და ჯურჯუტანაში იყურებოდა.

ამასობაში ორმოც-და-ათი შეიარაღებული კაცი გარს შემოერტყა სახლს. „სახლში ვინც ხართ, დაგვენბდით, გიძჩვენინე, თვარა რაფაც გაქცევას“ მინდომებთ, მაშინათვე გაგათავებთ, იცოდეთ! თქვენი წასვლა არ იქნება!“— მოისმა ხმა გარედან.—თქვენ ვინც შეგიშინებთან, იგი შიაშინეთ კილო! სანამდი ალექსაი ცოცხალია, თქვენ იმას ვერ იშონით!— წამოიძახა მღელვარებით ალექსიმ, ჰკრა კარს წიხლი, გადააქცია და შურდულივით გარეთ გავარდა. სწრაფად მიმოიხედა ჰან გარშემო, ეტყობოდა, თვალით, ვილაცას ეძებდა, მაგრამ ვერ შეამჩნია. „ვაი შენს ტყავს და რალა დროისაა ახლა!“—

მწუხარედ წაიჩურჩულა მან თავისთვის და თოფი მიწას დაახალა. ამ დროს თოფებმა დაიგრიალეს. „ნენავ, საცოდავო ნენავ!“ — ამოიკენესა ალექსიმ და გულ-გახვრეტული მიწაზე დაეცა.

იმ დროს, როდესაც ალექსი სიკვდილს ებრძოდა, ივანე უკან კარიდან ფრთხილად გარეთ გავიდა და უეცრად გაჰქრა. დღემდის გამორკვეული არ არის, როგორ მოახერხა მან გაქცევა. მართალია, თოფები კი გაისროლეს, მაგრამ ივანე შინც უვნებლად წავიდა. ამ გარემოებამ სხვა-და-სხვა მითქმა-მითქმა გამოიწვია. ამბობდნენ: „სტრაჟებს რომ მიენდომებიენ, რაღა წევიდოდა დავლადე ცოცხალი, მარა იგი განგებანი გაუშვესო.“ ზოგიც იმ აზრისა იყო, რომ „იმას იმისთანა წამალი აქ, ტყვია არ შეიკარებაო.“ მეორე დღეს ტფილისის გაზეთებში შემდეგი ცნობა იყო ოზურგეთიდან: „გუშინ, დილის სამ საათზე ს. პ.-ში მოკლეს ფირალი სანდოპიძე. დავლადე მძიმედ დაქრილია. აღმინისტრაცია ენერგიულად სღვენის მას.“

IX

სოფიოს სიკვდილმა დიდს მწუხარებაში ჩააგდო გიორგი. ის ერთობ ძლიერ მოხუცდა, მოტყდა. სოფიო, როგორც იყო, ოჯახს უძღვებოდა, მეთაურობდა, მაგრამ ეხლა აღარავინ იყო თადარიგის დამკერი. შვილის უბედურებამ მთლად გაამწარა საწყალი მოხუცი, ვინ იცის, რა საშუალება არ იხმარა, რომ შვილი დაეხსნა როგორმე. უმეტესი ნაწილი მიწამაშულისა და ოდა ამ საქმეს მოახმარა. ჯერ კიდევ საპყრობილეში იჯდა ივანე, რომ გიორგიმ მთავრობას მიმართა და ითხოვა: „მაგი ერთი შვილი მაჩუქეთ, მოხუცებული კაცი ვარ, მეტი არაფერი გამაჩნია ქვეყანაზე, იგია ჩემი მარჩენალი და მანუგეშებელიო,“ მაგრამ ვერას გახდა. პირველად გიორგის არ უშლიდნენ საპყრობილეში შვილის ნახვას, მაგრამ როდესაც ივანეს დანაშაულობა საბოლოოდ დამტკიცდა, მა-

შინ გასჭირდა საქმე. მოხუცი ყოველთვის, როცა შვილის სანახავად წასვლას დააპირებდა, გულ-მოდგინეთ იკეთებდა ჩოხაზე თავის ძველ პრაპორკიჩის ეპოლეტებს და ისე მიაღებოდა საპრობილოს კარებს, „ეგება მომერიდონ და ერთი გზობა მაინც მაჩვენონ ჩემი ივანე კიშბირში გაგზავნამდია“, მაგრამ ამაოდ. ბოლო დროს ყოველთვის ერთსა და იმავე პასუხს აძლევდნენ: „შენი შვილი „სეკრეტშია“ და იმისი ნახვა არ იქნებაო“. „ღმერთო, დიდება შენს სახელს, რა შეგცოდნე იმისთანაი, რომ ასეთე გამაძწარე ამ მოხუცებაში? აღარც ცოლის ვარ და აღარც შვილის! სიკვტილი რეზა გაგიჭირდა მაინც ჩემდა, რომ ამდენ უბედურებას შემასწარა?“ ამბობდა სასოწარკვეთილი გიორგი. იგი დასნეულდა და ბოლოს ლოგინადაც ჩავარდა. არაფერ არ ეკარებოდა მოხუცს, მხოლოდ მამა შეიძულეს ის: ყველანი წყველა-კრულვით იხსენიებდნენ დავლადის ოჯახს; რომლის მიზეზითაც მათ ამდენი შეწუხება და მწარე დღეები გამოეველოთ... ავადმყოფს მოვლა აკლდა; თავს ადგა ერთი მოხუცი დედაკაცი, რომელსაც გიორგი ხუთ თუთ სიმინდს დაჰპირდა თვეში. ორი თვე იავადმყოფთა მოხუცმა და შემდეგ გარდიცვალა. მიცვალეზულის დასაფლავება მისმა ძმამ, თევდორემ, იკისრა... გავიდა ერთი კვირა. იანვრის საღამო იყო. გარეთ მძაფრი ყინვა ჭარსებრძოდა. ამ დროს, სწორედ სახლიდან, სადაც რამდენისამე დღის წინად გიორგიმ სული დალია, რაღაც გაურკვეველი ხმაურობა და სიმღერის ხმა ისმოდა. ადმინისტრაციის განკარგულებით აქ რამდენიმე ყაზახი იღვა. ბოლოს ხმაურობა შესწყდა. ერთი ყაზახთაგანი თოფით ხელში გარეთ გამოვიდა. ეზო დაათვალიერა და იმ სახლისაკენ მიბრუნდა, სადაც ცხენი ეგულეზობდა. უეცრად თოფმა დაიგრიალა და უსულო გვამი ყაზახისა მიწაზე დაეცა... მესამე დღეს სამსონ ტარაძეც მოჰკლეს...

ამის შემდეგ ბევრი აღარც ივანეს დასცლია. ბოლოს დროს ის ძალიან ფრთხილად იქცეოდა, იშვიათად თუ ვისმეს ენდობოდა. ჯერ კიდევ ზამთარი მეფობდა. შუა ღამე იქნე-

ბოდა. ამ დროს ტყის განაპირას, სოფლისკენ მიმავალს, ერთ ვიწრო ბილიკზე გამოჩნდა ივანე. სწორედ სანახავად ღირდა ეს ახოვანი, თავით ფეხამდე იარაღში ჩამჯდარი ვაჟკაცი. კავკავის მშვენიერი ნაბადი გვერდზე მოეგდო და ფრთხილად წინ მიდიოდა. მისს მოძრაობაში მედიდურობა და ამპარტუნობა ისახებოდა. აი გაუსწორდა ერთ საყანე ადგილს, რომელსაც გარს ერტყა მაღალი თხრილი. ამასობაში მთვარემ ოდნავ გამოაშუქა. უეცრად თოფების გრიალი მოისმა თხრილიდან. ივანემ ერთი საზარლად დასკყივლა, სწრაფად გაისროლა თოფი და წინ გაექანა, მაგრამ გაქცევა შეუძლებელი იყო. მაშინ, უკვე შიშველ დაჭრილი, ერთს მოხერხებულს ალაგს მივარდა და ხეს მოეფარა. აქ ჩქარა გაჩნდა რამდენიმე ჯარის-კაცი. ასტყდა სროლა, ივანე განწირულებით იბრძოდა და თან შემარყვევლის ხმით კიჟინას სცემდა. ორი ჯარისკაცი მოკვდა, ერთიც დაიჭრა. „მოღით აბა პირდაპირ, დელი თქვენის შვილი ხართ... ახლო მოდი ვინმემ, თუ გულს გერჩის, თუ აი ბიჭები ხართ... ძვირად დაგიჯენ მე თქვენ ჩემთავს, ძვირად!..“

დიდხანს ისმოდა ჩახლეჩილი ხმა ყაჩაღისა. ბოლოს მარჯვენა ხელში მოჭხვდა და თოფი ხელიდან გავარდა. ძალღონე ჰალატობდა. მაგრამ მაინც არა სცხრებოდა; ახლა რევოლვერის ამოღებას ცდილობდა. კვლავ გაისმა თოფების გრიალი და ივანე საუკუნოდ დადუმდა...

X

განვლო რამდენმამე თვემ. ქვეყანა მოსვენებას მისცემოდა. ფირალების შიში აღარავის ძილს არ უფრთხობდა. შემთხვევით ნ—ში წასვლა მომიხდა. მაისის მშვენიერი საღამო იყო. ჩამავალი მზის სხივები ქვეყანას უკანასკნელად ვალერსებოდნენ. სადღაც შორს „ელესა“-ს გასძახოდნენ. ამ დროს ეკლესიის ზარის მშვიდი ღულუნიც გაისმა—მწუხრის ლოცვა იწყებოდა. ამასობაში ნ—ს მიუახლოვდი. ის იყო პატარა

ბუჩქნარში შევედი, რომელიც ამ სოფელს დასავლეთით აკრავს. უცრად გულსაკლავი ქვითინი შემომესმა. მე შევკრთი, ცხენი შევაყენე და დავაყურე. ახლა უფრო გარკვევით მოდიოდა ხმა. გზა გაღუბვიე, ცხენი დავაბი და გავსწიე იქით, საიდანაც გულის ამღვრევი ხმა მოისმოდა. ფეხაკრებით, სულგანაბული მივდიოდი წინ. ბოლოს შემდეგი სურათი წარმოვიდგა: ერთის ხის ძირას, მიწაზე, პირქვე ჩამხოზილი ეგლო ფეხ-შიშველა, შავს ძაძვი გახვეული დედაბერი და საცოდავად ბლოდა: „შილო, ალექსავ, მომენატრე, ერთი მეჩვენე არაფერი გიკირს, ნუ მემალები!“ მე მიუახლოვდი მოხუცს და დავაკერდი მისს ქალარა, გაწეწილს თმებს.

— დედი, რა იყო, რა დაგმართნია?— გაუბედავად წარმოვსთქვი მე.

მოხუცმა, რომელსაც ვერ ვაეგო ჩემი მისვლა, მოიბრუნა ჩემსკენ დაოსებული, მწუხარე სახე და ანთებულის თვალებით დამაშტერდა. ქვებით მოფენილი და ცოტად ამალღებული ფხვიერი მიწა, რომელზედაც მოხუცი დამხოზილიყო, ამტკიცებდა, რომ აქ სამარე იყო აღამიანისა.

— რაეა რა იყო, ბატონო! აქანაი ჩემი ალექსაი არის განზრახული, ჩემი მარჩენალი შვილი, ჩემი!— შემომბლაგლა საცოდავმა დედა-კაცმა და ისე ძლიერად დაახეთქა თავი მიწას, რომ მეგონა ტვინი დაანთხია-მეთქი.

— შვილო, შვილო, ჩემო კოკობ-უღვაშა ალექსავ, ჩემო ნენავ, რეიზა მომიძულე, რეიზა დამტიე ძაღლის საკმელოდ? ამას მპირდებოდი, ნენა, შენი პირიმე, ჩემო ძუძუავ?!— განწირულებით მოსთქვამდა საცოდავი მარინე და თან გულმკერდს იგლეჯდა. ამ გულ-ჩამთუთქველმა სანახაობამ მე სულ ამრია. მინდოდა სანუგეშო რამ მეთქვა, მაგრამ სიტყვა ყელში შემრჩა. შეწუხებული, თვალცრემლიანი უყურებდი უბელურს და ვერას ვახერხებდი.

რეკვიანა

(ა მ ბ ა ვ ი)

სოფ. ჯინქრიანში, სადაც თურმე დაუნდობელი და ლაზღანდარა ხალხი ბუდობს, ერთი აღმაშფოთებელი ურიგობა მოხდა. ამ სოფლის მკვიდრს გლახუნა უნდილაშვილს სულ უბრალო გაუფრთხილებლობისათვის „რეკვიანა“ დაარქვეს „სიგელად“. ეს სწორეთ იმ დროს მოხდა, როდესაც გლახუნს არაჩვეულებრივი თავისებურობა დასჩემდა ლაპარაკში. ეს „თავისებურობა“ იმაში გამოისატა, რომ გლახუნის საგარეო საუბარს საფანელად დედვა ჯინქრიანელებისთვის უცხო სიტყვა „რეკვიანა“. „უმცროს-უმფროსობა, რეკვიანა. ღმერთმა გააჩინა და კაცს რეიზა არ უნდა, რეკვიანა, ახსოვდეს აგი“... დაახლოვებით ამ გვარად შეზავებულ სიტყვა-პასუხის წყალობით გლახუნი მალე გამოსარჩევი კაცი შეიქნა მთელ კუთხეში. რასაკვირველია, ამისთანა იშვიათი მოვლენა შეუმჩნევლად ვერ დარჩებოდა ჯინქრიანში და კიდევ ამიტომ მონათლეს გლახუნი უცნაურის სახელით. ასეთი არა სასიამოვნო გარემოება, გლახუნის შეხედულებით, ჩირქს სცხებდა მის კეთილ სახელს და თავმოყვარეობას. მეტად ამცირებდა ქვეყნის თვალში. საიდან და როგორ შეიძინა ამ კაცმა ეს „უცხო“ სიტყვა—ნამდვილად არავინ იცის. ამბობენ, უნდილაშვილის ერთ შორეულ ნათესავს, რომელიც თურმე სადაც თვალ-საჩინო კაცად ითვლება, ძალიან ეხერხება „რეკვიანობით“ ლაპარაკით; ამიტომ ზოგიერთები ფიქრობენ, ვითომ ამ პატივცემულ გვამის წყალობით აიჩემა გლახუნმა მისთვის საჭირ-ბაროტოთ გამხდარი სიტყვა „რეკვიანა“. რა მოგახსენოთ...

ასე იყო, თუ ისე, გლახუნს ნათლად დაეტყო სხვა-ფერობა ლაპარაკში. პირველ ხანებში საქმე მშვიდობიანად მიდიოდა, გლახუნს ცუდი მაინც არაფერი შეუნიშნავს, პირიქით, ღიდ კმაყოფილებასაც გრძნობდა თურმე... მარა ხანგრძლივი არ გამოდგა გლახუნის ნეტარება. ბოლოს და ბოლოს იგი უსიამოვნოდ ამჩნევდა, რომ „რაქვიანას“ გაგონებაზე მსმენელნი ილიმებოდნენ და ზოგი ხარხარსაც ველარ იმაგრებდა. საცოდავი სანახავი იყო გლახუნი, როდესაც ერთმა თავსედმა ახალგაზდამ ხუმრობით წასძახა მას შეკრებულებაში: „ა, შე რაქვიანა!“ საზოგადოთ წყნარი და მშვიდი გლახუნი საშინლად აღელდა, დაიბნა; იმან იგრძნო, რომ ამ დაცინვით უზომოდ შეურაცყვეს ის, დაამცირეს საზოგადოებაში და არ იცოდა, როგორ მოქცეულიყო იმ წუთში, რა მოექმედნა. „დამშვიდებით ვეტყვი, რომ არ არის წესი და რიგი“ დააპირა მან, მარა ისევ გადაიფიქრა: „ახლავე თუ არ ვაჩვენე თავი, არ ივარგებსო“ და გაექანა... ძლივს შეაკავეს ვანრისხებული გლახუნი. ამ შემთხვევამ კიდევ უფრო გაუძლიერა დაცინვის მალა ზოგიერთ არამზადას... თუმცა გლახუნი ბოლო დროს მეტის სიფრთხილით იქცეოდა ლაპარაკის დროს, მაინც არ ეშვებოდნენ. საქმე იქამდის მივიდა, რომ გლახუნს მისი ნამდვილი სახელით. თითქმის აღარავინ იხსენიებდა. ერთი სიტყვით, ჯინჭრიანში გლახუნ უნდლილაშვილი თითქო აღარც კი არსებობდა, მის მაგიერ იყო ვილაც „რაქვიანა“. ეს გარემოება გლახუნმაც კარგად იცოდა და გული ბოღმით ევსებოდა... „ასე უსაშველოდ რომ ამომიჩემეს, რა უნდებიენ?“ ეს გულ-საკლავი კითხვა გონებიდან არ შორდებოდა გლახუნს...

წარმოიდგინეთ ერთი უბადრუკი აზნაური, რომელიც სადღაც, მივარდნილ სოფელში შავ ბედს ებრძვის. უნდლილაშვილს ახალგაზდობიდანვე კისრად დააწვა ოჯახი. ცხოვრებამ მძლავრად შებოჭა იგი და სადღაც ჯურღმულში შეათრია... რა არის დღეს გლახუნი მეზობლების თვალში? ჩვეულებრივი მხენელ-მთესველი, უბრალო მუშა, რომელსაც სუ-

ლი ამოსდის სიღარიბეში. არავეთარ შრომას აღარ ერიდება გლახუნი, მარა, რაც უნდა იყოს, იგი მაინც ვერ დაივიწყებს, ვერ უარყოფს თავისს გვარიშვილობას... თუმცა მას ერთხელაც არ ამოუღია ხმა ამის შესახებ, არაფერი გაუმხელია, მაგრამ გულის სიღრმეში ის შეძრწუნებულია და მწუხარებით გრძნობს სიღარიბის გამო ათას გვარ დამცილებას, შეურაცყოფას. ამ ყოფის გამო გლახუნი სრულიად მოწყდა იმ წრეს, რომელსაც იგი ჩამომავლობით ეკუთვნის; მაგრამ სულით და გულით მაინც იქით არის. „რა ტყულად ვაცთენ კეთილშობილებასო“ არა ერთხელ კენესით გაუტარებია გუნებაში გამწარებულ გლახუნს, როდესაც თავის მდგომარეობაზე დაფიქრებულა. რასაკვირველია, იგი გულის ტკივილით შენატრის იმათ ბედს, ვინც ბრწყინვალე წოდების ღირსეულ წევრად ითვლება: მათ ხომ ყველგან შესაფერის პატივისცემით ეპყრობიან. გლახუნი კი ჯინჯრიანშია ც სრულიად უმნიშვნელო კაცია, მას აქაც კი არაფრად აგდებენ, არც პატივისცემა, არავეთარი მორიდება. ლამის მთლად წაიშალოს, სამუდამოთ გაქრეს მისი ახნაურ შვილობა მეზობლების თვალში...

ეს საკვირველიც არ იყო: ოჯახისთვის თავდადებული გლახუნი თავზე საკმაოდ ველარ ზრუნავდა; თუ მის გარეგნობას ოდნავ მაინც კიდევ ემჩნეოდა რაიმე თავისებურობა, ეს უფრო ცისფერი ჩოხის მიზეზით იყო, იმ ჩოხის, რომლის მსგავსს მთელი იმ მიდამოზე გლახუნის გარდა სხვა არავინ ატარებდა. უკუღმართ გარემოებათა წყალობით, გლახუნი უკან ჩამორჩა შესაფერ საზოგადოებას. მასთან კავშირის შეწყვეტით, ბევრ რამეს მოაკლდა. ამიტომ როგორღაც გულში ჩაუვარდა მას ბედნიერ შემთხვევით გაგონილი „უცხო“ სიტყვა, მძლავრათ ჩაეჭვდა იგი გონებაში, რის გამო მის მეტყველებას, ცოტად თუ ბევრად, განსაკუთრებული ელფერი დაეტყო; მაგრამ მეზობლებმა ეს მეტად იუცხოვეს და მოხდა ის, რასაც გლახუნი სულაც არ მოელოდა...

„ქვეყანამ ჩემდა შეიცალა,“ — ფიქრობდა ბრაზ-მორეული გლახუნი. მას ათას გვარი ფიქრი აეშალა. ვინ იცის, რა აზ-

რით ეძახიან მას „რაქვიანას“? ალბად, მის უსახსრობას, გაქირვებას დასცინიან... გლახუნ უნდილაშვილი რაქვიანაა, ე. ი. რა არის გლახუნაი, რა კაცია, რის მაქნისია მისი აზნაური-შვილობაო... ამ დაცინვაში გლახუნის გრძნობს, თითქო ეს-მის კიდევ ვილაცების ხარხარი, გაურკვეველი სიხარული... ახლა ყველა მისი მოსისხლე მტერია, ყველა, ვინც მის დანახვაზე ილიმება. ქვეყანას მოედვა მისი ამბავი...

ცოლის შერთვაზე ოცნებობდა, მარა დღევანდელ ყოფა-ში განა შესაძლებელია ამ განზრახვის სასურველად განხორციელება!..

აუტანელ მდგომარეობაში ჩავარდა გლახუნი. იგი რომ შეძლებული და გავლენიანი ყოფილიყო, ხომ ვერათერს გაუბედადენენ, მარა, რადგან ღარიბი, უმნიშვნელო კაცია, აღარავინ მოერიდა მას, გათელეს, მიწასთან გაასწორეს... ამან ვერ შეურიგდება გლახუნი, მან უთუოდ თავი უნდა დაახწიოს ამ ყოფას, წელში გაიმართოს, აიწიოს ზევით, ისეთ მიუწღრომელ სიმაღლემდე ავიდეს, რომ ყველა განაცვიფროს, შიში და მორიდება აგრძნობინოს...

ამ სურვილის შესრულებაზეა ახლა დამყარებული გლახუნის მთელი მომავალი, მისი ბედი. ეს მისთვის „ყოფნა არ ყოფნის“ კითხვაა... მაგრამ ნუთუ შეუძლებელია ამ სურვილის განხორციელება, ნუთუ ეს ოცნებად უნდა დარჩეს? გლახუნი მარტო არ არის, მას ყავს უმცროსი ძმა, რომელიც ახლა სწავლაშია.

ესა ისეთის „მონაქნევისაა“, რომ გლახუნი ჯერ ეხლაც კრძალვით ეპყრობა მას. „იმას ახირებულათ ვერ შებედავს კაცი,“ ფიქრობს გლახუნი: „იმან თუ სტავლა გაათავა, სადაც უმაღლესია იქინეი, იმისთანაი ნასტავლი დიდ ადგილს იშონის იოლათ, რა იქნება მაშინ?... ვთქვათ, ინჯილერათ გამოვიდა ან სუდიათ“... მაშინ ხომ გლახუნიც ამალღდება, ფასი მოემატება ქვეყნის თვალში, ოჯახსაც, რასაკვირველია, სულ სხვანაირად მოაწყობს, გავლენას, პატივისცემას მოიპო-

ვებს მეზობლებში. ამ რიგად, თავის თავად მოისპობა ის, რაც ღღეს მას მოსვენებას უფრთხობს, სიცოცხლეს უშხამავს...

იყო დრო, როდესაც გლახუნს, ცოტა არ იყოს, სწყინდა, რომ მისი უნცროსი ძმა შინაურობაში გამორჩეული ჰყავდათ, მასზე განსაკუთრებით ზრუნავდნენ და მამის სიცოცხლეშივე სასწაულებელშიც მიაბარეს, მაგრამ დრო გავიდა და გლახუნი შეეჩვია თავისს ხვედრს...

ვასო სახელმწიფო ხარჯზე მიიღეს. სახლიდან მას ბევრი არათფერი დასჯირებია. გლახუნი ოჯახში ტრიანლებდა, როგორც შეეძლო. ათასნაირი სიმწარე და გაქირვება გამოსცადა მან, მაგრამ როგორც იყო, ღღემდე სული მოიტანა და „ფუტი არ გააცივა“ ამასობაში ძლიერ დაქვეითდა გლახუნი და ღღეს მეტად დაჯაბნებული კაცი შეიქნა. „დაბალ ღობეთ“ გაიხადეს... მაგრამ, საბედნიეროდ, ძმაც ხომ მალე მოესწრება მას და ამ იმედით გლახუნს სჯერა მომავალი, უკეთესი შერპისი... როგორმე მოითმენს, დროებით კიდევ გაუძლებს ამ ყოფას... სამაგიეროდ, მერე, როდესაც სასურველად შეიცვლება ცხოვრება, დადგება სწვა ხანა, სანეტარო დრო... რა უშავს, გლახუნი ჯერ ახალგაზდა კაცია, კიდევ მოესწრება ბედნიერებას... „ღმერთო შენით, მტერს არ გაეახარებო,“ გადაწყვიტა გლახუნმა და თავისუფლად ამოისუნთქა...

დრო გადიოდა. ვასომ სწავლა დაასრულა. გლახუნი სიხარულით ცას ეწეოდა. წინეთ თუ არათრად ეხალისებოდა მას მეზობლებთან ლაპარაკი. ახლა თითონვე თამამად იწვევდა მათ სამუსაიფოდ და, როდესაც სიტყვა მოიტანდა, სიამონებით მოუყვებოდა ყველას ძმის შესახებ. ღმერთო! რას არ ლაპარაკობდა თურმე მაშინ გამხნევებული გლახუნი!..

— როის ელი ვასოს აქეთ?— ეკითხებოდნენ გლახუნს აქეთ-იქიდან.

— ჯერ ვერ მიიკლის მგონი. ამას წინეთ მომწერა, საცხა, გრანიცაში. ვეროპიაში, უნდა წვევიდეთ, სტავლულებმა თავი უნდა შევიყაროთო, რაცხა უნდა გამეიკლიონ და დაადგინონ თურმე. ყველა სახელმწიფოიდან მივა თითო-ოროლა

კაცი და აქედან მე მგზავნიანო. ათი ათასი მანათი მუშუკუ-
მიენ ხაზინიდან სახარჯავათ.

— რა თანამდებობაში უნდა შევიდეს ახლა?

— ჯერ თლათ არა აქ გადაწყვეტილი: ათასპოტიკი გზაი
გამუჟითა მაინც; იქინეიც კი ეხვეწებიენ, დარჩი აქანაიო, მარა
ვარი უთხრა ყველას. სხვად აღგილი აქ...

— აქეთ რომ ითხოვს სადმე, არ იქნება?

— იგი სათხოვნელათ აღარაა... აძლევენ კიდევაც... რაც
რომ ახლა მაგის ნაწილი ქი არაა მთელ კაეკასიაში, იპის
უფროსათ ნიშნავენ...

— გაკეთებულხარ კაცი, გლახუნ, ამფერი ძმაი მოგესწრა.
აწე რალა გიქირს, მაგისთანა აღგიღს თუ კი აძლევენ...

— რავა, შე დალოცვილო, რაი მერე, რომ მიცენ?...
ოცდა ოთხი კლასი გაათავა, აღარაფერი დუჟუტიებია უსტაე-
ლელი... — ღიმილით დაასრულა სიტყვა გლახუნმა.

ვასო სამსახურში შევიდა და მალე ცოლიც შეირთო. ეს
უკანასკნელი გარემოება არაფრად ეპიტნაეა გლახუნს; „რა
დროის იმის ცოლი იყო ჯერ, რა აჩქარებდაო,“ უსიამოვნოდ
გაიფიქრა მან. მაგრამ, ქვეყნის შესახედავად, მაინც არ შეი-
ფერა ეს.

— სიღოური ქალია შენი რძალი? — შეეკითხნენ გლახუნს.

— იქოურია ისთევე. არ უნდოდა ჯერ ცოლის შერათ-
ვა, მარა საშველი არ გაართვეს თურმე.

— შენ აღარაფერი იფიქრე შენდა, მარა ვასომ ხომ მო-
გასწრო, უმცროსმა გაჯობა! — გაეხუმრა გლახუნს ვილაცა.

— მაჯობა რავა... ისევე ჩემმა ძმამ მაჯობა, თუ მაჯო-
ბა... იმან რომ შეირთო, სხვას სიზმარშიაც არ მიეღანდება
იმისთანაი: სტაელოლი ქალია და ბარე ოცი ათასი მანათი
აქ შამოსავალი წელიწადში... — ძლივს შეიკავა თავი შექარ-
ხლებულმა გლახუნმა.

დიდს ფაცა-ფუცში იყო გლახუნი: ძმასა და რძალს მოე-
ლოდა. პირველი შთაბეჭდილების მნიშვნელობა კარგად ეს-
მოდა გლახუნს და ამიტომ ცდილობდა შესაფერად მოწყო-

ბილი დახვედროდა მათ. წინეთ ის ფიქრობდა, ძმა ჯერ სა-
კირო ფულს გამომიგზავნის და, ოჯახს რომ რიგიანად მო-
ვაწყობ, მერე ჩამოიყვანს ცოლსაო, მაგრამ შესცდა: ვასოს
საიმისო არათფერი გამოუგზავნია; მოკლე წერილით ატყობი-
ნებდა იგი გლახუნს: სახლი და ეზო გაასუფთავე, მაქ ჩამო-
სვლას ვფიქრობთ ამ ზაფხულს, ზინას უნდა ნახოს მაქაურო-
ბაო. დატრიალდა გლახუნი: „ფულს რომ ვიშოვნოდე სასეს-
ნებლათ ვასოს ჩამოსვლამდი, ბარალმაი დაეახვედრებდი ახალ-
ოდას, მაინც ხომ უნდა ვიყიდოთო,“ ერთი გაითიქრა მან.
მაგრამ ვერათფერი მოახერხა და ბოლოს ისევ ხმა გააფრცელა
მეზობლებში: „ვასომ მომწერა, სახლი ჩემ გემოზე უნდა ავა-
შენებო საგანგებოთ, პლანს ჩამევიტან, ნაუცფათეფათ გაკე-
თებული არ ივარგებსო: დაჩათ უნდებიენ გააკეთონო...“

გლახუნმა სადღესასწაულოდ მოაწყო კარ-მიდამო. დიდი
მზადება ჰქონდა იმ დღისთვის, როდესაც ვასო უნდა ჩამო-
სულიყო; გლახუნს დაპატიჟებული ჰყავდა შემთხვევის შესაფე-
რი რჩეული სტუმრები, ვინც კი ეგულებოდა ახლო-მანლო
საპატიო და ვისაც კი „შესტვა,“ აღარაიენ დაუტოვებია...
სალამოს ჯინქრიანის გზაზე გამოჩნდა ეტლი, რომელსაც
გლახუნი გულის ფანქვალით ელოდა. ეტლი ეზოს პირდა-
პირ გაჩერდა. ვასო გადმოხტა და ხელი მიაშველა ცოლს
ეტლიდან გადმოსვლაზე. ამის დანახვაზე სტუმრები წამოი-
შალნენ, დაიძრნენ. გლახუნი წინ-და-წინვე გაიქცა მისაგე-
ბებლად, მაგრამ აჰ დროს ერთი ისეთი გარემოება მოხდა,
რომელმაც მთლად აურიო მას კვალი: იმ დროს, როდესაც
გაქანებული გლახუნი უახლოვდებოდა სასურველ მგზავრებს,
ვასომ მას ხმა მიაგება: „მიხედე იქ, არათფერი გაფუქტეს, აჩ-
ვენე, სად დაალაგონ.“ და ხელით ანიშნა ბარგი, რომელიც
მოსამსახურებმა მეორე ეტლიდან გადმოიღეს და ეზოსკენ
წაიღეს. გლახუნმა თუმცა გაიგონა გაურკვეველად ხმა, მაგრამ
ატაცებულმა ველარ მიაქცია საკმაო ყურადღება, ვერ მიხვდა
ძმის განზრახვას; იგი ინსტიქტიურად მიისწრაფოდა... ის იყო
გლახუნი კიდევ უნდა დამგვრებოდა უცნობ რძალს, მაგრამ

ნოთმინებიდან გამოსულმა ვასომ კვლავ მიიძახა: „არ გესმის, რა გითხარი, ხომ არ დაყრუედი, ჩქარა გაყევი!“ ახლა კი შეკრთა გლახუნი, შეჩერდა, სირცხვილის ოფლში გაიწურა და გაშტერებული უკან გაბრუნდა. „რა იყო აი, რეიზა მიქნა?...“ გულის ტკენით ეკითხებოდა იგი თავის თავს. დიდი ხნის უნახავი ძმა, უცნობი რძლის პირველი ჩამოსვლა და ამნაირი შეყრა... როგორ წარმოიდგენდა ამას გლახუნი... „სტუპრების შესახედავად მაინც არ მომხდარიყო, რას იტყვიან... ეგება ნამგზავრზე დალალული არიან და იმიზა...“ ინუგეშა მან თავი.

უნდილაშვილის ოჯახმა ერთბაშად სულ სხვა სახე მიიღო. ეზოში უცხო ხალხი ამოძრავდა. ძველი ოდა ხალიჩებით მოკაზმეს და შესაფერად მოაწყვეს. წინანდელი „მორთულობა“ საღლაც გაქრა. როცა ვასო კედელზე გაკრულ სურათს თხრეწდა, გლახუნმა თვალი შეასწრო ამას და ღრეკით შეევედრა: „იყოს, რას აშაგებსო,“ მაგრამ ვერას გახდა.

გლახუნს ეკვი აღარ ჰქონდა, რომ მის ოჯახში დღეს „განათლებული ცხოვრება“ დაფუძნდა. თავის მხრით იგი, რაღა თქმა უნდა, ცდილობდა ამ გარემოებისთვის ანგარიში გაეწია. მაგრამ შეტად შეუფერებელ პირობებში ჩავარდა გლახუნი: ყველაფერი, რაც დღეს მის გარშემო ხდებოდა, თავბრუს ახევედა მას. ერთბაშად მოვარდნილმა ტალღამ ნიადაგი გამოაცალა, გაარეტიანა, მთლად დააბნია. ყოველ დღე ანგარიშ მიუცემლად ფუსფუსებდა გლახუნი, აქეთ იქით ეხეთქებოდა...

მეუღლენი უფრო ეზოში მდებარე პატარა გორაკზე დასვირნობდნენ, რადგან ამ ადგილს გრილი ნიაფი ხედებოდა და საკმაოდ დაჩრდილოელიც იყო იგი. კარგს დარში აქ შეექცეოდნენ ისინი სადილს და ჩაისს. ამიტომ საკირო შეიქნა გორაკის უკეთ მოწყობა, გამშენიერება. ბევრი შრომა დაიხარჯა ამ საქმეზე: უვარგისი ბალახი გადათოხნეს, გაწმინდეს, ოღრო-ჩოღრო ადგილები გაასწორეს, სახლიდან ამოსასვლელი გზა ვაკეთეს და, ბოლოს, მახლობელ წყაროდან ანკარა, ცივი

წაკალულოც გამოიყვანეს. გლახუნს ძლიერ მოსწონდა ეს აღ-
გილი, ახლო მომავალში სწორედ აქ აპირებდა ახალი ოდის
აშენებას; ამის შესახებ კიდევ გადუკრა მან ვასოს სიტყვა:
„ამ მუხურაში არაა ამისთანაი სამოსახლო. ერთი კაი სიხლი
ქაღიან დაშვენდება ამ კუნტრუკას, ისეი დაყოლიპავს თვალს,
რომ სანახავად მადლი იქნება: საწყალი ბაბაიც, რომ დასც-
ლოდა, აქანაი ფიქრობდა დასახლებასო,“ მაგრამ ამ სიტყვებ-
მა მარტო უგემური ღიმილი გამოიწვია... გათენდა კვირა.
გლახუნი ალიონზე მღვდელთან გაიქცა.

— იმდონი სიკეთე მიქენი, მამო, რომ წირვა დღეს
სსოპინდელზე მოგვიანებით დაიწყე რაცხაფერაი, — ქაქანით დაი-
წყო გლახუნმა: გვიან დგებიენ და ნამეტარი კაი იქნება, თუ
შუუტთი...

— კი, მარა მაშინ რომ გითხარი, გახსოვს?.. ამ მრგვ-
ლის კაცი, სადაც უნდა წევიდეს, მაინც ჩემია. — საცხა ჯვარი
დფიწერა. მე რა მხთა მეოე! მე მაინც მერგება... მაგისაგან თუ
აღაფერი მომიწია, ვილაისაგან შემბთება... ერთ ათ თუმნიანს
მუუგრინოს კისერი... — ჩაიცინა მოხუცმა.

— შენ არაფერზე შეგაკლებიებს გულს, ფიქრი ნუ გაქ.
ოლონდ იგინის მოსლამდი არ დფიწყო...

— დასურ ვიხუმრე აგერ, თვარა რავაც მას ენებოს,
ხულაც რომ არაფერი მომცეს, მაინც მისი მლოცველი ვიქ-
ნები ჩემ სიცოცხლეში, ამისთანაი კაცი რომ გამეოზარდა...

იენისის დილა იყო. ხის ფოთლებიდან ჩამონადენი ცვა-
რი აქა-იქ კიდევ ეპკურებოდა დედამიწას. აცრემლებული ბა-
ლახი მხიარულად უღიმოდა მაცოცხლებელ მნათობს. ზინან
კარი გააღო. ოთახში გრილი ნიაფი შემოიქრა.

— Ну и дача же у тебя! Какая страшная сырость!.. —
შექმუხვნით წარმოსთქვა ქალმა.

ამ დროს გლახუნი შემოვიდა.

— სახტარზე ხომ კი წაბძანდებით დღეს? — ღიმილით მი-
პართა მან რძალს.

ქალმა გაკვირვებით ქმარს შეხედა.

— ვინ გითხრა მივდივართო?— მიუბრუნდა ძმას ვასო.

— რეიზა, ოჯო? ერთს აღარ განხვალ შენ სალოცავზე? აბდენი ხანია აგერ არ ყოფილხარ. ჩემს მტერს დიემართა აი! ერთი შეგხედოს კაცმა...

— კარგი ერთი შენ, მოყოფი...

ვასო პირველად უარზე იყო, მაგრამ პერე დათანხმდა, რადგან ზინამ მოისურვა ჯინჭრიანელ საზოგადოების ნახვა.

— შენ ისევე, თვარა აგი წუუკარებელია, რომ ვეფერს მოგახტენ. იგია ჩემი უბედურობა... ქართული ისტავლე აწე, ქართული!— გამოეხუმრა რძალს გლახუნი.

— კარგი ერთი, თუ ღმერთი გწამს, ნუ იღრიალები უხვი-როთ!...— უსიამოვნოდ მოუქრა ვასომ. გლახუნი წამოაწიოთლდა; თვალები მას ისევე გაბრწყინებული დაურჩა, მაგრამ სახემ რალაც საცოდნავი, შესაბრალისი გამომეტყველება მიიღო.

„Каким онъ отърашимся!...“ შენიშნა ზინამ. იმ დღეს ჯინჭრიანის ეკლესიამ ჩვეულებრივზე გაცილებით მეტი მლოცველი მიიზიდა. ჯგუფ-ჯგუფად დაყოფილი ხალხი ნაძვების ჩრდილს შეფარებოდა და წირვის დაწყების მოლოდინში, ბაასობდა. ბევრი უკმაყოფილებას აცხადებდა, რომ ავდენს აცდევინებდნენ. მზე კარგად წამოწეული იყო, როდესაც უნდოდა შეიღებოდა საყდრის გალავანში ჩაფიქნენ. ძნელია იმის თქმა, თუ რას გრძნობდა გლახუნი იმ დროს, როდესაც ვასოსთან ერთად შედიდურად ჩაუარა შეზობლებს; ვინ იცის, რას ნიშნავდა იმ წუთში თითო მისი გამოხედვა... გლახუნი არ შორდებოდა ძმასა და რძალს, უნდოდა თაღარიგი დაეჭირა საყდარში შესვლის დროს, თუ ეს საჭირო აღმოჩნდებოდა; ამიტომ ლაზათიანად შეამკო მან თავის გუნებაში ერთი ნაცნობი, რომელიც წინ შეეხეჩა მას იმ დროს და შეაჩერა. როგორც კი თავი დაახწია ამ დაბრკოლებას, მაშინვე გაექანა გლახუნი, მაგრამ გვიანლა იყო: ვასო და ზინა იქვე, შესავალში გაჩერებულიყვნენ. უმრავლესობა მათ წინ იდგა. აქ, ამ უკანასკნელ ადგილზე, გლახუნიც არ გაჩერებულა თავის დღეში; მას აჩემებული ჰქონდა ალაგი წინ, მარჯვენა კუთ-

ხეში; შევიდოდა თუ არა საყდარში, მაშინვე იქით გასწევდა. სწუხდა გლახუნი: ასეთ უხერხულ ადგილზე გაჩერება, მისი აზრით, თუ მთლად არ გააქარწყლებდა, შესაძენვეად მაინც შეასუსტებდა დღევანდელ შთაბეჭდილებას. „იფიქრებენ: ალბათ ვერაფერი ბედაურები არიან, თვარა უკან დგომას რეიზა არ თაკილობენ,“ გაუელვა გლახუნს. მოუსვენრად მოავლო მან ანთებული თვალები გარშემო მდგომ ხალხს და სადღაც მოძლიძარი სახეც კი შენიშნა. „ე, უთუოთ“... შეძრწუნდა გლახუნი: ის მთლად შეიპყრო ერთმა გრძნობამ, ველარ გაუძლო ამ ყოფას; თავდავიწყებამდე მისულმა სტაცა ძმას ხელი და გულის წყრომით წარმოსთქვა:

— რა დაგემართენ. თქვენი შესაფერი ადგილი ველარ მონახეთ!?

სიბრაზისაგან ჭაფითრებულმა ვასომ მრავალ მნიშვნელოვანად გადახედა გლახუნს და ვიახალა:

— დაეკარგე აქედან! რა ღმერთი უწყობდა!..

გლახუნი უცბად გამოერკვა და სიმწარისაგან მთლად დაილია. „ყველამ დღინახა“. სასოწარკვეთილებით გაიფიქრა მან და სახეს აღმურო მოედვა. მეტად მწვავე იყო მისთვის ეს წუთი... ვინ იცის, რას არ გამოიღებდა მაშინ გლახუნი, რომ ამ დღეს წირვა როგორმე გაგრძელებულიყო, დიდხანს არ გათავებულიყო: იქნება როგორმე მოვახერხო და გამოვაკეთო საქმე, ისეთი რამ მოვახდინო, რომ ცოტა რამ მაინც მოვიგო ხალხის თვალშიო... ამ ფიქრებში წასულმა გლახუნმა ვერც კი შენიშნა, როგორ გათავდა წირვა...

სოფელში დაუსრულებელი პითქმა-მოთქმა ატყდა უნდოლა შეიღობზე:

„თურმე ვასო უჩივა ცოლს. გლახუნაი მამა ჩემის უკანონო შეილიაო: ასე გააცნო თურმე...“

„საცოდავი რაქვიანაი სულ ალაფერი გამოჩიდა იგენტან, კაცო არაფრათ არ აგდებს; იგი არა, ისეი ეიგდეს მოსამსახურებმაც. რომ წამ და უწუმ აქეთ-იქით გზანიან, ბალანსავით აჩანჩალებენო.“ „დასურ ნამეტარი უკადრისი ყოფილა

იგი ვასო, თვარა რეიზა უფრო მიღებული არ ყავს ძმად, რაცხაა, ანია თუ კი, მინც ძმად მისი; ღმერთმა რომ კაცს სიკეთე მიცეს, იმიზა კი არ უნდა გაღირიოსო.“ ვინ იფიქრებს, მად რაქვიანადი—გლახუნაის ძმადია; ~~დასურ~~ თლათ გასამტყუნარიც არაა კაცი: რა უნდა უყოს გლახუნას, ხომ ვერ გაზდის ახლა; რაცხა შინაურობაში თუ წუთლაპარაკებს, თვარა სადმე საზოგადოებაში რომ წააყენოს, რას შეინმარს თავს, ან რას შეიღირსიებსო,“ უმატებდნენ ზოგიერთები.

გლახუნს ადრევე განზრახული ჰქონდა სადღესასწაულო წვეულობა. ეს უნდა ყოფილიყო ერთი არაჩვეულებრივი, ბრწყინვალე ნადიმი, რომელსაც დიდი შთაბეჭდილება უნდა მოეხდინა ჯინჯრიანელებზე, დიდხანს არ უნდა წაშლილიყო მათ ხსოვნაში, მაგრამ ვერ ახერხებდა...

— ვითამ ისე წახვალთ აქედან, რომ აქოურ დიდკაცობას არ გვიცნობთ? რა უნდა იყოს ქალაქში ჩასლა, არც ისე შორაა... ერთი დაგვაპატიყებიენ იმ დღიზა... — სცადა გლახუნმა.

— მერე შენ რა?.. — შუბლის შეკვრით დაეკითხა ვასო.

— რეიზა, ოჯო... რავაც დაგშეენდება, ისე უნდა ქნა; ჩვენ ოჯახს აწე სხეანაირი... იგი მართებს... ქვეყანა თვალითაა...

პასუხის ნაცვლად ვასომ პირი მიაბრუნა და ნელნელა სტვენას მოჰყვა. ამ დროს გლახუნმა თვალის მოპკრა ეზოში შემოსულ მანდილოსნებს, რომელთაც ერთი კობტათ გამოწყობილი ყმაწვილი კაციც ახლდა.

— პაწია სტუმრებს დიენახვეთ და გამიელაპარაკეთ, მოვლიენ აგერ... — გაუბედავად განაგრძო გლახუნმა.

— ვინ სტუმრებია? კიდევ მომაყენე, ალბათ ვინმე... — უსიამოვნოდ დაიწყო ვასომ.

— იპისთანადი არა კაცია! ტყუილადი, სანახავთ არიან მოსულო...

— რა დროს ნახვია!.. თავს აბეზრებენ ადამიანს უღროლო დროს... მოსვენება არ არის!.. 'იმისი არ იყოს, შეგიყრია ვილაც ბიჭ-ბუჭები, დღე და ღამ აქ ტრიალებენ, რის

შაქნისი არიან!.. მაგისტანა ხალხთან სალაპარაკო არათფერი პაქეს.

— რაჲა გეკადრებიენ მაი?—იწყინა გლახუნმა: ურიგო არაკაცი მომიყვანია. აბა ვინ უნდა დამეპატიუებია? ნასტავლი და გარეთ გამოსული კაცები, სიტყვა-პასუხი და განათლება რომ გიეგება აგენია; ყოლგან მიღებული არიან იგინი... არ ივარგებს ასთეი, კაცს რომ არათრათ ჩააგდებთ!..

— თუ არა მსურს ყურის გდება, მაინც უნდა ილაპარაკო?..—შკაცრად შენიშვნა ვასომ.

— იმას ვჩივი, რომ ასთეი თუ დეიწყეთ, შევიჯაყებით ქვეყანაში. სოფელია აქნაი, ვინ იცის, რას არ იტყვიან... მე თუ პაწია მაინც გიყვარდე და რამეთ მიგაჩთეთ, გეიგონეთ...

— რათ ხარ შენ ახლა აქ? როდის დაგიძახებ?—გაცხარებით გააწყვეტინა ვასომ:—არ გნახო აქ მოსული დაუკითხავად! ველარ გადავჩი ამის გლახურ ქცევას!.. ყველაფერში, ყოველ სიტყვაზე, უბრალო მიხვრა-მოხვრაშიც კი ეტყობა რალაცნაირი... აბა გამოიხედე აქეთ, პირდაპირ!.. სასიერცხო არ უნდა იყოს კაცი... რატომ ასე ლულლულებ? კაცსავით თქვი აბა სიტყვა, თუ შეგიძლია? თავი მალლა აიღე, წელში გასწორდი, აბა... დაიწყე ჰო: „მევიჯაყებით“...—გამოაჯაფრა ვასომ—ჰაა?.. შენი შეხედულება ვის რათ უნდა! როდის იყო, რჩევას გთხოვდი? უნდა იცოდე, რაც შენთვის რიგიანი და მოსაწონია, იმას ჩვენ სხვანაირად ვუყურებთ. შენ შენი თავის გრცხვენოდეს მუდამ, ჩემ მაგიერ ნუ შეგრცხვება... შენთვის იყავი შენი სტუმრებით, ვესმის, შენთვის! რომ წავალთ, მაშინ ვინც გინდა, ის მიიღე, როგორც გსურდეს, ახლა კი ნუ გვაწუხებ. ჩვენი საქმე შენ არ გეხება და ნურც ეჩხირები!..

— კაი, კაი, მეყოფა!—ყრუთ წაიღულუნა გლახუნმა.

— სხვა დროს, სხვა დროს!—მიძახა ვასომ კიბეზე ამოშავალ სტუმრებს:—უდროო დროს მოსვლით გვაწუხებთ! ეს კაცის გლახა გაგაბრიყვებდათ, ალბათ,—მიუთითა მან გლახუნზე.—სულ ამის ბრალია!.. სწორეთ ისე მომაბეზრა თავი,

რომ სამუდამოდ შემაძულა აქ ჩამოსვლა! არ ვიცი, თუ რო-
დისმე ვიფიქრებ...— მკვახელ დააბოლოვა ვასომ და კარები
გაიხურა.

ყველა შეკრთა... გლახუნი სულ მთლად ჩაიფუფქა და
ველარაფერი მოახერხა...

ვასომ და მისმა მეუღლემ იმ თავიდანვე აიცრუეს გული
ჯინკრიანზე: არც ხალხი, არც ადგილის მდებარეობა მათ არ
მოსწონდათ. ძლიერ აბრაზებდათ ის გარემოება, რომ ადგი-
ლობრივ სასოფლო დუქანში მათთვის საჭირო სანოვაგე არ
მოიპოვებოდა. ზინა კიდევ თავის ტკივილს და ათასს სხვა
მიზეზს ასახელებდა, რის გამოც აქ გაჩერება, მისი აზრით,
შეუქლებელი იყო. თავისი უკმაყოფილება, რასაკვირველია,
გლახუნსაც არა ერთხელ აგრძნობინეს.

— ამაზე მეტი თუ არაფერი იშოვებოდა აქ, რატომ
დროზე არ შემატყობინე, რათ მომწერე— ყველაფერი არისო?
— წყრებოდა ვასო.

— რა ვიცი. რაღა, სხომის ყოლიფერი იშონებოდ იმ
დასაქცევში... ქვეყანა იქიდან ხარჯულობს...

— კიდევ ლაპარაკობს! რა იშონებოდა?..

ერთი კვირის შემდეგ ცოლ-ქმარს ბორჯომისკენ მიაქ-
როლებდა მატარებელი.

უნდილაშვილის ოჯახი კვლავ დაცარიელდა. გლახუნი
როგორღაც მოეშვა. ეხლა, როდესაც ცხოვრება ისევ ძველ
კალაპოტში ჩაღარდა, გლახუნმა იგრძნო, რომ ვასო სრული-
ად „უცხო“, „ვეგიინდარაია“ მისთვის, რომ ძმის ჩამოსვლამ
სულაც არ გაუმართლა მას იმედი: იგი არამც თუ ვერ ამაღლ-
და, პირიქით, კიდევ დამცირდა ქვეყნის თვალში. არას. დროს
არ ყოფილა გლახუნი ისე ყბად აღებული მეზობლებისაგან,
როგორც დღეს. ბევრ რამეს ლაპარაკობდნენ სოფელში მასზე.
მაგრამ იმან, რასაც გლახუნმა ბოლო დროს ყური მოჰკრა,
მთელი მისი არსება შეარყიო: „ძალიანი სანახავი იყო რა-
ჭიანაი, პადრუჩკით რომ დასეირნობდა რძალთან ეზოშიო.“
„რეიზა უნდა დაჰმართოს მანი?..“ — ეკითხებოდა თავის თავს

გახელებული გლახუნი. ახლა სრულიად გამოეკრევა იგი; დღეს ყველაფერი ცხადია... მისი ძმობა ეთაკილება ვასოს... ეს საჯაროდ გამოაშკარადა მან კიდევ და ამით საბაბი მისცა ქვეყანას... აი მიქნა მე იმან... ვაი მის ტყავს და რაღაც ახლა, რომ ვერ დაეხთი საკადრისათ! ყოლიფერია რომ შერჩა, იმიზა ეიგდო თავი... რომ გვეიბატონე აქანაი, კი მემართლება!.. ძლიერ წყურია ახლა ძმის ნახვა გლახუნს... იგი ახლა უკან აღარ დაიხვეს, დაინახავს თუ არა ვასოს, მაშინვე მიახლის პირში ყველაფერს მოურიდებლად; ის კი არა, სასტიკად, შეეებრალებლად მოექცევა... ეს გადაწყვეტილი აქვს გლახუნს. ამასთანავე მტკიცედ მოსთხოვს ძმას იმას, რის ვალდებულიც არის იგი... ამ მოსაზრებით გლახუნმა გადაწყვიტა ქ. ა.-ში წასვლა, სადაც ვასო მსახურებდა. მთელ საუკუნეთ ეჩვენა გლახუნს ზაფხული; მოუთმენლად ელოდა შემოდგომას. როგორც იყო, მიაღაგა მოსაეალი და გასწია... ერთ საღამოს ა.-ში ვასო უნდილაშვილის სადგომის კარებიდან არა ჩვეულებრივი რახუნი მოისმა. მსახური შურდულივით გაექანა კიბისაკენ.

— რა კაცი ხარ შენ, კარებს რომ ამტროვ? ზენოკს ვერ ხედავ აქანა, რომ არახუნებ?— შეუტია მან გახუნებულ ჩოხიანს, კალარა შერთულ კაცს.

— ჩემი ძმაი დგანა აქანაი!..— იყო პასუხი.

— ვინ შენი ძმაი?

— ვასო უნდილაშვილი არაა ამ სახლში?

— ჰერე?..

— შერე და იგია, სხვაი შე ვიცი!— მტკიცედ წარმოსთქვა გლახუნმა და კიბეს შეყვა.

— სად მიხვალ მაგ ტალახიანი თუხებით, არ შეიძლება!

— გამოუდგა გაკვირვებული მსახური. რომელსაც გლახუნი საექვო კაცად ეჩვენა.

— აბა ახლა თუხებს ვერ დავიქრი! შენ მიმიყვანე იმასთან, აფერია იგი...

— არ იქნება ახლა, სტუმრები!

გლახუნი უკვე დგრეფანში იდგა.

— სეთიაა?

— კაცო, არ შეიძლება მეთქი, ვერ გეგონე, ამ დროს არ იღებენ!..

— რეიზა არ შეიძლება აწი! მე უცხო არ ვარ!... — შეუტია გლახუნმა. იქვე, ოთახიდან ლაპარაკისა და სიცილის ხმა მოისმა. „შევამტროვ კარს და მაშეინ გეციინონ“ ერთი გაიფიქრა გლახუნმა გაბორცვებით და ანგარიშ მიუცემლად შეეხო კარს. კარმა გაიქრიალა, ოდნავ გაიღო. გლახუნი დაიბნა, უკან დაიხია: „მერე კი ჯობდა, პაწას სულს მევითქვამდი“... გაუფლვა მას. „ვინ არის?“ მოისმა ოთახიდან. „შეშერთალმა გლახუნმა უკან მიიხედა, მსახური იქვე იდგა...“

ფრთხილად ჩაახველა გლახუნმა, აკანკალებულის ხელით კარი შეაღო და შევიდა ლამაზად მორთულ დიდს ოთახში. სადაც, მასპინძლებს გარდა, ორი უცხო კაცი და ერთი ქალი იყვნენ. ვასო გაოცდა. ცოტა ჩანს იგი უსიტყვოდ შეყურებდა ძმას. მაგრამ მალე მოვიდა გონს, აჩქარებით წამოდგა, გლახუნი უკანა ოთახში გაიყვანა და ისევ მალე დაბრუნდა.

— რა ამბავია, რამ მოგიყვანა აქ?.. დაფეთიანებული რომ შემოვარდი წუხელ სტუმრებთან გათხუპნილი, ტალახიანი!.. ყველაფერი სასირცხვო უნდა მოახდინო... — უგემურად ეკითხებოდა დილით ვასო ძმას, როდესაც ეს უკანასკნელი თავს წაადგა მას. „კაბინეტში.“

— შენი ძმაი ასე უნდა დეიარებოდეს აბა რა... — ყრუთ ჩაილაპარაკა გლახუნმა: — ალბათ საქმე მაქ, თვარა ისე ალოღებული არ ვარ, რომ...

— რა საქმე?

— ასე ელანძე არ ითქმება იგი, რაცხაიზა მოვედი... მოსისხლე მტერი არ უზამს კაცს, რაც თქვენ მიქენით... სხვასაც კი ყოლია ძმაი... თქვენი წყალობით თავი მომეჭრა ქვეყანაში, გამობახებული კაცი შევიქენი... მერა მინდა შევიტყო, დასურ... — ველარ დაასრულა გლახუნმა.

— რას როშავ, არ შესმის?..

— როშვა რომელია!.. მეყოფა რაც ვითმინე!..

გლახუნს მღელვარება ემატებოდა.

— კიდევ რას იტყვი?

— კი უნახავს კაცს თქვენისთანაი... თქვენს ღიდაცობას კაცი არ ყიდულობს... რას მამადლით ამ თქვენს თავს, ვერ გევიკლიე! სტავლული ვარო, თუ ჩივი, შენი სტავლა შენდა ვაქ შენ... რა გენაღლებოდა! ნუ გეშინია, ოჯახიზა თავი არ შეგიწუხებია მისდღემში, ჯყულიაი ამბავი არ გიკითხავს და ისტაელიდი, აბა რას იზამდი... მარა აქამდი სხვაი იყო... დღემდე ქე ვუპატრონე ოჯახს, საცთელი არ დამიკლია. ღმერთმა იცის, თავი არ დამიზოგავს... ძნელია ერთ კაცს რომ ყოლიფერი დააწობა... აი ქორწილი, აი ტირილი, მტერი. ნოყვარე—ყოლიფერს პასუხის გაცემა უნდოდა და სირცხვილი არსა მიჰამია, მარა ამას ფული დაქირდა. ოჯახმა ვერ ეიჯანა აი. უფალოთ და უფახშოთ არ იქნა... შენ აგენი არც ერთი აო შეგიტყვია. არაფერზე შემიწუხებინარ, სტავლაში ხელი არ შეიშალოს და კაცი გამევიდეს მეთქი. იმას კი ვფიქრობდი სტორეთ, გამეიზდება და მეც ძმობას გამიწევს მეთქი, მარა ახლა ქე ვხედავ. რაც არის. რადგანაც ასეა, ღმერთმა შვილობა მოგცეს ყველას, ბრძანდებოდეთ თქვენდა, რავე ღმერთი გამიწყობა აწე... მარა ჩემი ამდენი ნაკრავი უნდა დამისტავლოთ... მე თუ საერთო საქმეს კი ჩავაკალიწელი და გული, დააფესე... იი ვალი მომაცილოე და ერთი ხეირიანი ოდა იყიდე. აი კი შეგიძლია შენ ახლა, არ გაგიქირდება... შენც დაგშენდება კაი ოჯახი...

— ოპოო! კაი საქმე გქონია!.. ჩინებული აზრია!..

— აი ქენი ასე!...

— არაფერი არ ვიცი!... მკაცრად გააწყვეტინა ვასომ: ვალები მაქვსო! რა ჩემი საქმეა მერე? რაში შეკითხება შენი ვალები? ჩემთვის აიღეთ თუ? ვის შეუძლია რამე დამამადლოს მე? სწავლა და წარჩინება თუ მივიღე—ეს ჩემი ნიჭის საქმეა: დახმარება, შემწევნობა არავეისგან არ დამქირებია!.. ყველაფერი ჩემი ნიჭით შევიძინე... ცხოვრებაშიაც ამიტომ მაქ

წარმატება... შენ რა გაქვს ჩემთან სალაპარაკო? მმართველს რამე? იმისი მადლობელი არ ხარ, რომ ქონებით საკუთრად სარგებლობ?... თითქო მოვალე ვიყო გარჩინო... ჩვენი შემოსავალი ჩვენვე გვინდა! ამოდენა ხარჯია... ვერაფერს მოვიკლებო!.. შენსავით ხომ ვერ ვიქნებით... კარგი სახლიც რომ მომთხოვა! რა შეიტყე? მოგემატა რამე? არა, შენ ისეთივე ხარ, როგორიც წინეთ იყავი!.. შენთვის ისიც მეტია, რაც იქ არის... ჩემი წილით სარგებლობას არ გიშლიდი შენს სიცოცხლეში: თუ რამეს გაჩუქებდი კიდევ ხან და ხან, ეს ჩემი ნება და სურვილი იქნებოდა, მაგრამ თუ შენ გგონია, მე ვალდებული ვარ, მაშინ...

— რა საკადრისია ასე ლაპარაკი!..—წამოიძახა აღელვებით გლახუნმა:—სამოწყალოს კი არ ვთხოვნილობდე! მე ჩემი მინდა, რაც მერგება იგი!.. მე რაღა, ვისი მუშა ვიყავი ამდობანს?.. მეც რომ ოჯახი დამეტიებია, წავსულიყავი სადმე და ჩემდა დამეწყო ფოთიალი, ეგება ასე არ ვყოფილიყავი ახლა, მარა ლამაზი იქნებოდა მამი, თუ იცი? მტერის გასახარელი არ დაგვემართოს, ფუტი არ გაცივდეს ოჯახში და სირცხვილი არ ეჭამოთ მეთქი... რაცხა ისე მოვაწყო ყოლიფერი, რომ ჩამოსლა ესამოვნოს მეთქი... ამიზა ვიკლავდი თავს ჩემ სიცოცხლეში და ახლა ამას მიჩივი... შენ შენი თავის მეტი აფერი გახსოვს, მარა აწე მეც ქე უნდა მიეხედო ჩემ თავს! მეც მინდა შევიტყო პაწაი სიცოცხლე!.. აგერ კაცი გავთეთრდი და აქამდე ცოლის არ ვარ და შეილის! მისდღემჩი ასე ხომ არ ვიქნები?

— წასულიყავი და კისერიც მოგეტება, რა მენალვებოდა!—გაჯავრდა ვასო:—რას ვჩიოდი!... შენ ისთანები ათასობით დაწანწალობენ მშვიერები. სად წახვიდოდი? შიმშილით სული ამოგხდებოდა!.. სასაცილო ისაა, ცოლის შერთვასაც რომ აპირებს თურმე... რა შენი საქმეა, აბა ერთი მითხარი. ცოლ-შვილი? მერე, შეგიძლია უპატრონო ცოლ-შვილს?... თავი ვერ შეგინახავს... ამისთანა უბადრუკიც რომ ცოლ-შვილზე ფიქრობს!.. არა, არა, ამ საქმეში მე კი არ უნდა

დაგეხმარო, პირიქით, ხელი უნდა შეგიშალო და ასეც მოვიქცევი უთუოდ!.. საჭირო არ არის გლახების გამრავლება! მათხოვრები ისეც ბევრია... რაღაც სასაცილო სახელს გეძახიან თურმე შენ სოფელში, მართალია? რას გეძახიან, როგორ დაგცინიან მაინც?...

გლახუნი ერთიანად აენტო, ძმის სიტყვა გესლად და შხამად მოედდა მის გულს...

— შე უსეინდისო... შე უნამუსო... შე... დასურ თავს იკლებ შენ!.. — ყვიროდა სახე შეშლილი გლახუნი.

— შენ ნუ გავიწყდება... თორემ გაბაწრულს გაგგზავნი აქედან!.. იცი, თუ არა?.. — შენიშნა სიბრაზისაგან აკანკალებულმა ვასომ.

— მოდი, მოდი, შემკარი, გამბაწრე... რაღას უყურებ? — ღრიალებდა გაცოფებული გლახუნი და თან დამჯილული ხელებით ძმისკენ იწეოდა. უცებ ზანჯალმაც გაიფლავა. გლახუნის სჯლის მოძრაობას აშკრად ამხელდნენ იმ წუთში მისი თვალები. მაგრამ ვასო გადახტა და თვალის დახამხამებაში მგორე ოთახში შეეარდა.

— აა, შე წამბთარო! ფუი შენს კაცობას! — გააყოლა გლახუნმა და კარებს მიათურთხა. — ხელები მოკლე დაგირჩა, ზგონია, შე დასურ გლახავ!.. რეიზა არ სცადე?... ..მაშინ ვაცხონებდი ბარალმაი დედ-მამის სულს... აფერი არ მინდა თქვენი ქვეყანაზე!.. დეიკარგა საცხა შენი ძმობა, შე წუნკერო, გადათრეულო!.. ძმარი და შხამი გადაგეროს გულზე და იმან მოგწამლოს!.. — შურდულივით გაეარდა გლახუნი გარეთ, კიბეზე დაეშვა და ქუჩაში გაირბინა... ახლა მას მთელ დედამიწაზე ერთად ერთი მტერი ჰყავდა, მაგრამ მტერი საშინელი, უღმობელი; ეს იყო მისი დეიძლი ძმა ვასო უნდილაშვილი... გლახუნი ახლა ნათლად გრძნობდა, რომ ის სამუდამოდ განშორდა ვასოს, რომ მათ შორის ყველაფერი გათავდა...

კვირა დღე იყო. შემოდგომის მზე სუსტად ათბობდა დედამიწას. ჯინჭრიანის სასოფლო დუქნის წინ ჩამწყრივებულ იყო ათიოდე გლეხი, ზურგი მზისთვის მიეშვირათ და მუ-

საიფით ერთობოდნენ... ამ დროს შუკაში შენიშნეს დუქნის-
კენ მომავალი გლახუნი. ყველამ განსაკუთრებული ყურად-
ღება მიაქცია მის გარეგნობას. ის გლახუნი, რომელიც კვი-
რა-უქმეებში აუცილებლად ცისფერი ჩოხით და ბოხოხით
გამოდიოდა სახლიდან, დღეს ძლიერ „ჩალიჩათ“ ჩაცმული
ეჩვენათ: დაფლეთილ ახლოხზე დაკონკილი „აქლემის ყე-
ლის პალტო“ ჰქონდა გადაცმული, მხრებზე წამოდებულ
სრულიად გახუნებულ ყაბალახის ერთი ყური თითქმის მიწას.
სწედებოდა. მარჯვენა ხელში ეჭირა ბაწარსე ჩამობმუ-
ლი პატარა „სანაფთე ბოთლი.“ გაქალაქებული თმა აბურ-
ძგნოდა და ღრმად ჩაფიქრებული მოდიოდა. მის მიახლოვე-
ბაზე ერთმა ყმაწვილმა დაიფხუტუნა, პირი მიიბრუნა და სხვებს
ამოეფარა. ეს გლახუნმაც შენიშნა, აუჩქარებლად ბოთლი
დუქნის იატაკზე დაუშვა. და წელში გასწორდა.

— რას მარიდებ, ბიძია, პირს? გეიცინე, რამდენიც გინ-
და! — წყნარად შენიშნა მან. — ძმამ არ გამიტანა მე, არაფერში
დამინდო და სხვა რეიზა მომინაღლის ვითამ... .

— რაფა იკადრებს მაგას ვასო... — სცადა ვილაცამ.

ოჯო, უი რაცხა!.. იმისთანაი იკადრეს, რომ... სხვის-
გან რალა უნდა მეწყინოს! ჩემმა რომ არ დამზოგა... აღარ
მიკადრა, მე დიდი კაცი ვარო... მემართლება ყოლიფერს...
თქვენ მცინოდით მე... მაშინ ძალუანი მწყინდა აი. რომ
შემძლებოდა, მგონი, არაფრით არ დაგზოგავდით... მარა,
ახლა რომ ვუყურებ. ღირსი ყოფილა თურმე ყოლიფერის
მაშეინდელი გამოთაყვანებული გლახუნაი... დღეს მიფხვდი მე,
ვინაა ჩემი მტერი და მოყვარე... აქამდი სტორეთ სიზმარში
ვიყავი. მგონია... რაცხას იმტერ ვეპოტინებოდი, რომ... უი-
მე, უიმე! მომკალი ვინცხამ! სიხარულით ფებს არ ვაკარებდი
მიწას. აია გავბედნიერდი, გავკეთდი მეთქი, ვფიქრობდი; ბი-
ქო. თურმე თლა იმტროვი, უსაშველოთ იტებს კისერს! აი
რა ვიცი... იმაზე ვარესი რალა იქნება, რომ კაცი სხვას უყუ-
რებდეს თვალეებში ძუნკალაი ძაღლივით, ძალათი ეჭოლო-
შინებოდეს და ამით ამაყობდეს!.. ამტერი ვიყავი მე აქამდი!..


მარა, იცოდეთ, უწინდელი გლახუნაი აღარ არის!.. იგი ტყუილი არ იფიქროთ!.. ვინც ცარიელი სხვისი იმედით ცხოვრობს, იგი შიარცხენა ღმერთმა!.. ნუფერი ნუ გინდა იმისთანა კაცის, ვინც შენ აღძვირათ არ გაგდებს, ზეიდან გიყურებს... ამისთანაი კაცისაგან საჩუქრის მიღება—მოწყალების გამორთმევაა და აისივეტილი არაა, თუ რაფა გგონია? კიდევაც რომ გამეილოს მან რამე, ამას თავის მოსაწონებლათ და შენდა დასამკირებლათ იზამს!.. თვარა შენი სატკივარის დარდი აქ იმას!.. ეგება გაგვიკვირდენ ჩემი სიტყვა, გადარეულაო იფიქროთ, მარა თქვენ რომ იგი გამოცადოთ, რაც მე გადაწყდა. მაშინ კი დამეთანხმებით... შენი ტოლი ნუ მოგიშალოს ღმერთმა ჭირში და ლხინშიც! მარტუაი მას შუღჟღია შენს გულში ჩამეიხედოს, შენი სიხარული და გაჭირვება იგრძნოს... სისხლი და ხორციო, რომ იტყვიან, სულ ტყუილია! ძმაი და მოკეთეც იგია და შენც იმას უნდა ამოუდგე გვერდში, ვისაც შენსავით ეწვის ზურგი... ჩემ გამაკეთებელ ძმას და იმისთანებს სულ არ უჩანს თვალში ჩვენისთანაი კაცი... რომ კითხო, ქვეყანა მარტუაი იგენიზაა გაჩენილი... იგენს ყოლიფერი უნდა ქონდეს, შენ არაფერი... ჩვენი მხოლოდ შინაყმობა უნდა იგენს, თვარა კაცსავით მომეპყრობა და რამეთ ჩამაგდებსო, იგი არ იფიქრო ტყუილათი... ყოლიფერი რომ ქე გოუვათ და შერჩება, იმიზა არიან თავგასული ამისთანაი კაცები... ჩვენი მიუხთენელობა და სიძაბუნეა, თვარა ვერ უნდა ეიგდონ ასე თავი... მარა დღეის ამას იქით თუ რამეთ ჩაეაგდო, მაშინ დეიქადნოს!.. ეგდოს თავისთვის!.. სული რომ მხთებოდეს, რაფა მინდა იგი რამეში!.. იგი კტარია ჩემდა!.. აწე აგება ქე ვუპატრონო ჩემ თავს... გლახუნმა გაათავა. დამსწრენი სულ-განაბული ისმენდენ მის სიტყვას. ყველას დაფიქრებული სახე ჰქონდა იმ წუთში. სიჩუმე ჩამოვარდა. გლახუნს მღელვარება ეტყობოდა.

— სამი კაპეიკის ნაფთი ჩუუშვი ამაში,—წარბოსთქვა მან და აკანკალებულის ხელით ბოთლი მიაწოდა მედუქნეს: შემდეგ ყაბალახი შემოიხვია და წინისკენ გასწია...

— მე და ჩემმა ღმერთმა, გლახუნაი მართალია ყოლიფერიში!...—გულიანად შენიშნა ერთმა შუა ხნის კაცმა.

— იმისთანაი ძმანურამც ყოფილა!..—დაუმატა მეორემ.

მალე სოფელში ხმა გაეარდა—„გლახუნამ თავისი წილი ყოლიფერი შევალეს დაუწინდრა, ბაშფორთი ეილო და საცხა წევიდაო“. სად და რა განზრახვით წაეიდა გლახუნი, მეზობლებმა არ იცოდნენ ნამდვილად, თუმცა ზოგიერთები ირწმუნებოდნენ: იგი უთუოდ სადმე საშუარზე წევიდაო...



ეფემიას ოცნება

I

ღვთისმშობლობა დილით ერთ პატარა ძველებურ ოდაში იჯდა ახალგაზდა ქალი ეფემია გვერდელიშვილი და ჩამოშლილ თმას ივარცხნიდა.

— ნეტაი, თუ დარეკეს სახტარზე? — შეეკითხა ეფემია თავისს დედას, თეკლეს.

— არ გამიგონია, მარა, სანამდი ჩვენ მოეხაზირდებოდეთ, ქე იქნება დროი, — მიუგო დედამ.

— ვარდის ფერი კაბა ჩეიცვი, ნენა. დღეს, პირზე უფრო გიხთება, — დაუმატა თეკლემ.

— შენც ხეირიანათ ჩეიცვი რამე, ოჯო, დღეს უცხოც ბევრი იქნება იქინეი.

— ჩემი ჯავრი ნუ გაქ! მე რაეც ჩეეიცვამ, სულერთია, რაცხა შენ იყავი ლამაზათ მეთქი, თვარა...

თეკლე გახლდათ ერთი ღარიბი აზნაურიშვილის ქვრივი. თეკლეს ქმარს, ჯამლეთ გვერდელიშვილს, ძალიან მოჰქონდა თავი ჩამომავლობით, გვარიშვილობით. თუმცა შეძლება არ შესწევდა, მაგრამ ყოველ ღონისძიებას ხმარობდა, რომ თავი არ დაემცირებინა, „გვარი არ შეერცხვინა“, როგორც თითონ ამბობდა. რასაკვირველია, ჯამლეთს თავისებურად ესმოდა „თავის დამცირება“ და „გვარის შერცხვენაც“. პატიოსნებასა და კეთილშობილებაზე მას ახირებული წარმოდგენა ჰქონდა. სასირცხოდ მიაჩნდა, მაგალითად, მას, თუ სტუმარს კარვად ვერ გამოათრობდა, ხოლო ცხოვრებისათვის საჭირო საშუალებას რა გზითაც მოიპოებდა. — სულ ერთი იყო.

გვერდელიშვილების უფროსი შვილი ეფემია იყო. თორმეტი წლის განმავლობაში მათ ამის მეტი შვილი არ შერჩათ.

ჯამლეთს ძლიერ ენატრებოდა ვაჟი, მაგრამ იმითაც კმაყოფილი იყო, რომ მისი ეფემია მეტად ლამაზი, ცელქი და ცქრიალა ბავშვი შეიქნა. ჯამლეთ ერთობ ახირებული ხასიათის კაცი იყო და პატარა ქალსაც თავისებურად ზრდიდა. მოსიყვარულე მამა ხშირად აცქვედა ეფემიას ვაჟის ტანისა-შოსს, შემოისვამდა ცხენზე და ისე დააქროლებდა.

სწორედ ამნაირი აღზრდის შედეგი იყო ის, რომ ეფემია გაბედული ქალი შეიქნა. ჯამლეთ გარდაიცვალა, როდესაც ეფემია თხუთმეტი წლის გახდა. ამ დროს მას სამი წლის ძმაც ჰყავდა. ბევრი გაქირვება და შიში გამოარჩა თეკლემ ქვრივობაში. მცირე მამულის შემოსავლით თავის შენახვა მას მეტად უძნელდებოდა: გასათხოვარი ქალის პატრონობა და უმცროსი შვილის გამოზრდა ხომ თავში საცემად გახდომოდა.

გარეგანი სიმშვენიერით ეფემიას ბადალი არ ჰყავდა იმ შიდაშოში. მარტო ამ გარეგნობაზე იყო დამყარებული მთელი იმედი დედა-შვილისა, რადგან მათ მზითვის არაფერი გააჩნდათ. ეს უკანასკნელი გარემოება ძლიერ აბრკოლებდა ახალგაზრდა ქალის საქმეს: ცოტაოდნად შეძლებული ყმაწვილი კაცი აუცილებლად კარგ მზითვეს თხოულობდა, უქრთამოდ შერთვის მსურველნი კი ყოვლად ლატანი იყვნენ და მათი წინადადება ეფემიას სულაც არ ეპიტნაებოდა. «თლათ რომ გუუთხუარი დაფრჩე, ლარიბ კაცს მაინც არ წაყუები. გაქირვება რაც გამოვცადე, იგიც მეყოფაო», ფიქრობდა ის. ერთხელ მისი მოტაცებაც კი მოინდომეს. რამდენიმე კაცი თავს დაესხა ამ განზრახვით დედა-შვილს ღამით, მაგრამ ეფემია არ შეშინდა, კედლიდან თოფი ჩამოგლიჯა და რამდენ ჯერმე გაისროლა სახლიდან. შეშინებული რაინდები გაიფანტნენ და ამის შემდეგ აღარ უცლიათ ბედი.

წირვა უკვე დაწყებული იყო, როდესაც თეკლე და ეფემია შევიდნენ საყდარში.

სოფ. გვიმბრიანის ეკლესიის დღესასწაული იყო და ხალხს ბლომად მოეყარა თავი ახლო-შახლო სოფლებიდან. ჩვეულებრივად უკან ქალები იღვნენ. წინ — კაცები.

ფეშვამი პოინდომა წინ წასვლა, მაგრამ ეს ადვილი არ იყო: ხალხი ძალიან მკიდრით იდგა. შეუმჩნეველად გაჩერება ამისთანა შემთხვევაში ახალიგაზდა გასათხოვარ ქალისთვის სრულიად არ იყო სასურველი და ამიტომ ფეშვამი მტკიცედ გადაწყვიტა წინ გასვლა. ის მხნედ შეებრძოლა დაბრკოლებას. კიდევ ორი-სამი ნაბიჯი და ფეშვამი მიზანსაც მიაღწევდა, მაგრამ ის ამ დროს დაეჯახა ერთს კარგა შეძლებულ გლეხის ჩხირაძის ცოლს, რომელსაც წინ გასათხოვარი ქალი იდგა. ეს ქალები თითონ ცდილობდნენ უფრო თვალსაჩინო ალაგის დაჭერას, ამიტომ მედგრად წინააღმდეგნენ ფეშვამის ხტორვილს და გზა შეუკრეს მას.

— კი. მარა მაინ-და-მაინც შენ უნდა წახვიდე წინ? იმიზე იქნას აი?— შენიშნა გლეხის ცოლმა.

— შემფერის და კიდევაც წავალ! დიდი საქმეა სწორედ შენ თუ დაგიდექი წინ!— წყრომით შეუტია ფეშვამი.

— შენზე უარესს რაღა უთხრა!.. გინდა ყველამ შენ გიყუროს ახლა დღეს...

— აი შლაპკა რომ წამოგიკორკოტებია თავზე, იმიზე აღარ გიჩანს კაცი თვალში?— მიუბრუნდა ფეშვამი ჩხირაძის ქალიშვილს.

— გქონდეს, თვარა კი წაშეიკორკოტებ, რომ არ გაქ, იგია შენი უბედურობა. თვარა!— დაცინვით შენიშნა ახალიგაზდა ქალმა.

ეს კი მეტის-მეტი იყო. ფეშვამი გაწიწმატდა. სიბრაზისაგან სულ აირია. ვინ იცის, რით გათავდებოდა, ეს ახირებული შეტაკება მანდილოსნებისა, რომ ღვედელი არ გამოხულიყო საკუთხველიდან.

— რა საკადრისია მაი! ეკლესიაში ჩხუბი ვის გაუგონია?! სადაც უაღგები, სულ ერთია. აქნაი. ლოცვა ყოლგან შეიძლება!— უსაყვედურა მოძღვარმა მოჩხუბართ.

სწორედ ამ დროს საყდარში შემოვიდა საკმაოდ ჩამყვრილებული ასე 30 წლის ახალიგაზდა კაცი. მის დანახვაზე ერთბაშად შეწყდა მანდილოსნებში ჩოჩქოლი. ყველას და-

ვიწყდა ეფემია და შლიაპიანი ქალიც. რადგან ახლა მთელი საზოგადოების ყურადღება ახალმოსულმა მიიქცია, ისე მდიდრულად იყო იგი მორთული: გაქათქათებული გახამებული პერანგი ოქროს ღილებით და ლამაზი ყელსახვევით, მშვენიერი ევროპული ტანისამოსი, ორგნით ჟილეტის ჯიბეებში ჩაშვებული ვეებერთელა ოქროს ძეწკვი, ხელეებზე მთელი გროვა ბექდებისა, — ერთი სიტყვით, ყველაფერი, მთელი მორთულობა მეტად განსხვავებულ ელფერს სდებდა ამ კაცს და სწორედ ეს იყო მიზეზი, რომ იქ მდგომი დიდი თუ პატარა, კაცი თუ ქალი, ყველა მას მისჩერებოდა და გაოცებით ერთმანეთს ეკითხებოდა: „ნეტაი ვინ არის. საიდან მოსულაო?“

ახალმოსულმა კარგად შეამჩნია ის შთაბეჭდლება, რომელიც მან მოახდინა საზოგადოებაზე, უკეთ ესთქვათ. ადრევე იცოდა, რომ ეს ასე მოხდებოდა და ამიტომ თავ-მო-წონედ გადაავლო თვალი მივარდნილ სოფლის მცხოვრებლებს, თითქო ამით ეუბნებოდა მათ: „თქვენც აშბობთ. ვცხოვრობთ ქვეყანაზეო“

უცნობმა ეკლესიაში შესვლისთანავე მოითხოვა ერთი მანეთის სანთელი და თუმნიანი გადასცა.

— ამის ნაშალი არ გახლავს... შარა შელუქნეს დავა-ხურდავები და შერე მოგართმევთ! — მორიდებით უთხრა მნათემ.

— დარჩეს ეკლესიის სასარგებლოდ. — სთქვა ახალმოსულმა.

ამ არაჩვეულებრივმა შემოწირულებამ აღტაცებაში მოიყვანა დამსწრენი. საყდარში ჩურჩული შეიქნა. რასაკვირველია, მაშინვე გზა დაუცალეს ასეთ მოულოდნელ სტუმარს, რომელიც წინ წაეიდა ყელმოღერებით და გაჩერდა. მის წინ ახლა ერთი მოხუცებული აზნაური იდგა. ამ უკანასკნელმა, შეამჩნია რა საპატიო პირის მოახლოება, მორიდებით პელე-ბი ჩაავლო მას მხარში და თავისი ალაგი შესთავაზა. სტუ-მარმა ოდნავ თავი დახარა და ერთი ნაბიჯი კიდევ წინ გა-განსდგა.

II

გიორგიმ პინტილიანი, რომელმაც ასე მოხიბლა სოფლის მკვიდრნი, იყო ერთი გვიმბრიანელი აზნაურის დისწული. გიორგის დედა ლარობი ოჯახის შვილი იყო და, რადგან ამასთან გარეგნობასაც უწუნებდნენ, ამიტომ ის მიათხოვეს ერთ შორეულ გლეხს. 13—14 წლის გიორგი ერთმა ნათესავმა ტფილისში წაიყვანა. მას შემდეგ გიორგი ქალაქს აღარ მოშორებია. ვინ იცის, რა არ გამოსცადა ლარობმა სოფლის შვილმა ამ ხნის განმავლობაში. პირველად იგი მზარეულს მიაბარეს, ცოტა ხანს სტამბაშიც მუშაობდა. მერე ხან მეჭორეთ იყო, ხან ლაქიად. ბოლო დროს გიორგიმ ერთი ამხანაგის საზიაროდ „სასტუმრო ოთახები“ გამართა ტფილისში და ამ სახით თითონ ბატონი და მბრძანებელი შეიქნა. თუმცა გიორგის თავისი ფული არ ჰქონდა. მაგრამ მან მომავლის იმედით დაიწყო ეს საქმე, უფრო „ქვეყნის შესახედავად“, რადგან მას „სახელი“ სწყუროდა...

წირვა გათავდა. ხალხი საყდრის გალავანში გამოიშალა და ვეგებერთელა ცაცხვის ძირში. ტოგონთან. მოგროვდა. გიორგიც გამოვიდა გარეთ. ყველა მოწიწებით თავს უკრავდა მას. უფრო გაბედულნი ხელსაც ართმევდნენ სტუმარს. თუმცა არ იცნობდნენ მას. ამ დროს გიორგის მიუახლოვდა გაბრწყინებული სახით მისი ბიძაშვილი. ახალგაზდა ქვრივი ქალი, ელენე. და ღიმილით უთხრა:

— ერთი აქეთ წევიდეთ, თუ ღმერთი გწამს! ქალები იცდიან აგერ, მოსვლა უნდოდენ, მარა ვერ გაბეჭდეს.

— ახირებული ცერეჟონიები გცოდნიათ ამ სოფელში! — ღიმილითვე მიუგო გიორგიმ და ელენეს გაჰყვა.

ეკლესიის დასაჯლეთვის კარებთან იდგნენ გვიმბრიანის რჩეული მანდილოსნები, რომელთა შორის ეფემიაც იყო. სტუმარს მიესალმნენ და ხელი ჩამოართვეს.

— რას აწუხებდი, ოჯო, ამ პატიოსანს. ვის ეკადრება! — შენიშნა ელენეს ერთმა მანდილოსანმა.

— ძალიანი სასიამოვნოა... — დაიწყო გიორგიმ.

— ელენეს ბრალია, თვარა ჩვენ რაეა გავბედადით, ბატონო!—დაუმარტა მეორემ.

— ძალიანი კარგათ! რეიზა არა? ამდენი ხანია აგერ გვპირდება და ახლა ძლივათაი ჩამუუცთა ფეხი. შავას რომ სოფელი არ მოსწონდეს, რა გასაკვირალია, მარა არ უნდა დეივიწყოს! ვითამ ჩვენ რა დავაშავეთ, ტფილისში რომ არ ვართ, იმიზა თუ?—ღიმილით წარმოსთქვა ელენემ.

— ამას არ დაუჯეროთ, ბატონო, ძალიან სტროგი ქალია!—იხუმრა გიორგიმ.

ყველანი ცაცხვისკენ წაიღნენ. აქ ისინდენ აზნაურები და უფრო თავმომწონე გლეხები. გიორგის მისვლაზე ფეხზე წამოდგნენ და დასაჯდომი ალაგი დაუცალეს მას. გიორგი ჩამოჯდა.

— როის მობძანდი, ბატონო?—ჰკითხეს სტუმარს.

— ერთი კვრაა სოფელში ვარ, აქ გუშინ ჩამოვედი, — მიუგო გიორგიმ.

— კაია, რომ გამობრძანებულხარ სახტარზე! რაცხაიზა ამ სტავლულ კაცებს არ გიყვალარიან წირვა-ლოცვა და რაფერაა არ ვიცი!—მხიარულად შენიშნა ერთმა დამსწრეთაგანმა.

— სკუჩნაობაა სოფელში...

აქნაი რაცხა შეჩოული კაცი თუ გაძლებს, თვარა თქვენისთანა განათლებულს კი გუუქირდება, მე შენ გეტყვი!—დაიწყა ვილაკამ.

— კაი, კაი, ბატონო, რომ არ გავიწყტება სამშობლო! რაც უნდა იყოს, შენი ქვეყანა არ უნდა შეიძულო კაცმა. ზოგიერთმა, ორ დღეს რომ გარეთ გევიდა, თლა დეივიწყა ყოლიფერი! რათ მინდა შენი სტავლა და განათლება, თუ თვალით ვერ დაგინახავ? საცხა, გადაფთიას, სხვაიც ბევრია, მარა ვინ მისტობა!—წარმოსთქვა ერთმა ხანში შესულმა აზნაურმა, ბეჟანმა.

— მართალია!—დაეთანხმა გიორგი:—რა ნაირად შეიძლება კაცმა დაივიწყოს თავისი ქვეყანა?! მე სწორეთ ჩვენ-

პური კაცის მუდამ პატივის მცემელი ვარ, სადაც უნდა შევხვდეს.

— შენი ოჯახი აკურთხა ქრისტემ! დაგლოცა ღმერთმა! — შოისმა აქეთ-იქიდან.

— რა სამსახურში ხარ, ბატონო? — ჰკითხა აზნაურმა.

— მე... სადერეატიელი ვარ ზევზდას... ზავედენიაა... — შცირე ყოყმანის შემდეგ მიუგო გიორგიმ.

— დელეხტორი, ბატონო? — დაეკითხა ისევ ბეთანი, რომელსაც ვერ გაეგო გიორგის სიტყვები.

— სულ ერთია... ზოგი ასე ამბობს.

— ჯამაგირი დიდი გექნება!

— ვცხოვრობთ ასე! — წარმოსთქვა გიორგამ შბრების აწეით.

ამ დროს საყდრიდან მღვდელიც გამოვიდა. მან მაშინვე ყურადღება მიაქცია ცაცხვის ძირში თავმოყრილ ხალხს და, განსაკუთრებით, გიორგის. მღვდელმა მოიხზო იქვე მდგომი გლეხი.

— ვინაა მაი, თუ იცი? — ჰკითხა მას ცნობის მოყვარე მოძღვარმა.

მაი ვინცხა პინტილიანი ყოფილა. რაცხა დიდი აღვლილი უქირავეს თურმე ტფილისში. ანწლაძისას ყოფილა სტუმრათ.

მღვდელმა მაშინვე გასწია გიორგისკენ.

— ამ ეკლესიის მოძღვარი გახლავარ! — წარმოსთქვა მღვდელმა მისალმების შემდეგ.

— სასიამოვნოა თქვენი გაცნობა! დაბძანდით, მამო! — სთქვა გიორგიმ და ხელით ანიშნა დასაჯდომი ალაგი თავის გვერდით.

— თქვენისთანა განათლებული კაცის სტუმრობა მეტათ ძვირფასია ჩვენთვის!

— ნამეტანი ღარიბი ყოფილა თქვენი ეკლესია, — შენიშნა გიორგიმ.

— ღარიბია, ბატონო, ხომ მოგეხსენება სოფლის ამ-

ბავი...—აღარ დაასრულა ღვედელმა, რომელსაც ამ სიტყვებზე
ოდნაე მღელღარება დაეცო.

— ვიწროც არის, სული ეხუთება კაცს.

— ჩვენი სიძაბუნეა უთუოთ...

— ახლა ვფიქრობთ, ღვთის და თქვენი წყალობით,
ქვის სახტრის აშენებას, თუ შევიძლებით,—სთქვა ბეჟანმა.

— დევიკილო უნდა გულზე კრუშკა და ჩამოვიარო
ქვეყანა. ჯერ ღვთის იმედით და მერე თქვენისთანა ღირსე-
ული კაცების წყალობით გავბედავთ ამ საქმის დაწყებას, —
წარმოსთქვა მღვედელმა.

— დიდი სიამოვნებით! თვე ისე არ გავა, რომ არ შე-
ვეწიო სადმე ვისმე და თქვენ სხვაზე უფრო დაგეხმარებით.
ამობდნით მაშინ ტფილისში და ყველაფერს მოგიხერხებთ.

დაჰპირდა გიორგი.

— საუკუნოთ თქვენი მლოცველი ვიქნები...—დაიწყო
მღვედელმა კმაყოფილებით.

— ქრისტემ ააშენა შენი ოჯახი! მოგვხედა ღმერთმა!
თუ რამე საშველი დაადგა ჩვენ საქმეს ახლა!—წამოიძახა
აღტაცებულმა ბეჟანმა.

ამის შემდეგ ხალხი ნელ-ნელა დაიშალა.

— რაც მე დღეს გადაწყეტა სახტარზე, ერთი სიტყვით,
სიკვტილი გამევიარე! ჩემს გულს შევასკტი, ოღონ რაღა
მეჭნა თვარა. კბილით რომ დამეგლიჯა, გული არ მომიშლი-
და, გონია! რა წამომძახა მე იმან დღეს! ალაიაში გამარო-
ნია...—ამბობდა ეფემია გზაში.

— სიღარიბეს დუღდვა თვალი, თვარა მავას ვერ მიზამ-
და მე იგი.—დაიწყო თეკლემ.

— დაბალ ღობეთ რომ გნახავს, მაშინ ყველაი დაგი-
ჯაბნებს და წამოგძახებს, აი არ იცი?—გულნატყენად შენიშ-
ნა ახალგაზდა ქალმა.

— ასე რომ იცი, ნენა, ლაპარაკი, რაფა, მაქ და არ
კვიდულობ თუ? რას შიკვეთ, თუ იცი?—უსაყვედურა დედამ.

— გიკვეთ იმას აგერ... *ღ*

III.

სალამოს ანწლადისას მეზობლებს თავი მოეყარათ გიორგის პატივსაცემლად. თეკლე და ეფემიაც იქ მივიდნენ. ჯერ კიდევ სუფრაზე ისხდნენ. გიორგიმ სტუმრები აღდგომდელა.

— არ გაწყინოს! მაგისთანა ღვინოზე არ ხარ შენ მიჩოული. — შენიშნა ელენემ.

— კახური და შათანცი უნდა პივართვათ, მარა სადაა, — სთქვა იქვე მჯდომმა ბეჟანმა.

— სოფლური შამპანსკი ესაა, — იოხუნჯა გიორგიმ და ხელში შეათამაშა ღვინიანი ჭიქა.

— ახალი ამბავი რაა ამ ზეით? — ჭკითხა ბეჟანმა გიორგის.

— იქ ამბები ბევრია. არ ვიცი, რომელი გითხრათ, დღე ისე არ გავა, რომ ისეთი რამე არ ნახო და ან არ გაიგონო.

— იქინეი კაცს რა მუაწყენს. უქმი და საქმი სულ ერთია ახლა თქვენდა!

— დროს გასატარებლათ საქმის დღე ჯობია კიდევ, პრანზიკებზე ვიზიტობას უნდება კაცი.

— რაა აი ვიზიტობა?

— ერთმანეთისას ვისელა, ნახვა. პატივისცემაა რაღა...

— რაც დიდი კაცია. ყველაი უნდა ნახო, ვერ დატიებ ხომ?

— ისეა მიღებული. მაინც აღდგომა-ახალწელიწადს ერთ კვირას ვერ ვათავებთ ვიზიტებს. დილას რომ თეატონში ჩაჯდები, სალამომდი უნდა არბენიო.

— აი ახირებული ყოფილა! — სიცილით წარმოსთქვა ბეჟანმა, — ერთი კვირე რომ თეატონით მახათქუნო. ხომ გავთავდი...

— არ შეიძლება, რომ დაილალოს კაცი. ხათქუნი რას ქვია! თქვენ რომ გინახავს, იმნაირი თეატონები არ არის: რიზინის კალოსებზეა, უხვიროთ ერთს არ შეგანძრევს, ასე გგონია მიფორინაეო.

— ნუ მეტყევი რაცხას! ღმერთო, დეილოცა შენი სახელი! — გაიკვირვა ბეჟანმა.

— საცხა იქით ერთი იმფერი ქვეყანა ყოფილა, რომ წყალი ზეით მივა თურმე, იქინეი ხომ არ არის მაი?—იკითხა მან.

გიორგის გაეცინა.

— წყალი აღმა თავის-თავად როგორ წავა, ყოლგან დაღმართში მიდის.

— რაფერ ზეით, ბეჟან?—ჩაერია ლაპარაკში 'შუა ხნის გლეხი, ბესო. რომელიც ტახტის ბოლოს იჯდა:

— რაფერ და აქნაი რომ ქვეით მივა წყალი, ისე არაა იქინეი.

— რაიზა მივა ზეით. რას მიყავს ნეტაი?

— ასე ყოფილა: და იქინეი ზეით რომ მიხვიდოდე. უნდა თქვა თურმე, ქვეით მივალო.

— რაფერ ვთქვა აი, ზეით თუ მივალ. ქვეით მივალ ვეთქი?

— ისე ჩივა ყველაი და შენც ისე უნდა თქვა. აბა რას იზამ!

— რა ყოფილა აი!—ღიმილით შენიშნა ბესომ.

— არ შეიძლება, ტყუილია.—სთქვა გიორგიმ.—იმას არ ცოდნია, ვისაც უთქვამს. მაშინებით რომ მიყავთ, მაშინებია იმნაირი, რომ წყალს საითაც გინდა, იქით წაიყვან, თუ გინდა მთაზე აიყვან. იმფერი თანტანებია ბაღებში, რომ წყალი უშველებელი ხის სიმაღლეზე ვარდება მაღლა.

ბეჟანს. ცოტა არ იყოს. შერცხვა, რომ მისი ნათქვამი მართალი არ გამოდგა.

— რა ვიცი, ასე გამოგონია, მისით მივა ზეითო,— ცოტა უქმაცყოფილოდ ჩაილაპარაკა მან.

— შენი სტუმარი წვეიდა?—მოუბრუნდა ბეჟან ბესოს.

— აგია, ახლა გვეისტუმრე და კიდევ გადმევიარე აქეთ. —მოუგო ბესომ.

— რა საქმეშია ახლა მაი ბიკი?

— ფაქრობს, დუქანი აქ სტანციაზე. კარგათაა ძალიან. მაგისტანაი შეძლებული კაცი არაა ახლა ამ მუხსუროში.

— რამდენი მილიონი ექნება მაინც?—დაცინვით ჰკითხა გიორგიმ.

— მილიონი არ ვიცი მე, ბატონო, და ისე, რაც შეიძლება, სოფლის პირობაზე, ძალიანი მდიდრათაა: კაი გაწყობილი ოჯახი აქ და დუქანი. წროფულს აგერ ბარე ათი ქცევა მიწა იყიდა, ცარიელი დაყურსული მერე.—სთქვა ბესომ.

— მდიდარი! გინახავს შენ მდიდარი კაცი? რის მდიდარი! ვისაც მილიონობით აქვს აბაროტი, ხაზინას გაეჯიბრება, რომ დაქირდეს, ისეთი ვაქრები არიან.—ეს მითხარი სიმდიდრე, თვარა სოფლის მეწვრიაშაღე, ორი გირვანქა ქართოფილის სანთელი ექნება და აბაზის სპიჩკა, მაგის სიმდიდრე რა სათქმელია! ათი ქცევა მიწა! რა არის ათი ქცევა მიწა? მაგის ფასი და მეტიც რომ არ დავხარჯო თვეში, რაღას კაცი ეიქნები!.. მდიდარ კაცს სოფელში რა გააჩერებს? ფული ქალაქში უნდა. აქ რაში უნდა დახარჯო ფული? არაფერი არ იშოვება, რომ გსურდეს, მქადი და მონაყილი აღესი, — ამის მეტი რა არის სოფელში? ქალაქი სხვა საქმეა, ფულიც იქ არის და, ფული თუ აქ კაცს, ყველაფერი თავისია, არაფერი არ გაკლია: ყველგან დაეგობა გაქ, სადაც კი მიხვალ. დაჩვეული კაცისთვის მაინც ნამეტანი მოსაწყენია სოფელი. წელიწადში ერთხელ ჩამოსვლა კარგია, გესიამოვნება, ნახავ ნათესალებს, ნაცნობებს, მაგრამ სოფელში მუდამ ვინ გაძლებს. დალოცვილია ქალაქი! იქ არ გენანება კაცს ფულის ხარჯვა: სხვა და სხვანაირი სანახავეები, თავის შესაქცევი რამდენიც გინდა. მოსაწყენი დრო არ გაქ კაცს—ბაღები, პრესტავლენიები, ცირკი, თიატრი, კლუბები, ვეჩერები, ბალები, ათასნაირი საჩვენებელი ვისტავეები... სოფელში რა ყრია? ათი ქცევა კი არა, ათი მილიონისთვის არ გაეჩერდები აქ!—ვატაცებით ამბობდა გიორგი.

— შენ ჯვარი გწერია, ბატონო. მე რაცხა ჩემისთანაიზა ვიფი აგერ...—დაიწყა ბესომ, რომელიც ამ დროს რაღაც გამოურკვეველ სირცხვილს გრძნობდა და თითქმის მზად

იყო ბოღიშიც მოეხადა, როგორც დამნაშავეს. თუმცა თითონაც არ ესმოდა კარგად, რა იყო აქ საბოღიშო.

— არა, დაარწმუნე შენი გული, რომ ქვეყნიერობის ჩვენ არაფერი გვესმის. სოფლის კაცი ბრმაია! — შენიშნა ბეჟანმა.

გიორგი გამხიარულდა. ამასობაში ცხელი ხაქაპურიც შემოიტანეს და სტუმრები მიიპატიჟეს... ბეჟანი სუფროს მიუჯდა.

— მოდი, ბესოიავ, აი ხაქაპური მაინც ეკამოთ, აჰის მეთი რა შეგვრჩება ამ წუთის სოფელში, — გაიხუმრა მან.

— მადლობელი გახლავარ! ახლა ავდექი სუფრიდან. შაქარი არ მინდა, ისე ვარ...

ამ სიტყვებზე გიორგის სიცილი წასქდა.

— რა ძვირფასი რამე მოიგონა! შაქარი რაღაა, კაცო, რომ ასე ამბობ. სხვა რამე დესერტს მაინც იტყოდი. შაქარი უველაფერს გირჩეენია ხომ? — სიცილით ჩაჰკითხა მან ბესოს.

— ასე ქვია, აბა რავიცი... ასე იტყვიან... — დაბნეულად ჩილაპარაკა ბესომ.

გიორგი უფრო გამხიარულდა, საათს დახედა, მერე წამოდგა, რამდენიმე ნაბიჯი გადასდგა და ბესოსთან გაჩერდა.

— აბა, ბესოჯან, თქვი რამე სოფლური სიმღერა, — თითქმის დაცინვით უთხრა მას გიორგიმ.

— რა უნდა ვთქვა, ბატონო, შენი საკადრისი და მოსაწონი.

— გვეცოდინება რამე თქვენებური...

— დაღალული ხარ ახლა, შენ ნუ მომიტე და მოსვენება კი ჯობს აწე, — მზრუნველობით შენიშნა ელენემ გიორგის. სტუმრები წავიდ-წამოვიდნენ.

IV

ანწლადის ოდის აივანზე წამოწოლილი გიორგი მოსვენებას ეძლიერდა. იქვე, სკამზე. ელენე იჯდა და ჩონგურს უკრავდა.

— თლა დიეკარგა ამ შერევენებულს ხმაი რაცხაიზა,—
სთქვა მან.

— რომელ კანცერტს უკრავდი, ახლა შენ? — იოხუნჯა
გიორგიმ.

— დამეთხუე, ჩემი ძამიეი! — ღიმილით შენიშნა ქალმა:
კაცერტი არა, იგი არ შეყურება...

გიორგიმ დაღრეჯით შეხედა ელენეს და სთქვა:

— ესაა თქვენი ღროის ტარება!.. ამით კმაყოფილი
ხართ თქვენ, არა?..

— ჩემი სიკვტილი! მოგწყინდა ახლა შენ! კვირე მაინც
იყოს, გაღიარდა კაცი სადმე, სათამაშოში...

— სათამაშო, თვარა ღიდი რამე სანახავია იქ, მე ვიცი!
ძალიან მოგწონს თქვენი სათამაშო? — გაიცინა გიორგიმ.

— რეიზა ოჯო! გონჯია შეკრებულობა, იმდენი ქალი
და კაცი რომ შეიყრის თავს? იმდენი სანახავია ქალიშვილები,
სიმღერას და ცეკვას რომ დეიწყებენ, რომ...

— ვიცი, ვიცი ის თქვენი ქალიშვილებიც, ბარიშნები,
გუშინ არ ვნახე...

— კი, მარა, ყოლისფერი ნუ მოგიკტება, მითხარი, იმ-
დონ ქალში არავინ არ მოგეწონა?

— ხა, ხა, ხა!.. ვინაა სოფელში მოსაწონი ქალი? ვითომ
ერთი გაედა კიღო რაცხას... მარა არც ის იყო.. — ბოლოს
დაღმატა გიორგიმ.

— ვინ იყო, თუ ღმერთი გწამს, რაფერი კაბა ეცვა? —
არ ეშვებოდა ელენე.

— აა, ამას მართლა გონია ყურადღება მივაქციე ახლა
იმას... თვალში მომხდა რაღაცა, არც კი შემიხედავს...

— რაფერი ხარ, ა! რეიზა არ უნდა შეხედო, კაცო? —
ვითომ წყენით დაიწყო ელენემ: — ყოლიფერით სრული ხარ,
ღმერთის წყალობა ყოლიფერი გაქ, არაფერი არ გენატრება
ქვეყანაზე, ოღონ ერთი რამე გინდა ახლა, სხვაი აღარაფერი
გაკლია.

— რა მაკლია მაინც, მითხარი?

- რა გაკლია და ცოლი, ძამიავე, ცოლ-შვილი.
- ეჰეე, — გააგრძელა გიორგიმ და სიამოვნებით გაიღიმა:
- ხუმრობა იქით იყოს და რაღას უყურებ დასურ?
- არაფერს! საქმე გათავებულია, დანიშნული მყავს!...
- აბა, აბა! — გაიკვირვა ელენემ.
- ასეა, თუ დაიჯერებ.
- კი, კი! ვინ ნუ მოგოკტეს?
- რომ არ სჯერა!
- რეიზა დევიჯერებ მაგას!
- ვითომ რატომ?

— უჩემოთ კი გაბედავ შენ ქალის დანიშნვას! — იხუმრა ელენემ: — რა იცით თქვენ ქალის ცნობა! საცხა იმისთანას გადიეკიდები, რომ ბედს დაგაწყევლიებს. შენი საცოლვე მე უნდა გამოვარჩიო, იგი გათავებულია. რაეც გინდა, იმისთანას გიშონი!

— აკი გითბარი, სტროგი ქალი ხარ მეთქი, აბა, შენ იცი!

— შენ ხუმრობ და მე დასტურ გიჩივი. ცოლ-შვილის-თანაი ტკბილი არაფერი არაა ქვეყანაზე, იგი არ თქვას ტყუილი კაცმა! ძმობას გეფიცები, რამდენსაც დეიგვიანებ ახლა, ყველას ინანებ მერე, თვარა დეიმახსონე აი ჩემი სიტყვა. შორს წასლაც არ გეინდა! იგი დასურ ბედაური ქალია, შენ რომ მოგწონებია...

— ხა, ხა, ხა! ვინ მომწონებია, რას ამბობ?

— კაი, ბატონო, ჯერ თუ არ მოგწონებია, აწე მოგეწონოს ეგება, რომ გეიცნობ კარგა. იმფერი ქალია იგი, რომ, სადაც უნდა წევიდეს, არ შეარცხვენს კაცს. რაც უნდა განათლებულ ადგილზე დარჩეს, ყოლგან თავს შეიხმარს.

— რომელ პენციონშია მაინც გაზდილი?

— ვითამ პენციონში თუ არ გეიზარდა, ისე აღარ ვარგა? იქინეი გაზდილი იმფერიც კი ვნახე, რომ მქაღს არ წუუტებდა კაცი!

— რაც უნდა იყოს, სოფლელი ქალი მაინც...

— იმისთანაი არაა სტორეთ! იგი ყოლიფერს შეიფე-

რებს. გუშინ აქნაი იყო ივი, ვარდის ფერი კაბა რომ ეცვა.

— აბა რა ვიცი, ვის რა ეცვა, იმას უყურებდი! — იცრუა გიორგიმ.

— დასურ, ჩივი თუ ხუმრობ? თითოთ საჩვენებელი ქალია იგი და რაღა ვერ შიამჩნევდი! რაც უნდა შეკრებილიებაში იყო, ამას კი იკითხავ, ვინაა აიო? ოჯო, ხუმრობ, თვარა კი იცი! სახტარზე არ გეიცანი ეფენიეი... გვერდელი-შვილის ქალი? სკამი რომ დუუტალე აქნაი გუშინ, იგი აღარ გახსოვს მაინც? ხომ კი იცი ახლა? — ეშმაკურად ჩაპკითხა ელენემ.

— ჰოოო, მგონი ვიცი. ვისაც ამბობ.

— რაღაი ქალია, ყოლისფერი ნუ მოგიკტება?

— ქალის უნახავი რომ ვიყო... ისეთი ქალები ვიცი, რომ...

— არა, მაინც ხომ საქები ქალია?

— არ ვიცი, რა გითხა! სოფელში შეიძლება საქები იყოს, მაგრამ სხვა ადგილზე...

გიორგი პინტილიანმა ეკლესიაში შესვლისათანავე მოპკრა თვალი ეფემიას. მისმა დანახვამ რაღაც გამოუთქმელი სიხარული და სიამოვნება აგრძნობინა გიორგის. ეს ძლიერი ჩაბეჭდილება იყო მიზეზი, რომ ის იმ დღეს ისე გატაცებით ლაპარაკობდა. ეს გარემოება არ გამოეპარა ელენეს. ამიტომ ჩამოაგდო მან ლაპარაკი ეფემიაზე და ეშმაკურის ღიმილით უგდებდა ყურს გიორგის, რომელიც ამოდ ცდილობდა არ გამოემეღაენებინა თავისი გრძნობა. ელენე ძალიან აფასებდა გიორგის მოყვრობას და უნდოდა, რომ მას უსათუოდ სოფლელი ქალი შეერთო ცულად. მაშინ გიორგი აღარ დაივიწყებდა სოფელს, ხან და ხან ხომ მაინც ჩავიდოდა იქ და ელენესაც ეს სურდა, რადგან მდიდარი მოყვრის ნახვა სანატრელი იყო მისთვის. „მაგან რომ იქაური ქალი შეერთოს, ვეღარ შეიძვეს კაცი მერეო“, ფიქრობდა ელენე. ის კარვად იცნობდა ეფემიას, მოსწონდა მისი გარეგანი სიმშვენიერე და ამიტომ უნდოდა, რომ გიორგის შეერთო ეს ქალი.

„ორივე მადლიერი მეყოლება; ხან და ხან კიდევ წავალ იგენტან ორი დღეი. სოფელია, ქვეყანას ვნახავ, ისე ვიქნები, რაეც შინა“, — ოცნებობდა ელენე. მან უარი აღარ უთხრა თეკლეს, რომელმაც მას დახმარება და შეამდგომლობა სთხოვა.

— ყმაწვილმა კაცმა არ უნდა გუუშვას ხელიდან მაგისტანაი ქალი სწორეთ! — განაგრძო ლაპარაკი ელენემ, — მარა ახლანდელ დროში ბრუნდს და მართალს ყველას გვზითვზე უჭირავს თვალი. რამდონი გლახა სალდება გვზითით, იმდონი სიკეთე აქ ჩემს თავს! შენ გვზითვს რეიზა გამუჟდგები, ძამიავ, ღმერთის წყალობა ყოლიფერი ბეური გაქ. მაგას მისაცემი აფერი არა აქ და არც უნდა სწორეთ! ისე კაცს ძალიან არჩევს თითონ. იმისთანაი კაცები გააწპილა მაგან, რომ ყველაი სიხარულით წაყობოდა.

— მეც უარს მეტყვის, არა? — თავმომწონედ იკითხა გიორგიმ.

— შენ რეიზა გეტყვის ვარს, სხვაი და შენ ერთი ხარ? ვისაც ვარი უთხრა, იგი შენთან ვერ წამოწტის ქოქს სწორეთ! კაცის ცნობა რომ არ სცოდნოდა, აქამდი ორმოცჯერ დეიმტროვოდა!

— არა, მეც უარს მეტყვის და ტყუილად შევრცხვები, ვერ გავბედავ...

— ოჯო, შენ ხუმრობ! რაცხა იქნება, მე ვიცი, ოღონ შენგან იყოს სიტყვა თვარა. იმდონია ახლა მაგის მთხონელი, რომ წროულს არ დარჩება გუუთხუარი: ვინცხა ან ძალით და ან ნებით კი მუუხერხებს რაცხას! ერთი შენი სახელი დაათქვი და დავბორკოთ მაი რაცხაფერაი დროზე...

— რომ არ მიმიღონ და კაცი დავიჩაგრო... — მედიდურად სთქვა გიორგიმ და კმაყოფილებით გაიცინა.

— კაი, თუ ღმერთი გწამს!

— გეტყობა, მართლა ფიქრობ! სწორეთ გითხრა, მე ვერავენ გამაკვირვებს აქ კი არა, სადაც უნდა იყოს! არ დაგიმაღავ, მსურველი განათლებული და მდიდარიც ბევრია,

მაგრამ, თუ ძალიანს შეგვეხეწებოდნენ, ვნახოთ, ვიფიქროთ, თუ მართლა ისეთი საქმეები ქალია...

ეფემიას ნახვა გიორგისთვის სრულიად მოულოდნელი იყო. ის სხვა ანგარიშით აპირებდა ცოლის შერთვას, მაგრამ ამ ეჟამდ გრძნობით გატაცებული გიორგი ისეთ მდგომარეობაში ჩავარდა, რომელშიაც ადამიანს არ შეუძლრა დამშვიდებით ასწონ-დასწონოს ყოველი თავისი მოქმედება. ახლა გიორგი მხოლოდ იმაზე ფიქრობდა, რომ ეფემია არ წასვლოდა მას ხელიდან. გიორგი კარგად აშჩნევდა, რა ყურადღებით ათვალეირებდნენ მას თეკლე და ეფემია, რა სიამოვნების ღიმი უქრდათ ამ მანდილოსნებს სახეზე, როდესაც მის ლაპარაკს ყურს უგდებდნენ და დღეს კმაყოფილებით ხედავდა, რომ საქმე თავის თავად კეთდებოდა.

გვერდელიშვილის ქვირთვ-ობლებს. უკიდურესი ხელმოკლეობის გამო, ძლიერ უჭირდათ ცხოვრება. დღესასწაულებში, ქორწილში თუ ტირილში, ერთი სიტყვით, ყველგან და ყოველთვის მეტად საგრძნობელი იყო მათთვის ის საშინელი სიღარიბე, რომლისაგანაც თავს დამცირებულად სთვლიდნენ. თავმომწონე ეფემია მუდამ შეურაცყოფას გრძნობდა, როდესაც სადმე კარგად ჩაკმულ ქალს დაინახავდა...

ამისთანა გარემოებაში მათვის გიორგი პინტილიანი, ის გიორგი, რომელსაც დღეს მთელი გვიმბრიანი ქება-დიდებით იხსენიებდა, რომელსაც ყველა ასეთ პატრის სცემდა, როგორც მდიდარს და „განათლებულ“ კაცს, — ღვთისგან მოვლენილი ბედნიერება იყო... მაგრამ არ იცოდნენ, ისურვებდა გიორგი უმზითვო ქალის შერთვას, თუ არა. „მაგისთანაი კაცი ფულს არ უნდა დახარბდეს, თუ ღმერთმა ქნა და ქალი მიეწონა, ჩვენს ბედს ძალლი არ დაჰყევს! მაგისთანა პატრონს ჩვენ ვერსა ვიშონით! ღმერთო, ობლობის გამჩენო, მოიღე მოწყალება!..“ ოცნებობდა თეკლე. „მარა რომ არ იქნას და ტყულაი გვეილანძლოთ?“ შიშობდა ის და ამიტომ სთხოვდა ელენეს: „შენ შენობით უთხარი, მაგი ამბავი ჩვენში იყოს, თუ ღმერთი გწამს, საქვეყნოთ ნუ დარჩება.“

აღვილი წარმოსადგენია დედა-შვილის სიხარული, როდესაც ელენემ გადასცა მათ: „კარგათაა საქმე, მგონი კი დევითანხმებო.“

ეფემია ტკბილმა ონცებამ გაიტაცა. რა არ წარმოიდგინა, რა არ იფიქრა მან თავის მომავალ ცხოვრებაზე? ტფილისი, მდიდრული ცხოვრება, წასვლა, მოსვლა—ყველაფერი თავ-ბრუს ახვევდა მას და სასიამოვნოდ გულს უჭაგრებდა. „აბა, აწი გადამიდგეს წინ, აწი წამომძახოს რამე! ისე ვიცხოვრებ, რომ თვალს დოუბნელებ, გულზე გავსტაღვეც თლათ!“ — ფიქრობდა ეფემია.

თეკლეს ეჭვი ჰქონდა, „ვინ თუ ვინმე დაგვეცილოს, ან გადააფიქროსო.“

— აბა შენ იცი, ნენა, რაფერ იქნები, რაფა აჩვენებ თავს. ვინცხა ოცია ღვთის მტერი და ათასს კი გადულაპარიკებენ რაცხას, — დაარიგა დედამ ეფემია.

— რაფერ ჩივა აი, ნენაი, რაფა უნდა ვიყო? — ჩაილაპარაკა ყმაწვილმა ქალმა და წამოწითლდა.

ეფემია დაინიშნა. ეს ამბავი მაშინვე შაეღ სოფელს მოედდა. ყველა შენატრიდა ახალდანიშნულს. ბევრი შურის თვალთ უყურებდა მას.

V

ჯვარის წერა ერთი თვით გადასდეს, რადგან გიორგიმ ტფილისს წწასვლა დააპირა. „ისეთი საქირო საქმეა, რომ ახლა არ წაუიდე, შეუძლებელია. მალე დავბრუნდები, საგვირგვინო მორთულობასაც ჩამოვიტან, აქ ნაყიდი ხომ მაინც არაფერი ვარგა ჯვარის წერისთვისო,“ — დაარწმუნა მან ყველანი.

თეკლემ, სასიძოს პატივისაცემლად, სადილი გამართა და მიიწვია გვიმბრიანის საპატრო პირნი. გიორგისთან ერთად, რასაკვირველია, ანწლადეებიც იყვნენ მიპატიეებულნი. მათ გზაზე ყანა. ჰქონდათ გასაველედი. ნაწვიმარი დილა იყო. წვიმისაგან დამჩიმებული ღომის თავთავები თითქმის მიწამდის დახრილიყვნენ და შეეკრათ ისედაც ვიწრო საქვეითო გზა.

წყერისფეხაც კარგა წამოზდილიყო ყანაში. დაუსველებლად გავლა შეუძლებელი იყო.

— მუაწით რაეცხა, მარა პაწია კი დასოლდა აი ჩემი ძამიეი, — მხიარულად შენიშნა ელენემ, როდესაც მასპინძლები გამოეგებნენ სტუმრებს.

— ცოტა დაგენამა ამ პრასპექტზე, — იხუმრა გიორგიმ და ხელი ყანისკენ გაიშვირა.

— ჩემი სიკვტილი! — წამოიძახა ეფემიამ, როდესაც გიორგის დასველებულ ტანისამოსს შეხედა, — ქე გაფუქებულა!

— ჯავრი არ მოჰქეცა! გაფუქდა — ახალი იშოვება! — დაუმატა გიორგიმ, — ფულის საქმე არ არის!..

— რომ გამხსენებოდა მე სასიკვტილეს, ქე გავათოხნიებდი გზას... — დაიწყო თეკლემ.

სტუმრები აივანზე ისხდნენ და სხვა და სხვა ხილეულოვას შეექცეოდნენ. ამ დროს ვზოს ვილაც ხანში შესული კაცი მოადგა.

— წადი, ცავ, შეიყარე! — გასძახა თეკლემ პატარა 9-10 წლის „მობარებულ“ ქალს. ბავშვი მალე დაბრუნდა და რაღაც წასჩურჩულა ყურში თეკლეს.

— ვაიმე, ღმერთო მომკალი! — ღიმილით სთქვა თეკლემ. — ლაზარაი ხმოჭილობს თურმე გიორგის, რაცხა ქალალდი მაქწასაკითხავიო.

— რა ქალალდი ღიემარა ახლა იმას, რომ აღარ გააჩნიან აღარც დროი და აღარც რამე! არაფერ კაცს არ მიერიდებიან, იმფერი არიან! — გაჯავრდა ეფემია.

— ჯერეთვე რომ ასე უფროთხილდები და გეცოდვება შენ მაი. მერე რაღას იზამ! — სიცილ-კასკასით შენიშნა ელენემ.

ამ სიტყვებზე სხვებსაც გაეცინათ.

— იმიზა არ უჩივი, ოჯო... ასე იციან ყოლიფერზე... — წარმოსთქვა შექარხლებულმა ეფემიამ.

— ნეტავი არ მესწავლა ეს წიგნი! ხან და ხან დროსულ არ გაქვს, მაგრამ მაინც გაცდენენ: ზოგი დაწერას გთხოვს, ზოგი წაკითხვას... — აღარ დაასრულა გიორგიმ და ლაზარესკენ წავიდა.

მოხუცმა მძიმედ თავი დაუკრა მას და რაღაც ბარათი გადასცა.

— ახირებულია ამ ყრუ ხალხის საქმე! — ღიმილით დაიწყო გიორგიმ დაბრუნების შემდეგ, — სულ უბრალო რაღაცას დიდ რამეთ თვლიან, გროშათ რომ არ ღირდეს, ძალიან ვაჭნი გონიან და შეაწუხებენ ყველაფერს და მართლა საყურადღებო საქმე რომ იყოს, კი არ მიაქცევენ ყურადღებას, ვერ მიხვებიან, არ აქვთ გარჩევა!

აღმოჩნდა, რომ ლაზარეს წერილი მიეღო შეილისაგან, რომელიც საღდაც შორეულ ქალაქში მუშაობდა. წერილის ბოლოს მას რუსულადაც მოეწერა თავისი გვარი და იმ ადგილის სახელი, სადაც თითონ სცხოვრობდა. სწორედ ამ ორი სიტყვის წაკითხვას და გადათარგმნას სთხოვდა გიორგის მოხუცი ლაზარე.

გიორგი მეორე დღესვე მოემზადა წასასვლელად. ეფემიამ და თეკლემ მოისურვეს მისი გაწილება. გიორგის ბიძა-შვილებიც აღარ ჩამორჩნენ მათ. გემრიელი საუზმის შემდეგ, ცხენებით გასწიეს რკინის გზის მახლობელ სადგურისაკენ.

ახალ დანიშნულნი საგანგებოდ დაქირავებულ ცხენებზე ისხდნენ. ენკენისთვის მშვენიერი დილა იყო. მგზავრები სიამოვნებას გრძნობდნენ და მხიარულად მუსაიფობდნენ.

— როის მიხვალ იქინეი ამ საღამოს წასული? — ჰკითხა ვიღამაც გიორგის.

— ხვალ დილით.

— კი, მარა რაფერ გაძლებ მთელი ღამე მაშინაში უძინარი?

— რა დამიშლის ძილს?

— იქინეი ძილი კი არა, დასაჯდომი ადგილი თუ იშონება, არ მგონია, — შენიშნა ეფემიამ, — მღრთი გზობა შევიხედე შით და ტევა არ იყო, ისე იყვნენ ამოშუშებული.

— სად? მესამე კლასში? ღმერთმა დაიფაროს! იაჟ-ფასიანი ყველაფერი ასეა: ხალხი აწყდება, იმიტომ არც ებოდიშებიან — იმდენს შეყრიან შიგ, რომ ფეხზე დასადგომი

ადგილიც არ არის; ისეთი უსუფთაობა და გლახა სუნია... წაუსვლელი რომ ვრჩებოდე, იქ მაინც არ შევალ. პირველი კლასის ვაგონები რომ არ იყოს პოეზდში, არ ვიცი, რა ეშველებოდა კაცს! მოსვენებით მგზავრობა გინდა, ფულსაც არ დაინანებ, დაიქერ მთელ კუპეს და ხარ თავისუფლად, არავინ არ გაწუხებს. იქ რბილი საჯდომებია, როგორც გინდა, ისე მოისვენებ.

ამასობაში ჩვენმა მგზავრებმა კაი მანძილი გაიარეს და შეუმჩნევლად მიუახლოვდნენ იმ ადგილს, სადაც მ-ს სასაფ-ლო გზა თავდაღმართში მიდის და დიდ მანძილზე გადაჰყურებს პატარა ღელის დაცემულ ხეობას. აქ, ნიგვზის ძირში, ცხენოსნებმა შენიშნეს რამდენიმე ქალი და კაცი. ერთი მანდილოსანი, მზეხა, მაშინვე წამოვარდა ზეზე.

— აგია სტორეთ! მისი ქირიმე! — აღარ დააცალა მან. ცხენოსნებს გაჩერება, მივარდა გიორგის და მოეხვია მას ფეხებზე.

— რა საქირაოა... — დაიწყა გიორგიმ.

— შენ გენაცვალე! რაფერი ბედნიერი ყოფილა ჩემი ეფენიეი! ღმერთს ვმადლობ, მოწყალეს! — არ ცხრებოდა აღტაცებული მზეხა.

მზეხა ეფემიას მამიდა იყო. ის ვერ დაესწრა ძმისწულის ნიშნობას, რადგან ეს საქმე ნაჩქარევად მოხდა. შემდეგ თეკლემ ყველაფერი შეატყობინა მულს.

— აბა გაეყვეთ ახლა შინისკენ, შორს კი არ ვარ აქედან, — მიიწვია მზეხამ სტუმრები მისალმების შემდეგ.

— გიორგიმ იცის, — ღიმილით შენიშნა ელენემ.

— რომ დრო მქონდეს, დიდი სიამოვნებით! ამაღამ რომ პოეზდით არ წავიდე, არ შეიძლება! — სთქვა გიორგიმ.

— თავს შევიკლავ, იცოდეთ! ღმერთმა ჩემი ეფენიის დანიშნვა მალირსა და ერთ ღამეს აღარ მაჩუქებთ, აბა რას იზამთ! ხვალეც კი გამეიარს იგი მაშინა. შენ სთხუე, მამიდა, შენი ხათრიზა მაინც დათმინოს ერთი სადილი ჩემსას, — მიმართა მზეხამ ეფემიას.

ის დღე მხიარულად გაატარეს სტუმრებმა, ბევრი ისი-
ამრუნეს. მასპინძლობაც საგანგებო იყო. შუალამემდეგ სუფრა
გაშლილი იყო. ცეკვა-სიმღერა არ შეწყვეტილა, სანამ კარგა
შეზარხოშებულ გიორგის არ ჩაეძინა.

მეორე დღეს, შუადღისას, რკინის გზის სადგურზე იყე-
ნენ. ზარი დაირეკა. ხალხი კასას მიაწყდა. ყველა სტდილობს
ადრე აიღოს ბილეთი და დროიანად მოემზადოს. მალე მა-
ტარებლის სტვენაც მოისმა. შეიქნა ფაცი-ფუსი. მგზავრებმა
ბარგი ბაქანზე გამოალაგეს და გულის ძგერით მოელიან მა-
ტარებელს: ხუმრობა არ არის ვაგონში ბარგით შესვლა და
მოხერხებული ალაგის დაქერა. ეფემიას გულმა ბაგა-ბუგი
დაუწყო. სადგურის უფროსიც გამოვიდა. მატარებელმა ახლა
სულ ახლო დაიკვილა და ხენეშით, აუჩქარებლად, ბაქანს
მოადგა. ხალხი დაიძრა და ვაგონებისაკენ გაექანა. გიორგიმ
პირველი კლასის ვაგონი მონახა.

— ჩვენ ხომ შამოგვიშობენ შით?—იკითხა ელენემ.

— მაშ! ჯერ არ წავა, ნუ გეშინიათ,—მიუგო გიორგიმ.

მანდილოსნები შევიდნენ ვაგონში. იქვე შეიტანა მუშამ
ლამაზი ტყავის ჩემოდანი და სხვა და სხვა რჩეული ხილით
სავსე კალათი, რომელიც მზებამ უკან გაადევნა გიორგის.

— რაფერი მოწყობილი ყოფილა!—გაიკვირვა ეფემიამ,
როცა თვალი მოავლო ლამაზად მორთულს ვაგონს. ის ხე-
დავდა, რა მოურიდებლად და სასტიკად ეპყრობოდნენ მგზავ-
რებს, რა გაჭირვებას იტანდა ხალხი ვიწროობის გამო. ეფე-
მიამ დაინახა, რომ კონდუქტორმა საფეხურიდან გადმოაგდო
ერთი ხურჯინიანი მგზავრი, რადგან ის იმ ვაგონში შესე-
ლას აპირებდა, რომელსაც ისედაც ბევრი ხალხი აწყდებოდა.
გიორგი კი თავისუფლად შებრძანდა მშვენიერად მოწყობილ
ვაგონში, სადაც საპატიო, რჩეული მგზავრები ისხდნენ. მას
წინ არავინ გადაელობა; პირიქით, სწორედ იმ კონდუქტორ-
მა, რომელმაც ის ბედშავი მგზავრი ძირს დასცა, მორიდებით
გაულო გიორგის კარი. ახლა ეფემიას თვალში გიორგის კი-

დევ უფრო მოემატა ფასი და ყმაწვილმა ქალმა თავი ბედნიერად წარმოიდგინა... ✕

ამასობაში ზარიც დაირეკა და ხალხში ჩოჩქოლი ატყდა. გიორგიმ საჩქაროდ ხელი ჩამოართვა ყველას და ეფემია გადაჰკონა. ქალი შეკრთა, დაიბნა და მთლად გაწითლდა. ერთწამს თეკლესაც ეუცხოვა გიორგის მოულოდნელი ქცევა, მაგრამ გაიფიქრა: „უთუოთ ასე იქნება მიღებული განათლებულებაში“—ო და ისევ დამშვიდდა. ჩვენმა მანდილოსნებმა გიორგის კეთილი მგზავრობა უსურვეს და საჩქაროდ ჩავიდნენ ძირს. უკანასკნელად დაირეკა სადგურის ზარი. ორთქმავალმა რამდენჯერმე მძიმედ ამოიხვნეშა. მატარებელი ჯერ ნელ-ნელა დაიძრა, მერე თან და თან უმატა მსვლელობას და აუვალის დახამხამებაში გაჰქრა.

ორი კვირის შემდეგ ეფემიამ შემდეგი შინაარსის წერილი მიიღო გიორგისაგან:

„შორიდან ყოველ მინუტში სახსოვარო და საგონებელო, ხოლო ახლოდან თქვენის მალე ნახვით აღუწერელ მხიარულებაში მომყვანელო, ჩემო ეფემია! ყოვლის შემქმნებელ ღვთაებას ვთხოვ შენს კეთილ სუფევას. მე დიდი ხანია აღმიტაცა სურვილმა თქვენი ნახვისა, მაგრამ რას ვიზამ, უნდა ვემორჩილო განგების ნებას. როგორც ყოველთვის, ისე ახლაც მოსვენებით და კარგა ვიმოგზავრე. ყველა გამეცნა, ვინც იმ ვაგონში იყო. ტიფლისში ასლამდრ მუსაიფში და ხუმრობა-სიცილში გავეტარეთ დრო. იქ რომ მსხვილი ღენერალი იჯდა, იმან სადილზე მიმიპატიჟა. დენჩიკებს უბძანა სუფრის გაშლა. სხვა და სხვა საკმელ-სასმელი, ბევრი კარგი რამეები ჰქონდა წამოდებული. ისე დამიშვეგობრდა, რომ სახლშიც ბევრი მეპატიჟა, მაგრამ უარი ვუთხარი, დრო არ მქონდა. ვაგზალზე ყველამ გამოვემშვიდობეთ ერთმანეთს. მე ჩემი მოსამსახურე დამხთა იქ და რიზინის ფაიტონით წავედი სახლში. აქ საქმეები ბევრი მაქ, რომელიც უჩემოთ გაჩერებული ყოფილა, მაგრამ, იმედი მაქ, დროზე გავეათავებ და წამოვალ. შენთვის ბევრი რამეები ზაკაში მივეცი მოდისტკებს: აბა ნახ-

ვამდის, ჩემო მტრედო! დედა ელენე და ყველა ჩვენები მოპიკითხე.

შენი განუყრელათ გიორგი.“

თუმცა გიორგი სულ ახალ-ახალ რეკლამებს აბეჭვდინებდა, მაგრამ მისი საქმე მაინც ცუდად მიდიოდა. ამხანაგი მხარჯაფი გამოადგა. მეტი გზა არ იყო, (გიორგის როგორმე საკუთრად უნდა დაეხსნა სასტუმრო. მაგრამ თავი და თავი საზრუნავი, რომელიც გიორგის მოსვენებას არ აძლევდა, ბანკის ვალის გასწორება და სახლის ქირის გადახდა იყო. სად და როგორ უნდა აღმოეჩინა მას ამ ხელად საჭირო საშუალება,—აი ეს იყო მეტად მწვავე კითხვა...

ამ გარემოებაში სოფელში წასვლა შეუძლებელი იყო. „მდიდარი უნდა იყო და მაგისტანა ცოლი გყავდეს, ცხოვრება მაშინ მითხარი,—ფიქრობდა გიორგი ეფემიას მოგონებაზე:—მაგრამ ყველაფერს ბედი უნდა! ზოგი ისე ადვილად იძენს ქონებას, მილიონის პატრონი ხდება და ჩემს საქმეს საშველი არ მიეცა!... საცდელი არ დამიკლია, ერთ ჩემი ხნის კაცს არ გამოუცდია ჩემდონი დავიდარაბა... ორი გროშიო დავიწყე საქმე... ნუ გენაღვლება, ზოგიერთებსავეთ არაფერი დამრჩენია მამისაგან, ფაცხას არ შორდებოდა, რომ გარეთ გასულიყო და ცოტა რამე ეშონა. „წაეალ, ჯვარს დავიწერ და მერე რაც იქნება...“—ხან-და-ხან გაუელვებდა გიორგის, მაგრამ, როცა თავის მდგომარეობას წარმოიდგენდა, წელი სწყდებოდა: „ქვეყანაზე კაცს მეძახიან, ახლა რომ ქონება ამიწერონ და ციხეში ჩამსვან, ხომ საუკუნოთ თავი მომეჭრა, მაშინ ხომ სამუდამოთ წაგებული იქნება ჩემი საქმე! მარტო ნეუსტოიკას ვინ აუვა. ან ეფემია რაღას იტყვის. მე რომ ასეთ ყოფაში ჩავეარდე? მაშინ მისი მოსაწონი ხომ აღარ ვიქნები...“ აი რა აღონებდა გიორგის.

ნოემბრის დამდეგს გიორგი პინტილიანის ოთახში იჯდა ერთი ტფილისში დაბინავებული ხანში შესული იმერელი.

— სახლი დიდი არაა, მაგრამ 200 საყენი მიწაა, თავისუფალა, ერთი კაპიკი ვალი არ აქ. 2800 თუმანი უძლევიათ.

ის რომ გალაფინსკის პრასპექტზე იყოს, რატომ ნახევარი მილიონი არ ეღირება,—დაიწყო მან ლაპარაკი.

— მაგისტანა საქმეს თუ იზამს კაცი, რამე დიდი სარფა უნდა იყოს. იცი, რა მშვენიერი ქალი შეძლევია მე იქ? მთელ ქალაქში ვერ შეხთები...—შენიშნა გიორგიმ.

— ახლა, შე დალოცვილო!.. იქაური ქალი რა ხერხს დაგაყრის. შენ რომ გინდა, იმას იქ ვერ იშონი, მე ვიცი... შენი ნებაა! როგორც გსურდეს, მე ხომ არ გეხვეწები. მიტომ გეუბნები, რომ შენ მთხოვე და მინდა დაგეხმარო, ჩვენი ქვეყნის შვილი ხარ... შენთვის ძალიან სასიამოვნო თუ არ არის, მე სხვები მეხვეწებიან მაგ საქმის გაკეთებას. მაგას მუშტარი ბევრი ყავს. ხუმრობა ხომ არ არის მაგოდენა ქონება. შეიძლება დაგვეცილონ კიდევ. მე იმისი იმედი მაქ, რომ მოხუცი ჩემსავით სხვას არ ენდობა: მე იმისი ქმრის კარგი ნაცნობი ვიყავი, პირველათ რომ ქალაქს ჩამოვედი, მას აქვეთ ვიცნობდი.

— არა, ნუ გეწყინება, ისე ვთქვი. მეც იმიტომ მოგმართაე, რომ ჩვენებური ხარ და იმედი მქონდა. ისე უნდა მოეწყოს საქმე, რომ საიმედო იყოს. ჯვარი რომ დავიწერო და მერე ცარიელზე დავრჩე...

— კაცო, რა სათქმელია! ერთი საწყალი დედაკაცია: ვინ იცის, დღეს-ხვალ მოკდეს კიდევ. ეს ერთი შვილი მყავს, ამის ქმარმა მეც უნდა მიპატრონოს და შემითვისოს. ჩემი ქონებაც მათი იქნება, მე ხომ თან არ წავიღებო. ისეთი ადამიანი არ არის, რომ სიძეს აწყყინოს. თუ კარგა შეაჩედებ თავს, იქნება ამ თავითვე დაგიმტკიცოს.

მეორე დღეს გიორგი წავიდა ქალის სანახავად. ორ-სამ დღეში საქმე გათავდა და ჯვარის წერაც მოხდა.

სიძემ ~~აღრე მოაპოვა~~ სიღედრის ნდობა და სიყვარული. თავაზიანი ქცევით და მოხერხებით გიორგიმ ერთიანად მოინადირა მოხუცის გული, მალე დაიმტკიცა სახლი თავის სახელზე და ბანკშიაც დააგირავა. ამ რიგად, გიორგიმ გაასწორა თავისი საქმეები და წელში კარგა გამაგრდა, მაგრამ ის

კმაყოფილებას მაინც ვერა გრძნობდა: „რა გასაჩენი იყო მაგნაირი... არა, რა იფიქრეს მაგ სულელებმა... მაგრამ, თუ უკაცრავად დავრჩე მასთან, თავს დააბრალოს. რა ჩემი ბრალია, რომ ის უშნო გაუჩენია ღმერთს! მაგასაც ქალი ჰქვია და ეფემიასაც!.. ახლა რომ თავისუფალი ვიყო, ველარაფერი დამაბრკოლებდა! რომ შეიძლებოდეს, ახლა სულ სხვანაირად მოვაწყობდი საქმეს.. ვითომ რატომ არ შეიძლება? ცოტაა ასე ჯვარ-დაუწერელი კაი ცხოვრების გულისთვის? ტკბილ ცხოვრებას ახლა ყველა აფასებს. ღარიბს არ მიყობაო, ეტყობა ჰქვიათი ქალია, ალბათ ფულას გემო ესპის და იმიტომ არ უნდა სოფელში გათხოვება... მისთვის კი არაფერი დამენანება, ყველაფერს შეეუხსრულებ, რასაც კი ისურვებს. რაც სიღარიბე გამოუცდია, სულ დაეავიწყებ, ისე ვაცხოვრებ, რომ...“

ამისთანა ფიქრები ხშირად მოსდიოდა გიორგის თავში და თითქო რაღაც იმედს აძლევდა მას. ეს იმედი ერთი-ორად გაუძლიერდა გიორგის, როდესაც მას მოუვიდა ცნობები ელენესაგან ეფემიას შესახებ.

VI

თეკლე და ეფემია მოუთმენლად ელოდნენ გიორგის დაბრუნებას. მაგრამ დანიშნული დრო გავიდა და გიორგი მაინც არსად სჩანდა. დედა-შვილი დიდ მოუსვენრობაში იყვნენ. ნოემბრის „აღებაც“ გათავდა და მარხვა დაიწყო. სოფელში ათასნაირი მითქმა-პოთქმა და ქორი დადიოდა ეფემიაზე. რაღა თქმა უნდა, ვინც წინეთ შურის თვალათ უყურებდა მას, ახლა მოურიდებლად და გესლიანად დასკინოდა ახალგაზდა ქალს. აშკარად ავრცელებდნენ ეფემიაზე დაუჯერებელს ხმებს, რომელნიც ელვასავით შემოივლიდნენ სოფელს. ერთი სიტყვით, მთელი გვიმბრიანი იყო და ეს ამბავი. დიდი, პატარა, მოხუცი და ახალგაზდა, ყველა ამბზე ლაპარაკობდა და თავისებურად სჯიდა. ყბადალებულ ეფემიას ბრაზი ახრჩობდა. ის ხან ვის მივარდებოდა, ხან ვის, ხან ერთს შეუტყვედა, ხან წეორეს. მაგრამ ვერას აწყობდა...

— განათლებულ კაცს კი არა, ღმერთმა უბრალო სოფლის შლუსს ნუ დამართოს აი! რა საკადრისია ასე მასხარათ ავლება! ქვეყანაში გამობახება იქნება! — გულმოსულად უთხრა ერთხელ ეფემიამ ელენეს, რომელთანაც ხშირად დადიოდნენ დედა-შვილი ამბის გასაგებად.

— რაცხა დიდი მიზეზი რომ არ იყოს, ასე არ დაიგვიანებდა. ვინ იცის, რამ დააბრკოლა, ათასი საქმე აქ. ღმერთმა ნურაფერი გაუჭივრეს და იგი თავს არ შეივრცხვენს, — ბოღიში მოჰხადა ელენემ გიორგის.

— გარეთ ველარ გამოვსულვარ სირცხვილით, ქვეყანას მოედვა ჩემი ამბავი! ორი კაცი რომ ერთათ იყოს, ჩემზე ლაპარაკობს, მგონია!..

— ჩემი მტერი ჩავარდა სოფლის პირში! ათასნაირ კუდს გამოაბამენ... — დასძინა შეწუხებულმა თეკლემ.

— თქვენც კარგათ იცით და მეც, ვინ ავრცელებს ამ ამბავს, — დაიწყო ისევ ელენემ, — ჩხირაიფხე გულდამწვარი არის და ახლა ამით უნდა ჯინი ამეიყაროს. მარა ისე გავლანძღე გუშლამ სახტარზე, რომ ეყოფა საშუშებლათ. იმას კი ვუთხარი მისი საკადრისი. „ხვალე იქნება თურმე ქორწილი, ყოლიფერი მზათ ყოფილა“ (აქ ელენემ ხმა შეიცვალა, რომ უფრო კარგად გამოეჯავრებინა), დეიწყო ქალებში ლაპარაკი, ვითამ ჩემდა გასაგონათ. შენ ჯალაბო და გადათრეულო მეთქი — ხეო, შენ გელაპარაკები, — აგიშვია, დედა-კაცო, ყპაი და რას ბეუტურობ, არ იცი, ღმერთო კი მომკალი, ვინაა შენი ტოლი მეთქი...

ღრო გადიოდა. გიორგისაგან აღარაფერი ისმოდა, თუმცა რამდენჯერმე წერილიც გაუგზავნეს მას. ეფემიას მდგომარეობა აუტანელი შეიქნა და ამიტომ მან გადასწყვიტა ტფილისში წასვლა. თეკლე ამის წინააღმდეგი იყო.

— თუ არ გადირიე შენ! დამიციევი, ღმერთო! — წამოიძახა შეშინებულმა დედამ, — რომ მიხვალ, სად მიხვალ? ვისთან მიხვალ? სიღოური ნათესაევი და ნაცნობები გყავს იქინეი? ჯერ ახლა რას ლაპარაკობენ აგერ და იქინეი რომ წახვიდე, მაშინ რას იტყვის ქვეყანა?

— ჩემი ყურით ნუ გვეიგონებ მაინც და რასაც იტყვიან, რა უყო ახლა! აი ქალები სად არ დეიარებიან და მაინც-და-მაინც მე დვეიკარგები?... აქანაი მაინც ალარ მდღეღომება. ერთი ვნახო, რას იტყვის, რაფერ შემხედავს იგი, "თუ პატროსანი კაცია... ჩემი თავის მოქრას ასე რაფა შევარჩენ მე იმას!.. — ამბობდა გაწიწმატებული ეფემია.

— დედავ, რაფერ გადირია აი საცოდავი! იმან თუ კი იკადრა და ვარი თქვა; შენ რა გაგივა? ვითამ რას აპირობ? ჯერ იგიც, ვინ იცის, იქინეია, თუ არა, ეგება კიდევაც წევილა სადმე.

— ჯოჯოხეთში რომ იყოს, იქინეი მივალ! ვინცხას რაფა არ ეცოდინება მისი გზაი და კვალი... უნდა ვნახო. ამაზე უარესი რალა დამემართება ვითამ!..

ეფემია არ იშლიდა. იგი ისე დაქინებით გაიძახოდა თავისას, რომ ბოლოს თეკლეც შეურიგდა ამ აზრს: „ვინ იცის, ეგება ასე აჯობოს და რამე საშველი მიეცეს, ეგება დასტურ ვერ მოიცალა წამოსასვლელათ. ჩვენ რომ დაგვი-ნახამს მისულს, რამეს იფიქრებს, ან აქეთ წამოგვეცობა; ან იქინეი დეიწერს ჯვარს. დმერთი არ შეიძულებს თლა კაცს!“ — გაიფიქრა დედამ. პირველად ელენეც პირდებოდა წაყოლას, მაგრამ შემდეგ ავადმყოფობა მომიზეზა და უარი უთხრა.

ჩვენი მანდილოსნები მზად იყენენ წასასვლელად, მაგრამ არ იცოდნენ, ვისთან ეშოვათ ბინა ტფილისში, ვისთან გაჩერებულნიყვნენ. ეს გარემოება მეტად აშინებდა მათ. ამის შესახებ დედა-შვილმა რჩევა სთხოვეს ერთ ნაცნობ ვაქარს და, შიილეს რა მისგან შესაფერა დარიგება, გზას გაუდგნენ. „ღმერთო, შვიდობით ქენი ჩვენი მგზავრობა.“ — ლოცულობდა თეკლე. მან განგებ შეარჩია სამგზავროდ „წარმო“ და „სრული დღე“ ხუთშაბათი.

გულის თანცქალით უახლოვდებოდა ტფილისს ეფემია. როდესაც ღამის წყვილადში გამოჩნდა ქალაქის ღამპრები, ახალგაზდა ქალს მღელღარება მოემატა. „რა იქნება ნეტაი

ხვალ, რა გუნებაზე ვიქნები დღეის სწორს. ერთ თვეში ხომ მაინც უნდა გათავდეს ყოლიფერი,“ — გაუელვა მას თავში.

ამასობაში მატარებელი სადგურთან გაჩერდა. გზაურები მოაწყდნენ გასაფლ კარებს. თეკლე და ეფემიაც გამოვიდნენ ვაგონიდან სხვებთან ერთად. სადგურის ბაქანზე აუარებელი ხალხი ირეოდა. დედა-შვილი შიშმა შეიპყრო. ისინი დაიბნენ, არ იცოდნენ, საით წასულიყვნენ. შინ გეიკლოვს აქანაი რამეს. აი წიგნი კი მაქ, მარა, რომ ვერ მივაგნო და დევიბნა, რალა შეშველება, ძაღლის საქმელათ არ დაერჩები! ვის უნდა ეკითხო, ვინაა ქრისტიანი და სანდო, ვინ იცის?“ — გაიფიქრა თეკლემ. ამ ყოფაში იყვნენ მანდილოსნები, როდესაც ისინი შენიშნა ახალგაზდა, ძვირფას ქურქიანმა კაცმა.

— ვის ვხედავ ამათ? ეს რა ამბავია? წამოიძახა მან.

მანდილოსნები შეკრთნენ და მიიხედეს. ეფემიამ თითქმის დაიკვივლა: მათკენ მიდიოდა მხიარული სახით გიორგი პინტილიანი. ისე მოულოდნელად მოხდა ეს, რომ ჩვენი მანდილოსნები სულმთლად დაიბნენ.

— თქვე დალოცვილებო, თუ წამოსლას აპირებდით, რატომ არ შემატყობინეთ? ასე უნდა?! — ღიმილით უსაყვედურა მათ გიორგიმ მისალმების შემდეგ.

— რა ვიცი, დედავ, აღარ გვკადრულოვბდი, გვეგონა. — დაიწყა თეკლემ გაუბედავად.

— მადლობა ღმერთს, რომ შემთხვევით გამოსული დაერჩი, თუ არა რას გავიგებდი! სწორეთ სასწაულია ეს!

მანდილოსნებმა თავისუფლად ამოისუნთქეს. ისინი დიდ კაკოფილებას გრძობდნენ ამ ეამად, რადგან დარწმუნდნენ, რომ გიორგის მათი მისვლა ესიაშოვნა და ეს ხომ, მათი შებედულებით, კარგი ნიშანი იყო. მარტო ის რად ღირდა მათთვის, რომ ამისთანა ღროს გაუჩნდათ ისეთი მფარველი, როგორიც გიორგი იყო. ეფემიას წინ და წინვე დამზადებული ჰქონდა სიტყვები, რომლებიდაც მას უსათუოდ საყვედური უნდა განეცხადებინა საქმროსათვის. ერთი ვნახო და რასაც ვეტყვი, მე ვიციო! — ფიქრობდა წინეთ ეფემია თავის

გუნებაში. მაგრამ ეს მტკიცე გადაწყვეტილება რა ქკუაში მოსატანი იყო ახლა, როდესაც ახალგაზდა ქალი სულ სიამოვნებას გრძნობდა.

— სამი დღეა, რაც რუსეთიდან დავბრუნდი, — დაიწყო ისევ გიორგიმ, — ორ თვეზე მეტი იქ ვარ, ისეთი საქმე დამირჩა. ამ ერთ კვირეში კიდევაც ვაპრობდი სოფელში წამოსვლას. არა, როგორ გაბედეთ ასე წამოსვლა, რას აპრობდით, რომ არ შეგყროდით? შემთხვევით გამოვედი დღეს აქ. ერთ ნაცნობს ველოდი პარიჟიდან და ბედზე შეგხვდით სწორეთ!..

— ქე გვასტავლეს ვითამ რაცხა ბინა... — სთქვა თეკლემ.

— რა გვიქირდა ვითამ! სადაც მივიღოდი, ღამეს ყოლგან გვეითვედით... — ჩაერია ლაპარაკში ეფემია.

— ჰო, ჰო, ჰოოო! თქვენი მტერი! — გულიანად გაიცინა გიორგიმ. — აბა, რაღას ვუდგვივართ ამ სიციფეში, წავიდეთ, — დაუმატა მან.

დედაშვილმა ერთმანეთს შეხედეს.

— ჩვენ კი ვიშონით დასტურ ბინას... რაფერ შეგაწუხოთ... კი მივაკლოვთ... — წარმოსთქვა თეკლემ დაბნეულად.

— ვინ არის ნეტავი იგი, ჩემზე უკეთესად რომ პატივის გცემს თქვენ აქ? — თავმომწონედ დაიწყო გიორგიმ, — ჯერ ნახეთ და, თუ არ მოგეწონებათ, მერე სხვაგან გადაბძანდით, — ხუმრობით დაასრულა მან.

— დედავ, ღმერთო მომკალი!..

— დაანებეთ თავი ჩვენებურ ცერემონიებს! თქვენ ცალკე სახლში იქნებით, ასობენათ, მოსვენებით, როგორც თავის სახლში. თუ პატივისცემა რიგიანად ვერ შევიძლოთ, უნდა გვაპატიოთ, — ღიმილით დაუმატა გიორგიმ და მიიწვია მანდილოსნები საუკეთესო ფაიტონში.

— აბა, ბიჭო, შენ დაიქირე ფაიტონი და ეს ბარგი წამოიღე, არაფერი დაკარგო! — მიუბრუნდა ის მსახურს.

ეტლმა მალე გააქროლა ჩვენი მანდილოსნები.

— კი, მარა რა გვიქენი აი, თუ ღმერთი გწამს, ასე

ადვილად შეგირიგდებით, გონია!—შენიშნა გზაში ეფემიამ გიორგის ისეთი კილოთი, რომელშიაც უფრო კმაყოფილება ისახებოდა.

— ეე ჩემი სიკეთე! ქე არ დაიწყო!—გადიხარხარა გიორგიმ.

— ნენავ, ამისთანა ადგილზე ჩვენ რათერ გავახსენდებოდით ვითამ! — გაიხუმრა თეკლემ, რომელსაც სახეზე სიამოვნების ღიმი უქროდა.

— ახლა უნდა გამამტყუნოთ უსათუოთ რალა! თავის გამართლების ნება მაინც მომეცით!—განაგრძო მხიარულად გიორგიმ: მინავათი არათერში ვარ, ისეთი საქმეები შემემთხვა, ამაზე თქვენც დამეთანხმებით, ოღონ ამაღამ კარგა მოსიყენეთ ნამგზავრზე.

გიორგის ადრევე დაქირავებული ჰქონდა ორი ლამაზად მორთული ოთახი. აქ სტუმრებს მოართევს ჩინებული ვახშამი.

— აბა, მოსიყენეთ აქ კარგათ, თავისუფლათ, როგორც შინ. არხეინათ იყავით, ხვალ გნახავთ. რაც საჭირო იყოს, ამას უთხარით.—მიუთითა გიორგიმ მოსამსახურე ქალზე.

— კი, ნენავ,—დაეთანხმა თეკლე.

გიორგის ასეთმა თავაზიანობამ, სიუხვემ და მასპინძლობამ მეტად სასიამოვნო შთაბეჭდილება მოახდინა დედა-შვილზე. ამიტომ ისინი არ ჩქარობდნენ გიორგისთან ჯვარის წერის შესახებ ლაპარაკის ჩამოგდებას, რადგან ახლა სრულიად დაშვიდებულნი იყვნენ და საქმეს გათავებულად სთვლიდნენ. თეკლეს მაინც უნდოდა პირველ დღესვე გადაეკრა სიტყვა ამ საგანზე, მაგრამ მოხერხებული დრო ვერ იშოვა...

მეორე დღეს, დილით, გიორგიმ მისვლისთანავე უთხრა მანდილოსნებს: „აბა, ფაიტონი გვიცდის, წავიდეთ, ქალაქი დავათვალიეროთო.“ გიორგიმ საუკეთესო, მოდის ტანისამოსები და ძვირფასი სამკაულები უყიდა ეფემიას. რალა თქმა უნდა თეკლემაც შესაფერი საჩუქრები მიიღო „სასიძოსავან.“ საექვო აღარ იყო დედა-შვილისთვის, რომ გიორგი ჯვარის

საწერად ემზადებოდა. მათ სიამოვნებას და ტკბილ ოცნებას საზღვარი არ ჰქონდა...

ღროც შეუმჩნევლად გადიოდა, რადგან ყოველ დღე სხვა და სხვა სანახაობით ერთობოდნენ. ცირკი, თეატრი, მუზეი, გამოფენა — ყველაფერი ნახეს და დაათვალიერეს გიორგის წყალობით ჩვენმა მანდილოსნებმა, რომელთაც ყველაფერი მოსწონდათ, ყველაფერი აკვირებდათ. საოპერო თეატრით მეტად აღტაცებული იყო ეფემია. ის იჯდა ძვირფას ლოჯიაში და აქედან გაუბედავად ათვალიერებდა ყველაფერს. ახალგაზდა ქალის გარეგანი სიმშვენიერე ბევრის ყურადღებას იქცევდა იმ საღამოს. გიორგიმ, რომელიც საზოგადოდ თვალს არ აშორებდა ეფემიას, უკმაყოფილოდ შენიშნა რამდენიმე, მისკენ მიმართული, დურბინდი. გაიმართა ბალეტი. მოთამაშეთა თავისებური ჩაცმულებით და მათი ცეკვით გაოცდნენ დედა-შვილი.

— რა მუანი ხალხია აი, თუ ღმერთი გწამს? — ჩურჩულით ჰკითხა გიორგის განცვიფრებულმა თეკლემ.

— ბალერინები არიან, — აუხსნა გიორგიმ: ეს რა უნდა იყოს, ხანდისხან ისეთები გამოდიან, რომ კაცი გადაირევა ყურებით.

— ბაღნები არიან ასე ჩაცმული? — დაეკითხა ეფემია.

— ბაღნები კი არა, ქალები არიან, ზოგი ფრანცუზანკაა, ზოგი იტალიანკა... .

— ნუ იტყვი, ოჯო! ღმერთო ნუ მიზამ საშინელს!.. ასე რაფერ დიეკარგება ქალს იხტიბარი... რა აცვიან აი უცნაური? — თითქმის წამოიძახა თეკლემ.

— ვცეკვობო, კი ეთქმის ამ ამოსაგდებს! რაფერ დაფრინავენ პეპელასავით... — ჩაილაპარაკა ეფემიამ.

იგი სრულიად ნოხიბლა ასეთმა უცხო სანახაობამ: თეატრის მორთულობამ, ელექტრონის სინათლემ, ეფექტებით საესე სცენებმა, საზოგადოებამ ძლიერი, სასიამოვნო შთაბეჭდილება იქონია ახალგაზდა ქალზე. „ამ ქვეყნიერი სამოთხე აგია სწორეთ. საწყალი სოფლის ქალი სად ნახავს რამეს!

იპას ვინ აღირსებს... ვერაფერს ვერ ნახავს, ვერაფერს გეიგონებს, რა იცის, რა ამბავია ქვეყანაზე, ქია ისე მის სიცოცხლეში...“ გაიფიქრა ეფემიამ. მის თვალში ახლა მთლად დამკირდა სოფელი: „რა ცხოვრებაა? თუ ხარ, ქე უნდა იყო ამისთანა ადგილზე, თუ არა და არამც ყოფილა იმისთანაი სიცოცხლე!..“

ბედნიერი იყო ამ დროს ეფემია, ბედნიერი, აღფრთოვანებული და განუსაზღვრელი მადლობით აღსაესე იმ კაცი-სადნი, რომელსაც ამ ბედნიერების მიზეზად სთვლიდა.

VII

მეოთხე დღეს გიორგიმ „ქანდრის კაცის“ და „გველეშაპის“ სანახავად მიიწვია მანდილოსნები.

— სანახავი ჩვენ აღარ დაგვეკლებია შენი წყალობით; მგონია, ზოგი იმისთანაიკ კი ვნახე, რაც არ უნდა მენახა, — ღიმილით დაიწყო თეკლემ. ამის შემდეგ მან ჯვარის წერაზე ჩამოუგდო ლაპარაკი გიორგის. — ბარალში გავათავოთ დროზე, შენც უფრო დაგშეენდება დედაშვილობამ და ჩვენც!

გიორგი ოდნავ შეკრთა. მაგრამ ჩქარა გასწორდა და აღერსიანად წარმოსთქვა დაბალი ხმით:

— მაგაზე რა გაწუხებს, დედი? რა გენალვლება? შენ იცოცხლე და მხიარულად იყავი, სხვა მე ვიცი. რადგანაც ბედმა მოიტანა და ჩვენ ერთმანეთის სახელი დაგვეთქვა, მე უნდა ვიზრუნო თქვენთვის. ეს ჩემი საქმეა და მე ვიცი... ახლა რაღა გაწუხებს?... დაჯედი, კარგა ჩაიცივი, დაიხურე, კარგი ჭამე და სვი, თუ რამე არ მოგეწონოს, ან მოგაკლდეს, მხოლოდ თქვი და სხვა არაფერი. დრო მხიარულად ატარე... ვიცოცხლოთ და ნურაფრის დარდი ნუ გაქ. მე თქვენ ვერ გიპატრონებ? რაღა გაწუხებს? საქმე გულია. ჩვენ ერთმანეთისთვის უნდა ვიყოთ და ჯვარის წერა დღეს იქნება თუ ხვალ — სულ ერთია...

— კი, ნენავ, შენი ჭარიმე, შენგან ყოლიფერ სიკეთეს მოველით, მარა მაინც ისე ჯობს საქმე გათავებული; ქვეყნის თვალში მაინც სხვაი იქნება! — შეევედრა თეკლე.

— ჩვენ კარგათ ვიყოთ და ყველაფერი კეთილათ მოეწყობა, ფიქრი ნუ გაქ! ზმე კი არ ვჩქარი, გგონიათ, ჯვარის წერას? მარა ისე უნდა მოიქცეს კაცი, როგორც ჯობია. ისეთი ვაჟნი საქმე გამოძიითა, რომ არ მოველოდი და სიჩქარით რომ გავაფუქო ისეთი დიდი საქმე—სირცხვილია, რაღა კაცი ვიქნები. საზოგადოებამ განგებ მე მომანდო, იმიტომ რომ მიცნობენ და იმედი აქვთ. ჩემი ჯვარის წერა ისე არ შეიძლება, თუ ყველაფერი არ მოეწყო, როგორც მიღებულა. ქვეყანა მიცნობს და ვიცნობ. ისე უნდა მოვიქცე, როგორც შემეფერება; თავს ხომ ვერ შევირცხვენ. ამას თავისუფალი დრო უნდა. ერთი თვე მარტო ვიზიტობას მოვუნდებით და სხვა კიდევ რამდენი. მოვიცადოთ რამდენიმე კიდევ. ამ ოთხხუთ თვეში ყველაფერს გავათავებ, იმედია, მოვისვენებ, სახლსაც მოვაწყობ შესაფერათ, მოდაზე. ხალასტოი კაცის ცხოვრება სხვაა... აქამდი არ ვაქცევდი ყურადღებას...

ამ მოულოდნელმა პასუხმა თავ-ზარი დასცა დედა-შვილს.

— დაგვკალი ჩაჩადმაი შენი ხელით და ქია! — მწუხარებით წარმოსთქვა თეკლემ: — ოთხი თვეი კი არა, აქამდი ძვილათაი შევიტანეთ სული: შენ არ გამოგიტია, დედავ, და არ იცი, რა არის სოფლის პირში ჩავარდნა. სახლში აღარ გვედგომებოდა და იმიზა გამევიქეცით, ბატონო, თვარა აქანაი რა მინდა მე, გენაცვალე, რაღა დროის ჩემი წანწალია ახლა! ჩემი სანახავი შინ დავტიე მე... — ველარ დაასრულა მან.

— აქედან ასე წასლას სიკვტილი მირჩონია! მაინც გალანძლული ვარ იქინეი და ახლა თლათ უნდა მომექრას თავი!... — ხმის კანკალით წამოიძახა გაფითრებულმა ფეფმამ.

— არა, ეს მართალია... სოფლის ხალხი ბრიყვია, ვერათერს შეასვენ, ვერც დააჯერებ... მაგრამ არ უნდა მიაქციო ყურადღება... შეიძლება სხვანაირათ მოვახერხო საქმე, — დაუმატა გიორგიმ.

— რათერ? — იკითხა თეკლემ.

— თანის შესაწუხებელი სრულებით არათერი არაა! განათლებულ ხალხში ასეა მიღებული, რომ თუ რამე და-

მაბრკოლებელი არის, ისე ცხოვრობენ, თანხმობით და, როცა მოახერხებენ, მაშინ იწერენ ჯვარს. მაგით თავს არავინ შეივიწროვებს. ნდობაზეა ყველაფერი. თუ კაცს არ ენდობი, არც უნდა დაიჭირო მასთან საქმე! კაცს ნამუსი და პატიოსნება სჭირია. რა კაცი ვიქნები, რაღა თავ-მოყვარეობა მექნება მე, თუ თქვენ რამე მოგანატრე! რას ისურვებს ჩემი ცოლი ისეთს, რომ შევეუსრულო, რაც კი კაცისგან შესაძლებელია, რაღა ვერ შევიძლებ! ერთი ჩემი კარგი ნაცნობი ოჯახია აქ, ძალიან საიმედო, სწორეთ ანგელოზი ხალხია. ახლა იქ დარჩეს. ისე შეინახავენ, როგორც საკუთარ შვილს. ეს ღროც ჩქარა გავა და მაშინ რაღა დაგვაბრკოლებს...

— ნუ იტყვი მაგას, დედაშვილობას! — წამოიძახა შეშინებულმა თეკლემ: — რაფერ დარჩეს ასე ჯვარ-ღუღუწერელი ქალი?!

ფეშვია ქარხალივით გაწითლდა.

— შე დალოცვილო, ჯვარ ღუღუწერელი კაცი და ქალი ცოტა ცხოვრობს ამ ქალაქში? ნადირი ვინც არ არის, ურიგობას როგორ იკადრებს! ისეთი ოჯახი არ არის, რომ უწყესობა შეიძლებოდეს! ან მე კი შევირცხვენ თავს? თქვენი ნებაა! მაინც სოფელურათ უყურებთ საქმეს!.. იქაური შეხედულობა რა მოსატანია, იმის წარმოდგენა აქ სირცხვილია! იქ მუდამ ცუდი რამე უნდა იფიქრონ! მე სიკეთე მსურს თქვენთვის... თუ ასეთი აზრის ხართ ჩემზე და მეტი დაფერია არაა, ვითომ რა... არც ღირებულა ჩვენი საქმე! კაცი ვარ და ქვეყანა პატივს მცემს, ექვს ვინ შემოიტანს ჩემში... მარტო თქვენ ვერ მენდობით! — წყენით დაასრულა გიორგიმ.

— რაღა არ გენდობით, ბატონო, მარა აი ნამეტარი მუუხერხებელი დარჩა... ამისთანაი საშინელი საქმე რაფერ... ქვეყანას ვინ დააჯერებს, ყოლიფერს რომ თავი დავანებო... ისთვი, ჩვენ რომ ცეცხლში ვართ, ღმერთმა მტერი დეიფაროს... შენს ხელში ვართ, დედავ, და რასაც გვიზამ, ავია. კი ხედავ ჩვენს გაჭირვებას; შეხედე ღმერთს!.. — მწუხარებით დაუმატა თეკლემ და თვალებზე ცრემლი მოადგა.

დედა-შვილს ტფილისში გამოცდილი სიამოვნება ჩაზხამდათ.

— რა ღმერთი გამიწყრა! ნეტაი ფეხი მომტეხოდა და აქეთ არ მექნა პირი! რაღა წყალს მივცე ახლა თავი! ამისთანაი საარაკო საქმე დამემართა, საღა გავაჭყირო თვალი? რას აპირობ ახლა, ქალბატონო? თუ არ წვევდი, არ იქნებოდა, რომ დეიჩემე, რას შობი ახლა? მიწას თუ გეითხრი, არ ვიცი, თვარა რაღა გამოსახენი პირი გაქ?—მწარედ უსაყვედურა თეკელემ შვილს.

ფეფია ერთხანს ჩუბად იჯდა და ხმას არ სცემდა დედას, რომელიც განუსაზღვრელ სასოწარკვეთილებას ეძლეოდა.

— შინ მაინც ვგდებულოყავი! ავათ ვიქნებოდი თუ კარგათ, ჩემ სახლში მერჩია მაინც მე. თუ ჩამოვიდოდა, იგი იყო, თუ არა და საცხა რაღა არ გამოჩნებოდა ვინმე ერთი სოფლის კაცი... ასე თავ-მოჭრილი მაინც არ ვიქნებოდი... ახლა ვიღან შამოგხედავს...

აქ კი იფეთქა ფეფიამ:

— ნუ დაგლევია სალაპარაკო!..— შეუტია მან დედას, — ასე იცი შენ!.. თუ დეიწუე, აღარ გაათავებ! იქინეი დაბეროდი, შე საცოდავო, მარა... არ მივალ იქით მეთქინ, გეიგონე? მე კი მუუარ ჩემ თავს, იმის ჯავრი ნუ გაქ შენ... აფერი მწყესი არ მპირია!

თეკლე შეშინდა. მან იგრძნო, რომ გაუფრთხილებლად მოიქცა და ამიტომ წყნარად, დაბალი ხმით შენიშნა:

— თლა ნუ გადირევი, ნენა! რას ლაპარაკობ, თუ იცი? მანდამაინც მტერის გასახარელს შობი რაღა, ვის ჯინზე ხარ?.. — კანკალით დაუმატა მან.

ფეფია აღრე დაწვა. თეკლეს კიდევ უნდოდა მასთან ლაპარაკი, მაგრამ თავი შეიკავა, რადგან შვილს გულმოსულობა შეატყო. „იქით არ მივალო, რეიზა თქვა? ეგება დასურ აპირობს რამეს?“ — სწუხდა თეკლე. მან კარგად იცოდა, რომ ფეფია, თუ რასმე ამოიჩემებდა, აღარ დაიშლიდა.

თეკლეს უყვარდა თავისი ქალი, რამდენადაც შეეძლო,

კიდევ ანებივრებდა მას. იშვიათად ეწინააღმდეგებოდა მის სურვილს და, თუ ხან და ხან აპყევებოდა ლაპარაკში, ბოლოს მაინც უთმობდა. ასე მოხდა ამ ხელადაც. როდესაც ეფემიამ გადაქრით გამოაცხადა: „მე აქანაი ვიციოი“, თეკლე მეტად შეშფოთდა, მაგრამ ველარას გახდა და შეწუხებული ფიქრს მიეცა. „ქვეყნის თვალში დასურ ქე ჯობს ეგება ასე, ვინ მიხთება ვითამ... მარა სად უნდა შეიცადოს, რაფერ... რა ვქნა!“ — წუწუნებდა თეკლე. ის მიუახლოვდა შვილს და დააცქერდა. ეფემია ძძიმედ სუნთქავდა. „შვილო! გალახულია ძალიანი, ბევრი საწყენი შეხთა დღეს! აუთ არ გამიხთეს აქანაი, არ დამიდგეს თვალი!“ — მშობლიური მზრუნველობით ჩაილაპარაკა თეკლემ, მერე კუთხეში გაჩერდა და ხელაპყრობილი ლოცვას შეუდგა.

— რაფერ მეიცთი ახლა აქანაი მარტუაი? — გაუბედავად შენიშნა თეკლემ შვილს მეორე დღეს.

— იმის ჯავრი ნუ გაქ შენ! ჩემი თავის ამბავი მე უფრო ვიცი. დასურ ახლა არ დუუქამიან კაცი! სახლში წადი, ოჯახს და იმ ბალანას მიხედე. როიცხა დროი იქნება, მოგწერ და ქე აპოხვალ, — აიძელებდა დედას ეფემია.

თეკლე ყოყმანში იყო.

სადილობაზე გიორგი მოვიდა.

— მართლა რა მავიწყდებოდა! სანდრო უნდა მოვიყვანოთ აქ, — სთქვა მან: — მე მოვამზადებინებ და გემნაზიაში მივცემ აქ. ჩემი ცოლის ძმაი სხვაზე ნაკლები არ უნდა იყოს. შენ ნუ სწუხარ. მე დედასრულებიებ იმას უმაღლეს სწავლას და ზაგრანიცაშიც გავგზანნი. ისეთი კაცი გამოვიდეს, რომ ერთი ვერ ჯობდეს.

თეკლეს სახე გაუბრწყინდა.

— ღმერთმა ყოლიფერი სიკეთე და ბედნიერება მოგცეს, ჩემო ნენავ, რომ ობლის პატრონობა გინდა! — გულიანად წამოიძახა მან.

ეფემია კმაყოფილებით დააცქერდა გიორგის. თეკლე დიდად ნასიამოვნები იყო. მისი ერთადერთი ვაჟი, რომელიც

უსწავლელი უნდა დარჩენილიყო, ესლა სრულიად უზრუნველ-ყოფილი ხდებოდა გიორგის წყალობით. დიახ, თეკლე კმაყოფილებას გრძნობდა ამ ქამად. გიორგი მისი გულითადი კეთილის-მყოფელი შეიქნა ამიერიდან. ეს ცხადი იყო ახლა...

ამ რიგად დამშვიდებული თეკლე მეორე დღესვე წავიდა სახლში.

„ყმაწვილი საჩქაროთ ამოიყვანე, რომ მოგწერო,“ — დააბარა მას გიორგიმ, ამასთანავე მან 20 თუმანი გადასცა თეკლეს და თან დაუმატა: „სახარჯავათ წეილე ახლა, მერე, თუ სოფელს მოშორდები და ჩვენთან იცხოვრებ, ხომ კარგი, თუ არა და ისე მოვაწყობ საქმეს, რომ იქაც იყო და არაფერი გაკლდეს.“

ეთემია გიორგის ნაცნობ ოჯახში დაბინავდა. აქ დიდის ყურადღებით ეპყრობოდნენ ახალგაზდა ქალს. ის ადრე შეეჩვია ქალაქის ცხოვრებას.

VIII

იანვრის დილა იყო. ახალ მოსულ თოვლს ბრქვევიალი გაჰქონდა მზის შუქზე. მოკრიალეებული ცა საუცხოვოდ შეენოდა დედამიწის სპეტაკ მორთულობას. ქუჩებს სულ სხვა ელფერი მისცემოდა. ზამთრის წმინდა სამოსელი თანასწორის სიუბვით მოჰვენოდა ქალაქის ყველა კუთხებს. აღარსად სჩანდა არც მტვერი, არც ჩვეულებრივი უსუფთაობა, წუმპეები. ახლა თვითთული კუნჭულის საუცხოვო სისპეტაკე თვალს ახარებდა.

აღარ ისმოდა ქუჩიდან ეტლების მომაბეზრებელი ჩახჩახი. ეთემია თანჯარას მოადგა. ქუჩაში არაჩვეულებრივი მოძრაობა იყო. მარხილით მოსეირნეთა ჯგუფები ერთმენეთში ირეოდნენ. სწრაფად დააქროლებდა მათ ცხენები. „რა ამბავია, აი! ყოლიფერი რომ სხვანაირათ არის აქანაი,“ — გაიფიქრა ეთემიამ ამ უცნობი სურათის დანახვაზე. ამასობაში გიორგიც მოვიდა. „ქვეყანა კატაობს და ჩვენ სახლში ვიჯდეთ, რალა ნაკლები ვართ! მშვენიერი დარია, წავიდეთ, ჩვენც გავისეირნოთ სანკით,“ — მხიარულად მიმართა მან ეთემიას. უკანასკნელი სწრაფად მოემზადა და მალე ქუჩაში გაჩნდნენ.

გიორგიმ დაიჭირა კობია მარხილი, ჩასხდნენ და გასწიეს. მშვენიერი გზა იყო. ქალი სიამოვნებით ილივებოდა და ხარბად სრუტავდა თოვლისაგან გაწმენდილს ცივ ჰაერს. ეფემიას თავის დღეში არ მოსწონებია ასე თოვლი, არას დროს არ ყოფილა იგი ისეთი მშვენიერი, როგორც დღეს. მარხილი მსუბუქად მისრიალებდა. შეუმჩნევლად ქალაქსაც გასცილდნენ.

— თუ არ მოგწყინდა, წავიდეთ კიდე. ამას იქით კიდევ უკეთესი საკატაო ალაგებია! — შენიშნა გიორგიმ.

— აი რავე მოსწყინდება კაცს! — მხიარულად უპასუხა გაბრწყინებულის სახით ახალგაზდა ქალმა.

მისი სიახლოვე საამოდ აერეოლებდა გიორგის. მღელვარებით შეჰყურებდა იგი ქალის გაღაქაქებულს სახეს, ლამაზად მოყვანილს გულ-მკერდს და თითქო ესმოდა ამ ახალგაზდა გულის ძვერა... გიორგიმ ნაზად შეხედა ეფემიას, ნელა შეეხო მის ხელს და ჩურჩულით ჩაულაპარაკა:

— ერთმანეთის ვართ ჩვენ აწი...

ეფემია სდუმდა, მხოლოდ მისი აჩქარებული სუნთქვა და ისმოდა... გიორგიმ მოხვია ხელი ქალს და გატაცებით დაეკონა მის ტუჩებს...

ეფემიამ ახალი ცხოვრება დაიწყო. ეს როგორღაც შეუმჩნევლად მოხდა. ეს იყო უცხო სიზმარი, რომელმაც ახალგაზდა ქალი ცოტა ხანს გააბრუვა. მაგრამ ხანგრძლივი არ გამოდგა ეს ნეტარება. თავ-დავიწყების ხანა ჩქარა გაჰქრა და ეფემია ნელ-ნელა გამოერკვა. უსიამოვნო გრძნობა, რომელიც მოჰყვა პირველი წუთების გატაცებას, მძიმედ შემოაწვა ახალგაზდა ქალის გულს. რაღა თქმა უნდა, გარეგნობით კარგად იყო მოწყობილი მისი ცხოვრება. შესაფერ კურადღებას სულაც არ იყო მოკლებული ეფემია. მაგრამ ის ახლა მაინც ვერ კმაყოფილდებოდა ამით და თითქო რაღაც ცვლილებასაც კი ამჩნევდა გიორგის. ქალი ახლა ცხადად გრძნობდა, რამდენად საშიში შეიქნა მისი მდგომარეობა. ის ხედავ-

და, რომ მისი ბედი სხვას ჩაუვარდა ხელში, რომ ის მთლად სხვის ნება-ყოფლობასა-და სულგრძელობაზე იყო დამყარებული. ამჟს შეგნება მწარე სინანულით ავსებდა ამ ეჟმად მის გულს. მთელ თავის სიცოცხლეში ახლა პირველად გრძნობდა იგი თავის თავს უმწეოდ, უიარალოდ... ამოდ ცდილობდა ქალი ჩაექრო ის შემადრწუნებელი ექვი, რომელიც თან და თან იზრდებოდა და სწამლავდა მის არსებას...

სალამო იყო. ეფემია ახლად ნაყიდ ტანისამოსს სინჯავდა. ამ დროს ოთახში მსახური ქალი შემოვიდა:

— ვილაც ქალია და თქვენ გკითხულობს, მგონი.

ეფემია უნებლიედ შეკრთა, შეტოკდა. „ვინაა ნეტაი?“ — მოუთმენლად ჩაილაპარაკა მან და კარებისკენ მიბრუნდა. ამასობაში მსახურმა კარი გააღო. გამოჩნდა დაბალი ტანის ფერ-მკრთალი მანდილოსანი, რომელიც მოუსვენრად აცეცებდა თვალს აქეთ-იქით. ეფემიას მოეჩვენა, რომ ახალმოსულმა პირველ დანახვაზე მტრულად შეხედა მას და შემდეგ თავი გვერდზე მიიბრუნა.

— ვინ გნებავს? მობძანდი! — შექმუხებით მიიწვია მას პინძელმა. მან ახედ-დახედა სტუმარს. უცნობის გარჯანი შეხედულობა ვერ ახდენდა სასიამოვნო შთაბეჭდილებას. მარცხენა თვალთან პირის კანი მას დანაოქებული ჰქონდა, რის გამოც ქვედა ქუთუთო რამდენიმედ დაწეული იყო.

— დაბძანდით! — მიიპატიჟა მასპინძელმა.

უცნობმა გაუბედავად მიიხედ-მოიხედა ოთახში, თითქო ვისიმე ეშინიაო და ჩამოჯდა.

— თქვენი ნახვა მინდოდა, გაცნობა!.. — ყრუდ ჩაილაპარაკა მან და ეფემიას დააცქერდა, მაგრამ თითქო შერცხვად ისევ მოარიდა თვალი.

სამარისებური სიჩუმე ჩამოვარდა. ეფემიას გულს მაგაბუგი გაჰქონდა. მას ძლიერი მღელვარება ეტყობოდა. „რა შემართება, რომ არ ვიცი!“ — გაბრაზებით გაიჟიქრა მან. აუტანელი იყო მისთვის ეს რამდენიმე წამი.

— ვინ ბძანდებით თქვენ? — ბოლოს მოუთმენლად ჰკითხა ეფემიამ.

— გიორგი პინტილიანს იცნობთ, მგონი, როგორც მითხრეს! — ძალდატანებით წარმოსთქვა სტუმარმა და ერთიანად გაფითრდა.

— რა გნებაეს, მერე? — მრისხანელ უენიშნა ეფემიამ, რომელსაც სიბრაზე თან და თან ერეოდა.

— რა მნებაეს...

— არ მესმის...

— უნდა გაგაგებინოთ... რა უფლება გაქვთ... ჩემ ქონებას სკამთ, ჩემი ფულით დროს ატარებთ... მე მინდა... ღმერთი არ შეგარჩენთ!..

— სიღოურს ლაპარაკობ? — შესძახა ბრაზ-მორეულმა ეფემიამ: — აი გადარეულია სტორეთ, ვინცხაა!..

— გეტყვი, გეტყვი, ყველაფერს გეტყვი! გაიგე!.. უნამუსოთ... ჩემი ფულით საყვარლები გაიჩინოს... მე ცოლი ვარ პინტილიანის!.. — გაქირვებით წარმოსთქვა ეს სიტყვები აღელვებულმა სტუმარმა. სახე მას ერთიანად მოეგრიხა და ფეხზე წამოდგა.

ეფემია გველ-ნაკბენივით წამოიჭრა ზეზე.

— რაიო?... — შესაზარი ხმით დაიღრიალა მან ხელების მოკუმშვით. ის მთლად აირია, აღარაფერი ესმოდა. ამ საშინელ ყოფაში ეფემია მზად იყო მივარდნოდა მოპირდაპირეს და დაეხჩო იგი შეუბრალებლად.

— რა თქვი იგი, რაი? — ჩასძახოდა ქალი გაათათრებით.

— მართალი...

— უენ ცოლი ხარ მისი? უენ?..

— დიახ... კანონიერი, ჯვარდაწერილი...

— აი შამომაკტება დღეს! მომაცილე ვინცხამ!.. — სასოწარკვეთილებით წამოიძახა ეფემიამ და ანთებულის თვალებით სტუმარს დააშტერდა, რომლისაგანაც ახლა დაცნეას მოელოდა და მხოლოდ მიზეზს ეძებდა... მაგრამ სტუმარი თავ-ჩაქინდრული იდგა. მას არ ახარებდა ახალგაზდა ქალის განწირუ-

ლება. ამ საცოდავად მოკუნტული ადამიანის მწუხარებით მოცული სახე უსიტყვოდ ამბობდა: „მე რა შუაში ვარ, მეც იმისი მსხვერპლი ვარ, ვინც შენ გაგაუბედურა, შენსავით მოტყუებული.“ მის თვალებში განუსაზღვრელი სიბეჩავე, უსასოება და სრული უღონობა ისახებოდა. ეს კარგად შენიშნა ეფემიამ, ყველაფერს მიხვდა. მან საესებით იგრძნო ჩაგრული ადამიანის გულის კენესა... „აგი საცოდავიც ჩემსავით განიკლებული ყოფილა, თვარა რაფერ მუატყუა ასე?“ — გაიფიქრა გაათვრებულმა ეფემიამ.

— მოტყუებით ჩემი ქონება ხელში ჩაიგდო, ფულიც შითვისა... ჩვენთვის არათერი არ არის... ველარას გაუხლით მასთან... იქნება იმედი აქვს ადრე მოკდებაო, მაგრამ... — ამბობდა სტუმარი, რომელიც ახლა კრემლს ველარ იმაგრებდა.

— არც ერთი არ ვართ მოსანადლი! ვინც თავის მიზეზით დეიმტროვა... ქონება გქონდა და ველარ მოუარე... იმას ჩუუყარე ზელში... ისე გეკადრება შენ!.. — ძლივს წარმოსთქვა ცახცახით გაფითრებულმა ეფემიამ.

— თქვენი ამბავი ყველაფერი გავიგე, როგორც იყო ჩემი ფულით მოაწყო...

— კაი, კაი, კმარა!.. — ხელის გაშვერით შეტკივლა ეფემიამ: — ახლა ყოლიფერი ვიცი... მივხთი! ჩემს მაგიერ, შენ მაგიერ, ყველაის მაგიერ ვიყრი ჯინს! — დაუმატა მან და ტახტზე მიესვენა...

კარგა შებინდებული იყო, როდესაც ეფემია ზეზე წამოვარდა და ფანჯარასთან მიირბინა. „სიზმარში ვიყავი ნეტაი? აბა სად არის აქამდი, რეიზა არ მოვიდა? — აღშფოთებით გაიფიქრა მან: — ვითომ მოტყუებული ვარ? პირველი კონკის გამორებამდი, თუ სამასამდი დათვლა მოვასწარი, კაი ნიშანი იქნება, თუ არა და — ცუდი“, — უცებ გადასწყვიტა და სხაპასხუპითა და გულის ფანქქალით დაიწყო: „ერთი, ორი, სამი... ერთ საათს იატაკს არ უნდა დავხედო, თვარა დასურ დავილუპები, მართალი გამოდგება ყოლიფერი!“ უცნაურმა ფიქრ-

მა გაუელვა ეფემიას და აგერ ის საშინელ ძალას ატანს თავს, რომ ძირს არ დაიხედოს, თითქო მართლაც ამაზე ყოფილიყოს დამყარებული მისი ბედი და უბედობა...

„რა მემართება, რომ არ ვიცი!... კაი რამე რომ იყოს ჩემს თავზე, უნდა მოსულიყო აქამდო, სხომის არ დოუგვიანებია ასე...“ თქვენი გაცნობა მინდა...“ თითქო შემოესმა მას გაუბედავი ხმა საშინელი სტუმრისა და თვალ წინ წარმოუდგა უიმედო სახე დაჩაგრული ქალისა.

„არა, არა, იგი არ სტყუის, არა! ვის ვენდე, ვის?.. ეფენიავ, სასიკვტილო ეფენიავ! შენი ხელით დეილუპე ხომ თავი!“ — განწირულებით წამოიკივლა ეფემიამ და აღმურივით აენტო. ერთ წამს მან თავისი თავი ქუჩაში წარმოიდგინა. აგერ სდგას იგი გარეთ და საშინელის ხმით ყვირის: „მიშველეთ! უსვინდისოთ მომატყუა, თლა დამლუპა! ვინ ხარ კაცი?“ და ის იყო გაშმაგებული კიდეც მივარდა ფანჯარას, საიდანაც უნდა გადახტარიყო, მაგრამ შეჩერდა. „არა, არა, მე თვითონ უნდა... ჩემი ხელით... მე თუ არა, იგიც არ უნდა იყოს...“ გულში მას აღედრა ბოროტი, ყრუ გრძნობა. ქალი მთლად მოეშვა, მუხლები მოეკვთა.

IX

საშინელი ღამე გაატარა ეფემიამ. იგი შეშლილს დაემსგავსა. მეორე დღეს, გათენებისას, ქალი სასტუმრო ოთახებში მიიქრა, რომელნიც, მოსამსახურის სიტყვით, პინტილიანს ეკუთნოდა, მაგრამ იქ გიორგი არ აღმოჩნდა. აუტანელ მდგომარეობას დასასრული არ უჩანდა. ეფემია გრძნობდა, რომ მისი ბედი სამუდამოდ გადაწყვეტილი იყო და ახლა მხოლოდ შურის ძიებაზე ფიქრობდა. ერთი მანდილოსნის დახმარებით მან გაყიდა გიორგის მიერ საჩუქრად მონატანი ოქროს საათი, ბეჭდები და რევოლვერი შეიძინა. მას შემდეგ ეფემია, არაჩვეულებრივად გადაცმული, ყოველ დღე, შებინდებისას, ბინიდან გამოდიოდა და სასტუმროს მახლობლად მდებარე ქუჩებში თავის დამლუპველს უთვალთვალვდა... ამ ყოფაში გაა-

ტარა ქალმა რამდენიმე დღე, მაგრამ პინტილიანის კვალს მაინც ვერ მიაგნო და ბოლოს იმედიც გადაიწყვიტა...

ის კუჩაზე, ერთ საუკეთესო სახლის შესავალ კარებთან წყვილმა ბედაურმა შეუმჩნევლად მისარიალა მშვენიერი ლანდო... ახოვანი მსახური სწრაფად ჩამოხტა ძირს, მარღად ვააღო ეტლის კარი და მოწიწებით ხელები გაიშვირა მისაშველებლად მდიდრულად მორთულ მანდილოსნისკენ, რომელიც ეტლიდან გადმოსვლას ეპირებოდა, მაგრამ უკანასკნელმა მოუსვენრად გაიქნია მარჯვენა ხელი და აჩქარებით დაეშვა ძირს დაუხმარებლად. შემდეგ ხანტად ჩამოგორდა ეტლიდან ძვირფას ქურქში გახვეული ცილინდრიანი კაცი და ნელის ნაბიჯით გაჰყვა წინ მიმავალ ქალს. კარი გაიღო. ცილინდროსანმა რაღაც ჰკითხა პირმოპარსულს მეკარეს და ქურქი მოიხადა. ამასობაში ქალმა უკვე აირბინა მარმარილოს გაკრიალებული კიბე და მოუთმენლად გაჩერდა.

— რაც უნდა პირობა მისცეს, არ უნდა დათანხმდეს! ახლავე აღწეროს ვალში ყველაფერი, რაც კი გააჩნია და სახლიდგან გააგდოს უსათუოდ... აი ნამდვილათ უნდა იყოს... გეყურება?.. — გაანჩხლებით დაიწყო მან და გაფითრებული დააკვირდა ცილინდრიან კაცს, რომელმაც ამ დროს უკანასკნელ საფეხურზე შემოსდგა ფეხი და ქშენით გაჩერდა.

— ჰო, ჰო, ეფენ!.. — ღრეკით დაამშვიდა კაცმა.

— მე თუ რამეთ მიგაჩნევარ, ახლა დევიანხავ, რომ მაგ საქმეს გააკეთებ, რაეც მე მინდა ისე! — დაუმატა ქალმა აკანკალებულის ხმით.

— კარქი! კარქი! უთხრამ...

ღარბაზში ხანში შესული მასპინძელი მხიარულად შეხედა თავის მეგობარს, რომელმაც გააცნო მას ეფემრა. ქალმა უგუნებოდ მოაგლო თვალი მდიდრულად მორთულ ღარბაზს. მას აღარ აკვირვებდა ახლა ეს გადაქარბებული მოწყობილება. სავარძლებში მედიდურად წამოტყლარქული მეგობრები მშვიდობიანად მუსაიფობდნენ. მათი გარეგანი შეხედულება და კმაყოფილებით სავსე ქცევა მეტად აბრაზებდა ქალს: „ასე

მადლიერი და კარგ გუნებაზე იმიზა არიან, რომ, რასაც ისურვებენ, იმას ჩაიგდებენ ხელში ფულით, ყოლიფერს შეისრულებენ,—გაბორატებით გაიფიქრა მან:—ერთი კვირის შემოსავალით ხომ შეუძლია მაგენს თლა იყიდოს იგი უსვინდისო,“—გაიფლო გუნებაში ეფემიამ და რალაც უცნაური სიაშოვნება იგრძნო.

— ამან დაითხოვს პინტილიანი...—მიუბრუნდა ეფემიას მისი ქომაგი, რომელიც გაქირვებით აცოდვილებდა ქართულ სიტყვებს.

— მაგი არ კმაა!—ანთებულის სახით წამოიძახა ქალმა და ფიცხლავ ფეხზე წამოვარდა:—ყოლიფერი აუწეროს...

— ლისტი აიღებს...

— იგიც ხომ კი შეგიძლიათ თქვენ, ისე მოაწყობთ საქმე, რომ ბანკიდან ფული არ მისცენ, არსად ფეხი არ მოაკიდებოთ... გაამწაროთ, დაღუპოთ... რაც კი შეგიძლება, ნურათერ სიავეს ნუ დააკლებთ!—გაათრებით იძახოდა ეფემია.

— კარქი, კარქი!...

— არ უნდა გაახაროთ იცოდე... ნურათერით ნუ დაზოგავთ, ნუ, ნუ! აასრულებ, თუ არა ამას? სიტყვა მომეცი!.. მე ხომ გინდებვარ, ხომ...

სახე ქალს საშინლად შეეცვალა, მთელი სხეულის კანკალი მოუვიდა. ის თან და თან დაეინებით უმატებდა ხმას და ბოლოს ჯოჯოხეთურის ხარხარით გაათავა.

სამი კვირის შემდეგ გაზეთის წერილ ცნობათა შორის დაბეჭდილი იყო შემდეგი: „გუშინ მ-ე საპოლიციო უბანში, ნაფთის მწარმოებელ მ-ს სახლში, თავი მოიწამლა კარბოლის სიმეავით ახალგაზდა ქალმა ე. გ—მა. ავადმყოფი ქალაქის სამკურნალოში გაიგზავნა. მისი მდგომარეობა უიმედოა.“

მ შ ო ბ ლ ე ბ ი

— ჩემი შავთვალა, ჩემი გოგო! ბევრი იცელქე დღეს, მამა, დაილაღე, გენაცვალე?—ოთახში შემოსვლისათანავე მიუღალერსა ლევანმა თავის პატარა ქალს, ნ წლის სოფოს.

მამამ აიტაცა შვილი, ჩეულებრივ ჩაუკოცნა ტუჩები, თვალები და მერე ტკბილფეულობით სავსე კოლოფი მისცა მას.

ჩინებული კაცია ლევან ჯოჯგმანიძე! მარად მკვირცხლი, მხიარული, ცოლ-შვილის ერთგული და მოყვარული. თიჯონაც ხშირად ამბობს, როცა სიტყვა მოიტანს: „ცოლ-შვილისთვის მინდა, თუ რამე გამაჩნიაო“.

თავის პატარა სოფოსთვის ლევანი არაფერს დაზოგავს. მშობლური ალერსი ბევრი მინახავს და გამიგონია, მაგრამ ლევანის ალერსი განსხვავებული, სამაგალითო რამ არის. ლევანი ერთხელაც არ დაბრუნდება შინ ისე, რომ რამე საჩუქარი არ მოუტანოს შვილს. ერთი სიტყვით, სულ იმის ცდაშია, როგორმე ასიამოვნოს, რითიმე გაახაროს თავისი პატარა ქალი. სამაგიეროდ, სოფოც კარგად აფასებს მამას.

ღედაც არა ნაკლებ ზრუნავს შვილისათვის. პატივცემული მაკა დღე და ღამე თავს დასტრიალებს მას, მუდამ ფუსფუსებს, სულ იმის ფიქრშია, არაფერი დააკლდეს, არ მოშივდეს, არ მოსწყურდეს, ან არ შესცივდეს საყვარელს სოფოს. მართალია, ღედას, ცოტა არ იყოს, აწუხებს ის გარემოება, რომ შვილი მეტად ჯიუტობს მასთან, მაგრამ რას იზამს, ვერას ახერხებს. მაკა შენატრის ქმარს, რომელსაც არაფითარი უსიამოვნება არ მოსდის შვილთან.

მას შემდეგ, რაც ქალაქში დაბინავდნენ, ჯოჯგმანიძეები ოცნებობენ იმ ბედნიერ დღეზე, როდესაც შესაძლებელი იქნება სოფოს მიბარება „ღემნაზიაში.“

— მოგშივდა, გენაცვალე? დედამ არაფერი გაქამა ხომ? გამოეხუმრა შვილს ლევანი.

სოფომ თავი გაიქნია, კოლოფს თავი მოხადა და ქამას შეუღდა.

— რაიო, რაიო? კი აღარ ვაქამე სტორეთ! მოვკალი შიმშილით!—გამოეხმაურა ქმარს მგორე ოთახიდან და კარი შემოაღო.

— მე შშიოდა... არ მომცა,—გაბუტვით ჩაილაპარაკა სოფომ.

— ვაიმე, რაფერ ტყუის, მომკალი ვინცხამ!...—სიამოვნების ღიმილით წამოიძახა მაკამ:—რაფერ ახერხებს ამფერ ტყუილს? შენ კი გენაცვალე სულში!—აღტაცებით დაუყვავა დედამ და რამდენჯერმე ჩაკოცნა ბავშვი.—საქმელს ვიღან გჯერდება! შოკოლადი არ იყო, მარა იმაზე უკეთესი გამოპართვა ქთამათ. წეილო ხომ... უქთამოთ ახლა აღარ დგება დილას.

— რა იცოდა, რომ იგი გქონდა შენ?

— რაცხა შემატყო! რაფა, ეშმაკობა არა აქ თუ?

— მოატყუე, მამა, დედა-შენი?—კმაყოფილებით ჩაჰკითხა შვილს ლევანმა და მერე ცოლს მიუბრუნდა:—დაგტყუა ჩემმა გოგომ? აა, იგი შენ!—გადიხარხარა ლევანმა.—ო...ლო...ლო...ლოო, —თავისებურად მიუალერსა მან ყმაწვილს და გულში ჩაიკრა.

— კაი ქალია, მარა პირის დაბანა არ უყვარს... რამდენი ვეხვეწე დღეს, ქვეყანა დაიქცა და არასგზით პირი არ დამაბანია!—სტქვა შაკამ.

— იგი შენ არ დაგიჯერა, თვარა აბა მე ვუთხრა, თუ არ გამიგონოს!—ხომ დაიბან პირს, მამა?

— ველარა, სტორეთ! აბა ნახე ერთი!—შენიშნა-მაკამ: სოფო ხმას არ იღებდა.

ლევანმა ჩუმად, მაკას შეუმჩნეველად, ვერცხლის ფული აჩვენა შვილს, თვალითაც ანიშნა და თან ღიმილით უთხრა:

— დაიბანე, გენაცვალე, ხომ გაიგონებ?

სოფომ თავი დაიქნია თანხმობის ნიშნად.

— ხომ გითხარი?—მხიარულად გადინარხარა გამარჯვებულმა მამამ.

— — მაკალოს მაგ საძაგელმა!—ძალდატანებული ღიმილით სთქვა მამამ.

დასტება რა შვილის აღერსით, ლევანი გავიდა მეორე ოთახში. მაკა და სოფო იქვე დარჩნენ. აქ დედას მცირე უსიამოვნება მოუვიდა შვილთან.

თავის-თავად ეს შემთხვევა სრულიად ჩვეულებრივი იყო და უმნიშვნელოდაც ჩაივლიდა იგი, რომ მას, ამ უსიამოვნებას, არ მოჰყოლოდა მეორე, უფრო საგრძნობელი უსიამოვნება, რომელმაც შესაძინევად ატკინა გული მოსიყვარულე დედას.

სოფო ტკბილეულობას შეექცეოდა.

— კაი, გეყოფა, გენაცვალე, არ გაწყინოს!—მზრუნველობით შენიშნა დედამ.

— აბა! წადი იქით! შენი კი არა, ჩემია! — შეუტია სოფომ.

— ახლა შეინახე, დედა, მერე ჰამე კილო, ნასადილევს, — ისევ სცადა მამამ და ხელი წაატანა კოლოფს.

— აბა, მე!..—გაწიწმატდა ბავშვი, კოლოფი კედელს მიახალა, ღრიალით იატაკზე დაეცა და ფეხების ბრაგუნს მოჰყვა.

— ა, ბატონო, წვილე, შენი ჭირიმე, წვილე! — შეშინებული ჩასძახოდა მაკა შვილს და ასაყენებლად ეწეოდა მას.

ხმაურობაზე ლევან გამოვარდა.

— რა ამბავია, რაი?—იკითხა მან აღშფოთებით.

— აღარ ანებებს ამას თავს და...

— რაცხას იმისთანას იზამ!.. რაფა არ გეშინია, რომ ავით გახდეს! ვითომ არ იცი, რომ რაფაც რამე ეწყინება ყმაწვილს, საშინელ სიცხეს აძლევს და ავით ხთება! მე მოვუტანე, ისიამოვნოს, გაიხაროს მეთქი და შენ ართმევ...—გაჯავრდა ლევან.

— მეშინია, არ აწყინოს, რა ვიცი!..—ამბობდა გაფითრებული მაკა.

ლევანმა ყმაწვილი აიყვანა, ჩაჰკოცნა და აღერსით უთხრა:

— არა, შენია, მამა, შენი, ვერაფერ ვერ წაგართმევს!..
აქ არა ვარ! მოართვით ჩქარა ჩემს გოგონას ყველაფერი!..

— რას იზამს კაცი! დაუშლი რამეს, იგიც სადარდელი
შეიქნა და არ დაუშლი—იგიც!—წყენით წარმოსთქვა მაკამ.

— უნდა უფროხილდე ყმაწვილს! რაცხა უნდა ასიამოვნო,
თვარა...

— ოჯო, რომ უფროხილდები, იგი უფრო წყინს მაგას...
სოფომ თვალეზი მოიწმინდა, გაბუტვით გახედა დედას
და ბუზლუნი დაიწყო.

— გულმოსული ხარ, მამა?—აღერსით ჩაჰკითხა შეილს
მამამ და თავზე ხელი გადაუსევა, მერე ზევით შეაგდო ყმა-
წვილი და ისევ დაიქირა, რადგანაც იცოდა, რომ მას ესია-
მოენებოდა ეს.

— მხრები ეტყინება, ოჯო, არ დაგივარდეს! მე რომ მამ-
ტყუნებ, შენ რეიზა არ უფროხილდები?—შენიშნა ქმარს მაკამ.

— ნუ გეშინია შენ! მე ამას არაფერს ვატყენ!—მიუგო
ლევანმა, სკამზე ჩამოჯდა, ყმაწვილი წინ დაიყენა და ჰკითხა:

— ვინ გირჩონია, გენაცვალე, დედა თუ მამა?

სოფომ ღრეკით შეხედა მამას.

— ქე იცინი? რა ამბავი იყო, ქვეყანა რომ დააქციე?—
შენიშნა მაკამ.

— თქვი, ვინ გირჩონია, ვინ უფრო გიყვარს?—განუმეორა
ლევანმა.

— მამა!..—ღიმილით დაიწყო სოფომ და უკან გადინიქა.

— ოჰო, ჰოოო...—სიამოვნებით გადინახარა ლევან-
მა;—მამა გირჩონია, გენაცვალე, მამა?..

— რომ დავქირდები, მაშინ კაი დედა ვარ და ახლა...
იგი იქნება, კახას რომ შეგიყვარე!..—ველარ მოითმინა მაკამ.

— აბა, ახლა მითხარი, სად გიყვარს მამა?—ისევ მიუ-
ბრუნდა შეილს ლევან.

სოფომ ყელზე დაიღო ხელი.

— დედა? დედა სად გიყვარს?

— არსად!—მოხუშვით სთქვა ბავშვმა.

— მე რომ რაცხა დაგპირდი, გახსოვს?— მოაგონა მაკამ.

— არ მინდა, დედა ცუდია!

— ხომ ასე? მაკა მე შენ! არ მომეკარო აწი სიახლოვეს!— წყენით შენიშნა მაკამ და ოღნავ წამოწითლდა.

— წადი! მე თითონ... მო, მო, მო!..— დააჯავრა სოფომ.

— როგორ შეიძლება! დედას ასე კი არ უნდა, გენაცვალე!— სიცილით უთხრა შვილს ლევანმა:— მიდი, მიეფერე, ცოდვა არაა დედა?...

— არ მივალ! არ მინდა, მოკტეს მაგი...

მაკას თვალეზზე ცრემლი მოადგა და აჩქარებით მეორე ოთახში გავიდა.

დედას გული ჩაუფუფქა შვილის ასეთმა ქცევამ. „მგონრ დასურ არ ვუყვარვარ,— მღელვარებით გაიფიქრა მაკამ:— ჩემი არათფერი ჯერა, არათფერს გამიგონებს, რამდენიც უნდა ვეხვეწო! ვინ იცის, რას არ მიძახის ხანდისხან: მაგინებს, ცემითაც კი არ მზოგავს, რომ შეეძლოს. შამა კი უყვარს, იმას მიაფართქალდება, რაეც დვინახავს; იმის სიტყვას ყოველთვის იგონებს... არა, მე იმას არ უყვარვარ!— აღშფოთებით ამოიკენესა მაკამ:— იმ უსვენდისომ გაღბიბირა,— გაბოროტებით გაიფიქრა მან ქმარზე:— ტყუილია კი არ უზიდავს იგი ნაირ-ნაირ საჩუქრებს! რას მემართლება? აღარ ეყო იმ უნამუსოს, რომ ახალგაზდობა ჩამიშხამა, მომიწამლა?.. ახლა იგიც აღარ მაკმარა და შვილი წამართვა, გულიდან მომტაცა ამ უღმერთომ!“

მაკას გულში დიდი ხნის დაგუბებული ნაღველი შხამად იქცა... შელახული თავმოყვარეობა, ახალგაზდობის შეურაცხყოფილი გრძნობა, დამცილება, — ყველაფერი ეს თვალწინ ედგა ახლა მას, ღროებით მიყუჩებული კვლავ მძვინვარებდა... რისთვის ითმინა აქამდე, რატომ ერთხელ მაინც არ მოსთხოვა პასუხი მის მტანჯველ ლევანს, რომელმაც ამდენი ხანია აგერ მასზედ გული აიყარა და სხვას დაუახლოვდა?

მაგრამ ვერა, ვერ შესძლო ეს მან, ვერ მოახერხა, თუმცა განზრახვა კი ჰქონდა, მაინც ვერ გაბედა. მეტად სუსტი

იყო იგი, იმედი არ ჰქონდა: „ვინ იცის, რა მოხდებაო,“ იფიქრა და ისევ გაჩუმება ამჯობინა. მისი ნუგეში ერთადერთი შეილი იყო. ვინ იცის, იქნებ ამ შეილისთვის დასთმო მან ყველაფერი და ნუთუ აქაც გაუცრუვდა იმედი, ნუთუ შეილმაც უარჰყო, წიხლი ჰკრა მის გრძობას?.. რა ჰქნას ახლა? ახალგაზრდობა მას მოჰპარეს და ახლა უკანასკნელ იმედსაც ართმევენ! რას ემართლებიან?.. რად უნდა მას ისეთი შეილი, რომელსაც იგი არ ეყვარება, რომელიც მას არ დაათასებს, არაფრად ჩააგდებს! შებრალება, მოწყალება მას აღარავისაგან არ უნდა, არა! ისიც ეყოფა, რასაც აქამდის ითმენს!.. გულწრფელი, წმინდა გრძობისთვის ის ითხოვს ამგვარსავე გრძობას!..

მაგრამ ნუთუ მართლა შესაძლებელია, რომ დედა არ უყვარდეს ცქრილა სონიჩკას, რომლის გულისთვისაც იგი მზად არის ყველაფერი ითმინოს? არა, უსათუოდ უნდა გაიგოს ეს მაკამ, უნდა შეიტყოს, დარწმუნდეს...

მეორე დღეს თავშეხვეული მაკა ლოგინში იწვა, ნახევრად თვალები დაეხუჭა და ხან და ხან კიდევ კენესოდა.

სოფო იქვე, ტახტზე, დედოფალას ეალერსებოდა.

— დედა, გენაცვალე, მოდი ჩემთან ერთ წამს! — მისუსტებული ხმით მიმართა შეილს მაკამ.

სოფომ ყურადღება არ მიაქცია დედის სიტყვას, თითქო არც-კი გაუგონია მისი ხმაო.

— მოდი, დედა; ავად ვარ, მნახე ერთი, არ გეცოდები? — განუგებოდა მაკამ: — მოდი ელანძე, შენი ჰირიმე, ნახე სიცხე თუ მაქ? მეტი ხათრი და სიყვარული არ გაქ ჩემი? ამას მემართლები? მოდი, შეილო, მოდი, ერთი შენი ხელით ცივი ტილო დამადევი თავზე.

— ოჩ ნუენო! — თავისთვის ჩაილაპარაკა სოფომ, ისე რომ დედისკენ არც-კი მიუხედავს.

— რომ მოვკტე, არ გეწყინება? არ იტირებ? — არ ეშვებოდა მაკა.

— არააა! — დაფანტულად გააგრძელა სოფომ, რომელიც განუწყვეტლივ დედოფალასთან ფუსფუსებდა.

მაკამ ამოიკენესა, მღელვარება მოემატა.

— არ გცხვენია, ამაზე უფრო არ გეცოდნები? მე დედა არ ვარ შენი?

— რა გინდა, ვა?—გაბრაზდა სოფო.

— შენ რომ მთხოვდი, იმას მოგცემ, თუ მოხვალ ასლა ჩემთან!

— მოიტა ჯერა!

— ახლა სად მოენახო, დედა, ვერ ავდგები, ავით ვარ, მერე მოენახავ და მოგცემ.

— არა, ახლა მომეცი!

— ელანძე აქანაი მოსლას იმადლები... მე თუ იმდონი ნაკტავი მქონდეს შენზე...—ველარ დაასრულა გაცხარებულმა მაკამ:

სოფო ყურსაც აღარ უგდებდა ახლა მას.

— ეოი, დედა ღეთისა გაგიწყრა შენ ნულარა!—ვიაძახა შვილს დედამ.—ღმერთო, ნუ მიკალონებ ამას!—საჩქაროდ ჩაილაპარაკა თავისთვის გულმოსულმა მაკამ:—რაფა გამაცოფა მაინც ამ არ გასაცოფებელმა... აი კარი მაინც მოხურე, რომ გადამიღე აქანაი!—მიმართა შვილს აცახცახებულმა დედამ.

— მიხურე შენა! ვოფ იშჩო!—მკვახედ მოუქრა სოფომ და მეორე ოთახისკენ მიბრუნდა.

ეს-კი ველარ მოიპოვინა გამწარებულმა მაკამ. სისხლი თავში აუვარდა. როგორღაც, შეშლილივით, წამოიჭრა ზეზე გაათრებული დედა, სწვდა შვილს და დაუწყა თავ-დავიწყებით, შეუბრალებლად ცემა... მაკა ახლა ველარაფერს გრძობდა, სცემდა ბავშვს გამხეცებით, განურჩევლად: თავში, პირში, ზურგზე, მუცელზე... სცემდა, სანამ მუხლმოკვეთილმა იქვე არ ჩაიკეცა. მოსამსახურე ქალის კივილზე შეგროვილმა მეზობლებმა ძლივს მოაბრუნეს გულწასული დედა-შვილი.

მაკას ასეთმა ქცევამ მთელი უბანი აალაპარაკა...

შ ე მ თ ხ ვ ე ვ ა

საზარელის წეს-წყობილებით სულ შეხუთული, ადაშიანურ უფლებებს მოკლებული, შეურაცხყოფილი თფატრისკენ მივფურცობდი. იქ ვფიქრობდი რამდენიმე საათით მაინც დასვენებას, სულის დამშვიდებას. ველოდი გამამხნეველ შთაბეჭდილებას. მსოფლიო გენიოსის დიადი ნაწარმოები, შეუღარებლად დახატული გმირები, მდგარი, თავგანწირული ბრძოლა საკაცობრიო იდეალებისათვის, — ყველა ამ სურათის ხორცშესხმული გამოხატულება უნდა გადაშლილიყო ჩემ თვალწინ და ეს წინდაწინვე წარმოუდგენელს სიამოვნებას, ამამალებელს გრძნობას მიღვიძებდა გულში...

თეატრის შესავალს არაჩვეულებრივი სიცოცხლე ეტყობოდა. ელექტრონით უხვად გაშუქებული კედლები ალერსიანად გამოიყურებოდნენ. ხალხი ფაცა-ფუცში იყო, ბილეთების ყიდვას ჩქარობდა, დარბაზისკენ მიეშურებოდა. ყველას რაღაც აღფრთოვანება, კმაყოფილება და სიამაყე ემჩნეოდა, თითქო ისინი აქ უკვე თავისუფალ მოქალაქეებად გრძნობდნენ თავს. თავდაფიწყებამდის მივედი ერთ წამს სულ სხვა; უცხო მხარეში წარმოვიდგინე ჩემი თავი, საღაც ადგილი არ ჰქონდა არავითარ ჩაგვრას — ადაშიანის დამცირებას, შეურაცხყოფას... თავისუფლად ამოვისუნთქე... გვერდზე მივუხვიე. უკვე გახდილი პალტო მსახურმა ჩამომართვა და ჩანგალზე ჩამოჰკიდა; შემდეგ ქუდსა და ჯოხსაც ალაგი მიუჩინა. ის იყო დარბაზისკენ ვეპირებოდი წასვლას.

— ჩაისთვის რამე გვაჩუქეთ! — გაუბედავად მომმართა მან მოულოდნელად.

მე შევეკრთი, უხერხულობა ვიგრძენ.

— როგორ გაჩუქო?.. რა არის დაწესებული თქვენნი

შრომის სასყიდლად? რატომ არ აცხადებენ ამის შესახებ, რომ წინდაწინვე იცოდეს კაცმა...—დაბნეულად ვამბობდი მე.

— დაწესებული არაფერიც არ არის... სურვილზეა, ვინც რას გვიწყალობებს, ჩვენც მადლობელი ვრჩებით; უფლება არა გვაქვს უკმაყოფილების... ვერ შევედავებით...

ძლიერ მეწყინა.

— იმისთვის მუშაობ აქ, ჩემო ძმაო, რომ მოწყალეობა ითხოვო?

— მაშ რა ექნათ, შე დალოცვილო? ჩვენი ხელობა ეს არის. ღამის ორ-სამ საათამდის აქა ვართ. ჩვენც ადამიანები ვართ, ჩვენც ქამა გვინდა...—აღელვებით განაგრძო მან.

— სწორედ იმიტომ, რომ ადამიანები ხართ...—გაბრაზებით შეესძახე მე: —სწორედ იმიტომ უნდა გრცხვენოდეთ, რომ თავს იმცირებთ და თქვენი შრომისთვის მოწყალებას თხოულობთ!... თავმოყვარეობა. სრულიად წარეცხნილი გქონიათ!..

— მძაბრით და, — ჩაერია ჩვენს ლაპარაკში ვიღაც უცნობი, — აქ უბრალო გაუგებრობაა: საქმე ის არის, რომ ამათ ჯამაგირი როდი ეძლევათ აქ, ისე არიან... მაგაზე ლაპარაკი არა ღირს, რომ ორი გროში აჩუქოთ... თუ მაინც და მაინც არა გსურთ, რასაკვირველია, ძალას ვერავენ დაგატანთ, ვერავენ მოგთხოვთ...

— საჩუქარი!.. მოწყალება!.. სიმდაბლეა, მოწყალების სახით გადაუხადოთ სამაგიერო იმას, ვინც თქვენთვის შრომა გასწია!.. არ უნდა დაამციროთ ამით შრომა... არ უნდა შეურაცხყოთ მუშაქის პიროვნება... მაგათაც განსაზღვრული ჯამაგირი უნდა ჰქონდეთ, რომ მოისპოს ეს საზიზღარი, გამათახსირებელი ჩეულები... ამისთვის სავალდებულო გადასახადიც რომ დაწესდეს — ეს სულ სხვა საქმე იქნება!.. — გაცხარებით ვუპასუხე მე.

— ვინ გაძლევს ჯამაგირს!.. — მკვახედ დაიწყო მსახურმა, მაგრამ უცებ შესწყვიტა: ამ დროს შემოვიდა „სამატილო პირი“ და მსახური მაშინვე მისკენ გაექანა. იმ წუთში სა-

შინლად შემეჯავრა იგი... ჩემთან ლაპარაკის დროს ის კიდევ ადამიანი იყო, მაგრამ ახლა სულ ერთიანად შეიცვალა... მეტად აშკარა იყო ის გადამეტებული „პატივისცემა“ და რაღაც პირუტყვული ერთგულება ახალმოსულისადმი, რომლითაც მსახური ერთბაშად გაიმსქვალა... ალბო იცოდა, როგორ მოქცეულიყო, რომ მეტი ყურადღება დაემსახურებინა... მთელი მისი არსება ამ დამაპყრობელ გრძნობას შეეპყრო... მსახური მივარდა მდიდრულად გამოწყობილს კაცს, საჩქაროდ გახდა მას კალოშები, ძვირფასი ქურქი და იშვიათის მოკრძალებით გაწმინდა თავისი საკუთარი ტანისამოსის კალთითა და სახელოებით ახალმოსულის შარვალზე შემჩნეული ტალახი, რომელიც მას ეტლიდან გადმოსვლის დროს მოხვედროდა...

— ბარემ ენით ალოკე!..—ველარ მოვითმინე მე.

— თქვენი ჰსაქმე არ არის, რასაც ვიზამ!..—შემომიტია მსახურმა გაწიწმატებით.

— რა უფლება გაქვთ დაუშალოთ კაცს... საქმე, რომლითაც იგი თავს ინახეს!..—შემომიბღვირა მაღალ-ხარისხოვანმა გვამმა და უმოწყალებად ათ შაურიანი გაუწოდა სახე გაბრწყინებულს მსახურს, რომელმაც მდაბლად თავის დაკვრათ ჩაშობდა მას ფული, აღტაცებით გააყოლა თვალი შიშველს და ახირებულის მედიდურობით, თითქო ნიშნის მოგებით, გადმოშხედა. იგი გამარჯვებულად გრძნობდა თავს, მის თვალში ახლა სრულიად განადგურებული, უზომოდ დამცირებული ვიყავი მე... ზიზლით ვუყურებდი ამ კაცს...

— ეს შრომისა და ადამიანის ღირსების შეურაცხყოფაა!..—ძლივს შევნიშნე მე.

— ვილაცა ხარ, შენ ჯიბე ცარიელი გაქვს, მგონი, და ამიტომ ცხარობ, ის გალაპარაკებს...—დაცინვით მომიგო მან:— აი პატიოსანი, განათლებული კაცი! სწორეთ შენი ტოლია!.. ირონიულად დაუმატა მსახურმა და ხელი იქით გაიშვირა, საითაც მისი „სათაყვანებელი“ პირი წაბრძანდა.

უნებლიედ შეურაცხყოფა ვიგრძენ, მაგრამ თავი შევიკავე.

— მიიხედ-მოიხედე გარშემო... ახლა ყველას ეზიზღება შონური ყოფა... შეიგნეს ადამიანური უფლება, მედგრათ ებრძვიან მჩაგვრელებს უკეთეს მომავლისათვის და ღღეს თუ ხვალ კიდევ მიახწევნენ სასურველს მიზანს... თქვენ კი...

— დამანებთ თავი!.. რას ჩამაცივდით?.. — მოუმატა ხმას მსახურმა: — არაფერი არ მინდა თქვენი, ოღონდ მომშორდით!.. ტყუილა ყბედობთ!.. თქვენისთანა... მადლობა ღმერთს, რიგიანი ხალხიც ბევრი დადის აქ და მათი წყალობით პურსა ვკამთ!

— მაგისტანა ქამა!.. მადრიელიცა ხართ... ბედნიერი... პირუტყვეული ყოფით!.. — ნაწყვეტ-ნაწყვეტად წარმოვსთქვი და მოვშორდი. გულმოსული მსახური ბუტბუტს მოჰყვა, მაგრამ მე აღარაფერი მესმოდა იმისი.

აღელვებული შევედი დარბაზში. მოენახე ჩემი ადგილი, ჩამოვჯექი. მსახიობი რალაცას ლაპარაკობდა, მაგრამ მე ველარ ვამჩნევდი იპას, რაც სცენაზე ხდებოდა. „აქაც, ამ ხელოვნების ტაძარშიც [რიგოვა... — გაბოროტებით გავიფიქრე შე: — თითქო საზოგადოების გრძნობა-გონების განვითარებაზე ზრუნავენ. სცენიდან წარმოთქმულ სიტყვით, ცხოვრების უტყუარად დასურათებით ვითომ უდილობენ მაყურებლების ამალლებას, გასპეტაკებას და ამავე დროს იმავე შენობის მეორე კუთხეში ურცხვად სთელავენ მშრომელის ადამიანურ ღირსებას, შეგნებულად ხელს უწყობენ მის დაცემა-გათახსირებას...“

უსიამოვნოდ შევცქეროდი წინა რიგებში ჩამწყკრივებულს ნაირ-ნაირად გამოწყობილს „თავმოშონე“ საზოგადოებას და აპასთან თვალ-წინ მებატებოდნენ ისინიც, ვისაც ამ განებივრებულს ხალხთან ასეთი დამამცირებელი დამოკიდებულება ჰქონდა...

უცებ დარბაზი შეირყა. გამოვერკვიე. რამდენიმე ასი ხელი ტაშს უკრავდა... „სტყუით!.. თქვენ ვერ ჭაგიტაცებთ წმინდა გრძნობა, ადამიანის მაღალი მისწრაფება!.. — კინაღამ შევსძახე გახელვებულმა: — სიყალბე და თვალთმაქცობა! თქვენც

აგაღელვებთ გმირის თავ-განწირვა, სულის კვეთება? არას დროს! თითონ მონობას ჩვეულნი, როცა შემთხვევა გეძლევათ, სიამოვნებით სთელავთ სხვის უფლებას, ურცხვად დასცინით ადამიანის პიროვნებას. საზიზღარია!... როდის იყო, რომ შეებრძოლეთ მჩაგვრელ ძალას, უსამართლობას? შორს აქედან!.. გარყენილების მორევში ჩაყურყუმელაფებულთ ვერ აგამალლებთ მშვენიერება, ვერ გაგასწორებთ ცხოველი სიტყვა!“ ...

მსმენელნი კი ისევ ხმაურობდნენ, დაუსრულებლად იწვევდნენ მოთამაშეთ. უკვე მესამეთ გამოდიოდა ყელმოღვრებული მსახიობი, იგი კმაყოფილების ღიმილით იგრიხებოდა, თავს უკრავდა თავყანის მცემელთ... ნათლად ვგრძნობდი, რომ იმ დიდებული გმირის სახე, რომლის გამომხატველადაც ეს მოთამაშე გამოდიოდა, სულაც არ შეეფერებოდა ამ უკანასკნელის პიროვნებას. მაღალ იდეალებს და მისწრაფებათ არავითარი კავშირი არ ჰქონდა მის კერძო ცხოვრებასთან და ამიტომ მთელი მისი თამაშობაც უბრალო მასხარაობად, ხელოვნების შეურაცხყოფად მეჩვენებოდა...

უზომოდ შემეჯავრა იქაურობა... ვხედავდი, რომ ის საღამო უკვე დაკარგული იყო ჩემთვის...

ბრაზ-მორყული გამოვედი დარბაზიდან და გასაჯალისაკენ გავეშურე. ნაცნობი მსახური ზანტად დაიძრა, ტანისამოსის მოწოდება დააპირა. „საქირო არ არის“ შევყვირე მე, აჩქარებით ჩამოვეგლიჯე პალტო და გარედ გავვარდი. ჩვეყვი განიერ ქუჩას. მძაფრი ქარი მძვინვარებდა; ძლივეა მოსილი გაშმაგებით მიაქანებდა შეჯგუფებულს ღრუბლებს. აგერ შეიქრა იგი უზარმაზარ სახლის ეზოში, მყის აათორიაქა იქაურობა და აიტაცა ზევით უმოძრაო ჰაერი. უნებლიედ შევაჩერე აქ თვალი. უცბად მომაგონდა ნახული საუცხოვო სურათი: სწორედ ამ სახლის წინ აუარებელი ხალხი, ერთი გრძნობით აღფრთოვანებული, ცხარე სიტყვას ისმენდა.... ახლა ცხოვლად მეხატებოდა თვალ-წინ შეუღარებელი სანახაობა... აღტაცებული ვიყავ. მე წარმოვიდგინე მეორე სურა-

თი, შემდეგი განვითარება აღშფოთებული ხალხის მოქმედებისა: აზობოქრებული ქუჩა, მოზღვავებული ხალხი მრისხანედ ღელავს. ისმის გრგვინვა. იწყება გადამწყვეტი ბრძოლა... აქ იღეწება მონობის ბორკილი, იმსხვრევა საზიზღარი კერპები. თავისუფლების გრიგალი დაუბრკოლებლივ შეიქრება ბრწყინვალედ მორთულ სასახლეებში, ამ გარყვნილების ბუნაგში და აღამიანობამდე ააშაღლებს იმ ჩაგრულ-დამცირებულთ, ვინც აქამდე კმაყოფილებით ურიგდებოდა პირუტყულ ყოფას... ქუჩა ქუხს, გრიალებს... მოხიბლული შეგყურებ დიდებულს სურათს და ანგარიშ მიუცემლად განვაგრძობ გზას...



„დამშვიდება“

იანვრის სუსხიანი ღამეა. ტყის მივარდნილ კუნძულში, საჩქაროდ მოგროვილ ფიჩხზე სხედან ნათლეთებში გახვეულნი აჩრდილის მსგავსნი პატარა არსებანი. აქა-იქ ხეებზე მიყრდნობილი ქალნი და კაცნი უსულო ქანდაკებას უფრო გვანან, ვიდრე ცოცხალ ადამიანებს... ღრმად აღშფოთებულნი, უზომოდ შეურაცხყოფილნი არიან ისინი... დღეს ამ ხალხზე დაუნდობლად ნადირობდნენ... სისხლითა და მწარე ოფლით მოპოებული საარჩო-საბადებელი ერთიანად გაუნადგურეს. მათთვის თავშესაფარი აღარსად არის... ყველაფერი დაჰკარგეს... მაგრამ არა! უძვირფასესი საუნჯე მაინც ხომ შერჩათ! მას ველარ მოსტაცებს მჭარვალი! იგი საუნჯე დიდების შარავანდედით შემოსავს მათ სახელს. რომელიც საშვილი-შვილოდ გადაიცემა...

ცხოველმყოფელი ძალა ასულდგმულებს მათ დღეს, განუსაზღვრელად ამხნეებს. შეურყვევლად სწამთ მომავალი და მზად არიან ამ რწმენას კიდევ მეტიც უმსხვერპლონ, თუ საჭიროება მოითხოვს, მთელი სიცოცხლე უკანასკნელი სისხლის წვეთამდე...

სიჩუმეა. იშვიათად თუ ვისმე წასცდება ოხერა, ან სუსტი კენესა. სწრაფად აიტაცებს მას ცელქი ნიაფი და მახლობელ ხევში ახრჩობს. ზამთრის სუსხისგან მთლად გაძარცულ-გაყვლეფილი ხეები სევდიანად დაჰყურებენ დევნილთ და, თითქო თანაგრძნობის ნიშნად, ნელ-ნელა და მწყობრად აქნევენ კენწეროებს...

მაგრამ, აი, სადღაც ღამის წყვედიადში გულის მომწყვლელი გმინვა გაისმა, მრისხანე ხმა... გამწვარებული ქაბუკი აღზნებული სიტყვებით ფიცს სდებს ვიღაცის გაციებულ გვამის

წინაშე, რომ არ უღალატებს მის სახელს და ღირსეულად შურს იძიებს...

სიცივისაგან მთლად მოკუნტული პატარა სერგო სულგანაბული ყურს უგდებდა... მის დამძიმებულ თავში სხედასხვა ფიქრი ირეოდა... ამანაც ხომ დაჰკარგა საყვარელი და, მშვენიერ პატარა ნატო... ნატო მოჰკლეს!.. არც კი ესმის რიგიანად ამ სიტყვის მნიშვნელობა სერგოს. „სადაა ახლა იგი? საცხა მიწაშია... რაფერ მეიცდის იმ ბნელში?..— ძრწოლით გაიფიქრა სერგომ:— იქინეი მარტუაი ცოდვა არაა... რას იზამს, რომ მივიღეს რამე... რაფერ მიერევა... იმას ერთიცახე წრილი კლავები აქ...“ სერგო თრთის, გული ეკუმშება, სიბრაღულით ივსება... რატომ უფრო არ ეალერსებოდა დას სიციცხლეში, რად არ უთმობდა... ოჰ, ეხლა რომ შეიძლებოდეს, თავს შემოეფლებოდა, თუ კი რითმე ასიამოვნებდა, სულს არ დაიშურებდა მისთვის...

მაგრამ ნუთუ მართალია ყველაფერი?..

მას თვალწინ უდგას ცქრილა ნატო... აგერ ისინი სახლში ბრუნდებიან, დუქნიდან მარილი მოაქვთ.

— მოვიდნენ ეგერ!—ღის შესაშინებლად უცბათ ყვირის სერგო და გარბის.

— დასურ, ბიკო?.. სადაა? შეიცაი, სერგოე, შე გადარეულლო!..—წივილ-კივილით მისდევს ძმას ნატო.

სერგო სიცილით ბრუნდება.

— მაკალე, მივიდე აგერ ნენასთან... თუ არ უთხრა მაი... გული რომ გამიხეტქე დღეს...—ქოშინით ემუქრება ნატო.

— აა შენ! აბა რა იყო, არ მეშინიაო...

— დეიკარგე საცხა... ვითამ რა მიგარბეინებს გადარეულსავით?..

— კაი, აწე აღარ ვიზამ...

— დასურ ქე ვიცოდი, რომ აფერი იყო, მარა რაცხაიზა შაინც...

ნატო მშვიდდება; იგი ისევ მხიარულად იღიმება და

სერგოს გული არ უთმენს, რომ ერთხელ კიდევ არ იცულ-
ლუტოს... მაშინ ამისთანა ხუმრობა მეტად სასიამოვნო იყო
მისთვის, ეხლა კი ამის მოგონება სწამლავს მას. სერგო მაინც
ვერ გამოარკვეულა. ის შეებნელი დღე საზარელი სიზმარი
ჰგონია... ღრუბლებით დასერილი ცა კუშტად გამოიყურე-
ბოდა. ზანტად და უგემურად ცვივოდა თოვლი, მაგრამ ატა-
ლახებულ შარა გზაზე იგი დაუყოვნებლივ ცრემლად იღვრე-
ბოდა.

ერთბაშად გაისმა ქეკა, მას მოჰყვა ჯოჯოხეთური გრი-
ალი, ლაწილუწი; ასტყდა შემზარავი წივილ-კივილი და ყვე-
ლაფერი აირია...

თავზარდაცემული სერგო უგზო-უკვლოდ გარბოდა...
მეტი აღარაფერი ახსოვს მას... ისიც არ იცის, როგორ
გაჩნდა აქ.

ნატომ კი ველარ უშველა თავს. როდესაც „წესიერების
აღსადგენათ“ მოსულნი სოფლის „დამშვიდებას“ შეუდგნენ,
მას წყალი მიჰქონდა შინ დოქით, უკან ჩამორჩა და ველარ
მოასწრო გაქცევა... მეორე დღეს იპოვეს საბრალო ბავშვის
დასახიჩრებული გვამი... სერგო საშინლად შეძრწუნებულია;
მას არ მოაგონდა მაშინ და არ მიეშველა, მიატოვა უმწეოდ...
ყმაწვილს გონებიდან არ შორდება წამებულნი დის სახე,
წამდაუწუმ ელანდება გულსაკლავი სურათი: შიშისაგან სახე
შეშლილი ნატო განწირულებით ყვირის... მუხლები ეკვეთება,
ლონე ლალატობს; აკანკალებული, ხელებ გაწვდილი იგი
ეძახის ვილაცას, ემუდარება, მაგრამ ვერ ახერხებს, ენა აღარ
ემორჩილება... „მარტული რომ არ დარჩენილიყო, ისე აღარ
მოუსაყდებოდა, ქე გადარჩებოდა“, გაიფიქრა აღშფოთებულმა
ბავშვმა და გული საშინლად შეეკუმშა, მთელი მისი არსება
შეირყა... ვინ იცის, როგორაა ახლა ნატო? ნუთუ ფიქ-
რობს, რომ იგი მიატოვეს, სამუდამოდ დაივიწყეს... როგორ
გაიგოს ეს სერგომ, როგორ დარწმუნდეს?.. გუშინ ნატო
ქურდულად დაასაფლავეს: ოთხმა ახალგაზრდამ ძუნძულით
აარბენინა პატარა გვამი სასაფლაოზე. სერგომ ველარაფერი

ნახა, რადგან ყოველ წუთში თავდასხმას ელოდნენ... ბავშვის აღზნებულ ტვინში ათასი საშინელება იხატება...

ქაბუკის მრისხანე ხმა კი არა სცხრება... „სად ვიყავი მაშინ, რატომ ვერ გავუპე გული ჯალათს, რომლის ხელმაც... რაცხას რომ იქ გავეჩინე იმ წუთში... მაპატივე, რომ ველარ გიშველე... არ იფიქრო, რომ მაგი შევარჩინო შენს მტარვალეებს, არ იფიქრო, როდისმე დაგივიწყო“... მკაფიოდ შემოესმა სერგოს. იგი მთლად გაიტაცა, ერთიანად დაიმონავა. გულჩამთუთქვევლმა სიტყვებმა, ეს სწორედ მისი გულიდან ამოხეთქილი გრძნობა იყო, უსაზღვრო მუქარა ჯალათებისადმი... ბავშვს მღელვარება ემატება. იმასაც უნდა დაამშვიდოს როგორმე ტანჯული და გული იჯეროს... ნატო, ალბად, ისევ სწუხს. ვინ იცის, იქნება ეს ნაღვლიანი სტვენა, რომელიც სერგოს ქარის ზუზუნნი ჰგონია, ნატოს კენესაა, უიმედო ოხვრა.... არა, სერგომ უნდა ნახოს ძვირფასი საფლავი, იგი ხომ კიდევია, სწორედ იმ კუნჭულში, სადაც ყორე ნახევრად ჩამოშლილია; იქვე ძველი ეკლესიის ნანგრევებია; იქნება ჩაძვრეს შეუმჩნევლად?.. სერგო უთუოდ ასე უნდა მოიქცეს, მას აღარ შეუძლია მეტი... განთიადისას სერგო უკვე ტყის ვიწრო ბილიკზე იყო. მღელვარებით ათვალეირებდა იგი მიდამოს და ფრთხილად მიდიოდა. ტყე გათავდა. ყმაწვილმა გვერდი აუქცია სასოფლო გზას და მეორე მხრიდან წამოვიდა. წყნარი დილა იყო. მხოლოდ აქა-იქ ნისლის ნათლეთები მოსჩანდა. განადგურებული სოფელი საზარელ სურათს წარმოადგენდა. სერგო შიშმა შეიპყრო. აგერ სახლონ ნამწვავი. მახლობელი ხეები ნახევრად აღმაცული იყო. ვეგებრთელა ნიგოზს ჯერ კიდევ ბოლი ასდიოდა. უეცრად იმის ფულუროდან წვრილი ალი ამოვარდა და ტკაცა-ტკუცით მოედვა ხაესით შემოსილ ტანსა და ტოტებს. იქვე მოსჩანდა დანახშირებული სიმინდის გროვა, ცოტა მოშორებით — დამწვარი საქონლის ლეში. სიცოცხლე სრულიად მიმქრალიყო. გავერანებულ კუთხეში საიდანღაც გლოვის ზარივით გაისმოდა წყლის ჩაბურის ხმა. იგი თითქოს დასტიროდა გა-

ტილებულს ქვეყანას: „ვაააიშევე“, მკაფიოდ ეწვეთებოდა სერგოს ყურში მისი მწარე მოთქმა... გულის ფანქალით გააყოლა ბავშვმა თვალი სივრცეს; იქ, შორს, ძლივს გაარჩია მან ნაცნობი მარნის „ცრემლები“. საცოდავად, უმწეოდ გამოიყურებოდნენ ისინი ახლა, თითქო შეგლას ითხოვდნენ... სწორედ იქ, მათ მახლობლად, მოხდა ის საშინელება... ვსთქვამთ, ეხლაც იქ არის ნატო; მას ჯალათები სტანჯავენ. მოკვლას უპირებენ... სერგო გაქანებული მიდის საშველად. მტერიც დაიძრა, წამოვიდა მისკენ ყოვლის მხრიდან, მაგრამ სერგომ ხელი ასწია და ყველა გაშეშდა ერთ ადგილზე: ველარც თოფი მოიხმარეს, ველარც ხმალი, რადგან ყოველ განძრევანზე წარმოუდგენელს ტკივილებს გრძნობდნენ. სერგომ უვნებლად გაიარა შუაში, აიტაცა ნატო და გაქჭრა... ბავშვი გამხნედა; ერთბაშად მან იგრძნო, რომ თითქოს იგი საშინლად გაიზარდა, როგორღაც საოცარი ძალა შეეძინა... ერთს წამს თავისი თავი უძლეველ საარაკო არსებად წარმოიდგინა... აგერ, ის ღეთის რისხვად მოველინა მტერს, გაშმაგებით შეუტია, მუსრი გაავლო, გაანადგურა. სანამ თავზარდაცემულნი გონს მოვიდოდნენ, იგი უჩინარი გახდა... ახლა კიდევ სხვანაირი იჩინა თავი და კვლავ იწყო მძვინვარება... თავდავიწყებული, ძლევაშემოსილი სერგო ახლა უკვე გამირულად, მედგრად მიიწვედა წინ. ოცნებით გატაცებული მხოლოდ მაშინ გამოერყვა, როდესაც გალავანს მიაღწა... სასაფლაოს დანახვანზე ბავშვი შეკრთა... ცახცახით დაათვალიერა მან იქაურობა და გადაცოცდა... შარშანდელს გამხმარს ბალახში შავად გამოიყურებოდა ახალი, პატარა სამარე. სერგო დაიხარა; აკანკალებულის ხელით შეეხო იგი ამოზიდულს ფხვიერს მიწას. დააცქერდა საფლავს. ნატო იქ არის... სულ რაღაც ერთი ალაბი ზიწა ჰყოფს ახლა მათ... სერგოს გულს ბავაბუფი გააქვს... მაინც თვალს არ აშორებს სამარეს, უნდა გამოიცნოს, რა ყოფაშია ნატო... მაგრამ ეს რა ხდება? ღმერთო! საფლავის მიწა ზევით იწვეს... თავზარდაცემულს ბავშვს უნდა დაიყვიროს, გაიქცეს, მაგრამ ვერ ახერხებს, გაქვავებულია,

თვალთ უბნელდება, საფლავი კი უფრო და უფრო იწევს... „უუუჰ!“ თითქო შემოესმა კიდევ გულგახეთქილს სერგოს სამარიდგან. ეს ნაცნობი ხმა იყო, გაქირვების კენესა... ნატო იტანჯება... სული ეხუთება... უთუოდ იგი აწვება იქიდან, მაგრამ არ უშვებენ... ველარ უძღვებს მისი წვრილი მკლავები ამდენს სიმძიმეს, ბევრი ქვაა საფლავზე... გაფითრებული სერგო დასწვდა სამარეს, ეცა ქვებს, გადააგორა ერთი, ორი, სამი...

უეცრად მას რალაც ღვრიალი შემოესმა; მალე ნანგრევი კუთხიდან თვალზე ჩასისხლიანებული ცხენოსანი გამოჩნდა, „მე შენ გიჩვენებ!“ დასტყვილა მხედარმა, რომელსაც ბავშვის მოქმედება საექვოდ ეჩვენა. „მოდინ!“ წაიჩურჩულა ელდა ნაკრავმა სერგომ; მაგრამ იგი აღარ დასთმობს ახლა, რაც უნდა გახდეს, დაიცავს... ყმაწვილი განწირულებით გადაეთარა სამარეს...

„წესიერების დამცველი“ კი აღარ ხუმრობდა: მან თოჯი მოიმარჯვა, გაუსწორა... გაისმა გრიალი...

„ნენაავ!“ გამწარებით დაიკივლა ბავშვმა. წკრიალით გაიფანტა ჰაერში მისი ხმა და მისწყდა... მალე გაეშურნენ ბალახში გაშხლართულ მსხვერპლისაკენ, მაგრამ იგი უკვე გათავებულიყო...



თ ე ა ტ რ შ ი

(ე ტ ი უ ღ ი)

ლუკა გადაფთიას პატარა მარცხი მოუვიდა. უმნიშვნელო გარემოებამ მეტად უხერხულს მდგომარეობაში ჩააგდო იგი და უზომოდ გაამწარა. განსაკუთრებულს პირობებში შეხვდა ლუკას უსიამოვნება. სადღესასწაულოდ მას ეწვია სოფლიდან ერთი წინანდელი ამხანაგი, ვინმე უხტალაძე. ქალაქში გადმოსვლამდე ლუკა უხტალაძესთან ერთად სადღაც მიყრუებულ დაბაში მსახურებდა.

სტუმარ-მასპინძელს შემთხვევით თეატრში წასვლა მოუხდა. ლუკა, ცოტა არ იყოს, შეაშფოთა ამ მოულოდნელმა შემთხვევამ. მას ერთი ფიქრი აწუხებდა: იგი დღეს პირველად მიდიოდა ქალაქის საუკეთესო თეატრში და სწორედ ამ გარემოების გამოძეუანებას უფრთხოდა იგი ამ ჟამად... მას არ უნდოდა, რომ ეს სცოდნოდა უხტალაძეს, რომელსაც იგი, როგორც ტლანქპროვინციელს, ახლა ზემოდან დაჰყურებდა. ლუკას თავი მოჰქონდა, რომ იგი პატარა დაბიდან დიდ ქალაქში გადმოიყვანეს, სადაც ამისთანა განიერი ქუჩები, საუცხოვო შენობები და ათასი სხვა საკვირველება იყო. უხტალაძეს კიდევ აგრძნობინა ლუკამ წერილით, რომ დღეს იგი უკვე სხვა კაცია, სულ სხვაგვარ ცხოვრებაში ჩაბმული... რაღას იტყოდა მისგან ყბადაღებული პროვინციელი, როდესაც გაიგებდა, რომ „განათლებულ“ ცხოვრებით თავმოწონე ლუკას ერთხელაც არ უნახავს თეატრი... საგონებელში ჩაეარდა ლუკა: როგორ მოქცეულიყო ამისთანა ალაგას ისე, რომ უხტალაძეს ექვიც ვერ აელო... ამ ფიქრებში იყო წასული გადაფთია, როდესაც უსიამოვნოდ შენიშნა, რომ ისინი უკვე თეატრის შესავალთან მისულიყვნენ. გული აუძგერდა

ლუკას, მაგრამ მაინც მედგრად შეალო კარი, უმიზნოდ გაიარა-
გამოიარა წინა კარიდორში, შემდეგ შეჩერდა და, მღელვარე-
ბის დასაფარავად, თავმოწონებით წაიკითხა კედელზე რაღაც
წარწერა. ლუკა მედიდურის კილოთი ისროდა სიტყვებს,
თითქო ამით ეუბნებოდა უხტალაძეს: ჩემთვის სრულიად მეტია
ასეთი განცხადება, რადგან დიდი ხანია ვიცნობ აქაურობასო...
კითხულობდა ამ განცხადებას ლუკა და იმავე დროს ჯოჯოხე-
თურს გეგმას ადგენდა თავის გუნებაში: იგი ფიქრობდა როგორ-
მე შეუშინებლად გასხლტომოდა ხელიდან ამხანაგს, რომ ამით
დრო მოეგო, დაწინაურებულიყო და ეკითხნა ვისმესთვის,
რაც ისე საჭირო იყო მისთვის იმ წუთში. მაგრამ ეს შეუ-
ძლებელი შეიქნა, რადგან უხტალაძე, რომელსაც დაბნევისა
ეშინოდა, ფხიზლად ადევნებდა თვალს ლუკას მოძრაობას
და ფეხდაფეხ მისდევდა მას კუდში.. ხალხი დარბაზისკენ მიე-
შურებოდა. მეტი ყოყმანი აღარ ვარგოდა.. გაბოროტებით
შეუკურთხა ლუკამ გუნებაში უხტალაძეს, რომლის წყალო-
ბითაც ასე უხერხულად გრძნობდა თავს და ზანტად მიადგა
იმ შესავალს, სადაც ბილეთებს სინჯავდნენ. ხალხი სხვა
და სხვა გზით შედიოდა დარბაზში. საით წასულიყო ლუკა?
იგი ქირის ოფელში იწურებოდა, კიბეები, მიხვეულ-მოხვეული
მისაველი, განსაკუთრებულ შიშს გვრიდა... მეტი ღონე
აღარ იყო და ლუკა ისევ იმათ გაჰყვა, ვინც პირდაპირ
მიდიოდა, რადგან ეს გზა მას ნაკლებ სახიფათოდ ეჩვენა.
მიდის შემკრთალი ლუკა სხვებთან ერთად სადღაც, რო-
გორც დასაკლავად გამზადებული ხარი, მაგრამ მუხლი არ
მისდევს, უსიამოვნო გამოურკვეველობა სტანჯავს. რა მოვლის
მას იქ, სადაც ახლა უნდა შევიდეს? საძაგლად გრძნობს თავს
ლუკა... აქ არაფერი არ იზიდავს მას... იგი გრძნობს, რომ
ეს დახატული კედლები და მარმარილოს კიბეებიც კი ამჩნე-
ვენ მას უხერხულობას, დამამცირებელს უმწეობას; თითქო
ესენიც კი მიმხედარან მის საიდუმლოებას და „სერიის“ სა-
ყურებლად მომზადებულანო... მაგრამ ავერ პარტერში ამოჰ-
ყო თავი ლუკამ. ვეებერთელა, ლამაზი დარბაზი საუცხოოდ

იყო განათლებული. რჩეული საზოგადოება ბლომად შეგროვილიყო და კიდევ ემატებოდა. მანდილოსნების სხვა და სხვა ფერი მორთულობა, მხედრების ბრჭყვიალა ეპოლეტები და სამოქალაქო ტანისამოსი ერთმანეთში ირეოდა. ლუკას გუნება შეეცვალა... ზას თვალი მოსტაცა უცხო სანახაობამ და ყველაფერი დაავიწყა... აქაურობასაც რაღაც გამოუთქმელი მიმზიდველობა ეძლეოდა... მაყურებელნი რიგ-რიგად ჩამწყრივებული ისხდნენ. ბეჯითის ნაბიჯით მიდიოდნენ ახლად შემოსულნი სავარძლებისკენ და დინჯად იჭერდნენ ალაგს; ცხადათ სჩანდა, რომ ამ მხრივ არაერთარი დაბრკოლება აქ არ იყო... ახალი სანახაობით აღტაცებულმა ლუკამ შეიგნო თავისი ღირსება... იგი თავ-დავიწყებამდის მივიდა და ანგარიშ მიუცემლად ჩაჯდა მახლობელს სავარძელში; მის მაგალითს უხტალაძემაც წაბაძა და გვერდით მოუჯდა. ლუკა მეტად კმაყოფილია; იგი ახლა აღარც კი ფიქრობს, თუ აქ სხვა რამეცაა საჭირო, საზრუნავი... მართალია, ბილეთში რაღაცები არის აღნიშნული, მაგრამ ეს, ლუკას ფიქრით, აღბად სულ ერთია ახლა აქ... ეს ისეა... მას ხომ გაუშინჯეს ბილეთი წელან... აღბად საჭირო აღარ არის... ლუკამ უკვე შეიყვარა ახლა ეს ადგილი, ეს ბრწყინვალე დარბაზი, სადაც ასე სასიამოვნოდ მოეწყო მისთვის ყველაფერი თავისთავად... რალა თქმა უნდა, თავიც ძალიან მოსწონს ლუკას... იგი ამაყოფს, რომ დღეს არ შედრკა აქ, არ დაიბნა და განსაცდელისაგან ასე გამარჯვებული გამოვიდა... ასეც უნდა მომხდარიყო, უთუოდ არ შერცხვებოდა ლუკა, იმიტომ რომ იგი... ყოჩაღია, გაბედული... „გამარჯვებამ“ ისე გაიტაცა ლუკა, რომ მას შეურყვევლად სწამს ახლა თავისი ძალა... „არა, როგორ მიყურებთ თქვენ?.. როგორ შეიძლება, ვერ მოვახერხო... ჩემი ვერ გაეიტანო, სადაც უნდა ვიყო...“ ფიქრობს თავის გუნებაში გამხნეებული ლუკა.

— უკაცრავად! ეს, მგონი, ჩვენი ალაგია! — უტბად შემოესმა ლუკას და ამასთან თავს წამოადგნენ ახოვანი კაცი და მდიდრულად გამოწყობილი ახალგაზდა ქალი, რომელმაც

თვალზე ლორწების მიდებით მედიდურად ახედ-დახედა ლუკას და შემდეგ ლოკებისკენ მიიბრუნა პირი. ამ მოულოდნელმა ამბავმა ლუკას შეხი დასცა, იგი ერთიანად დაიბნა და უაზროდ მიაშტერდა მოსულთ. ამასობაში ფარდაც აიხადა.

— გთხოვთ, დაცალოთ ადგილი! — მტკიცედ გაუმეორა მოსულმა, რომელსაც ახლა ცხადად დაეტყო სიბრაზე და მოუთმენლობა, რამაც ზოგიერთების ყურადღება მიიქცია.

მთლად გაბიაბრუებული ლუკა საშინლად აირია, წამოდგა და სკამებს შუა გაჩერდა.

— დაჯექით, დაჯექით! მოშორდით!.. რა ხალხია, აღარაფერი სჩანს... რა სიბრიყვეა!.. — მოისმა აქეთ-იქიდან. ლუკას სისხლი თავში აუფარდა; აღარაფერი ესმის, გრძნობს მხოლოდ, რომ რაღაც საშინელება დაატყდა თავს... დარბაზიდან კი გავიდა სადღაც, თითონაც არ იცის სად და როგორ. მაგრამ ამისთანა გარემოებაში იქ გაჩერებაც არ შეეძლო ლუკას. იგი გრძნობს, რომ მის ძალ-ღონეს აღემატება ახლა უხტალაძისკენ მიხედვა, მისი სახის დანახვა... უზომოდ არეული ლუკა ერთ გასაველთან მიიქრა, მაგრამ მალე გამოტრიალდა, რადგან ცდა უნაყოფო გამოდგა და ახლა კიდევ სხვა კარებს მიაწყდა, მეორე მხარეს. გაისმა ჯახანი და ბნელ ოთახიდან, სადაც, მგონი, რაღაც ნივთები ელაგა, ვიღაცის ბუზღუნი...

— რა არის... საით... — უნებლიედ აღმოხდა სასოწარკვეთილს ლუკას.

— ბოსელში! — დაცინვით შენიშნა ვიღაცამ და რამდენიმე ახალგაზრდამ კიბესთან სიცილი ასტეხა.

ხათანგში მომწყვდეული ნადირივით შეუბრიალა მათ ლუკამ მთვებელი თვალები, მაგრამ ველარაფერი მოახერხა და გულამღვრეული შემობრუნდა. აქ მან აღშფოთებით შენიშნა, რომ უხტალაძის სხეული ერთიანად ზანზარებდა, ეტყობოდა, იგიც ველარ იმაგრებდა სიცილს.

— სადაურია... შენ... რა... — გაცოფებით წამოიხრიალა ლუკამ, მაგრამ სიტყვა ყელში შერჩა. ვინ იცის, რას ჩაიდენდა იგი, რომ ამ დროს ანატრის მოწესრიგე მსახური

არ გამოჩენილიყო. ის მივიდა ლუკასთან და ბილეთი მოჰკითხა. უკანასკნელმა ხმის ამოუღებლად გადასცა მას ბილეთი და უმწეო ბავშვივით გაჰყვა უკან... მთლად განადგურებული იჯდა ლუკა თავის ადგილზე. იგი აღარათერს ხედავდა ახლა, მხოლოდ ერთი ფიქრით, ერთი გრძნობით იყო შებოქილი... თუ რამდენიმე წუთის წინად იგი ისე მოხიბლული იყო თეატრით, ახლა უზომოდ ეჯავრებოდა იგი და თითქმის ყოველივე ბოროტების მიზეზად სთვლიდა... ამ კაცის წარმოდგენით, ხალხი იქნება უფრო ბედნიერიც ყოფილიყო, ქვეყნად რომ თეატრი არ არსებობდეს, ვინ იცის.. აქ არ დადიოდა ლუკა, მაგრამ რით არ იყო ბედნიერი?.. სამსახურის დროს დაწესებულებაში, თუ გარეთ, იგი ყოველთვის ჩინებულად გრძნობდა თავს... მარტო ის რად ღირდა, რომ კვირა-უქმეებზე თავადებული შეერეოდა მთავარ ქუჩაში მოსეირნე ზღვა ხალხში. რამდენი კმაყოფილება და სიამაყე იხატებოდა მაშინ მის სახეზე! ახლა კი, ამისთანა უმაგალითო გაწილების შემდეგ...

ჩაშხამდა ყველაფერი ლუკას! მაგრამ ყველაზე უფრო ის უკლავს გულს, რომ უხტალაძემ გაიგო მისი სუსტი მხარე, ყველაფერი დაინახა...

იგი ქვეყანას მოსდებს ამ ამბავს...

დამარცხდა ლუკა!.. ამის შემდეგ მას აღარ ჩავსვლება სოფელში; სწორედ ამ ცოტა ხანში აპირებდა იგი ერთი თვით... დიდის ამბითა და ზემით ფიქრობდა მისვლას. მან იცოდა, რა შთაბეჭდილებასაც მოახდენდა მეზობლებზე; ადრევე გრძნობდა სიამოვნებას...

ახლა კი ტყუილი ოცნებაა...

ლუკას ექვი არა აქვს, რომ მისმა უბედურებამ უზომოდ გაახარა ეს კაცი; იგი არ დაინდობს მას... უთუოდ ისარგებლებს შემთხვევით, რომ დაამციროს ხალხის თვალში, სახელი გაუტეხოს, რადგან შურით კვდება... ეს კარგად იცის ლუკამ და ბრაზი აღრჩობს, რომ ამისთანა იარაღი ჩაუგდო ხელში... უხტალაძე კი ამ დროს, ოდნავ პირდაღებული, სმენად იყო გადაქცეული; ეტყობოდა, მეტად გატაცებული იყო

მით, რაც სცენაზე ხდებოდა. ფრთხილად მიიბრუნა მისკენ პირი ლუკამ. „ბრიყვი!..“—სიძულვილით გაიფიქრა მან:— ვითომ რამე გაეგებოდეს, ისე... ამაზე კი ფიქრობს ახლა? იმდენი რა გითხრა შენ!.. თავს იკატუნებს, ვითომ არათფერიო. გულში კი ცას ეწევა სიხარულით... ცხონდა დღეს, რომ ეს მომივიდა... მეტი აღარათფერი უნდა ახლა ქვეყანაზე... რეგვენნი!.. ჩავა და იჯერებს გულს...“ საშინელი ბოღმა აწვება ლუკას; მისთვის აუტანელია ახლა ეს კაცი... „ჩამოეთრია აქ... სად ეჩრება!.. რა მაგის საქმეა ქალაქი!.. ან რად უშვებენ თეატრში მაგისთანა... განა არ ეტყობა... მას აკრძალული უნდა ჰქონდეს, ყველაფერი!.. იგი ხალხში არ უნდა ერეოდეს, რომ ნახოს რამე, გაიგოს... როგორ წაუგძვლებია ტუტუტური სახე!.. ერთი კარგა უნდა მიბეგვონ, ამოუნაყონ ის წვეტიანი ცხვირი, რომ ველარ გაბედოს...“—გაიფიქრა ბრაზმორეულმა ლუკამ.

წარმოდგენა გათავდა. სხვებთან ერთად ჩვენი ნაცნობებიც გამოვიდნენ გარეთ. გადაფთია ცოტა დაწინაურდა, მერე ერთბაშად შემოტრიალდა.

— მე საქმე მაქვს, სხვაგან მივდივარ, სახლში არ დავბრუნდები!..—მიახალა მან გაოცებულს უბტალაძეს და თვალის დახამხამებაში მიიმალა...



ბეჟუკას ხვედრი

ის იყო ღამის წყვილიანი .რის ვაი-ვაგლახით გაიფანტა და მოკრიალებული ცა მდუმარე დედამიწას მიესალმა, როდესაც ბეჟუკა ლაჭყორაშვილი ცარიელი ურმით რკინის გზის სადგურზე გამოვიდა. ღამით მას მელუქნის სიმინდი ჩამოეტანა საფულიდან. ზაფხულში ბეჟუკას „გრილის სულზე“ უყვარდა მგზავრობა, რომ ხარები არ შეეწუხებინა სიცხეს, მაგრამ დღეს ველარ მოახერხა ეს. „ეგება წასაღებს შევხვდე რამეს და ორი გროში გამოვრჩეო,“ იფიქრა. რადგან ტვირთი არსად სჩანდა, ისევ მოცდა ამჯობინა და სადგურის გვერდით ღიანდაგთან გაჩერდა.

ბეჟუკა მეტად ღარიბი გლეხი იყო; უმიწა-წყლო, წვრილ-შვილის პატრონს ძალიან უჭირდა თავის შენახვა. ერთხელ ბედმა თითქო გაულიმა ბეჟუკას: მან სადღაც პატარა მოზერები შეიძინა და ჩინებული ხარები გამოზარდა. ბეჟუკა ცოტათი წელში გაიმართა; ახლა მისი ოჯახი მკადით უზრუნველ ყოფილი შეიქნა. ხან და ხან იგი ქირაზედაც დადიოდა ურმით და თითო-ოროლა გროშს მოჰყოლობდა. როდესაც კარს გაქირვება მიაღებოდა, ბეჟუკა გადახედავდა საყვარელ ხარებს. ეს იყო მისი ერთადერთი ნუგეში, სიამაყე... ცხოვრებაში დაბეჩავებული ბეჟუკა გამხნევებულად გრძნობდა თავს, როდესაც ურემში შემბულს ლომასა და ნიშას წინ მიუძღოდა; მაშინ მას თავისი ღირსებაც საკმაოდ შეგნებული ჰქონდა... პატრონი თავს ევლებოდა ხარებს, სამაგალითოდ ინახავდა; ზაფხულში ნედლი ბალახი, ზამთარში საგანგებოდ შენახული, აბრეშუმივით ყვითელი ჩალა გამოუღლეველი იყო მათთვის. „თუ ხარები მძღარი არ მეგუ-

ლება, ისე ვერ შევისვენებ, საქმელი არ შემერგება,“ იტყო-
და ბეჟუკა. „აბა, თქვენ იცით, რამდენ ბალახს მიიტანთ, ხა-
რები მშვიერი მოვა,“ უბარებდა იგი ბავშვებს, როდესაც
სადმე წასვლას დააპირებდა. ზაფხულში ბეჟუკას ჯალაბობა
ფაცხის წინ, კაკლის ქვეშ იშლიდა სუფრას; იქვე, შორი-
ახლოს, ზორბა ტანის, ლამაზად ჩარგვალებული გრძელ-რჭი-
ანი ხარები შეექცეოდნენ ყანიდან მოტანილს ბალახს და ნორჩი
სიმინდის ღეროებს. ბეჟუკა სტკებობდა მათი ცქერით და
თითონაც მადიანად ილუქმებოდა მქადსა და ტყემლიან ლო-
ბიოს. ამ დროს ლაპარაკის საგანიც უმთავრესად ლომა და
ნიშა იყო; ბეჟუკას ბავშვები ერთმანეთს ეცილებოდნენ: ყვე-
ლა ცდილობდა სასიამოვნო რამ ეთქვა ხარებზე; თვითეულ
სიტყვაში ისმოდა აღერსი, მზრუნველობა და სიყვარული
პირუტყვებისადმი. ნასიამოვნები ბეჟუკა ვეღარ იკავებდა თავს:
„მაგიორში ბარე ორს რჩება თვალი... გუშლამ იმისთანა ყი-
აშეთი გზაი იყო, რომ სხვაი ხარებუ ყოფილიყო“... კმაყო-
ფილებით უამბობდა იგი ცოლ-შვილს თავის მგზავრობიდან
რომელსამე შემთხვევას...

სადგურზე ბეჟუკას დიდხანს მოუხდა ლოდინი. ბოლოს,
როგორც იყო, იშოვა ტვირთი. ვილაც მოვაქრემ ჩააბარა მას
წასადები საქონელი ყუთებით. „ურემი სხვაიც ბევრია ეგერ,
მარა შენ კაი ხარები გყავს და უფრო იმედი მექნება, რომ
არაფერს გამიფუჭებ“ უთხრა საქონლის პატრონმა. „ბატო-
ნი ბრძანდებო,“ უპასუხა ბეჟუკამ, მოურიგდა ქირაზე,
დატვირთა ურემი და გზას გაუდგა. ამასობაში მზეც კარგა
მაღლა წამოვიდა. ბეჟუკას სწყინდა, რომ დღეს ასე დაუგვი-
ანდა გამობრუნება. მისი მშვიერი ხარები ახლა ზანტად მიიზ-
ლაზნებოდნენ; პატრონი გულის ტკივილით ხედავდა, რომ
მათ ფერდები ჩავარდნოდათ უქმელობისაგან. სწუხდა ბეჟუკა;
მას იმედი ჰქონდა, რომ სადგურზე ბალახს იშოვიდა; სხვა
დროს ახლო-მახლო სოფლებიდან ყმაწვილებს ჩამოჰქონდათ
გასაყიდად, მაგრამ დღეს ვერაფერს შეხვდა. ძლიერ დაცხა.
ბეჟუკა ხშირად გადასძახებდა ხარებს გასამხნევებლად. მაგრამ

ცხადად ატყობდა დასუსტებას და მათი ცოდვით იტანჯებოდა. ამასობაში ურემი გამოვიდა გაშლილს ველზე, საიდანაც იწყებოდა თვალუწვდენელი ზღვა სიმინდის ყანებისა. პირდაპირ ბუჩქნარი იყო ატეხილი. უანებს ერთი მხრით აკრავდა ჭაობიანი ადგილი, რომელზედაც აშლილიყო საამურად მობიბინე მწვანე ბალახი. ბეჟუკას გული გაუნათლდა; უკეთესს ადგილს დასასვენებლად იგი ვერ შეხვედებოდა. მან კარგად იცოდა, რომ ეს ბალახი პატრონს არაფრად გამოადგებოდა: მოლი, რომლისკენაც ახლა ასეთის გაშმაგებით იწვედნენ ლომა და ნიშა, მოსათიბავად არ გამოდგებოდა. ბეჟუკა დარწმუნებული იყო, რომ აქ ხარების გაშვებას არ დაუშლიდნენ მას... გზის პირას, ჩრდილოში, ურემი დააყენა და გამოუშვა მოუთმენელი ხარები, რომელთაც სირბილით მიაშურეს ხშირ ბალახს და ხარბად დაუწყეს გლეჯა. ბეჟუკამ თავისუფლად ამოისუნთქა; იგი დიდხანს კმაყოფილებით შეჰყურებდა მარჩენალ ხარებს; დიდად ნასიამოვნები იყო, რომ მათთვის ასეთი საკვები იშოვა. ბოლოს მან მოქანცულობა იგრძნო და მოსხლექით დაეშვა ჩრდილოში.

ივნისის მზე უხვად აფრქვევდა სხივებს და ოქროს ფრად აშუქებდა აშწვანებულს მიდამოს. მისი მოყვითალო სხივები აქაიქ ხეების მწვანე სამოსელშიაც შექრილიყო, მაგრამ მის წიაღს მაინც ვერ აღწევდა.

თითქო სიყვარულით გადახვევია ერთმანეთს ორი ახალგაზდა რცხილა, ისე გადახლართულა მათი ტოტები. ხშირი ფოთლების ჩრდილი საამურს სიგრილეს აფრცველებს. ლურჯი ცა ალერსიანად დაჰყურებს სადღესასწაულოდ მორთულს დედამიწას. სადღაც, ბუჩქებში, შაშვის ქახქახი გაისმა. მოქანცულობა ბეჟუკამ საოცარი შეება იგრძნო; უჩვეუმა გრძობამ შეიპყრო იგი: ეს კუთხე სამოთხედ ეჩვენებოდა მას ახლა; ყველაფერს, რაც მის გარშემო იყო, მომხიბლველი მიმზიდველობა მიეცა მის თვალში. ბუნებამ თითქოს გული გაუხსნა, ამეტყველდა, რომ მაშვრალს უფრო ღრმად ეგრძნო მისი მომჯადოებელი შევენება... ჰაერში კი მკაფიოდ გაისმოდა ხა-

რების ფუჴინვა და ბალახის წყვეტის ხმა. მადლიერი ბეჴუკა აღტაცებული იყო... არა, არც ისე ცუდად არის მოწყობილი ცხოვრება... ბეჴუკა ახლა ხედავს, რომ მასაც აქვს წილი ამ ქვეყნად, მასაც შეუძლია ისიამოვნოს... იმ წუთში მას აღარ ახსოვს ქვეყნის გაუტანელობა. თავის ბედით მუდამ უკმაყოფილოს და გაუხარებელს, ახლა თითქოს დაეიწყებოდა ცხოვრებაში გაბატონებული უსამართლობა, ძალმომრეობა, უთანასწორობა... თავდაეიწყებამდის მისული ბეჴუკა ახლა გატაცებით შეჴხაროდა სიცოცხლეს... მას თვალწინ ეხატებოდა გაბედნიერებული ქვეყანა, კაცთა შორის უკვე დამყარებული სათნოება, ძმობა, სიყვარული.

ბეჴუკა უძრავად იწვა მწვანეზე და ლაჴვარდ სივრცეს მისჩერებოდა. იგი ახლა გუნებაში დღევანდელს ქირას ანაწილებდა სახარჯავად; სხვათა შორის მან გადასწყვიტა, დღესვე ეყიდნა ქალაქში ხმელი ფარგა საივანობოთ; მან იცოდა, როგორ გაახარებდა ამით თავის ბავშვებს...

შემდეგ ბეჴუკა იმის ფიქრს მიეცა, თუ როგორ გაიუმჯობესებდა ცხოვრებას ახლო მომავალში. ასჯერ რომ ასე ვიმგზავრო... ტკბილმა ოცნებამ გაიტაცა იგი, დაათრო... ტანში სიამოვნების ჟრუანტელმა დაუარა; ვინ იცის, რა არ წარმოიდგინა მან იმ წუთში, რა იმედებს არ უღვიძებდა მერმისი... ბოლოს მთელი ღამის უძინარი ბეჴუკა მთლად მოეშვა, თვალები მილულა და მალე ხვრინვაც ამოუშვა...

შუადღემ მოატანა. მძინარე ბეჴუკას სახეზე ღიმილი უთამაშებდა; იგი სასიამოვნო სიზმარში იყო, როდესაც რალაც ხმაურობა შემოესმა. ბეჴუკა ფეთიანივით წამოიჭრა ზეზე და იქით გაიქცა, სადაც ხარები ეგულებოდა, მაგრამ შეჩერდა. რადგან ახლა მეორე მხრიდან ისმოდა ყვირილი: „აქედან მოუარე, ბიჭო, აქედან!“ ბეჴუკამ მიიხედა და ელდა ეცა: მან დაინახა, რომ ზევით, კარგა მოშორებით, ვილაც 17—18 წლის ბიჭი, მის ხარებს მიერეკებოდა ბუჩქებისკენ; იქვე მოსჩანდა ორი ცხენოსანი კაცი, რომელთაგან ერთს

მხარზე თოფი ეკიდა: „დასარქე, დასარქე!“ — გასცა ბრძანება თოფიანმა, რომელიც ახლა იცნო ბეჟუკამ.

სიკო ძუძგურაძე არ იყო დიდი შეძლების შემამულე, მაგრამ რაც გააჩნდა, იმითაც საკმაოდ ავიწროვებდა მეზობელ გლეხებს. მას ცუდი სახელი ჰქონდა გავარდნილი. მომხრეები ძლიერ ცოტა ჰყავდა სოფლად; ეს ისეთი პირები იყვნენ, რომელთაც მეზობლები არ სთვლიდნენ „წმინდა წყლის“ აღამიანებად. იყო დრო, როდესაც ძუძგურაძეს გაეფიცნენ სოფლელები, შესწყვიტეს მასთან კავშირი და სრულიად ხელი აიღეს მის მამულში მუშაობაზე. სიკოს საქმე გაუჭირდა. წელში მოიხარა, თავი მოიკატუნა. მაშინ ის ყველაფერზე თანახმა იყო, პირზე მუდამ ხალხის ერთგულება ეკერა, მაგრამ მისი შინც არავის არა სჯეროდა... დრო შეიცვალა, სხვა ქარმა დაჰბერა და ძუძგურაძეც წელში გაიმართა, ფრთები შეისხა... ზურგ-გამაგრებული სიკო ახლა სავსებით სარგებლობდა მდგომარეობით... იგი დაუნდობლად მძვინვარებდა სოფლად, შეუბრალებლად აწიოკებდა ყველას, მის თავხედობას საზღვარი არ გააჩნდა...

ერთხელ ბეჟუკასაც ჰქონდა აღებული ძუძგურაძის მამულში სადღაც ორიოდე ქცევა საყანედ. მეორე წელიწადს, როდესაც ძუძგურაძის დამოკიდებულება გლეხებთან შეტად გამწვავდა, ბეჟუკამაც თავი მიანება მის ადგილს სხვებთან ერთად. მაშინ სიკომ სცადა ზოგიერთ მომუშავეთა გადაბირება და ამ მიზნით წინადადება მისცა უფრო ღარიბ გლეხებს, მათ შორის ბეჟუკასაც, კვლავ აეღოთ მის მამულში საყანეები უფრო ხელ-საყრელ პირობებით. მაგრამ ბეჟუკამ არ უღალატა მოძმეებს... დღეს ძუძგურაძე ერთი მეგობრის თანხლებით სანაგარდოდ გამოვიდა; მან გაიყოლია მოჯამაგირე ბიჭიც, რომელსაც...ინცის, რისთვის, დიდი ქოთაკი მიჰყავდა თოკით. ბეჟუკას ხარების დანახვაზე, სიკო აენტო და მაშინვე ბრძანა მათი დაქერა. მართალია, ხარები სიმინდში არ გასულან, ისინი უფრო სხვის ადგილში სძოვდნენ, სადაც უკეთესი ბალახი იყო, მაგრამ გააფთრებულ შემამულისათვის

ეს სულ ერთი იყო; მას ბეჟუკას დარბევა უნდოდა და ამისთვის ხომ ისიც საკმაო იყო, რომ ეს უკანასკნელი ახლა აგერ მის ადგილში ხვრინავდა... არა, სიკოს არ შეეძლო ამის მოთმენა შემთხვევაც მეტად მარჯვე იყო... პასუხს ვერავინ მოსთხოვდა... ბეჟუკას გათელვა მით უფრო ესიამოვნებოდა სიკოს, რომ ამით ერთხელ კიდევ დაამტკიცებდა მისთვის ოდესღაც თავზარდამცემი გრიგალის განადგურებას, იმ ძალთა შემუსრვას, რომელიც ერთ დროს ძუძგურაძისა და მის მსგავსთა თვითნებობის დათრგუნვას ლამობდა... იმ უამად ხომ მათი დღესასწაული იყო: ოდესღაც ძლევა მოსილი, მრისხანე მტერი, ახლა სრულიად უძლოური, ძალზე შეკრულშებოქილი მიწაზე იყო დანარცხებული...

— როგორ გაბედე, ყაძახო!.. — დასკყიელა სიკომ, ოდესაც გაფითრებულმა ბეჟუკამ ხარებს მიაშურა.

— უკაცრავად, ბატონო!.. — დაიწყო უკანასკნელმა დაბნეულად: — ერთს წამს ხარი გამოვუშვი მოსაბაღახებლად...

— კაი საბაღახო გიშონია!.. — დაცინვით შენიშნა მეორე ცხენოსანმა: — უპატრონო თუ გეგონა ყანა...

ამ დროს მოჯამაგირე ხარებს უტრიალებდა დასაქერად, მაგრამ ვერ ახერხებდა.

— რა ღმერთი გაგიწყრა! — დაუყვირა მას ძუძგურაძემ, გადმოხტა ცხენიდან და თითონ ჩააბა ხარებს თოკი.

— არც კი ანიაველება ზარალში აგი ხარები!.. — თვალების ბრიალით დაუმატა მან.

ბეჟუკას სისხლი თავში აუვარდა, ცახცახი დააწყებინა.

— რაფა გეკადრებიენ მაი! — აღელვებით წამოიძახა მან, — ყანაში რა უნდოდა ჩემ ხარებს... მე აქანაი გავუშვი აგერ... ამისთანა ბაღახს დატიებს მშიერი ხარი და იმ სიშორეზე წავა?... კიდევ რომ გასულიყო, იმდენს რას გააფუჭებდა.. — ერთ წუთში... ელანძე მივდევდი თვალი...

— ჩვენ ვსტყუით ალბათ!.. როგორ ბედავ, ყაძახო! — დასკყიელა სიკომ და მათრახი ასწია დასარტყმევად. ბეჟუკა განზე გაუხტა.

— ღმერთი, რჯული, ჩემი ხარები იქით არ წასულა...
თუ განგებდი შედენა ვინმემ—არ ვიცი... ნუ დგებით ჩემ ცო-
ლვაში!... რა იქნა, თქვე ოჯახ-აშენებულებო, ქვეყანა ხომ
არ დამიქცევია... ერთი კვირის შემდეგ კიდევ უკეთესი ბა-
ლახი გაიზღება აქანაი... რაც შექამა ჩემმა ხარმა, იგი ერთი-
ორად გადამახდევინეთ... სხვაი არაფერი დანაშაული მაქ
თქვენთან, არ დამეხოცოს ცოლ-შვილი...—ბეჟუკამ ამოიღო
წიდიდან ჩვარში გახვეული მანეთიანი და გაუწოდა სიკოს.

— ა, ბატონო, ღმერთმა შეგარგოს...

— ზარალში ხარები მიმყავს, დანარჩენი მიპატიებია
შენთვის...—მიახალა ძუძგურაძემ:—როგორ ბედავ შენ... რა
იფიქრე, ყაძახო?.. იგი ღროი შეგრჩებოდათ გეგონა...

— აბა, ამიზა მართმევ ახლა ხარებს?..

— ხუთასი მანეთი ღირს ჩემი ყანა... სულს ამოგთხრი
კისერში... მიჩიოლე ახალთაობასთან!.. გამიკეთეთ ბოიკოტი
თქვენებურათ!..—დაცინვით დააბოლოვა სიკომ.

— გასწი, ბიკო!—გადასძახა მან მოჯამაგირეს და თან
მძლავრად დაუშინა მათრახი ხარებს.

ამის დანახვაზე ბეჟუკას სისხლი აემღვრა.

— ხარს ნუ გამოილახავ!..—შესძახა სობრაზისაგან აცახ-
ცახებულმა, —ვერ გაგატან! დაუმატა მან, თვალის დახამხამე-
ბაში გამოგლიჯა ბიკს თოკი და განზე გააქანა ხარები.

— აბა, თუ არ გამატან!—დაიღრიალა ძუძგურაძემ და
რაც ძალი და ღონე ჰქონდა, შიგ სახეში სთხლიშა ბეჟუკას
მათრახი. სიმწარისაგან დაიკლავნა ბეჟუკა და თოკი ხელიდან
გაუვარდა.

— ჯრჯულოები!.. მომიხთენ... ძალადობით მართმე-
ვენ...—ნაწყვეტ-ნაწყვეტად წამოიძახა მან.

— ენა დაიმოკლე, ყაძახო, თვარა გაგასიებ ცემით!..—
დაემუქრა მემამულე და ხარები გარეკა.

ბეჟუკა ძუნძულით აედევნა მათ.

— ქვეყანაზე სადაა სამართალი, ან რამე... ასე თუალ
და ხელშუა მომთხარეს, დამაქციეს... ვინაა გამკითხავი!..—

ბუტბუტებდა იგი. ამასობაში ცხენოსნებმა გაიარეს ბუჩქნარი, გავიდნენ ღელეში, შემოუარეს პატარა სერს და შკერის ლობით შემოვლბულს დიდს ეზოში ჩავიდნენ. ხარებიც აქ, ნალიის ბოძზე, მიაბეს: ბეჟუკა კანკალმა აიტანა; მას არ უნდოდა მოშორებოდა იმ ადგილს, მაგრამ მოაგონდა საქონლით დატვირთული ურემი და გულ-ამღვრეული უკან გამოიქცა.

თავ ჩაქინდრული ბეჟუკა გაქვავებულივით იდგა ურემთან.

— გამარჯობა, შენი!— უცებ შემოესმა მას. ბეჟუკა გამოერკვა და მიიხედა. გზა-ტყევილზე ცარიელი ურემი მოდიოდა, რომელზედაც შუა ხნის კაცი იჯდა.

— სადაა, ძმავე, გამარჯობა!..— ნაღვლიანად ჩაილაპარაკა ბეჟუკამ: — გამარჯობა კი არა, თლა ვილუპები!.. — დაუმატა აკანკალებულის ხმით და უამბო გაკვირვებულს მეურმეს თავისი გაჭირვება.

— რაფერ დაგემართა მაი?..— თანაგრძნობით უთხრა მოსულმა.

— ასე შემკრა რაცხა ეშმაკმა... ნეტაი კისერი მომტეხოდა და აქნაი არ გაფჩერებულიყავი!.. მაინც არ შეგონა, იმ შეჩვენებულის თუ იყო... მაგის ადგილი საცხა ზვით მახსოვდა... ჯავრი სჭირდა და დროი მიშონა... გაჭირვებამ წამომიყვანა ამ დასაქცევში... მისი მეზობლები შექამა შავ ღვთის პირიდან გადავარდნილმა და მე რაფა დამზოგავდა... რაცხა ცოდვით საქონელი დამირჩა წამოღებული... რა ვუყო, აღარ ვიცი, ახლა... რადგან იქით მიხვალ, მიქენი სიკეთე, ჩაიტანე წიკეპადის დუქანში, მოსახეფეში რომ ვაჭრობს... ისე მადლობელი ვიქნები, გინდამც შენ გეჩუქებიოს იგი ხარები!.. — შეეხვეწა ბეჟუკა.

— პაწაი ქე შეზარება, დაღალული ხარები მყავს... — შეყყყმანდა მეურმე, მაგრამ შემდეგ დათანხმდა.

— ქირის საქმე რაფერ იქნება?.. — იკითხა მან, როდესაც საქონელი თავის ურემზე დაალოგა.

— მოგცემს, რაეც ჩააბარებ... რვა აბაზათ ვარ გარ-
გებული; ღმერთმა მოგახმაროს... მე უსიკვდილოთ არ შემე-
ძლია მოშორება...

— პაწაი მარჯვეთ დაბთი; ნუ დააბრიყვებებ თავს!..—
გაამხნევა მეურმემ და გზას გაუღდა.

ნაღვლიანად გააყოლა თვალი მიმავალს ბეჟუკამ. მას
სევდა მოემატა, თითქო რაღაც მოსწყდა მის გულს ამ კაცის
წასვლით...

მზე ძალზე გადიხარა. დედამიწას ჩრდილი მოეთინა.
გამწარებული ბეჟუკა ანთებულის თვალებით მისჩგრებია იმ
გზას, საითაც მისი ხარები გარეკეს; ჯოჯოხეთური ცეცხლი
ტრიალებს მის გულში. ვინ იცის, იქნება მართლა წაართვან
მას ხარები!... ქუძგურაქე მოახერხებს... სად უნდა წავიდეს
ბეჟუკა, ვის მიმართოს? მან კარგად იცის, რომ ჩივილით აქ
ვერას გახდება... ვინ მოუსმენს მას? მათრახით ან თოფის
კონდახით გასცემენ პასუხს... ბეჟუკა სასოწარკვეთილებაშია.
ეს კუთხე, სადაც მან ორიოდ საათის წინ ასეთი ტკბილი
წუთები გამოსცადა, დაწყველილ მხარედ გადაიქცა ახლა მის
თვალში... თითქო ყველაფერმა სახე შეიცვალა მის გარშემო:
ამწვანებული მინდორი, გაბარჯლული ხეები პირქუშად გა-
მოიყურებოდნენ ახლა, თითქო ისინიც სამტროდ ამხედრებუ-
ლიყვნენ ბეჟუკას წინააღმდეგ; თვით ცაც-კი, ის თვალწარმ-
ტაცი ლურჯი ცა, რომელიც წედან ისე ნაზად, თითქო
განსაკუთრებულის თანაგრძნობით უდიდოდა შრომისაგან
დაოსებულს ბეჟუკას და სანეტარო ფიქრებს უშლიდა მას
ბედნიერს მომავალზე, ახლა სრულიად გულ-გრილად უყურებ-
და მის უბედურებას... ბეჟუკას გული აუჩუყდა; ისე გრძნობს
თავს, თითქო იგი მარტოდ-მარტო გადაკარგული იყოს სად-
ღაც შორს, ძრიელ შორს, სრულიად უცხო შავ-ბნელს
მხარეში, სადაც უსაზღვრო ვერაგობასა და სიბოროტეს
დაუბუდებია... შეგლა არსაიდან არის... რაღაა უხაროდ ბე-
ჟუკა? განა ლომა და ნიშა მარტო მუშა საქონელია მისთვის
და მეტი არაფერი?.. თუ დღემდე ბეჟუკა ლაქურაშვილიც

იხსენებოდა სადმე, ეს ხომ მისი კარგი ხარების წყალობით იყო... არა! ხარებთან ერთად, მას სახელიც მოსტაცეს!..

ბრაზ-მორეულს ბეჭუკას აღშფოთება ემატება... „რეიზა უნდა მეისპოს ჩემდა ყოლიფერი!.. — გაბოროტებით გაიფიქრა მან; — რა დავაშავე, რაი?“ — გულ-საკლავად ამოიგმინა ჩაგრულმა; იგი გასრისეს, მიწასთან გაასწორეს, მოუსპეს ერთადერთი ნუგეში, იმედი... მას არ შეუძლია თვისს ჯალათს პასუხი მოსთხოვოს, დაკმაყოფილება მიიღოს... ნუთუ მან თავისუფლად ვეღარ უნდა ამოისუნთქოს სიცოცხლეში? რადა, რისთვის? ეს კითხვა ახლა მთელი სიგრძე-სიგანით იღვა მის წინაშე და გადაჭრილს პასუხს ითხოვდა... რა მოუვიდა მას დღეს?.. და განა მარტო დღეს? როდის არ იყო იგი დარბეული, შეურაცყოფილი, დამცირებული?.. ბეჭუკას ცხოვლად წარმოუდგა ახლა მთელი მისი გამწარებული ცხოვრება, ტანჯვით და ვაგებით განწვლილი დღენი... უსიტყვოდ, მოთმინებით ეწეოდა იგი მუდამ შრომის მძიმე უღელს, აღამიანურს სიამოვნებას და სიხარულს მოკლებული... პატარაობიდანვე შესჩვეოდა ამ ყოფას; თითქმის შერიგებოდა იმ აზრს, რომ მას და მისთანებს არც კი შეჭფერის უკეთესი ცხოვრება; სჯეროდა, რომ ყველას არ შეუძლია იმის მოთხოვნა, რაც მხოლოდ ზოგიერთების ხვედრს შეადგენსო... „რას იზამ, ძმავ, ღმერთს ასე დაუწესებია... დეინდემ აბა ხელზე, ყველაი თითი ერთნაირი თუა: ზოგი გძელია, ზოგი მოკლე,“ არა ერთხელ უთქვამს ბეჭუკას მეზობლებთან ბაასის დროს, როდესაც ლაპარაკი ჩამოვარდებოდა მშრომელი ხალხის მდგომარეობაზე. მხოლოდ სულ ბოლოს დროს, როდესაც სულის შემხუთაფი პირობების წყალობით ცხოვრება მეტის-მეტად გაჭირდა, ბეჭუკას ცოტადენი გამოფხიზლება დაეტყო, თუმცა საკმაოდ მაინც ვერ გამოარკვეულიყო; მეტად ყრუ და ბრმა იყო იგი, ხსნას სხვისგან ელოდა და ხან-და-ხან თავდავიწყებასაც ეძლეოდა... ახლა კი შორს მისგან ასეთი იმედები, თავის მოტყუება!.. დღეს იგრძნო მან მთელის სიმწვავეით თავისი მდგომარეობის საშინელება... ახლა კი ხედავს ნათლად, რომ იგი

მართლა სხვისდა სათელად გამხდარა, რომ მისი ბედი, თვით სიციოცხლეც კი ვილაცყეების ნება-სურვილზე ყოფილა დამოკიდებული... ბეეუკას ბრაზი ახრჩობს. ვინ არის დამნაშავე მის წინაშე, ვის უნდა მოსთხოვოს პასუხი? ცხადია, მარტო ძუძგურაძეებს არ უდევთ... წილი-მის გაუბედურებაში, და ბეეუკა ყველა ამათ ემუქრება ახლა. უსაზღვრო რისხევას უთვლის იმ სინამდვილეს, რომელმაც უხამით გააესო მისი ცხოვრება... ბეეუკას გულში ერთბაშად გაიზარდა რაღაც თავშეუკავებელი ძალა, იფეთქა ძლიერმა გრძობამ... ახლა იგი მზად არის შური იძიოს, შეებრძოლოს თუნდ თვით ჯოჯობეთს...

დაღამდა. ცაზე წყნარად-ამოცურდა მთვარე და თავისი მშვიდი, გულის დამატკობელი სხივები ცოდვილ ქვეყანას მოჰფინა. ბურუსში გახვეულს დედამიწას უცებ საოცნებო ელფერი მიეცა. მნათობის შუქმა ბეეუკას გაბურძგნულს სახესაც მიუალერსა, თითქო მის აღშფოთებულ გულის დამშვიდებას შეეცადა, მაგრამ ამაოდ; მეტად შორს იყო წასული ბეეუკა შავ-ბნელ ფიქრებში. უცებ იგი შეკრთა და სახეზე შიში და სასოწარკვეთილება გამოეხატება. „რა მოუვა ჩემ ხარებს ამელამ, — გაუელვა თავზარდაცემულს და სახე საცოდავად მოეღრიცა, — ვინ იცის, რა განზარაბვა აქვს გულქვა ძუძგურაძეს?.. ვინ იცის... ღმერთო!.. ეგება სწორედ ამ წუთში დასაკლავად მიჰყავთ მისი ლომა და ნიშა... იქნება ახლა თქრიალით გადმოსდით სისხლი გამოღადრულ კისრიდან; ან იქნება უკვე გათავდა ყველაფერი და გამხეცებულ ადამიანთა ხროვა მისი ხარების ბეჭებს კიდევ შეექცევა?!“ ამ შემადრწუნებელმა ფიქრმა მთლად გადარია ბეეუკა, სისხლი მოუწამლა. მეტის მოთმენა მას აღარ შეეძლო... გაურკვეველის მიზნით გაქანდა იგი და მალე ნაცნობ შერის ლობესთან დაიბადა. ირგვლივ სიჩუმე მეფობდა. ბეეუკა ჩაცივებით მიაჩერდა ნალიის ბოძებს: იგი კარგად ვერ არჩევდა, რაც საჭირო იყო მისთვის; მთვარე ახლა უფრო შერთალად აშუქებდა მიდამოს, რადგან ცაზე საიდანლაც ღრუბელი მოგროვილიყო. ბოლოს გიმოარკვია ყველაფერი: ხარები ისევ

იქ იყვნენ მიბმული; ცოტა მოშორებით, ბელლის წინ რალაც შეხვეული მოსჩანდა; ეტყობოდა, აქ ვილაცას ეძინა.

უცებ ხარის ნელი ზმუილი მოისმა; შეწუხებულმა პირ-
უტყვმა თითქო იგრძნო პატრონის სიახლოვე...

მეტეც აღარ უნდოდა ბეჟუკას; იგი აენტო და გაცო-
ფებით ეძგერა ზღუდეს. იმ ალაგს, სადაც ლობე მიბჯენილი
იყო მსხვილ ხეზე, მან შესძლო სარის წაქცევა და ლობეც
საკმაოდ დასწია. ბეჟუკა წამსვე მიიქრა ნალიასთან. მას აღა-
რაფერი ახსოვდა; შიში, განსაცდელი არ არსებობდა მისთვის
იმ წუთში, მხოლოდ ერთი აზრით, ერთი სურვილით იყო
იგი შეპყრობილი...

ელვის სისწრაფით გასჭრა მან თოკი, გაანთავისუფლა
ხარები და წინ გაირეკა. ამ დროს სახლის უკანა მხრიდან
გამოვარდა ორი ძაღლი და ყფით გამოუდგა ბეჟუკას. ეზოში
ხმაურობა ასტყდა. „რა ამბავია, ბიჭო, ანდრიავე?“ — გადმოს-
ქახა ვილამაც სახლიდან. უკვე ფეხზე იდგა შეშინებული
მოჯამაგირე; — ევერ წავა, არ გაუშვა, არიქა!“ — ყვიროდა იგი
და უგზო-უკლოდ გარბოდა ძაღლის ყეფაზე. იმ წამსვე ოდი-
დან ორი კაცი გამოვარდა — და უშვერის ლანძღვა-გინებით
სერისკენ გაიქცა. ამ დროს ბეჟუკა დაუზოგველად მიარბენი-
ნებდა ხარებს შოლტის ტყლაშუნით. იგი კარგა მოშორებით
იყო ახლა; აგერ დელეს მიუახლოვდა კიდევ; საცაა ქალა-
შიც ამოყოფს თავს და მერე... უცებ თოფის გრიალმა შეარ-
ყია უმოდრავო ჰაერი. ლომამ ჩაიჩოქა; მას თემოში მოხვდა
ტყვია და ძვალი გაუტეხა. შესახარი გმინვა აღმოხდა გული-
დან! გამწარებულს ბეჟუკას; იგი ვეფხვივით შემოტრიალდა,
დაჭრილს წაეპოტინა... მაგრამ ისევ იქეკა თოფმა და ახლა
პატრონი დაეცა საყვარელ ხარის გვერდით...

✓



სამკურნალოში

(ესკიზი)

დედამიწამ ზამთრის სუღარა მოიხადა. თუმცა არე-მარეს ჯერ კიდევ გაცრეცილი ფერი ადევს, მაგრამ ჰაერში უკვე გაზაფხულის სუნის ტრიალებს. სულიერი და უსულო, ყველაფერი მზეს შეჭარბის, ილიმება. თქვენ გრძნობთ, რომ მალე, სულ მალე სიცოცხლისა და განახლების ძალა თავმეუკავებლად იფეთქებს ყველგან... ბუნება საზღვიმოდ ემზადება. დღეს აუ არა, ხვალ იგი დიდებულ მეჯლისს გამართავს, თვალს დაატყვევებს, სულს დაატყობს... ქალაქსაც არა-ჩვეულებრივი გამოცოცხლება დასტყობია. დიდი მოძრაობა და ფაციფუსია. ქუჩებში მოსეირნე ხალხს კმაყოფილებისაგან სახე ღბრწყინავს... მაგრამ საამისო გუნებაზე ვერ იყო თედო კოჭოპაძე... აგერ—ორი კვირაა, რაც მან ხელი აიღო მუშაობაზე. ბოლოს დროს იგი შესაძინევად გამოიცვალა, შოუსვენრობა დასჩემდა. მისთვის საჭირო შეიქნა სერიოზული ექიმობა; დღეს საავადმყოფოშიაც გაგზავნეს, რადგან მეტი დროის დაკარგვა აღარ შეეძლებოდა.

იმ სამკურნალოს საზოგადო „პალატაში“ სადაც თედო შეიყვანეს, სამარისებური სიჩუმე იყო. წამლების სუნით გაჟღენთილი ჰაერი, სახე მიმქრალი, უსიცოცხლო ავადმყოფები მეტად მძიმე შთაბეჭდილებას ახდენდნენ. ყმაწვილმა კაცმა შექმუხებით მოავლო თვალის იქაურობას და ტანში უსიამოვნო ჭრუანტელობა დაუარა. „ეს რა ყოფილა!“ — ყრუდ. ჩაიჩურჩულა შემკრთალობა და გაუბედავად ჩამოჯდა კრაოტის კიდებზე.

უცნობმა სანახაობამ ძლიერ შეაშფოთა თედო: გულს აუტანელი სევდა შემოაწვა... სამუდამოდ ხომ არ მოსწყდა

ქვეყნიერებას, ტოლ-ამხანაგებს? ქვეყანა კი ისეთი მშვენიერია, ბუნება წარმტაცი... თედოს თვალში აპლა ყველა უზომოდ ბედნიერია, ვინც ამ საავადმყოფოს კედლებში არაა მომწვედელი, ვინც თავისუფლად მოძრაობს გარედ. ნეტავი მათ!.. გინდის გლეხი, რომელიც წელან დატვირთულ სახედაუს მიაჩქაჩებდა ხევში; როგორ მარდად გადახტა კარგა მოზრდილ რუხე და ერთის ხელის დაკვრით გაუსწორა სახედარს გადმოსავარდნად გამზადებული საპალნე! არა, იგი ბედნიერია, რადგან... ჯან-ლონით სავსეა და შეუძლია დასტკბეს სიცოცხლით...

გული უკვნესის თედოს; აქ გამოგზავნეს.. დაარწმუნეს... ალბად საკირო იყო... მაგრამ ეს რა მოსდის? საზარელი, შავი ფიქრები აეკვიატა... „სისულელეა!—გაბრაზებით შეუტია თავის თავს თედომ; მან გადახედა მისუსტებულს ავადმყოფს.—ესენი არიან ცუდად... მე ხომ სულ უბრალო ავადმყოფობა მაქვს, თითქმის ჯან-სალად ვარ და მალეც გავალ აქედან...“ — იმშვიდებდა თავს თედო. იგი ცდილობდა არ შეეხედნა ზოგიერთ ავადმყოფისთვის; განსაკუთრებით თვალს არიდებდა კუთხეში მწოლარეს, თითქმის ჩონჩხად ქცეულს ავადმყოფს, რომელიც მთლად გარინდებული იყო და მარტო ტუჩების მოძრაობაზე ეტყობოდა, რომ ჯერ მას სული კიდევ არ გაჰყროდა. მისმა სანახაობამ პირველ შეხედვასთანავე ისეთი შთაბეჭდილება მოახდინა თედოზე, თითქო იმ კაცისთვის მარწუხები მოუქვრიათ სახეზე და საცაა მისი ძვლები ერთიანად დაიშლებო.

შებინდა. უცებ ლოგინიდან ჩამოცურდა თედოს გვერდით მწოლარე ავადმყოფი და იატაკზე დაეცა. საცოდავი სანახაე იყო ეს სანთელივით გაყვითლებული, ჩხირივით გამხდარი ადამიანი, როდესაც ის, რალაც სითხეში ამოგანგლული, უქწოდ იკლანებოდა ცივს იატაკზე. იგი ხმას არ იღებდა; ვინ იცის, იქნება საბრალოს კიდევ რცხვენოდა თავის მღვომარეობის, ან, იქნება, გრძნობაც კი აღარ ჰქონდა... შეშფოთებული თედო ზეზე წამოვარდა.

— ნება მიბოძეთ, ცოტა-ხნობით თქვენთან ჩამოვჯდე!— მიმართა მან კანკალით ქალარა-შერთულს ავადმყოფს, რომელიც ხალათ-გაუხდელი წამოწოლილიყო და ქერს მისჩერებოდა. უკანასკნელი დააშტერდა თედოს. ხმა კი არ გასცა.

— პირველად ვარ აქ... არ შემძლია ამ სურათის ატანა...

უცნობი მაინც სდუმდა; მერე პირიც მიიბრუნა და ისევ ქერს შეაცქერდა.

ამ კაცის უცნაურმა ქცევამ კიდევ უფრო გაუტეხა გული თედოს და სევდა გაუძლიერა. ბარბაცით გადავიდა იგი მეორე მხარეზე და კედელს მიეყრდნო.

შემოვიდა მოსამსახურე.

— ეს რა ჩაგიდენია?— წყრომით შენიშნა მან იატაკზე გაშლართულს ავადმყოფს; წამოსწია, მაგრამ მაშინვე ისევ დააგდო ზიზღით.

— რალათ მოჰყავთ იმ ოხრებს ამისთანა!.. თავიდან იშორებენ... დღე და ღამ... მუღამ... ერთი წამი მოსვენება არ არის!..— ბუტბუტით გაშორდა თავმოებზრებული მოსამსახურე, მაგრამ მალე ისევ შემობრუნდა მეორე მსახურის თანხლებით.

— აბაზს იძლეოდა გუშინ, დამე მომხედვო, — დაიწყო პირველმა, — შამა გიცხონდა... აბაზად შენ... მთელი ღამე... აბა ერთი მიშველე, აეწიოთ... — მიჰმართა მან ამხანაგს.

— ტყუილი შრომაა... სულ ერთი არაა, იატაკზე აპოხდება სული, თუ კრაოტზე?.. — იოხუნჯა მეორემ.

— მაინც ისე სჯობს... უფრო რიგიანი იქნება... აი ის კი ეხლავე კვდება, შეხედე! — დაუმატა მოლაპარაკემ და ხელი მარჯვენით გაიშვირა. შემკრთალმა თედომ უნებლიედ მიიხედა საშიშ კუთხისკენ; იმას კი მოჰკრა თვალი, როგორ ამოეარდა გაქვავებულ ავადმყოფის პირიდან რალაც შეკუმშული ორთქლის მსგავსი, მეტის დანახვა ვეღარ შესძლო და შექრწუნებულმა პირი მოაჩინა.

მოსამსახურენი მივიდნენ ახლად გარდაცვლილის კრაოტთან.

— მოისვენა, როგორც იყო...— დაიწყო ერთმა, — სულ შუოთავდა, ყველას რაღაცას შესჩიოდა; როგორც კი დაინახავდა ექიმს. მოჰყვებოდა: „ბატონო, რამე საშვალემა...“ გუშინ-წინ ძალზე გააბრაზა რეზნიკოვი; ის იყო, შემოჰყო თუ არა თავი კარებში და ჩვეულებრივად დაიძახა: „აქ რა არის?“ რომ აპანაც დაიწყო თავისებურად: „ბატონო, თუ შეიძლება...“ იფეთქა რეზნიკოვმა: „თავი მომაბეზრა ამან, ნერვები ამიშალა!.. სულ წუწუნებს, მუდამ...“ მკაცრად მოუჭრა და მაშინვე გაბრუნდა. მას შემდეგ ამან ხმა გაიკმინდა, ეს ორი დღეა კრინტი აღარ დაუძრავს...

— ეჰ, ვასილ! — სიტყვა გააწყვეტინა მეორემ, — ამაღამ ხომ ყველიერს აცილებს ხალხი, ჩვენ კი... იცი, რა გითხრა? აქ ეხლა ისეთი აღარავინ რჩება... ყველა მშვიდია... ეს გავიტანოთ, იმას კი ფიცრები ჩავუწყოთ, რომ ველარ გადმოვარდეს და ჩვენს კუნჭულში მივჯდეთ; საცაა, პეტიაც მოვა, ღვინოს მოიტანს... არავინ დაგვიშლის ახლა...

ნახულმა და გაგონილმა შეაძრწუნა თედო; იგი უიმედობამ მოიცვა; უნდობლად უყურებს ახლა ყველაფერს... აქ ყოველს ეამს სიკვდილის აჩრდილი ტრიალებს... არაფერი ამის მსგავსი მას არ გამოუცდია არას დროს. თედოს ჰგონია, რომ აქ შემოსვლამდე იგი კარგად იყო ჯანზე. საიმისო მანაც არაფერი ახსოვს და, აი, მზალოდ აქ იგრძნო თავი ასე ცუდად. რა ამბავია მის თავს? ნუთუ აქ არის მისი დასასრული? იქნება იგი ახლა უკანასკნელს ყოფაშია, იქნება აი ეხლა, ამ წუთში მას სული ხდება კიდევ და თითონ კი ვერ გრძნობს ამას! და თედოს მოეჩვენა, თითქო მას მუხლები მოეყვეთა და თავიც დაუძძიმდა როგორღაც; შიშმა აიტანა და გაფითრებულმა იტაცა ხელი გულზე, მაჯაზე... ამ დროს მახლობელ ოთახიდან, სადაც ავადმყოფს კრილობას უხვევდნენ, გულის გამგმირავი ღრიალი გაისმა.

„ჰაა, ეს რა იყო? აწამებენ?“ — ცახცახით წამოიძახა თავზარდაცემულმა თედომ და თოფნაკრავივით წატორტმანდასაზარელი ექვი აღეძრა; მას ახლა ათასი საშინელება წარმო-

ულგა. სად მოხვდა იგი?... იქნება ეს სულ სხვა დაწესებულებაა?... მას გონება ერყვა; ვინ იცის, იქნება სულ სხვა განზრახვით მიიღეს იგი აქ...

ამასობაში მოსამსახურენიც დაბრუნდნენ. თედო მათთან მიიქრა; სახეზე შეუღრქველი გადაწყვეტილება ეხატებოდა.

— მომეცით ტანისამოსი! მე უნდა წავიდე აქედან...

ვასილმა თვალეები შეანათა თედოს და გაკვირვებით ჰკითხა:

— სად უნდა წახვიდე?

— სახლში!.. ჩქარა მომიტანეთ!..— ცხარობდა თედო.

— ჭკუაზე მოდი! სადაურს ლაპარაკობ?... — ბლევრით შეუტია მსახურმა.

— რა ნება გაქვთ!.. სულ ერთია, მე მაინც წავალ...

— დღეს მიგიღეს და დღესვე მიდიხარ?... მერე ვინ გაგიშვებს? ეხლა ხომ ზედამხედველი აქ არ არის; წიგნიდან უნდა ამოგწერონ, ისე არ შეიძლება; ხვალ შუადღისას... — ჩაერია მეორე მსახური.

— წასვლა ჩემი ნებაა, თქვენ არ შეგიძლიათ დამაკავოთ! — წამოიძახა თედომ და კარებისკენ გაემართა.

— სად მიდიხარ? — დაიღრიალა ვასილმა და გზა შეუქრა. დაუძახეს ფერშალს. მორიგე ექიმსაც შეატყობინეს.

— თქვენ რას სჩალიხბართ? რა გემართებათ? — შეეკითხა ექიმი თედოს, — ამ დროს წასვლა ვის გაუგონია?

— აქ ვერ დავრჩები...

— რატომ? აქ ბევრი კარგი საქმე კეთდება... მორჩენა არ გინდათ?

— მე ავად არ ვარ... კარგად ვარ...

— მაშ აქ რალად მოდიოდით?

— შეცდომით მოხვდი... გაუკვებრობით... ჩემთვის საჭირო არ არის...

— თქვენ ავად ხართ, აშკარად გეტყობათ ეს... თქვენ ვერ გრძნობთ...

— მე უკეთ ვიცი ჩემი თავის ამბავი...

— როგორც გნებავთ!.. ყოველს შემთხვევაში ამაღამ ვერ

წახვალთ; ამისთვის განსაზღვრული დროა დანიშნული; ხვალ, დღის 11 საათზე, თუ მაინცა-და-მაინც ახირდებით... ეხლა კი-გორჩევთ დაწვეთ, დაიძინოთ.

— არ შემძლია მოცდა... ეხლავე უნდა წავიდე... აღარაფერი მტკივა... თუ კი არ მინდა დარჩენა, ნება არა გაქვთ ძალად დამაკავოთ... — გაიძახოდა აღშფოთებული თედო.

— მე თქვენ გთხოვთ, დამშვიდდეთ! უნდა დაემორჩილოთ არსებულს წესებს... წინააღმდეგ შემთხვევაში იძულებული ვიქნებით, სხვა ზომები ვიზმაროთ... — აიძოლა ხმა ექიმმა. მან რალაც გადაულაპარაკა ფერშალს, მოსამსახურეები დაარიგა და წავიდა.

უზომო მღელვარებამ შეიპყრო თედო. არ უშვებენ... სჩანს ამასაც უპირებენ...


— რა გინდათ, გამიშვით!.. — დაიღრიალა მან და გაშმაგებით ეძგერა კარს, მაგრამ დაიჭირეს. შუალაზე გახდა. თედო არ სცხრება; სცადეს მისი დაწვენა, იქნება დამშვიდდეს, დაიძინოსო.

ძლივს წააქციეს კრაოტზე. ახლა მთლად გამწარდა, არ ნებდებოდა, განწირულებით იბრძოდა. მოსამსახურეებმა მოთმინება დაჰკარგეს. გაბრაზებული ვასილი გამხეცებით აწვებოდა თედოს მუხლებით, ტანს უსრესდა, ხელებს უჭერდა; იგი თითქოს შურს იძიებდა დღევანდელ საღამოს ჩამწარებისთვის... ბოლოს მაინც აუცალებელი შეიქნა ავადმყოფის ცალკე ოთახში მოთავსება. როდესაც თედო წასაყვანად ასწიეს, გულგახეთქილმა შემზარავი ხმით დაიბღავლა: „ვაიმე!.. მიშველეთ!.. დედაავ!..“ ახლა აღარავითარი ეჭვი არ ჰქონდა, რომ იგი სწორედ იქ მიჰყავდათ, საიდანაც ხმა შემოესმა. „ეს არის, თავიდან მიშორებენ!“ — გადასწყვიტა მან და უკანასკნელი ძალა მოიკრიფა, გაბრძოლება დააპირა, ჰკაწრაფდა მოსამსახურეებს, იკბინებოდა. იგი შეიტანეს ერთს მივარდნილს ოთახში და კრაოტზე დააკრეს.

„მკლავენ!.. მკრიან!.. გული უნდა წაიღონ!.. ნუ... ვაი!.. უუუ... ვააა!..“ — უკვე უაზროდ ღრიალებდა გონება შერყეული თედო.

კაღევ კარგა ხანს ისპოდა ავადმყოფის კივილი, გპინვა
და გულის მომწყვლელი სრიალი.

გათენებისას იმ ოთახიდან კრაოტით გამოიტანეს ზეწარ-
გადაფარებული გეაში...



თ ი ნ ა

I

მოზღნილი, სიცოცხლით საესე ~~თინა~~ ლარიბი ოჯახის შვილი იყო. მოსიყვარულე ძმობლები მზრუნველობას არ აკლებდნენ მას. თუმცა სულ მცირე შემოსავალი ჰქონდათ, მაგრამ საქმე გაიჭირვეს და, როგორც იყო, შვილს სწავლა მიაღებინეს. თინა თვალსაჩინო ქალი შეიქნა, თავის ტოლ-აზნაგებში იგი ყველაზე მალა იდგა განვითარებით და საღი გრძნობებით.

თინა იმედით შეჰყურებდა მომავალს... მართალია, ამ საგანზე ახალგაზრდა ქალს გარკვეული წარმოდგენა არა ჰქონდა. ჰაერამ, მისი შეხედულებით, ბურუსში გაბვეულს შერმისს მინც მიმზიდველი ელფერი ედებოდა...

თინას ცხოვრებაში ახალი ხანა დადგა: იგი ~~გათხოვდა~~. მისი ქმარი ილია თუნცხალაძე თავის წრეში დაწინაურებულ კაცთ ითვლებოდა. რასაკვირველია, იგი საშუალებას არ ზოგავდა, რომ ოჯახი შესაფერად მოეწყო. აბა რა ვიცი, რას არ მოიგონებს ბედისაგან გალალეებული ადამიანი. რომ განცხრომაში გაატაროს თავისი დღენი...

ყმაწვილი ქალის ბედს ბევრი შუროთ უყურებდა: ძვირფასი, განათლებული ცხოვრება აქესო, ამბობდნენ. თინას გრძნობა კი ამ დროს გამოურკვეველი იყო; ჯერ კიდევ საესებით ვერ გაეთვალისწინებინა მას აწყყო, ვერ წარმოედგინა ნათლად მომავალი. იგი სრულიად გამოუცდელი იყო ცხოვრებაში, ანგარიშ მიუცემლად ემორჩილებოდა მის მიმდინარეობას.

ქვეყნის აზრით ილია საბავალითო ქმარია; იგი დიდის მზრუნველობით ეპყრობა ცოლს; ამას ვერ უარჰყოფს თინა.

მან უნდა დაათასოს ეს, ვალდებულია ასე მოიქცეს... რაღა თქმა უნდა, იგი საკუთარი გრძნობით ხელმძღვანელობდა, როდესაც თავისი მომავალი ილიას ბედს დაუკავშირა და დღეს ხომ უფრო უნდა გააღვივოს და გააძლიეროს ეს წმინდა გრძნობა. მან უთუოდ ბედნიერად უნდა დაისახოს თავისი თავი; იღუმალი ხმა ჩასჩურჩულებს ასე მოიქცეს, რადგან წინააღმდეგის წარმოდგენა დამღუპველი იქნება მისთვის: ცხოვრებამ უკვე ჩაითრია თინა; ახლა უკან დახევა შეუძლებელია... უფერული, უმინააქსო ცხოვრება კი ზღაპრით მიდიოდა, სინამდვილე ნელ-ნელა იჩქევოდა, იგი თან და თან უფრო მოსაწყენი და თავ-მომაბებნობელი ხდებოდა...

აგერ, ახალგაზრდა ქალის გულს რაღაც უცნობი სევდა ეპარება შეუქმნევლად, ქურდულად: გაურკვეველი შიში აშფოთებს მას... ნუთუ ახალგაზრდობის იმედები მხოლოდ უნი-ადაგო ოცნება იყო და ეხლა ყველაფერი ეს გაქრა, როგორც სიზმარი ტყბილი, სამუდამოდ დაიპარა?.. თავგამოდებით ცდარობს თინა არ მიიკაროს ახლო ეს ქაზე გრძნობა; უნდა დაიჯეროს, რომ მის კეჭო ცხოვრებაში ყველაფერი რიგიანი და მოსაწონია...

მაგრამ ამ დროს თინას ცხოვრებაში თავი იჩინა ერთმა გარემოებამ, რომელმაც ძლიერი გავლენა იქონია ახალგაზრდა ქალის სულიერ განწყობილებაზე. თინამ სცადა თავისი ძალა სამწერლო ასპარეზზე; ცდამ კარგი ნაყოფი მოიტანა: თინას ნიჭი თვალსაჩინო გამოდგა.. ამ გარემოებამ მეტად გაამხნევა იგი. თინა ამალღდა საკუთარს თვალში. ახალგაზრდა ქალში გაიღვივა ადამიანმა. ცხოვრებას ახლა სულ სხვა აზრი მიეცა... ამ მხრივ სიცოცხლე მეტად მიწიიდველი შეიქნა დღეს თინასთვის, მომავალი იმედებით სავსე... დღეს მის თვალწინ იშლებოდა სულ სხვანაირი, უცხო სურათი, მშვენიერი, დიდებული მისწინა გაკისკრუნებული ცხოვრება, რომელშიაც იყო რაღაც თავისებური, აშკარად ბედნიერება...

ფიქვა გაიტაცა თინა. ტყბილი ოცნებათა გროვაში იგი, ნეტარებას ეძლეოდა, როდესაც ქუჩაში გასასვლელს კარებ-

თან გაჩერდა ეტლი, რომელშიაც ლაზათიანი შეხედულობის კაცი იჯდა; თითქო იმ წუთში გაითვალისწინა თავისი უზრუნველყოფილი მდგომარეობაო, ამაყად გახედა მან ქუჩას, სწრაფად გადმოხტა ძირს და, უცნაურად გადაზნექილი მთელის ტანით, წინ კარებისკენ გაჰქანდა.

თინამ კინალამ შეჰკივლა, როდესაც მის ოთახში მოულოდნელად ილია გაჩნდა. იმ წუთში ახალგაზრდა ქალმა თითქო მძულვარებაც იგრძნო იმ კაცისადმი, რომელსაც „უფლება“ ჰქონდა თუნდა ყოველს წუთს ასე მოუზრიდებლად დაერღვია მისი მყუდროება... ილია კმაყოფილებით ილიმებოდა. „მთელი სიცოცხლე უნდა შემომწირო, ამისთანა ცხოვრებებში რომ მყევხარ“, ამოიკითხა ქალმა ილიას განიერ, გაღაქმებულ სახეზე. რაღაცამ თინას მწვავედ უჩხელიტა გულში. უეცრად მას უცნაური ფიქრი მოუვიდა: მან წარმოიდგინა ის, თუ რა ცვლილებას მოახდენდა ილიას გარეგნობაში სიკვდილი: „სახე დაუფიწროვდება, ცხვირის ბოლო გაუთხელდება, თვალები...“ გაუელეა ქალს, მაგრამ მალე უსიამოვნო მღელვარება დაეტყო, თითქო რაღაც შიში იგრძნო და აჩქარებით პირი გვერდზე მიიბრუნა.

— თინოჩკა, თინა!—მიიქრა ცოლთან ილია, — რა ვქნა, რა დაგვმართა დღეს? უქეიფოდ ხომ არ ხარ, გენაცვალე?—

— სულაც არა!—ძალდატანებით წარმოსთქვა თინამ და ოღნავ წამოწითლდა.

— საწყენი ხომ არაფერი გაიგე? მაშ რა ამბავია, რა მოხდა?...

— არაფერი!

— კარგი ერთი, თუ გიყვარდე! ნუ ხარ მოწყენილი, არ მესიამოვნება... რა გვაქს დასალონებელი, ჩემო ძვირფასო!.. — თავმოწონებით დაიწყო ილიამ, — ოღონდ ჯანმრთელად ვიყოთ, თორემ სხვა ვერაფერი შეგვაწუხებს. მუდამ იმ სიმაღლეზე ვიდგებით ცხოვრებაში, რომ თავისუფლად შეგვიძლია დავსტკბეთ სიცოცხლით... მართლა, დღეს ნიმუშებს მოიტანენ მალაზიიდან, ხვალ მოდისტკა დაიბარე, თუ გინდა... უნდა

ნახო, თინკა, რა ორაგული გამოვეზავენე!.. „მუდამ ამისთანას გაახლებთ, ბატონოვო,“ მითხრა მალაზიის პატრონმა. ყველა ძალიან მორიდებულნი ჩემთან... აბა, ენახოთ როგორი სადილი გვაქვს დღეს!.. ხობხები ხომ გააკეთა? — მადიანად წამოიძახა ილიამ, ხელი მოხვია თინას და სამზარეულოსკენ გაიტაცა.

— ახალი საზრუნავი რომ გაგვიჩნდება, გენაცვალე, მაშინ ველარ მოიცლი მოსაწყენად, — სიცილით დაუმატა ილიამ, როდესაც ოთახში შემობრუნდნენ.

თინა გაკვირვებით შეხვდა ქმარს.

— შეილი რომ შეგვეძინება... მოვლით, რასაკვირველია, ძიძა შოუელის, მაგრამ მაინც თვალწინ გეყოლება... წარმოიდგინე, თინკა, რომ ეხლა კალთაში გიზის ფუნჩულა ბავში... პაწია ხელს გულზე გიცაცუნებს, ფეხებს იქნევს, სასიამოვნოდ ტიტინებს... ხომ კარგი იქნება, გენაცვალე? ჰაა? ჰა, ჰა! — გადიხარხარა ილიამ. — მართლა, არათერს ატყობ, ჩემო სულიკო? — მზიარულად გადუქრა სიტყვა და მოეხვია ცოლს. თინამ თავი გაინთავისუფლა, წყნარად წამოდგა და მეორე ოთახში გავიდა.

ილიას საზოგადოდ ბედი სწყალობდა, ცხოვრებაში მას წარმატება არ აკლდა. ილია კმაყოფილი იყო თავისი მდგომარეობით და, რალა თქმა უნდა, თავიც მოსწონდა... „არ შეიძლება, ხელი შემეშალოს სადმე: ყოველთვის, თითქო განგებ, ისე მოეწყობა ყველაფერი, როგორც მე მსურს. ხშირად სულაც არ ვზრუნავ, არ ფიქრობ საქმეზე, მაგრამ გარემოება ისე მოიტანს, რომ თავის თავად კეთდება...“ კმაყოფილებით ამბობდა ილია.

მაგრამ მას უნდოდა, ფართო საზოგადოებაშიაც ჰქონოდა გავლენა და პატივისცემა და ამიტომ ხანდახან საზოგადო საქმეებშიაც ერეოდა. სხვადასხვა საზოგადოებათა კრებაზე იგი ხშირად პირველ რიგში მოექცეოდა და ბევრსაც ხმაურობდა... ეს ის დრო იყო, როდესაც აბოზოქრებული ცხოვრება ისევე ძველ კალაპოტში იქედებოდა. ცხოვრების ნორჩი ყვაილები

სკვნებოდა... მაგრამ ჯერ კიდევ ნათლად გარკვეული არ იყო ზოგიერთებისთვის არსებული მდგომარეობა, იმდენად ძლიერი იყო განვლილი ამბების შთაბეჭდილება... საზოგადოების ის ნაწილი, რომელიც ხალხის თვითმოქმედების დროს მთლად გარიყულად გრძნობდა თავს, ესლა, გუშინდელი გრიგალის მიწყნარების შემდეგ, გაუბედავად რალაც ფაცა-ფუცს შესდგომოდა; თითქო ამით ცდილობდა, ცოტა რამ მაინც მოეგო ქვეყნის თვალში და თავისი სულისკვეთება გაენაღდებინა... არსდება საზოგადოებანი თუ კაეშირები, ინიშნება კრებები, რომლებზედაც იმართება მეტად მწვავე კამათი, შეხლა-შემოხლა, ერთი აურ-ზაური, მაგრამ ყველა ეს ხმაურობა სრულიად უნაყოფო გამოდის და ასეთის ამბით დაარსებული საზოგადოებანი გაჩენის უმაღვე ჰქრებიან.

II.

ერთს სალამოს სოფრომ კუდამელიძისას თავს იყრიდა საზოგადოება. კარგა მოზრდილი დარბაზი საკმაოდ მოცოცხლებული იყო, როდესაც ფუნცხალაძენი მოვიდნენ. ჩვეულებისამებრ მისალმების შემდეგ ილიამ დანარჯა რამდენიმე სიტყვა მასპინძლების სასიამოვნოდ, რითაც ერთბაშად მოიგო დიასახლისის კეთილი გული.

— მაპატიეთ, რომ ასე გიახელით, — ხუმრობით დაიწყო ილიამ, — ფრაკს შერე გაახლებთ!..

— მობრძანდით, მობრძანდით!.. გეჯერა... — ღიმილით შენიშნა ნასიამოვნებმა დიასახლისმა.

— რასაკვირველია!.. — დაეთანხმა სოფრომიც.

ამასობაში ილიამ ბელი ჩამოართვა სტუმრებს და ოდნავ მოკუტრული თვალი დარბაზს მოავლო; ერთს კუთხეში მან შენიშნა ყმაწვილი კაცი, რომლის დანახვა ილიას როგორღაც არ ესიამოვნა; იმავე დროს თითქო ნაცნობადაც ეჩვენა ამ კაცის სახე, თუმცა სრულიად ვერ მოეგონებინა, სად ენახა იგი, ან რა იყო უსიამოვნების მიზეზი.

— ბ. გაბილაშვილი! — გააცნო იგი მასპინძელმა ახალ

მოსულებს. მაგრამ ამ გვარის გაგონებამაც ვერაფერი გაურკვია ილიას.

— ძალიან სასიამოვნოა! — უგემურად ჩაილაპარაკა მან, ხელი გაუწოდა უცნობს, მედიდურად ახედ-დახედა და ნაცნობ-მეგობრებს შეუერთდა.

ბიქტორ გაბილაშვილი თინას წინადაც ენახა. მისი წარმოდგენით ეს ახალგაზრდა იდეალებით გატაცებული, უანგარო ადამიანი იყო, რომელსაც სულ არ ახსოვდა პირადი კეთილდღეობა. მას შემდეგ, რაც თინამ ცხოვრებით უკმაყოფილება იგრძნო, ამ კაცის სახელი თითქო სინიდისის მამხილებელი შეიქნა მისთვის. ეხლაც, გაბილაშვილის დანახვაზე, თინა შეკრთა, რაღაც უხერხულობა იგრძნო, თითქო თავისი მდგომარეობისა შერცხვა.

ბიქტორი აღფრთოვანებით იყურებოდა წინ; უკეთესი მომავლისაკენ. მას უზომოდ აღელვებდა ყველაფერი, რაც ცხოვრების წინმსვლელობას, სასურველი დროის მოახლოვებას აფერხებდა.

გაბილაშვილი დიდად აფასებდა თინას, როგორც მწერალს. მაგრამ სწყინდა, რომ ეს ქალი მეუღლე იყო ილია ფუნცხალაძისა, რომელსაც ბიქტორი ხშირად ხედავდა საზოგადო კრებებზე და პატივს არ სცემდა; მისი შეხედულებით ეს კაცი ძლიერ კარგად გრძნობდა თავს არსებულს პირობებში და ამიტომ სჩაგდა ყველაფერი, რაც ცხოვრების განახლებისკენ იყო მიმართული; თავის პირად მისწრაფებას იგი ხშირად იდეიურ სამოსელში ახვევდა, რიდაც შეცდომაში შეჰყავდა ზოგიერთები...

თინა დარბაზის მეორე მხარეზე მოექცა; იგი ვერ იყო გუნებაზე, თითქმის თავისი სურვილის წინააღმდეგ მოხვდა იგი დღეს კუდამელიძისას. ილიას სწამდა, რომ მას ძალა და გავლენა ჰქონდა საზოგადოებაში და ამიტომ შემთხვევას არ კარგავდა, დაენახებინა ცოლისთვის თავისი ძლიერ-მოსილება. აქ პატარა უსიამოვნებაც ელოდა თინას: სტუმრების ის ჯგუფი, სადაც თინა იჯდა, განცალკევებით მასლათობდა. აღ-

ბად სიტყვამ მოიტანა. და ერთმა დამსწრეთაგანმა, წკიპურ-ტანიძემ, ქება-დიდებით მოიხსენია ერთი ადგილობრივი დაწესებულება, რომელსაც თითქმის მსოფლიო მნიშვნელობა მიაწერა... „ძალიან სამწუხაროა. რომ იქ ისე ცოტაა ჩვენი ქართველობა... სულ ორი კაცი ვართ... მეტად საჭირო იყო ქვეყნისთვის...“ შემდეგ მობაასე მოხელეთა ნიეთიერ მდგომარეობასაც შეეხო და ახირებულის ყოყოჩობით დასძინა: „ისეთი ჯამაგირები სხვაგან არსად არის; შედარებაც კი არ შეიძლება!... ავიღოთ თუნდა...“

— ილია პეტროვიჩი რამდენს იღებს?—მოულოდნელად მიუბრუნდა იგი თინას. ქალი იძულებული გახდა ეთქვა ის, რაც ქმრისაგან გაეგონა.

— არა, რას ბძანებთ!.. იქ ნაკლებია ჯამაგირი... მაგდენი თავის დღეში... შეუძლებელია!..—გესლიანად ილიმებოდა მოლაპარაკე.

— აბა, ივან სიმონიჩ! ეინაა შართალი? თქვენ უთუოდ გეცოდინებათ,—მიმართა მან იქვე მდგომ კაცს, ხომ ვგრეა? აკი გითხარით!..—კმაყოფილებით ხითხითებდა გამარჯვებული წკიპურტანიძე.

თითქო ქურდობაში დაიჭირესო. თინა ჭარხალივით გაწითლდა; მან საშინელი უხერხულობა, დამცირება იგრძნო.

— შეიძლება... ისე მეგონა...—დაბნეულად ჩაილაპარაკა მან.

— ჩვენი გამგე გუბერნატორთან...~~ოჯდა...~~ ერთს წამს შეეცაყმანდი: რომელს მიულოცავ პირველად ახალწელიწადს? ორივე ღიმილით შემოგცქერის; ვის მისცემ უპირატესობას?.. ეს კითხვა თვალის დახამხამებაში უნდა გადამეწყვიტა და გადაეწყვიტე კიდევ: ჩვენს გამგესთან მივედი პირველად... არა, ის ძალიან კარგი... ჩინებული განწყობილება მაქვს მასთან... თუმცა ჩემთან ყველანი კარგად არიან მუდამ...—მოისმა რიხიანი ხმა ილიასი.

მისი ჩამჯდარი კისერი ახლა უსიამოვნოდ ეჩხირებოდა თინას თავალში და გული მოსდიოდა იმის გამო, რომ ეს კისერი

უზომოდ მსხვილი იყო; თითქო ეს გარემოება ყოფილიყოს მიზეზი იმ უხერხულობისა, რომელსაც ყმაწვილი ქალი იმ წუთში განიცდიდა...

III

— ბატონებო! დროა საქმეს შეუდგეთ... — უცბად დაიწყო ხმა-შალა მსკოვანმა გაბრიელ დიდგულაძემ, — ეკვი არ არის. ყველას კარგად გვესმის დღევანდელი ვითარება... ამისთანა ვანსაცდელის დროს, როდესაც ასე დავიქსაქსენით შინაობაში და, ზოგიერთების უკუღმართობის წყალობით, ხალხს გზა-კვალი აუუბნით: ჩვენ მიერ განზრახულს საზოგადოებას დღევანდელს პირობებში შეუძლია თვალსაჩინო როლი ითამაშოს... მის მოღვაწეობას დიდი მნიშვნელობა ექნება ჩვენი ქვეყნისთვის... საჭიროა თავიდანვე მკვიდრს ნიადაგზე დავაყენოთ საქმე, აქ უნდა სცემდეს ქართველი ერის მთავარი ძარღვი... უოველს კეთილს საქმეს ჩვენის დაუდევრობით ვლუპავთ. ვეცადოთ, უკუ ვაგდოთ ჩვენი შეუწყნარებელი გულგრილობა საზოგადო საქმისადმი. საჭიროა მეტი მხნეობა, მეტი თავგამოღება.. წესდების პროექტი შემუშავებულია. როგორ გნებავთ; ვიქონიოთ მსჯელობა, თუ...

— დაწვრილებით უნდა გავიცნოთ წესდება. მუხლ-მუხლად განვიხილოთ... — შენიშნა ვილამაც.

— აქ ყველანი ბარათებით არიან დღეს მოწვეულნი? — შეეკითხა ილია დიდგულაძეს.

გამოირკვა, რომ მხოლოდ ზოგიერთებისთვის გაეგზავნათ მისაწვევი ბარათები; კრებაზე ისეთებიც მოსულიყვნენ, ვისი მოწვევაც სულაც არ ყოფილა განზრახული. ეს გარემოება უხერხულობას იწვევდა.

— გადაწყვეტილი იყო... როგორ მოხდა?... — უკმაყოფილოდ გაიძახოდა ილია, — ლაპარაკის უფლება მხოლოდ იმათ უნდა ჰქონდეთ დღეს. ვინც საგანგებოდ არის მოწვეული... — განმარტა მან.

— ეს შემტდარი აზრია: რამდენადაც ნალაპარაკევიდან გამოირკვა, განზრახული საზოგადოება ქვეყნის სამსახურს

ისახავს მიზნად. ქვეყნის სამსახური კი აწავის მონაპოვლ იას
აო შეადგენს. ყველას უნდა მიეცეს საშუალება შეძლებისდა-
გვარად მიიღოს მონაწილეობა საზოგადო საქმეში... სხვა
კითხვაა, თუ აქ კერძო, თქვენს შინაურს საქმეებზე გექნებათ
ლაპარაკი... — ჩაერია გაბილაშვილი.

— ვინც მოისურვებს, შემდეგ შეუძლია ჩაეწეროს წევ-
რად, როდესაც საზოგადოება მოქმედებას დაიწყებს, ეხლა
კი საქმის ინტერესი მოითხოვს და გონიერებაც... — შენიშნა
დიდგულაძემ.

— მე კი მგონია, სწორედ ეს გონიერება მოითხოვს,
რომ ამ თავიდანვე მივიღოთ მონაწილეობა საქმეში, რომე-
ლიც ჩვენ გვინტერესებს. არ მესმის, რატომ არ უნდა მო-
ვიქცეთ ასე?.. კრებამ უნდა განიხილოს საბოლოოდ შემუშა-
ვებული წესდების პროექტი; უამისოდ როგორ უნდა გავი-
თვალისწინოთ, რა მიმართულებას მიიღებს საზოგადოების
მოქმედება... რამ გამოიწვია თქვენი შიში?... — არ ეშვებოდა
გაბილაშვილი.

დიდგულაძე შეყოყმანდა.

— დღეს აქ ჩვენ ვერაფერს გადავწყვეტთ, რადგან ძა-
ლიან ცოტანი ვართ. აქ არ არიან ზოგიერთი ისეთი პირე-
ბი, ვინც ამ საქმეს სათავეში უდგას, ვისაც ღვაწლი მიუძღ-
ვის... უთუოდ უნდა ვისარგებლოდ მათი გამოცდილებით...
ამიტომ აუცილებლად საჭაროა გადავდოთ კრება შემდეგის-
თვის; მაშინ ყველას შევატყობინოთ... — სთქვა ილიამ.

უმრავლესობა ამ აზრს მიემხრო. აქა-იქ გაისმა პრო-
ტესტის ხმა, მაგრამ ვერას გახდნენ. ფუნცხალაძემ თავისი
გაიტანა.

IV

სტუმრებმა წასვლა დააპირეს, მაგრამ მასპინძელმა ყვე-
ლანი ეახშამზე მიიწვია. გაიმართა ნამდვილი ლხინი. ქართვე-
ლურმა პურადობამ ფრთა გაშალა. გაისმა გულიანი ხარხარი,
ოხუნჯობა. მაგრამ ერთმა მოულოდნელმა გარემოებამ შეუ-

ცვალო გუნება სტუმარ-მასპინძელს: ილიამ, რომელიც ჩვეულებრივად თავს ლალად გრძნობდა, ამ საღამოს ერთობ გადააჭარბა; ეტყობოდა, რომ მას ვილაყვები ათვალწუნებული ჰყავდა და მათი გაბიაბრუება უნდოდა.

— ბიჭო! — უცბად დაიძახა მან.

გაჩნდა მოსამსახურე.

— არა... იმას ვეძახი, — სთქვა ილიამ და ბელით ანიშნა მეორეზე. რომელიც უფრო მოშორებით იდგა. ეს უკანასკნელიც მიუახლოვდა მას. — სწორედ შენ გეძახი!.. მომწონს შენი... სახე... — დაიწყო დაცინვით ილიამ, — როგორ არის საქმე?... რით გათავდა თქვენი გაფიცვა? როდის მოაწყობთ კიდევ?... ეს დაძვრებოდა თურმე ჩემს მზარცულთან, — მიუბრუნდა იგი სტუმრებს, — უნდოდა გაებრიყვებინა, მაგრამ იგი უფრო ჰკვირვნი გამოდგა, მგონი...

— თქვენ რა გნებავთ?... რა უფლება გაქვთ, შეურაცხყოფას მიაყენებთ?... — შენიშნა აღელვებულმა მოსამსახურემ, — სამსახურად არ გახლავარ აქ... რაც იყო იგი, ალბათ, საჭირო იყო; ისე მოიტანა გარემოებამ... ახლა რომ იგი დროი იყოს, ვერც ასე დაიწყებდით...

— როგორ ბედავ ასე ლაპარაკს! — მკვახედ ვააწყვეტიანა მსახურს მასპინძელმა.

— ამისთანა კადნიერება!.. მოსამსახურისაგან ასეთი პასუხი!.. რა დრო დადგა!.. — მოისმა უკმაყოფილო ხმა.

— ჩაზეინო! მე... — დააპირა ლაპარაკი მსახურმა, მაგრამ სოფრომმა აღარ დააცალა.

— ჩუმად!.. ხმა ჩაიწყვიტე ეხლავე!.. გაეთრიე აქედან!..

— მე ვიცი, რის ღირსიც ხარ, მაგრამ შენი ბატონის პატივისცემისთვის... — დაუმატა ილიამ.

— ილიკო, კმარა!.. — უცბად წამოიძახა ვაფითრებულმა თინამ აკანკალებულის ხმით.

— რა გემართება, გენაცვალე? — მიუბრუნდა ცოლს ილია. — თავს ხომ არ გავცვლი მაგ...

— რის ღირსი ვარ!.. სინჯეთ... ერთი!.. ბატონები!

მე არ ვიცი ბატონები...—ჩაილაპარაკა გულმოსულმა მოსამსახურემ და გარეთ გავიდა.

— რას მოვესწარით!.. ასეთი ქცევა მოსამსახურის!.. ნახეთ?...—ცხარობდა დიდგულაძის მეუღლე.

— იმას ეხლავე ვაჩვენებ, როგორ უნდა კადნიერება!.. ერთს წუთსაც არ გავაჩერებ ჩემს სახლში!..—სთქვა მასპინძელმა და მეორე ოთახში გავარდა.

— საოცარი გამირობა გამოიჩინეთ თქვენ!.. და გამარჯვებაც ხომ დაგრჩათ!..—შენიშნა ილიას გაბილაშვილმა, რომელსაც სახეზე აღშფოთება ეტყობოდა.

— თქვენთან, მგონი, არაფერი საქმე მაქვს!..—მედიდურად წარმოსთქვა ილიამ, — ან, იქნება, ის...თქვენი „ამსანაგია“ თუ ასეა...

— მაგით ვერაფის დაამცირობთ!.. თქვენი ამხანაგი რომ არ ვარ, ეს კი ცხადია...

— აჰ!.. თუ ღმერთი გწამთ!.. აგვაშორეთ!..—ძალდატანებულის სიცილით წამოიძახა ილიამ.

— ნუ გეფიქრებათ!..

— ყველას აზრი როდია საინტერესო!.. თურმე ვალდებული ვყოფილვარ მოსამსახურე ამხანაგად გაეხადო, მოვისვა გვერდში და სიტყვაც კი ვერ ვაკადრო. — იოხუნჯა ილიამ.

— თქვენგან მოსალოდნელაც არ იყო სხვანაირი ქცევა!.. მაგრამ მე მხოლოდ მაკვირვებს, რომ ეს ხდება იმ ოჯახში. რომელსაც დიდი ხანია პატრუს ვცემდი! ადამიანის სრულიად უმიზნობოდ შეურაცყოფას. მისი პიროვნების გათელვას აქ გულგრილად, თითქმის სიამოვნებით შეხვდნენ; სამაგიეროდ შეურაცყოფილის მეტად თაედაქერილმა პასუხმა ყველას აღშფოთება და რისხვა გამოიწვია...

— ბატონო ბიჭვორ! მერწმუნეთ, ჩვენც ვიცით მოსამსახურის ყაღრი!.. ჩემზე ვერაფერ იტყვის. რომ არ ვბრუნავ მოსამსახურისთვის; ჩვენს ოჯახში ყველა ისე გრძნობს თავს, როგორც საკუთარს სახლში; მაგრამ არ არის რიგი, რო-

დესაც მოსამსახურეს მორიდება ავიწყდება... ყველაფერს თავისი წესი აქვს... მოსამსახურე მოსამსახურეს უნდა გვანდეს!.. — უპასუხა მასპინძელმა.

— დიდს სიკეთეს კი უშვრებით თქვენ მაგათ ასეთის წაქომაგებით! თქვენგან წაქეზებულნი ეს უბედურნი უზომოდ კადნიერობენ; ამას შედეგად ის მოჰყვება ხოლმე, რომ უკეთესს შემთხვევაში ულუკმაპუროდ რჩებიან ქუჩაში... — შენიშნა გაბილაშვილს დიდგულაძემ.

— წარმოიდგინეთ, სათაკილოდ არ მიმაჩნია იმის თქმა, რასაც ჰემპარიტებად ვსთვლი. შესაწყნარებელი არ არის ისეთი ყოფა ადამიანისა, როდესაც მას უნო პირუტყვის როლს აკისრებენ. დღეს ყველა სარგებლობს მუშის გაქირვებით, გროშებით ყიდულობენ მის ძალ-ღონეს, ჯანს, მაგრამ ამას არ კმარობენ: უზომოდ აჰციირებენ მოსამსახურის ადამიანურს პიროვნებას, შეურაცხყოფენ იმის საუკეთესო გრძობებს... არა, პეტად უნუგეშოა ასეთი პდგოპარუობა მოსამსახურისა, მაგრამ მან მაინც უნდა შეინარჩუნოს ადამიანური ღირსების შეგნება, რადგან მხოლოდ ადამიანს შეუძლია იბრძოლოს უკეთესი მომავლისათვის...

— ა, ბატონო!.. ამისთანა ლაპარაკმა აუბნია გზაკვალნი ხალხს!.. რა მოუვიდა ჩვენებურს გულუბრყვილო, პატიოსანს გლეხს? რა არ ჩაადენინეს მას!.. პევრგან ჯერაც ვერ მოვიდოდნენ გონს, რომ ყაზახების მათრახს არ ესწავლებინა ჰკულა!.. — შენიშნა ვილაძე.

— რა უნდათ, რა უნდათ?.. — დაიწყო წუწუნნი ერთმა ხანში შესულმა მანდილოსანმა, როდესაც გლეხები ახსენეს, — რამ დააგიყათ! იმუშავონ კვლავინდებურად, ლამაზადა... შემამულესაც დააკმაყოფილებენ და თითონაც არ გაუწყდებათ ლუკმა...

— რა აკლიათ?.. ნეტევები არიან... — კვერი დაუკრა მეორემ თავის ქნევით.

— ჰოო, გენაცვა...

— ქვეყანა აოხრებულია... აუარებელი ხალხი გაგზავნეს

ცივს ქვეყნებში; ვინ იცის, რამდენი გამოესალმა წუთის სოფელს!.. საშინელი გაკირვებაა ახლა სოფლად...—ჩაუროთო სოფრომმა.

— ჩვენებურ მეტიჩარა არაშადებისაგან მეტსაც უნდა მოველოდეთ! ჯერ სადა ვართ!—აღელვებით დაიწყო გაბრიელ დიდგულაძემ, — მარტო ჩვენში თუ შეხვდებით ამისთანებს! სამწუხაროდ, ქართველები არიან... ეგენი ღუპავენ ქვეყანას! რა გვინდა, საით მივდივართ?.. უფსკრულისაკენ მივექანებით... იქამდის დავცინდით, იქამდის დავეცით, რომ ჩვენი ხელითვე ვითხრით სამარეს... თავიანთი ბრიყვეული ეინს მოსაკლავად შეუწყნარებელს უწესოებას ახდენენ... ესლა უნდათ ჩვენს მტრებს!... ქვეყანა არივ-დარიეს, ხალხი გადაშენების გზაზე დააყენეს... ბატონო, შელახეს, გარყენეს ყველაფერი, რაც ჩვენთვის ძვირფასი და სათაყვანებელი იყო! ასეთი უკულმართი მიმართულება შეკქმნა ჩვენმა ბედშავობამ!.. იმის ნაცვლად, რომ ხელი შეუწყონ ეროვნულს საქმეებს. ამ დუხჭირ მიმართულების უფიცი ადვოკატები ხალხში ღვარძლს სთესენ... ყოველმა სისაძაგლემ ჩვენში უნდა იჩინოს თავი!.. ქვეყნის ინტერესები. უალრესი საჭიროებანი მთელი ქართველი ერისა დაუკმაყოფილებელია და ამ დროს ასეთი წინდაუხედავი მოქმედება... რაღა უნდა იფიქრონ ჩვენზე?.. ან რა გასავალი ექნება ამის შემდეგ ჩვენს კანონიერს თხოვნას?.. ვინღა შეგვხედავს, რაკი ასეთი სახელი დავიმსახურეთ!.. არა, ეს შეუძლებელია!.. ჩვენ მოვალენი ვართ, მოვახსენოთ, სადაც ჯერ არს, რომ აქ ქართველობა, თვით ხალხი არაფერს შუაშია, რომ ეს ორიოდე უფიცის საქმეა!.. მე უკვე გავმართე ამის შესახებ მოლაპარაკება... განზრახვა გვაქვს, შევადგინოთ საპატიო პირთაგან განსაკუთრებული დებუტაქცია, რომელიც წარსდგება...

— ხალხის სახელით ლაპარაკს მოერიდეთ, რადგან შესაძლოა ამან კიდევ მეტი უსიამოვნება მოგაყენოთ!..—შენიშნა გაბილაშვილმა.

გაბრიელის სახეზე აღშფოთება გამოიხატა.

— ჩვენ თუ ხალხის სახელით რასმეს ვიტყვით, ეს საჭირო და სასარგებლოც იქნება მისთვის! ჩვენთვის უცხო არ არის ხალხის ჭეშმარიტი საჭიროებანი და ისიც ვიცით, თუ რა გზით უნდა მოვლა საქმეს, რომ იგი მართლა სასიკეთო დარჩეს ქვეყნისთვის... თავაშვებულ რევგენების თარღაში კი ქვეყანას მუდამ დიდს განსაცდელში აგდებს და სულ მთლად გადაშენებას უქადის!... — გაცხარებით შეუტია მან.

— ერთი ვიკითხოთ, ვინ არიან ეს ახირებული პროტესტანტები, ვინც ხალხის მეთაურობას ჩემულობენ? — დაკინვით იკითხა ილიამ და თვითონვე განაგრძო, — სხვა და სხვა სასწაულებლოდან გამორეკილნი, უმეცარნი, სავეჭო ხალხი... ვისაც ფეხი ვერ მოუკიდნია ცხოვრებაში... აი. ამათ სურთ ყველხურის გადატრიალება და გათანასწოლება... მათ მოატყუეს უფიცი ხალხი, გაავრცელეს ყალბი აზრები, აიყოლიეს და... გადასჩეხეს... წარმოუდგენელ უფიცობა!.. რომელიმე მშვიერი, რომელიც, ესთქვათ, დაიჭირავეთ. რომელსაც ინახავთ, საშუალებას აძლევთ სიმშვილით არ მოკედეს, დღეს ამისთანა ქუჩის რაინდი თქვენ. თავის მხსნელს, ურჩობას გიწვეთ, კადნიერობს. რალაცას გედავებათ... მაწანწალების სურვილია, წაბილწონ და გაათახსირონ ყველაფერი: რაც მათზე მალლა სდგას, წუმბეში ჩაითრიონ... საზოგადოება... მაგრამ ტყუილი ოცნებაა, ვერ შესძლებენ!..

— რასაკვირველია!.. — დაემოწმა ერთი დამსწრეთაგანი.

— რა სათქმელია!.. როგორ უნდა გაითანასწოროს ადამიანმა ვილაცყები... ნაყარ-ნუყარი... როდესაც იცი, გრძნობ, რომ მათზე შეუდარებლად მალლა დგებარ ყველაფრით! — გაწიწმატებით წამოიძახა ელენე დიდგულაძისამ.

— დარწმუნებული ვარ, რომ ისინი, ვისი იმედიც აქვთ, პირველ შემთხვევაზედვე ჩამოეცლებიან მათ, როცა სიმშვილით კუჭი გაუხმებათ, — განაგრძო ისევ ილიამ, — ამისთანა ხალხს ბერი არათფერი უნდა; იგი კმაყოფილიც იქნებოდა თავისი მდგომარეობით, რადგან მეტი მოთხოვნა არა აქვს... აბრყევებენ მათ, მაგრამ უნიადაგო ოცნების აყოლით

საარსებო ლუკმასაც კარგავენ... წარმოუდგენელია ისეთი ცხოვრება. სადაც მთელი საზოგადოება, ყველა მისი წევრი ერთს დარჯაჟში იქნება მოქცეული, სადაც არავისი გარჩევა აღარ იქნება... ეს არასოდეს არ მოხდება! შეუძლებელია!.. ვინც ბრბოზე მალლა სდგას, იმას მოთხოვნილება ცხელ სხვა აქვს... სიცოცხლესაც კი არ ვინდომებდი იმ თქვენს საზოგადოებაში! — განაგრძო ილიამ. — არა! ეს პიროვნების შებორკვაა... მაშინ ხომ ფასი დაეკარგა ნიქს, ჭკუას. ცოდნას! პროგრესიც შეუძლებელი გახდება და კაცობრიობა გადაშენების გზას დაადგება. ეს სისაძაგლეა, ხალხის გარყვანა, მისი გზა-კვალის აბნევაა... მე მესმის იდეური ბრძოლა!.. აქ ჩვენ, რაღა თქმა უნდა, მზადა ვართ... აღვირახსნილ ნაძირალების მოქმედება კი უთუოდ უნდა ამოიფხვრას ძირიანად!..

— იდეური ბრძოლა, ალბად, ის არის, რომელსაც ეწევიან სხვა და სხვა დაწესებულებაში თბილ-თბილი ადგილებისთვის!.. მესმის თქვენი აღშფოთება!.. ცუდი დრო დაგიდგათ: თქვენი მყუდროება შეირყა... ხალხის შეგნება საფრთხეს უმზადებს მხოლოდ პარაზიტების განცხრომას და ტყუილად გვარწმუნებთ, თითქმის ამით კაცობრიობის პროგრესს რაიმე განსაცდელი მოელოდეს! — დაიწყო გაბილა შეილმა, — პირიქით, საზოგადოებრივი ცხოვრება მხოლოდ მაშინ მოეწყობა ნორმალურად, როდესაც ბოლო მოეღება ამდენს სიყალბეს, სიცრუეს, გარყვნილებას და ადამიანისაგან ადამიანის დამონებას! ნიქიც მაშინ მიიღებს შესაფერის მიწართულებას და უმწვერვალესად განვითარდება; ღირსეულად პატივცემული, უკვდავების შარავანდედით შემოსილი. იგი მოკაშკაშე ვარსკლავივით იბრწყინებს საზოგადოების საკეთილდღეოდ... ადამიანის გრძნობისთვის მხოლოდ მაშინ გახდება მისაწლოში ქეშმარიტი მშვენიერება... ეგონსტური ანგარიშები და „გამორჩენის“ სურვილი ადგილს დაუთმობს სულ სხვა გულისთქმას... ეს, რასაკვირველია, გაუგებარია იმათთვის, ვინც მოხერხებულად ბოიკალტთა ცხოვრებაში...

— გვაბატით, რომ მაწანწალები არა ვართ!.. — მედიდურად წარმოსთქვა ილიამ და პირი მიიბრუნა, თითქო გაბილაშიღოს სულაც არ ელაპარაკებო.

— იჲ! საუცხოვოა!.. — უცბად წამოიძახა მან. როდესაც თვალი შეასწრო სტოლზე ხილით სავსე ვაზას, აიღო ხელში მწვენიერი ატამი და, ცოტა ხნის სიჩუმის შემდეგ, დაუმატა. — მე მგონია; ამისთანა ხილი მუშისთვის შეტია. მას პირდაპირ რყენის მგაგინც წინააღმდეგს ამტკიცებს. ტყუილი ახირებაა!.. ყველას თავის შესაფერი მოთხოვნილება...

— უთუოდ ამასაც კაცობრიობის პროგრესი მოითხოვს!.. საბრალო კაცი! მუდამ იმის ფიქრშია. რომ გემრიელს ლუკმაში არაუინ ჩაეზიაროს! აი, სადამდის მიდის მადა-გახსნილი ნაგებატონების გულახდილობა!.. თქვენი სულის კვეთება ცხადია... — შენიშნა გაბილაშიღმა.

— ჩვენს სულისკვეთებას თავი დაანებებ, თუ შეიძლება!.. რა თქვენი საქმეა!.. — წამოიძახა ილიამ და მის ხმაში სიბრანე მოისმა.

— თქვენი პიროვნება, რასაკვირველია, საინტერესო არ არის, მაგრამ, როდესაც ასე უცბად გამოიხატა და უწაწკურ სიტყვებით შეურაცხყოფთ ხალხს, მის წმინდა მისწრაფებას, უტიფრად დასცინით მის გაჭირვებას, მაშინ არ შეიძლება არ შემოვძახოთ: კმარა! მოწიწებით ილაპარაკეთ მშრომელს ხალხზე, რომლის ზურგზედაც თქვენ და თქვენისთანები სუქდებით!.. ამის შემდეგ თქვენ კიდევ შეგწევთ გამბედაობა, თქვენი თავი კვეყნის ჰირისუფლად გამოაცხადოთ!..

— რა თავხედობაა!.. არ მსურს თქვენთან ლაპარაკი!.. გესმით?.. ჩორტ ზნაეტ, ჩუო ტაკოე!.. — იფეთქა ილიამ, — ახლა, მოაგონდა მას, რომ მისი მოპირდაპირე სწორედ ის ყმაწვილი იყო, რომელმაც მას სასტიკი პასუხი გასცა ოდესღაც ერთ კრებაზე.

— თქვენ, იქნება, ბევრი რამ არ გასურდით, მაგრამ, უკარ გაგივათ დღეს!.. ყუიით გამოგათოვვენ სინათლებზე, რომ თქვენი ნამდილი სახე ცხადი გახდეს ყველასათვის! — აღელქვით უპასუხა გაბილაშიღმა.

ამ სიტყვებმა აღაშფოთა ზოგიერთები.

— ყმაწვილო, ასე არ იქნება!.. — შენიშნა დიდგულაძემ გაბილაშვილს.

— რა დროს მოვესწარიტ. გეთაყვა! სად გაგონილა ასეთი უწესობა!.. ყველაფერი ხომ არ გასწორებულა... არავითარი მორიდება!.. — ჩაილაპარაკა ერთმა მანდილოსანმა.

ილია ქარხალივით გაწითლდა, სიბრაზისაგან აირია და ველარაფერი სთქვა. მალე სტუმრები დაიშალნენ და ფუნცხალაძენიც შინისკენ წავიდნენ.

V

ამ საღამომ ძლიერ ცუდად იმოქმედა თინაზე. ახალგაზღვა ქალი-სწუხდა: მისი თავმოყვარეობა შელახული იყო: დღეს ილიამ ძალიან ცუდი შთაბეჭდილება მოახდინა... უწესოდ იქცეოდა... საბაბი მისცა მოპირდაპირეს და ამანაც ისარგებლა... ბოლოს იძულებული გახადეს, გაჩუმებულიყო. ამ გარემოებამ მეტად დაამცირა ილია; იმ წუთში იგი სრული არარაობა იყო, უმწეო პირუტყვი, თითქმის ლეში, რომელსაც ენა ჩავარდნოდა მუცელში... თინა დარწმუნებული იყო, რომ დამსწრენი-სწორედ ამ აზრისა იქნებოდნენ ილიაზე და ამის გამო ახალგაზდა ქალი სირცხვილით იწოდა...

იმ საღამოს მან რამდენჯერმე დააპირა ლაპარაკი, მაგრამ როგორღაც ვერ მოახერხა. მასში რაღაც ბრძოლა სწარმოებდა. გაუბედაობა ეტყობოდა. შემდეგ, როდესაც ყველაფერი გათავდა, თინას ძლიერ სწყინდა, რომ მონაწილეობა არ მიიღო ლაპარაკში და ვერ გამოსთქვა თავისი აზრი და შეხედულება საკამათო საგნის შესახებ... იგი ახლა დარწმუნებული იყო, რომ ამით რამდენიმედ მაინც აიცილებდა იმ დამცირებას, რომელიც ილიას ქცევამ მიაყენა...

დიდად აღელვებულია თინა ილიას საქციელით, მაგრამ მის გაბიაბრუებას იგი მთლად მაინც ვერ ურიგდება როგორღაც... ქვეყნისთვის ცუდი აღბად ილიასაც არ უნდა. მისი ქცევა, რასაკვირველია, დასაგმობია, მაგრამ შესაძლოა ყველაფერი ეს გაუგებრობის შედეგი იყოს... თინას ჯერ კი-

დევ სჯერა, რომ ილია შეიცვლის შეხედულებას და გულით მიეჭრობა იმ მიმართულებას, რომელიც მას მზუსტობებს პატივიცემას და ნდობას. ასე ფიქრობდა თინა და ცდილობდა ამ შპრივ გავლენა მოეხდინა ილიაზე, დაემტკიცებინა მისი შეხედულების უმართებულება, მაგრამ ასეთი ცდა ყოველთვის უნაყოფოდ რჩებოდა: ამისთანა შემთხვევაში ილია აზრობდა, რომ მას ~~მაინებლად~~ ~~მიაჩნია~~ „სანტიმენტალური“ გრძნობა და „უნიადავლობა...“

ახალ საქმეს თინა თავდავიწყებით ეძლეოდა: ბევრს შეცადინებოდა განმარტოებით. ამისთანა წუთებში იგი სინამდვილიდან შორს, ძლიერ შორს იმყოფებოდა, იმ განსაკუთრებულს, უცხო სამეფოში, რომელიც მის ფანტაზიას შეექმნა. მაშინ მას ქვეყანა სულ სხვა სახით ეჩვენებოდა; მას უნდოდა, ადამიანი უმანკო არსებად წარქოედგინა, რომ მის მოქმედებაში რაიმე ბოროტი განზრახვა, სიყალბე და ძალმომრეობა არ დაენახა.

„რატომ ასე გულგრილად უყურებს ქვეყანა ადამიანის ტანჯვას, რატომ ყველა არ იზიარებს უბედურებაში ჩაყარდნილის მწუხარებას?“ — გულის ტკივილით ეკითხებოდა თავის თავს თინა: მას სჯეროდა, რომ მხოლოდ ერთმანეთის გაუგებრობა და აქედან წარმომდგარი უსიამოვნება იყო მიზეზი ყოველგვარ უბედურებისა ადამიანთა შორის. მისი წარმოდგენით, შესაძლებელია ცხოვრების გარდაქმნა, ქვეყნად სამართლიანობის დამყარება; ამისთვის საჭიროა მხოლოდ იმ კეთილი გრძნობის განვითარება, რომლის ნასახი თვითვე ულს ადამიანში შროპობა და რომელიც აკეთილშობილებს მას და მიმზიდველობას აქლევს ცხოვრებას.

თინა ფიქრობს, რომ იგი შეძლებისამებრ ემსახურება ამ დღიად საქმეს, ხელს უწყობს ხალხში ამ გრძნობის გაღვიძებას. სალიტერატურო მოღვაწეობა მას ამხნევებდა; ამით ბედნიერი იყო იგი და ამისთანა წუთებში ხანდახან მას უნდოდა ქმრისთვისაც გაეზიარებინა თავისი გრძნობა; ექვი არ ჰქონდა, რომ მისი საქმე ილიასთვისაც სასიამოვნო და სასიხარულო

იქმნებოდა: — გაიგებს, იგრძნობს... — გულწრფელად ფიქრობდა თინა. სრულიად დარწმუნებული, რომ მისი მეოხებით ილია შესძლებდა ამაღლებას, უფრო მაღალ მისწრაფებათა შეთვისებას, აღფრთოვანებით უკითხავდა ქმარს თავის ახალს ნაწარმოებს და გატაცებით უხსნიდა მომავლის გეგმას. მაგრამ ამისთანა შემთხვევაში ილია ისე იქერდა თავს, რომ ნათლად ეგრძნობებინა ცოლისათვის: არ იფიქრო, მაგას ვაფასებდე: ღირსეული კაცი მე ვარ, რომ ასე მოვაწყე ჩემი ცხოვრება. და შენი ბედნიერებაც სწორედ ის არის. რომ მონაწილე ხარ ამ ცხოვრებისაო...

ამ გარემოებამ ისე იმოქმედა თინაზე, რომ იგი თითქმის მთლად ჩამოშორდა ქმარს, ერიდებოდა მას, როგორც უცხოს და განცალკევებით კიდევ მეტი გატაცებით განაგრძობდა მუშაობას.

VI

ამბობდნენ, ილიას უყვარდა თინაო; მე კი ვიტყვი, რომ ეს შეტად ახირებული — ~~სიყვარული იყო~~. ილია ცდილობდა. თავისი ~~თჯანური~~ ბედნიერება მკვიდრს ნიადაგზე დაემყარებინა. ამისთვის მას საჭიროდ მიაჩნდა, რომ თინა ხარბად, მთელი არსებით დასწაფებოდა იმ სიტკბოებას, რომლის დაუმრეტელს წყობას, ამ კაცის აზრით, მის მიერ შექმნილი ოჯახური კეთილდღეობა წარმოადგენდა. იგი ბეჯითად არიღებდა ცოლს ყველაფერს, რაც მას სხვა ინტერესს აღუძრავდა და, ასე თუ ისე, ამ კეთილდღეობის შიმშილდევლობას შეასუსტებდა. ვერც იმ აზრს ურიდებოდა ილია, რომ მისი ცოლი მასზე მაღლა მდგარიყო საზოგადოების თვალში... თინას სამწერლო ასპარეზზე გამოსვლამ უსიამოვნო ფიქრები აუშალა მის ქმარს. თუმცა ილიას შეურყვევლად სწამდა თავისი თავის ძლევა-მოსილება. იგი მაინც შეშფოთდა როგორღაც... მას უცნაურად ეჭვი აღეძრა მომავალზე...

— თინიკო, კიდევ? თუ გიყვარდე, მოიშალე ეს... სადაურია!.. თითქო მგლოვიარეთ იყო, ისე ხარ დაღვრემილი...

არ შესიამოვნება, არა, არა...—ხუმრობის კილოთი უსაყვედურა ერთხელ ილიამ ცოლს.

— გააქირე საქმე!..—ცივად უპასუხა თინამ.

— ოჰოო!.. გაჯაგრდა კიდეც!.. აბა, დავიწყით ახლა ბუტიამობა; მიზეზი არა გვაქვს თუ! ხუმბრობა ხომ არ არის: დიდს გაქირვებას ვითმენთ..

— თავი დამანებე, თუ ღმერთი გწამს! — უსიამოვნოდ შენიშნა თინამ, — მომაბეზრებელია...

— კარგი, თინიკო, ნუ ცხარობ!.. ნუთუ მართლა არ შეიძლება ჩემს ოჯახში კმაყოფილებას ვგრძნობდე!.. ეს მთლად შენზეა დამოკიდებული, გენაცვალე... ჩვენ ყველაფერი ხელს გვიწყობს, რომ დაესტკმეთ სიცოცხლით... არაფერს მოვიკლებ ~~ცხოვრებაში~~, იმდენი შემოძლია... ქვეყანა შემოგვნატრის... შენ კი... შენც უნდა აფასებდე, ჩემო კარგო... ამ შეცადინებამ ლამის მთლად შეგიცვალოს ხასიათი... რასაკვირველია, ასეთი უმანკო ვარჯიშობა დასაძრახი არ არის: ვინ ამბობს, ხან და ხან, თავის შესაქცევად... სხვა მნიშვნელობას კი ნუ მივცემთ, — ღიმილით დაუმატა ილიამ, — ამით ქვეყანა არ აშენდება... მაგრამ გადაქარბება არ ვარგა... უნდა ერიდო ყველაფერს, რაც დაგაბრკოლებს შენი პირდაპირი მოვალეობის შესრულებაში. ყოველი გარეშე საქმე იმდენად უნდა გვინტერესებოდეს, რამდენადაც ეს ხელს შეუწყობს ჩვენი ბედნიერების განმტკიცებას... ~~ამას ითხოვს შენგან ცოლისა და მეგობრის მოვალეობა...~~ მე ვზრუნავ ჩვენს საერთო კეთილდღეობისთვის და, ფეიქრობ, შესაფერი ნაყოფიც მოაქვს... ოჯახში კი სიამოვნებას ველი; ამის უფლება მაქვს, მგონია...

— მეც მექნება, აღზად, რაიმე უფლება!.. თუნდა ის მაინც, რომ ჩემი გრძნობით ვიხელმძღვანელო! ფეიქრობ, სინიდიხს არ ვლალატობ ამით!.. — გაცხარებით წაჰმოძახა თინამ.

— კარგი! ახლა დავანებოთ ამას თავი, გეტყობა, როგორღაც ვერა ხარ დღეს გუნებაზე... ექვი არა მაქვს, კარგად

რომ დაფიქრდე, ასე აღარ ილაპარაკებ; თიჯონ დარწმუნდებო, რომ ჩვენი ბედნიერებისთვის სხვა გვარი ქცევას საჭირო...

ილია გაჩუმდა; მას აშკარად დაეტყუა უკმაყოფილება. იგი ხედავდა, რომ ცოლთან მისი განწყობილება თან-და-თან ისეთს ხასიათს ღებულობდა, რომ ხშირად იძულებულს ხდიდა მას თავი შეეკავებინა... თავისი თავის მუდამ კმაყოფილს, ნებიერობას ჩვეულს, მეტად აბრაზებდა ეს გარემოება. ილია შეეცადა დაეთარა აღფლავება, მაგრამ ვერ შესძლო; მას ახლა როგორღაც მისი სხეულიც კი არ ემორჩილებოდა: თვალები აემღვრა, მოშვებული ტუჩები აუთრთოლდა... იმ წუთში თინაზე ისეთს შთაბეჭდილებას ახდენდა ილია, თითქო ამ კაცში ადამიანის ადგილი ვნებით შეპყრობილს ცხოველს დაუქერიაო.

„შენი ქმარია, შენი!..“ — ჩასწივის თინას ყურში იღუმალი ხმა, და მას აგონდება ახლო წარსულიდან ასეთი შემთხვევა: ახლად ჯვარ-დაწერილნი ის და ილია ერთხელ სასაირონოდ გამოვიდნენ; ხელიხელ გაყრილნი მიდიოდნენ. უცბად ვიღაც ქუჩაში მიმავალი თინამ ერთს თავის ნაცნობს მიამსგავსა და საშინელი უხერხულება იგრძნო, ქარხალივით გაწითლდა. მაგრამ შეცდომა მალე გამოირკვა და ჭალი დამშვიდდა. შემდეგ გულიც გაიმაგრა: „მინც რა მიშავს, ხომ კანონიერია... კანონიერთან ხომ არ არის სირცხვილი...“ — გაუფლვა მაშინ თავში. „სისაძაგლე!“ — ბრაზმორევით გაიფიქრა ახლა თინამ თავის თავზე და უსიამოვნოდ გადახედა ქმარს.

VII

უკანასკნელი დროის დაკვირვებამ დიდი გავლენა იქონია თინაზე. მანამ ილია არ უშლიდა მას განმარტოებით მგვადინებობას, ქალი ხშირად თავდაფიწყებას ეძლეოდა. იგი სიყვარულით უყურებდა მთელს ქვეყანას და მხურვალედ სურდა ყველასთვის სრული ბედნიერება... რასაკვირველია, ილიასაც ლობიერად უყურებდა. ამ დროს თინა თითქო მზად იყო, დაეფიწყნა მისი ნაკლულეევანებანი... ვინ იცის, ახალგაზდა ქალი იქნება საბოლოოდ შერიგებოდა თავის მდგო-

მარეობას და არ დაერღვია ქმრის მყუდროება... მაგრამ ეს-
ლა, როდესაც იმ ერთად-ერთს თავშესაფარს, რომელშიაც
თინა ზნეობრივ კმაყოფილებას ხელაქვდა, დანგრევას უპირებ-
დნენ; როდესაც იგი დარწმუნდა, რომ მისი ნაშრომის მნიშ-
ვნელობას განზრახ ამცირებდა ილია, თინამ მწვავედ იგრძნო
თავისი მდგომარეობა, სიღუბნეობა იმ ცხოვრებისა, რომელიც
მის შთანთქმას ლამობდა...

ილიას პიროვნებამ ახლა უფრო გარკვეული სახე მი-
იღო თინას თვალში. ახალგაზდა ქალი თითქო ღრმა ძილი-
საგან გამოერკვია; მახლობელი წარსული ახლა ეჯავრებოდა,
როგორც უსიამოვნო, დამამცირებელი მოგონება... მას
რცხვენოდა წინანდელი გრძნობის... სასტიკად ჰკიცხავდა
თავის ქცევას, გმობდა იმ გაუბედაობას, რომელმაც მას თვა-
ლი დაახუჭვინა სინამდვილეზე...

ასეთი იყო თინას სულიერი განწყობილება იმ დროს,
როდესაც მან თეხბმძიობა იგრძნო. ახალგაზდა ქალი შეძრწუნ-
და. ამ გარემოებას ისე შეხვდა თინამ, როგორც მისი დამ-
ცირების და შეურაცხყოფის ახალ წყაროს. „ეყვარება კი მას
შვილი? რას ითხოვს მისგან ახალი ვითარება?“ ეს კითხვები
უსიამოვნოდ აღელვებდა მას ახლა. საზიარო მოვალეობა,
საერთო საზრუნავი... ეს ხომ ქმართან დაახლოვებას, წინან-
დელ დამოკიდებულებების განმტკიცებას მოასწავებს; ამას კი
გაუბრის ახლა თინა... მას არც უნდა გაანდოს ილიას თა-
ვისი საიდუმლოება... ილიას ახალი საბუთი ეძლევა... იგი
უთუოდ მოინდომებს თავისი მიზნის შესაფერად გამოიყენოს
მისი მდგომარეობა... თინა აღელვებულია; სხვა და სხვა
დროის შთაბეჭდილება თავს იყრის მის მენსიერებაში და გან-
საზღვრულს სურათს იძლევა... თინას გულში განსაკუთრებუ-
ლის სიძლიერით იფეთქა ახლა ილიას საწინააღმდეგო გრძნო-
ბამ; მას აღეძრა სურვილი წინააღმდეგობის, ბრძოლის...

ამას ხელი შეუწყო სხვა გარემოებაც: უკანესკენ
შეტაკების შემდეგ გაბილაშვილი კიდევ უფრო ამხედრდა
ილიას წინააღმდეგ. „ნუთუ ამისთანა კაცი მართლა უყვარს

თინას? — ეკითხებოდა თავის თავს განცვიფრებული ბიქტორი, — „შეუძლებელია!... შემადრწუნებელი გაუგებრობაა. აჰ! კიდევ რომ უყვარდეს... გაგიჟებითაც რომ უყვარდეს, ჩვენ ვალდებული ვართ თვალი აუხილოთ თინას, დავანახოთ მისი შეუწყნარებელი შეცდომა, ყოველი ღონე ვიხმაროთ და გაუქარწყლოთ ეს გრძნობა, რომ აღსდგეს, განიკურნოს... ხალხს უნდა დაუბრუნდეს მოღვაწე...“

ბიქტორს უნდოდა, რომ თინას აქტიური მონაწილეობა მიეღო იმ მუშაობაში, რომელიც მას სულიერად დაუკავშირებდა ხალხის ნამდვილს შეგობრებს. გაბილაშილის რჩევით ჯგუფმა, რომელსაც მიზნად ჰქონდა სახალხო კითხვების, ლექციების და წარმოდგენების მართვა, თინასაც სთხოვა დახმარება. ამასთანავე მას აგრძნობინებს, რომ შეუფერებლად მიაჩნიათ მისთვის ის წრე, რომელშიაც იგი დღეს იმყოფება. მშრომელი ხალხის ქეშმარიტი გულშემატკივარი იმ მუშაკთა რიგში უნდა იდგეს, ვინც ამ ხალხის იდეალისთვის იბრძვის“ო, ეწერა სხვათა შორის იმ ბარათში, რომელიც თინას გაუგზავნეს.

ამ სიტყვებმა მეტად ააღელვა თინა; „სათაკილოდ სთვლიან ჩემს მდგომარეობას... მალე უარესსაც მოვესწრები, თუ არაფერი ვიღონე...“ გაიფიქრა თინამ. მას ძლიერ სწყინდა ახლა, რომ აქამდის თითონ ვერ დაადგა გარკვეულს გზას, სანამ სხვებმა არ მიუთითეს... შეურაცხყოფილ თავმოყვარეობის აღსადგენად, მას უნდა ახლა იყვიროს ხმამაღლა, ქვეყნის გასაგონად, რომ იგი არას დროს არ ყოფილა ილიას თანამოაზრე, სულაც არ ამართლებს მის ქცევას და იოტის ოდენადაც არ იზიარებს მის მისწრაფებათ...

თინა ახლა მხოლოდ შემთხვევას უცდიდა...

VIII

კვირა დღე იყო. ერთს დიდს დარბაზში ხალხი თავს იყრიდა. აქ დანიშნული იყო დაშფუქნებელი კრება იმ ახალ საზოგადოებისა, რომლის მოთავეობასაც დიდგულაძე და სხვები ჩემუ-

ლობდნენ. კრება ჯერ არ გახსნილიყო. დამსწრეთა შორის ზოგიერთებს აღელვება ეტყობოდათ. აქა-იქ მოლაპარაკება სწარმოვბდა. აგერ მოპირდაპირეთ გაცხარებული კამათი გაუშართათ: მეორე ჯგუფში უთანხმოება ლამის ხელჩართულ შეტაკებად გადაიქცეს... ფუნცხალაძე მოუსვენრად ტრიალებს.

— უნდა ვეცადოთ. რომ ქუჩის ხალხი არ შემოგვეპაროს საზოგადოებაში! — გადულაპარაკა ილიამ ერთს თავის მეგობარს, — არ უყურებ. როგორ აწევებიან...

— ქუჩა კი ვერ შემოვა, მაგრამ სიფრთხილე მაინც გემაართებს... რაღა თქმა უნდა, მზად უნდა ვიყვეთ ყოველ შემთხვევისთვის... — უპასუხა იმან. ხალხი ბლომად შეგროვდა და კიდევ ემატებოდა. მალე დარბაზი გაიქცდა, მაგრამ მოთავეები ყოყმანობდნენ. თითქო რაღაც გაუბედაობა ეტყობოდათ. ბოლოს გაისმა ზარის წკრიალი. თავმჯდომარის ალაგი დიდგულაძემ დაიჭირა და შემდეგი სიტყვებით მიმართა დამსწრეთ:

— ბატონებო! დღეს უნდა შესდგეს დამფუძნებელი კრება ჩვენი კულტურულ-განმანათლებელ საზოგადოებისა. რომლის წესდება უკვე დამტკიცებულია სათანადო მთავრობისაგან. რადგან წევრთა კანონიერი რიცხვი გამოცხადდა, კრებას გახსნილად ვაცხადებ.

— ავირჩიოდ კრების თავმჯდომარე! — შენიშნა ვილამაც,

— ავირჩიოთ. ავირჩიოთ! — მოისმა რამდენიმე ხმა.

— ჩვენ უკვე გვყავს თავმჯდომარე: გაბრიელ დავითის ძე დიდგულაძე: საზოგადოების წევრები მას ეირჩევთ... — წამოიძახა ილიამ.

— თავმჯდომარეს ირჩევს მთელი კრება და არა ერთი მცირე ჯგუფი! ეს ნუ გავიწყლებათ!.. — იყო პასუხი.

— ბატონებო! უნდა მოგაგონოთ, რომ დღევანდელ კრებას შეადგენენ მხოლოდ დამფუძნებელი წევრები: ასეთე-ბათ კი ისინი ითვლებიან. ვისაც ხელი უწერია წესდებასა და ნებართვის თხოვნაზე. — განმარტა დიდგულაძემ. — ეხლა უნდა ავირჩიოთ საზოგადოების გამგეობა და სარევიზიო კო-

ზისია. ვსთხოვ წევრებს, განცალკევებული ადგილი დაიჭირონ წინ, რომ მოხერხებული იყოს...

ამ განცხადებამ უკმაყოფილება გამოიწვია კრების ერთ ნაწილში. გაბილაშვილმა ლაპარაკი მოინდომა, მაგრამ იგი შეაჩერა დიდგულაძემ:

— თქვენ წევრი არ ბრძანდებით, ამიტომ ლაპარაკის ნებას ვერ მოგცემთ! წესდების ძალით...

— გარეშე პირების ჩარევა შეუძლებელია! ეს უწესოებაა... — დაემოწმენ მას მომხრეები.

— აქ გარეშენი არ არიან: ჩვენ საქმისთვის მოვედით... თქვენ საშუალებას გვისპობთ... — მოისმა ხმები.

— საჭიროა გამოვარკვიოთ... — დაიწყო ვილაძემ; მოწინააღმდეგენი შეეცადნენ ჩაეჩუმებინათ იგი, მაგრამ მოლაპარაკემ, რომ დაეთარა ხმაურობა, უფრო ხმა-მაღლა, ყვირილით და შტკიცედ განაგრძო: — არავის არ შეუძლია ლაპარაკი აგვიკრძალოს აქ; ჩვენ ეხლავე შემოვდივართ წევრებათ... ამიტომ უფლება უნდა გვქონდეს...

ამ აზრის მომხრე გამოდგა დამსწრეთა უმრავლესობა, ილია და მისი თანამოაზრენი კი სასტიკად ეწინააღმდეგებოდნენ ამას. ასტყდა ხმაურობა, აურზაური. დიდგულაძე კრების დახურვით იმუქრებოდა. ბოლოს, როგორც იყო, შეთანხმდნენ: იმათ, ვინც იმ დღეს წევრად ჩაეწერებოდა, კამათში მონაწილეობის უფლება ეძლეოდა. ამის შემდეგ პირველათ გაბილაშვილმა ილაპარაკა.

— ჩვენ იმ თავიდანვე გულწრფელად გვსურდა მხურვალე მონაწილეობა მიგველო ამ საქმეში, — განაცხადა, მან — მაგრამ ყოველი ღონისძიება იხმარეს, ხელი შეეშალათ ჩვენთვის... არა ერთხელ ჩაშალეს კრება, რომელსაც ჩვენ დავესწარით და შემდეგ ფარულად შეადგინეს და დაამტკიცებინეს უგვანო წესდება, რომ თავიდან მოეშორებინათ მათთვის არა სასიამოვნო ხალხი. რისთვის მოიტყეცით ასე? — მიუბრუნდა იგი მოპირდაპირეთ, — ეს ხომ თქვენი შინაური, საოჯახო საქმე არ იყო? ამ საზოგადოების დანიშნულება ხომ ხალხის

საქიროებათა დაკმაყოფილებაა?.. თუ ეს ასეა, თუ თქვენი საზოგადოებისადმი მიმართვა გულწრფელი და მართლა საქმის სიყვარულით არის გამოწვეული, რად შეკრთით, როდესაც ჩვენ თქვენთან მუშაობა განვიზრახეთ? რად ელობებით წინ ჩვენს სურვილს? ამაო ცდაა!.. სახალხო საქმე თვით ხალხის თართო მონაწილეობით უნდა კეთდებოდეს; ჩვენ კი ამ ხალხთან ვართ და ვიქნებით ყველგან. თქვენ ვერ შესძლებთ ჩვენს გათიშვას!.. აქ დამსწრეთ გვსურს საზოგადოების წევრობა. წინადადებას ვიძლევი: ჯერ მიღებულ იქნენ ახალი წევრები და შემდეგ მათი მონაწილეობით მოხდეს არჩევნები გამგეობისა. როდესაც ასეთს მოთხოვნას ვაყენებთ. ხახში გვაქვს ის გარემოება, რომ დღეს „საზოგადოებას“ შეუძლია მიიღოს წევრებათ ისეთი პირები, რომელმის არჩევა გამგეობაში ფრიად სასარგებლო იქნება; თქვენი განზრახვა კი ამას ელობება წინ.—ამ წინადადების გამო მეტად ცხარე კამათი გაიმართა.

— ეს არ შეიძლება!— შენიშნა დიდგულაძემ,—ახალი წევრების მიღება დღის წეს-რიგში უკანასკნელად არის მოხსენებულლი...

— მე სწორედ ამ წეს-რიგის შეცვლას მოვიტხოვ, —უპასუხა გაბილაშვილმა.

— შეუძლებელია, ბატონო! გამგეობას დამფუძნებელი წევრები ირჩევენ... შემთხვევით მოსულ ხალხს ვერ ჩაუდგებთ ხელში საქმეს... ეს უწესოებაა... საქმის ინტერესი მოითხოვს...

— საკვირველია, რომ ასე უკუღმა გვსმით ყველაფერი! როგორ გავიგოთ თქვენი მოწოდება? იმის მაგივრად, რომ ზალხი მიიზიდოთ და საქმეში ჩააბათ, თქვენ მას გარეთ ერეკებით... აქ არიან ისეთი პირები, რომელთაც შეუძლიათ სამსახური გაუწიონ „საზოგადოებას“... ჩვენ საქიროდ მიგვაჩნია მათი მონაწილეობა. ვინც ამ საქმეს სათავეში ჩაუდგება, უთუოდ ხალხის ნდობით უნდა იყოს აღქურვილი. ჩვენ მოვიტხოვთ, ეხლავე მიიღონ წევრები...

— კარგად ვიცი თქვენი განზრახვა!... საქმე სულაც არ გაინტერესებთ. თქვენი სურვილი სულ სხვაა... აქ შემოდინხართ იმ მიზნით, რომ თქვენებური სული და არევ-დარევა შემოიტანოთ საქმეში, ხელი შეუშალოთ მის განხორციელებას... დემაგოგიური სიტყვებით ცდილობთ ხალხში უკმაყოფილება აღძრათ, გააბრიყვოთ, აიყოლიოთ, როგორც ცხერის ფარა...— დაიწყო ფუნცხალაძემ, მაგრამ ვერ დაასრულა, რადგან მისმა სიტყვამ ბეერის უკმაყოფილება გამოიწვია. დარბაზში კვლავ ხმაურობა ასტყდა.

— ვინ არის, ასე თავხედურად რომ ლაპარაკობს?..— გაბრაზებით წამოიძახა ვილამაძე.— ჩვენ არაფის არ მივცემთ ნებას!..

— ბატონო თავმჯდომარე! ნება მიბოძეთ... მეც მსურს ცოტა რომ ვსთქვა...— ეცებ მოისმა ქალის ათრთოლებული ხმა.

დიდგულაძემ შედგრაღ ააწკარუნა ზარი და, როდესაც ცოტაოდენი სიწყნარე ჩამოვარდა, მიმართა მანდილოსანს:

— ბძანეთ!

ყველამ მოიხედა, რომ მოლაპარაკე დაენახათ. უკანა რიგის სკამებს შუა იდგა აღელვებულის სახით თინა ფუნცხალაძისა. მის დანახვაზე ილია უნებლიედ შეკრთა; იგი მთლად დარწმუნებული არ იყო, რომ დღეს გამარჯვება მას დარჩებოდა; ამიტომ ხერხიცი იხმარა, რომ თინა არ დასწრებოდა დღევანდელს კრებას. მაგრამ ანგარიში არ გაუმართლდა. ცოლის გაბედულება ქცევამ ილია დააფიქრა და თან ცნობის მოყვარეობაც აღუძრა; თინა დღეს პირველად ლაპარაკობდა მრავალ-რიცხოვანი კრების წინაშე; რას იტყოდა იგი. როგორ შთაბეჭდილებას მოახდენდა საზოგადოებაზე? ეს უსიამოვნოდ აღელვებდა ახლა ილიას... „ჩუმაღ! მწერალი ქალი ლაპარაკობს!“ „იმის ცოლია. ფუნცხალაძის,“ „ენახოთ, ეს რაღას იტყვის!..“— ერთწამს გაიხმაურეს აქა-იქ და მალე დარბაზი სრულმა სიჩუმემ მოიცვა.

— მე არ შემიძლია, არ გამოვსთქვა უკმაყოფილება იმის გამო, რაც აქ ხდება, — დაიწყო თინამ და მისი წკრიალა ხმა

ახლა უფრო ჰკათიოდ გაისმა, —ზოგიერთების ქცევა პირდაპირ ამცირებს დღევანდელს კრების ღირსებას!.. დიდად საექვოა, რომ ამისთანა პირების მოღვაწეობა —ხალხს —მაღალმოდ მოეცხოს... მაგრამ, მაგარი სიტყვების წამოძახება და მოპირდაპირის შეურაცხყოფა იმას კიდევ არ ამტკიცებს, რომ ჩვენ მართლა წმინდის გულთ ვართ მოწადინებულნი, სამსახური გავუწიოთ ქვეყანას... მაგრამ ჯერ ეს ვიკითხოთ: განა ყველას გაახარებს გულწრფელად დაბეჩავებული მოძმის სიკეთე, მისი ქეშმარიტი წააბატება?.. განა სინათლის მოტრფიალეა ის, ვინც ხალხს ეუბნება: შენს საქმეს შენ თითონ ნუ მიხედავ. შენი ბედისთვის სხვამ იზრუნოს და მაშინ ჩავარდები კეთილდღეობაშიო?.. არ მგონია, რომ თვით იმ ბანაკში, სადაც ამდენს გულშემატკივრობას იჩენენ ხალხისადმი, ბევრს სჯეროდეს. ვითომც ამ გზით შესაძლებელი იყოს ქვეყნის გაბედნიერება! არა, ამისთანა გულუბრყვილობას ბევრს ვერ დავწამებთ!.. მათ კარგად იციან, რასაც სჩადიან. ხალხის მსჯავრს მუდამ უფრთხიან ისინი, ვინც მხოლოდ ქვეყნის შესახებდავად ეპოტინება საზოგადო-საქმეს. —ვისაც იგი-სულ სხვა ანგარიშებისთვის უნდა!.. აქ სურთ სახალხო საქმე ხალხის დაუკითხავად აწარმოვან, ისე რომ მათი მოქმედება ბურუსით დარჩეს მოცული. ჩვენ კარგად ვიცით ამისთანა მოღვაწეობის ფასი... რისთვის არის ატეხილი ამდენი ხმაურობა? ეს მხოლოდ უგვანო თვალთმაქცობაა. სულ სხვა მიზნით მოგონილი. საქმის სიყვარული აქ არაფერს შუაშია... ცხოვრებით ემყოფილი, პირადის კეთილდღეობით განებივრებული მუდამ წინააღმდეგი იქნება იმისი, რომ დაჩაგრული ადამიანი წელში გაიმართოს და ყველაფერში მას გაუთანასწორდეს... მაგრამ ხალხი თვით უპატრონებს თავის საქმეებს; იგი აუცილებლად უნდა შეეჩვიოს თვითმოქმედებას, რომ თვითონვე განაგოს თავის ბედი... ვინც ამას უარყოფს, იგი სასტიკად შეურაცხყოფს ხალხს, იგი მოსისხლე მტერია მისი!... როგორც ქალი, როგორც წევრი საზოგადოებისა, ღრმა

აღშფოთებას ვაცხადებ იმის გამო, რომ აქ ასეთის კადნიერებით ცდილობენ თვალი აუბან ხალხს!—

თინამ პირი მიიბრუნა იქით, სადაც ილია და მისი თანამოაზრეები იყვნენ:

— ბატონებო! უნდა იცოდეთ, რომ დღეს ხალხი შეუგნებელი ცხრის თარა აღარ არის, როგორც აქ განაცხადეს; იგი უკვე დაინტერესებულია თავისი საქმეებით და აპიტრომ თქვენს მოღვაწეობას აღარ ინდომებს! ჩამოეცალეთ საზოგადო საქმეს!... დაე, მთლად ცარიელი დარჩეს ასპარეზი, თუ დღეს არ არიან შესაფერი მოღვაწეები... მე მწამს მშრომელი ხალხის ძალა: ადრე თუ გვიან იგი თვით წარმოშობს გმირებს. ნამდვილს უანგარო მოღვაწეთ, ვინც წმინდის გულით და წრფელის განზრახვით თავდადებულ სამსახურს გაუწევს ჩაგრულთა საქმეს...

• ხანგრძლივმა ტაშის ქუხილმა დაჰფარა უკანასკნელი სიტყვები. აქეთ-იქიდან მოწონების ხმა მოისმა. თინას ქცევამ ყველა გააკვირვა. ილია ქარბალივით გაწითლდა: ცოლის სიტყვა მეხივით დაეცა მას; იგი გონს ვერ მოდიოდა; მხოლოდ ბუნდოვანად გრძნობდა რალაც დაწყვეტილს გარემოებათა ძალას, რომელმაც მას ცოლი ჩამოაშორა, მოსტაცა; სად, როდის და რა გვარად მომზადდა ეს პირობები, ვინ ან რა იყო მისი უბედურების, შერცხვენის მიზეზი? ეს ნათლად არ ესმოდა მას იმ წუთში...

— კარგს მთქმელს კარგი გამგონიც უნდა! შესძლებთ კი?...— აღტაცებით წამოიძახა გაბილაშვილმა, როდესაც ხმაურობა რამდენადმე მიწყნარდა და თვალი ილიას მიაპყრო. უკანასკნელს მეტიც აღარ უნდოდა.

— მაწანწალა!.. ავაზაკი!..— უცებ შემარყვევლის ხმით დაიღრიალა მთლად აცახცახებულმა ილიამ და სახე-შეშლილი, ერთიანად გაფითრებული ანგარიშ მიუცემლად გაბილაშვილისკენ წამოვიდა.

ვევბერთელა დარბაზი ერთბაშად აბობოქრებულ ზღვას დაემსგავსა. ასტყდა ჩოჩქალი. სხვადასხვა მხრიდან ცოცხალი

ტალღები დაიძრა... თვალის დახამხამებაში საიდანლაც გაჩნდა ის ახალგაზდა მოსამსახურე, რომელსაც ილიამ კუდაშელიძისას შეურაცხყოფა მიაყენა. თავი თუ არ გებრალებდა, ფეხს გადასდგამ აქედან!—დაიქექა მან და ფუნცხალაძეს გზა მოუჭრა. მაგრამ ამ დროს ილია შეაკავეს მისმა მომხრეებმა: იგი მაინც არ სცხრებოდა, შოთაედა, იქაჩებოდა. „ნაძირალი!... არამზადა... ქუჩის... მშიერი მაწანწალა“... — ისპოდა ნაწყვეტ — ნაწყვეტად.

— გაუშვით!.. რას იქერთ... გაიყვანეთ!.. ადამიანების კრებაში მხეცებს აღგილი არ უნდა ჰქონდეთ!... — ყვიროდა გაბილაშვილი.

საერთო მღელვარებამ უმაღლესს წერტილს მიაღწია. უზომო ხმაურობისაგან შეუძლებელი იყო გაგერჩიათ, ვინ რას ამბობდა. დიდგულაძე და კუდამელიძე შეწუხებულნი ტრიალებდნენ გაწიწმატებულს ხალხში „დამშვიდდით. ბატონებო, არაფერია, დამშვიდდით!... სირცხვილია. თავი მოგვეჭრა...“ — აშოშმინებდნენ ისინი ყველას. ვისაც კი მისწვდებოდნენ. ამასობაში პოლიციის მოხელეც გაჩნდა.

— კანონის ძალით მოვითხოვ დაცალოთ დარბაზი!.. აქ კრება აღარ არის... — განაცხადა მან; მაგრამ არც ამათ გასქრა. მოხელემ ხელმეორედ მისცა ხალხს წინადადება და პოლოს მუქარასაც მიმართა...

აღშფოთებული საზოგადოება ნელ-ნელა დაიშალა.

IX

უკანასკნელმა უსიამოვნო შემთხვევამ ცუდ გუნებაზე დააყენა ილია. ასეთი შეურაცხყოფა, დამცირება მას ჯერ არ გამოეცადა ცხოვრებაში. მართალია, არა ერთხელ მოსვლია მას შეტაკება მოწინააღმდეგეებთან, რომელთაც ხშირად შეუმკიათ იგი, მაგრამ ამისთანა უსიამოვნებას იგი იმდენად ანგარიშს არ უწევდა: ყოველთვის მედიდურად ეჭირა თავი და მათ აზრსაც თითქო არაფრად აგდებდა; მან კარგად იცოდა, რომ იმათი პასუხი, ვისაც მუდამ „ნაძირალების“ სახე-

ლით იხსენიებდა, პატივისცემას და თანაგრძნობას ვერ დაუ-
კარგავდა იმ წრეში, რომელსაც იგი ეკუთვნოდა. მაგრამ
დღევანდელმა მარცხმა ილიასზე ძლიერ იმოქმედა. დღეს ყვე-
ლამ ცხადად დაინახა, რომ თინამ აშკარად გაილაშქრა ქმრის
წინააღმდეგ, სასტიკად დაგმო ის მამართულება, რომელსაც
უკანასკნელი ასეთის თავგამოდებით იცავდა. ეს გარემოება
კი უხერხულს მდგომარეობაში აყენებდა ილიას...

რალა თქმა უნდა, ილიას მომხრეები ბევრთად ჰკიცხავ-
დნენ თინას ქცევას, როგორც ყოველად ურიგო მოქმედებას...
ილიას უფრო ის აბრაზებდა, რომ მის მოწინააღმდეგეთა ბა-
ნაკში თინას სიტყვა განსაკუთრებულს სიამოვნებას იწვევდა.
თუ წინადაც გულგრილად ვერ უყურებდა ილია იმ მიმარ-
თულების ხალხს, რომლის მისწრაფებას დიდ უწესოებად აცხა-
დებდა. დღეს პირდაპირ აუტანელი გახდა მისთვის იგი. ცო-
ლის მოქმედებაში ილიამ მტრული განზრახვა დაინახა: უდი-
დესი შეურაცყოფა სწორედ ამან მიაყენა საქვეყნოდ...

ამ მოულოდნელმა შემთხვევამ ისე გააბოროტა ილია,
რომ მაშინვე მოინდომა სამაგიეროს გადახდა. მაგრამ შემ-
დეგ დაფიქრდა: ახლა აღარ ჩქარობდა განზრახვის შესრუ-
ლებას, რადგან არ იცოდა, რა შედეგი მოჰყვებოდა ამას.
მოზხდარ უსიამოვნების შემდეგ იგი ლაპარაკსაც კი ვერ
ახერხებდა თინასთან: არ იცოდა, რომელი სიტყვა ეხმარა,
რა კილოთი დაეწყო...

ილია დაიბნა: აქამდის იგი თავს ლალად გრძნობდა შინ
და გარეთ: დღეს კი თითქო უმტყუნა ბედმა... რად მოხდა
ეს? ილიას არ ესმოდა ამის მიზეზი; მას იმდენად მოსწონდა
თავი, რომ ვერ წარმოედგინა, თუ იგი თავის მხრივ უკმაყო-
ფილების რაიმე საბაბს აძლევდა თინას; პირიქით, ეს უკა-
ნასკნელი, ილიას აზრით, ძლიერ მადლიერიც უნდა ყოფი-
ლიყო ბედის... თინას ქცევა შეუძლებლად ხდიდა სასურველს
განწყობილებას ცოლ-ქმარს შორის. მაგრამ ილიას სულაც
არ უნდოდა ხელი აეღო ოჯახურ სიამოვნებაზე, რომელსაც
ხშირად არ არის მოკლებული ზოგი ჩვეულებრივი მომაკვდა-

ვიც; ილია კი დაწმუნებული იყო, რომ მას სხვაზე მეტი უფლება ჰქონდა, ეცხოვრა ბედნიერად და ამიტომ ფიქრადაც არ მოსდიოდა იმის დათმობა, რაც, მისი აზრით, მას ეკუთვნოდა უცილობლად...

ილიას ბრაზი არჩობდა; იგი ახლა თავის ოჯახში რაღაც უჩვევ შევიწროებას განიცდიდა; მისთვის აუტანელი იყო ასეთი მდგომარეობა... მეორე დღეს თინა არ გამოვიდა სასადილო ოთახში. ამ გარემოებამ კიდევ ააღელვა ილია. მან გადასწყვიტა ცოლთან მოლაპარაკება.

— რატომ აღარ გამოდიხარ გარეთ? ახლა ხომ კარგ გუნებაზე უნდა იყო... უთუოდ ნასიამოვნები იქნები... გუშინ რომ თავი ისახელე კრებაზე ბრწყინვალე გამოსვლით... ქვეყანა აალაპარაკე... — გესლიანად უთხრა ილიამ ძალღატაკების სიღინჯით.

— ტყუილად სწუხდები!.. არავითარი სურვილი არ მაქვს, ვიცოდე, რას ლაპარაკობენ... — დაიწყა თინამ.

— ოოო, რასაკვირველია!.. — აღარ დააცალა ილიამ, — ნაძირალების ბრბოს ხომ დიდად შაეწონა შენი ქცევა... ოვაკიებიც გაგიმართეს და მეტი რაღა გინდა!.. სხვისი შეგედღლება რაღად გესაქიროება ახლა... მარტო ის რად ღირს, რომ ამისთანა ხალხის ყურადღება დაიმსახურო...

— გთხოვ, ამ კილოს თავი დაანებო!.. — აღელვებით შენიშნა თინამ...

— არ შემძლია გაჩუქება, როდესაც შენის მხრით ამისთანა უწესობას ვხედავ! ასეთი უმაგალითო საქციელი... საქვეყნოდ ქმრის წინააღმდეგ...

— შენს მოქმედებაში ვძიე უსიამოვნების მიზეზი... უნდა იცოდე, რომ სწორედ შენმა ქცევამ მათქმევინა ის, რაც ვსთქვი... კითხვა საზოგადო საქმეს ეხებოდა; როგორც საზოგადოების წევრს, უფლება მქონდა, ვალდებულიც ვიყავი მეთქვა, რასაც ვგრძნობდი. მე ვხლაც ვამბობ და შემდეგშიაც ვიტყვი დაუფარავლად, რომ თქვენი მოქმედება არ არის მოსაწონი...

— თინა! სწორეთ მაკვირვებს შენი საქმე ამ ბოლო დროს... ყოველი შენი სიტყვა და მოქმედება შეუწყნარებელი წინდაუხედაობა, წარმოდგენელი გაუგებრობა და საკუთარი ინტერესების შეუგნებლობა... როგორ არ გესმის, რომ ამგვარი ქცევით განსაცდელში აგდებ ჩვენს მომავალს... რით ხარ უკმაყოფილო? ნუთუ მე საკმაოდ არ ვზრუნავ შენთვის, ჩვენი საერთო კეთილდღეობისთვის? რად არ აფასებ ამას?.. ჩვენს ოჯახში რატომ მუდმივი სიამოვნება არ უნდა სუფევდეს? განა არ შეიძლება მეტი სიყვარული და პატივისცემა გვქონდეს ერთმანეთის?.. გარეშე საქმის აყოლით, ვილაკეების გულისთვის უსიამოვნება მოგვდის... ვინ უარყოფს პირად სიამოვნებას უნიადაგო აზრების გავლენით?..

— სამარცხეინო არსებობას სჯობია მთლად ხელი აიღოს ადამიანმა იმ კეთილდღეობაზე, რომლითაც შენ თავი მოგაქვს... მე მსურს საკუთარი გრძნობებით ვიცხოვრო, ჩემს მოქმედებაში ჩემი აზრით და შეხედულებით ვინებლმძღვანელო ყოველთვის, იმის და მიუხედავად; ეწინააღმდეგება ეს შენს სურვილს, თუ არა...

— შენ როგორღაც ატაცებული ხარ, ჩემო კარგო! გეტყობა. ანგარიშს არ აძლევ შენს სიტყვას... არ გაქვს წარმოდგენილი შედეგი... უკუღმა გესმის ყველაფერი... ასე თუ იარე, შესაძლოა მთლად გადაიჩეხო სადმე... ამიტომ მე ვაღიარებულები ვარ, დროზე შეგაჩერო, შესაფერი ზომები მივიღო... — შენიშნა ილიამ და აღელვებული წამოდგა.

— უკაცრავად!.. უმჯობესი იქნება შენს თავს მოუარო!.. — მიაყოლა მიმავალს გაფითრებულმა თინამ.

ფუნცხალადეს იმედი არ გაუმართლდა: ცოლთან მოლაპარაკებამ სასურველი ნაყოფი ვერ მოიტანა. ამ გარემოებამ ძლიერ შეაწუხა ილია: თითქო რაღაც განსაცდელს მოელოდა იგი და ამის შიშით მოთძინება ეკარგებოდა... მუქარის სისრულეში მოყვანას, „ზომების“ მიღებას ახლა აღარ ფიქრობდა; პირიქით, მზად იყო სულაც დაეცინა ყველაფერი. აღონდ წინანდელი დამოკიდებულება აღედგინა თინასთან,

რომელიც ახლა გარეგნულად უფრო მშვენიერიც კი შეიქნა ილიას თვალში; იგი მომხდარი უსიამოვნების მნიშვნელობასაც კი აფუჩეჩებდა ახლა, რომ ცოლი შეერიგებინა როგორმე. ნულარ მოვიგონებთ, უბრალო გაუგებრობა იყო; მგობარ-ნაცნობებსაც ასე ეუბნებოდა: „იმ დღეს ჩემს ცოლს სხვაფრივ წარმოედგინა საქმე; შემდეგ გამოირკვა... ახლა კი-დეც ნანობსო“

X

გავიდა დრო. ილიამ გაიგო თინას საიღუმლოება და სიხარულით ცას დაეწია.

— თინა, გენაცვალე, როგორ არ გრცხვენია!.. მე უნდა დამიძალო ამისთანა საქმე?—ლიბილით უსაყვედურა მან ცოლს და შემდეგ ალტაცებით განაგრძო, —რომ იცოდე, ჩემო ძვირფასო, რა ბედნიერი ვარ... შენც ხომ...

— სულაც არ ვიზიარებ შენს გრძნობებს!... — ადელევი-ბით ჩაიბუტბუტა თინამ და წამოწითლდა.

დამშვიდდი. გენაცვალე!.. ნურაფრის გეუიქრება... ყველაფერი მშვიდობიანად გათავდება... ადელეება გაწყენს, უნებლიედ უსიამოვნება მოგაყენე ამას წინეთ... მაპატიე, გენაცვალე... გთხოვ ამიერიდან მაინც გაუფრთხილდე თავს, შენი ქირიმე, შენ შემოგველე...

— ყური დამიგდე, ილია! გულახდილად ვილაპარაკოთ.. — დაიწყა თინამ, მაგრამ ერთბაშად შეკრთა. ხმა აუკანკალდა, თითქო დამნაშავეთ იგრძნო თავი იმ კაცის წინაშე, რომლის კვაყოფილებას იგი არღვევდა. — ჩვენს მდგომარეობაში რაღაც ბედნიერებაზე ლაპარაკი სამარცხვინო თვალთმაქცობაა... განაგრძო მან; — ჩვენ შორის უსიამოვნების მიზეზი არ მოი-სპობა.. დროა შევიგნოთ ეს და ანგარიში გავუწიოთ...

— თინა!.. შენგან მესმის ეს სიტყვები? არა, ჩემო ძვირ-ფასო, შენ არ შეგფერის ასე ლაპარაკი... მოვიგონოთ ჩვე-ნი... ამას ვპირდებოდით ერთმანეთს? ნუ უყურებ პესიმისტუ-რად მომავალს! ჩვენ შეგვიძლია ბედნიერად ვიცხოვროთ, მე-ტადრე ეხლა, როდესაც ჩვენს ცხოვრებაში ასეთი სასიხარუ-

ლო ხანა იწყება... ჩემს გრძნობებზე ლაპარაკი საჭირო არ უნდა იყოს... მე მსურს, რომ ჩენს ურთიერთობაში ადგილი არ ჰქონდეს უსიამოვნებას და არც ექნება, თუ შენც მოინდომებ... ჩენ პირობები ხელს გვიწყობს, ყველაფერი მზად არის იმისთვის, რომ უკლებლივ ვიგემოთ ცხოვრების სიტუაცია. ნუთუ შენ გსურს მაინც-და-მაინც ფუჟად ჩაატარო ყველაფერი... მომიშხამო სიცოცხლე და თავიც გასწირო ასე უაზროდ? არა, მე ეს არ მჯერა! მესმის, შენს ეხლანდელს მდგომარეობაში შესაძლებელია აღელვება, უბრალო შემთავების გაზვიადებაც, მაგრამ მწამს, რომ ეს ყოფა დროებითია: შენი დინჯი ჰქუა თავმდებია იმისი, რომ ბოლოს მაინც მიავნებ ჰეშმარიტებას და ყველაფერს შესაფერად დააფასებ...

— სინამდვილის მიფუჩჩეებით არათფერი გაკეთდება... არ შემძლია...

— კიდეც გთხოვ, დამშვიდდე, ჩემო ძვირფასო! ოღონდ შენ მშვიდობით იყავი და სხვა არაფერია... ტკბილად ვიცხოვრებთ. ეს ოჯახი შენია; ისიამოვნე, როგორც გსურდეს...

ამ ლაპარაკმა ჩაათქრა ილია; თუმცა იგი მალაედა თავის სულისკვეთებას, მაგრამ აღშფოთებული იყო, გულს უსიამოვნო გრძნობა უღრღნიდა. ცოლის სიტყვებმა დაადასტურა ის, რის ექვიც ილიას კარგახანია შეეპარა. ცხადი იყო, რომ თინა აღარ შეურიგდებოდა ცხოვრების წინანდელს პირობებს. ამას ილია მთლად გაბილაშვილის და მის თანამოაზრეების გავლენას აწერდა და ბრაზი აღრჩობდა... მეტი გზა არ იყო და ამ ხელად ილიამ ისევე ყურის მოყრუება ამჯობინა; იმის იმედიც ჰქონდა მას, რომ შვილის ყოლა რამდენიმედ მაინც იმოქმედებდა თინაზე...

ილია ახლა შემთხვევას არ ჰკარგავდა, რომ თინას გული მოეგო, დაემტკიცებინა მისთვის თავისი პატივისცემა და სიყვარული, მაგრამ ჰმრის ასეთი ქცევა ახლა უსიამოვნო შთაბეჭდილებას ახდენდა თინაზე; მით უფრო მტკიცედ იდგა იგი თავის აზრზე; დათმობა ფიქრადაც არ მოსდითდა; პირიქით,

მას ახლა უნდოდა უფრო მკაფიოდ აღენიშნა თავისი შეუ-
რიგებლობა...

საზოგადო კრებაზე თინას გამოსვლამ დიდად გაახარა
ვაბილაშვილი. იგი ამაში თავის გამარჯვებას ხედავდა. დღემ-
დის ბიქტორს ეგონა, რომ თინას ქმრის ხათრი და პატივის-
ცემა ექნებოდა; იქნება ილიასთან ბედნიერადაც გრძნობდა
თავს. ეს ფიქრი სტანჯავდა ბიქტორს, გულს უღრღნიდა ჩუ-
მი სევდა... იგი განსაკუთრებულის სიმკაცრით ეკამათებოდა
ყოველთვის ილიას, მაგრამ დაშვიდებული არ იყო, რადგან
არ იცოდა, როგორ უყურებდა ამ გარემოებას თინა. დღეს
კი ბიქტორმა ნათლად დაინახა, რომ მისი ექვი უსაფუძვლო
იყო: ცოლ-ქმარს შორის განხეთქილებამ იჩინა თავი; მოსა-
ლოდნელი იყო, რომ ეს განხეთქილება, ზოგიერთ პირობე-
ბის გავლენით, უფრო და უფრო გაღრმავდებოდა, მალე ისეთ
უფსკრულად გადაიქცეოდა, რომელიც სრულიად გაანთავი-
სუფლებდა თინას...

ამ გარემოებამ ალაფრთოვანა ბიქტორი. ამ ქალს მიზიდ-
ველობა ერთი-ორად მოემბატა ახლა ბიქტორის თვალში; მას
ძლიერად აუტოკდა გული, შესამჩნევად გაიზარდა ის იდუ-
მალი გრძნობა, რომელსაც წინად ანგარიშს არ უწევდა. ამის
შეგნებამ პირველად შეაშფოთა ახალგაზდა კაცი: ნუთუ იგი
პირადმა გულისთქმამ გაიტაცა და ამით ხელმძღვანელობს
საზოგადო საქმეში? არა, შეუძლებელია ეს... მას ერთხელაც
არ უღალატნია იმ მიზნისთვის, რომელიც მისი ცხოვრების
აზრს შეადგენს. მართალია, მას ხშირად უხდება შეტაკება
ფუნცხალაძესთან, მაგრამ ეს ხომ აუცილებელია იმ ტაქტი-
კური მოსაზრებით, რომელიც მოპირდაპირეთა პოზიციის
გაშუქებას ითხოვს. ბიქტორი დიდხანს არ უტყდებოდა თავს:
ეს მხოლოდ მოვალეობაა, პატივისცემა და თანაგრძნობა სიმ-
პატიური მწერლისა და მოღვაწისადმიო, — არწმუნებდა იგი თა-
ვის თავს, თუმცა ამავე დროს ხედავდა, რომ ეს არ იყო
მთლათ ასე. რაც დრო გადიოდა, ბიქტორი რწმუნდებოდა,

რომ ის გრძნობა, რომელსაც იგი ებრძოდა, თანდათან უფრო იმორჩილებდა მას.

შემოდგომაზე ფუნცხალაძეებს ვაჟი შეეძინათ. ილიამ დიდის აზრით გადაიხადა ნათლობა. ცოლის დღეობის გამო ილია მუდამ წვეულებას მართავდა; წელს კი მან მოიწადინა ამ დღისთვის არაჩვეულებრივი, საზეიმო ხასიათი მიეცა. წინადაც არ ყოფილა, მაინც და მაინც, სასურველი ასეთი სტუმრობა თინასთვის; მით უფრო უსიამოვნო იყო მისთვის ეწეწვეულება დღეს, მაგრამ ვერაფერს ახერხებდა, რადგან ილიას საგანგებოდ დაპატიჟებული ჰყავდა სტუმრები.

თინას სწყინდა, რომ იმის დღეობაზე თავი უნდა მოეყარა ისეთ ხალხს, რომელთანაც მას არ სურდა დაახლოვება; მან ისიც კარგად იცოდა, რომ სტუმრების დიდი უმრავლესობა მას გულწრფელათ ჰატივს არ სცემდა. გული სტკიოდა თინას; უნდოდა ნათლად გამოეხატა თავისი დამოკიდებულება ამ ხალხთან და ამ მიზნით ისლა მოაბერხა, რომ მორიგი სხდომა იმ წრისა, რომელშიაც თითონ მონაწილეობდა, მის ბინაზე იქმნა დანიშნული სწორედ იმ დღისთვის, როდესაც განზრახული იყო წვეულება.

ფუნცხალაძის სახლში თავი მოეყარა საზოგადოებას. გაჩაღებული იყო ქალაღლის თამაშობა და ლოტო; ზოგიც მუსაიფში იყო გართული. ამ დროს ზარის ხმა მოისმა; მალე მსახურიც შემოვიდა და ჩუმად რაღაც უთხრა თინას. უკანასკნელი თითქო შეკრთა, მაგრამ ჩქარა გასწორდა; „სთხოვე“, დაბალის ხმით უთხრა მსახურს და თითონაც გავიდა სასტუმრო ოთახიდან.

— მობრძანდით, მობრძანდით! — მიესალმა თინა ახალმოსულთ და გულიანად გადაეხვია ახალგაზდა ქალს, რომელიც გამოდგა მისი დიდი ხნის უნახავი მეგობარი, მარო ძიგურაშვილი; მერე ბექტორ გაბილაშვილს ჩამოართვა ხელი თინამ; მესამე სტუმარი, ვანო გარჯილაძე, მარომ გააცნო. ოთახიდგან ხმა მაღალი ლაპარაკი და სიცილი ისმოდა.

— მგონი, უდროოდ დროს მოვედით!.. — შენიშნა მარომ.

— ძალიან კარგი დროა... ჩვენ არას დაგვიშლიან! — დამ-
შვიდებით უპასუხა თინამ და ახალმოსულნი ცალკე ოთახში
მიიწვია. ბაასმა კარგა ხანს გასტანა. ბოლოს გაპოიროკვა, რომ
აღძრული საკითხის გადასაწყვეტად სხვების მოწვევაც იყო
საქირო.

— იმედია, ხვალაც აქ შევიკრიბებით; მოხარული ვიქ-
ნები... ყოველთვის, როცა გენებოთ... ეხლა კი გთხოვთ
ჩვენთან დარჩეთ ვახშმად... შაროს არც-კი ვკითხავ, ძალადაც
პოვავდევინებ ამაღამ, — სთქვა თინამ და ღიმილით შეხედა
ქალს; თქვენ კი გთხოვთ, დაშავდეთ... ის საზოგადოება,
რომელსაც აქ ნახავთ, ვითომ ჩემდა პატივისაცემლად იყრის
თავს. არ დაგიმაღავთ, ბევრის გულწრფელობა საექვოდ მი-
მაჩნია ამ შემთხვევაში... ვგრძნობ, რომ ასეთს გარემოებაში
ჩემი მდგომარეობაც ყალბია... — მღელვარებით დაუმატა მან, —
მე დამნაშავეთ ვთელი ჩემს თავს, რომ ამისთანა დროს და ამ
წრეში... ვიცი შეუწყნარებელია ეს, მაგრამ იმ თავიდანვე ასე
იყო შემოღებული და მე იმდენად სუსტი გამოვდექი, რომ
ვერ მოვახერხებ როგორღაც ჯერჯერობით...

— მე ვფიქრობ, ცუდი არაფერია იმაში, რომ ადამიან-
მა ხანდახან ნაცნობ-მეგობრებთან ისიამოვნოს... — შენიშნა
გარჯილაძემ.

— საქმეც ეგ გახლავთ, რომ აქ მეგობრობასა და სიამოვნე-
ბაზე ლაპარაკი მეტია... არა! აუცილებელია, ამ მდგომარე-
ობას თავი უნდა დაეახწიო... მაგრამ ეს მომავლის კითხვაა,
დღეს კი... გთხოვთ, დარჩეთ.

— არა, ჩვენ წავალთ... სხვა დროს... — დაიწყო ვანომ.

— მერწმუნეთ, თქვენი აქ ყოფნა დღეს, დღეს განსა-
კუთრებით, სასიამოვნო იქნება ჩემთვის... ილიას, მგონი, თი-
თონაც სწყინს ახლა, რომ იმ დღეს ისე უწყესოთ მოიქცა, —
მიუბრუნდა თინა გაბილაშვილს, — დღეს, ალბად, ისარგებლებს
შემთხვევილ, რომ გაასწოროს თავისი შეცდომა... ესეც არ
იყოს, თქვენ ხომ საკუთრივ ჩემი სტუმრები იქნებით... ერთი
სიტყვით, უნდა დარჩეთ, თქვენი სიამოვნებისთვის არ ვამბობ;

წარმოიდგინეთ, რომ საჭიროა ჩემთვის... — ვედრებით დააბოლოვა თინამ.

— ჩემი ნახვა არ ესია მოვინებათ, მაგრამ, რა ვუყოთ, სულ ერთია... — სთქვა გაბილაშვილმა, რომელიც კმაყოფილი იყო მით. რომ ამისთანა გარემოებაში მათი დარჩენა ერთგვარ დემონსტრაციის ხასიათს ღებულობდა ილიას წინააღმდეგ.

— რა საჭიროა ბევრი ლაპაჯი! — ჩაერია მარო, — ჩვენ დავრჩებით აქ, როგორც თინას პატივის მცემელნი, რადგან მისი დღეობაა... ჩვენ უფრო შეგვეფერის, სხვებზე მეტი საბუთი გვაქვს მასთან გავატაროთ ეს საღამო. — ღიმილით დაუშატა მან.

— ყოჩაღ, ჩემო მარო! აგრე უნდა, მაშ!.. — სიამოვნებით წამოიძახა გახარებულმა თინამ.

XI

როდესაც ილიამ თინას სტუმრების ვინაობა გაიგო, აენტო, გაწიწმატდა: ეს იმდენად მოულოდნელი იყო ილიასთვის, რომ იგი მთლად დაიბნა და აღარ იცოდა, როგორ მოქცეულიყო. გაბილაშვილის დანახვაზე ილია ერთიანად აკანკალდა; იგი შურისძიების გრძნობამ შეიპყრო; მას უნდოდა, ეს კაცი გაეგღო სახლიდან შეურაცხყოფილი, დამცირებული, მაგრამ იცოდა, რომ ეს დიდს უსიამოვნებას გამოიწვევდა თინასთან და ამიტომ როგორც იყო თავი შეიკავა. ეს სტუმრებმაც შენიშნეს და თავის გუნებაში კიცხავდნენ თინას, რომელიც ამისთანა ხალხთან დაახლოვებას არ თაკილობდა. ერთი სიტყვით, გაბილაშვილის და მისი ამხანაგების მოსვლამ ცუდ გუნებაზე დააყენა ილია და მისი სტუმრები. ყველა უკმაყოფილებას და უხერხულებას გრძნობდა. ცხადი იყო, რომ აქ გროვდებოდა ჭექა-ქუხილის მომასწავებელი ღრუბლები...

ვანშმად დასხდნენ. სოფრომ კუდამელიძემ თამალობა იკისრა; მან პირველად თინა აღღეგრძელა და თან სიტყვა წარმოსთქვა, რომელიც უფრო ილიას ქება-დიდებას შეიცავდა. სხვათა შორის სოფრომმა სთქვა: „ბედნიერია თინათინა

ალექსანდროვნა, რომ მას წილად ხედა ამისთანა ღირსეული კაცის ამხანაგობა და ყველაფერით შემკული ოჯახი. ვუსურვოთ ხანგრძლივი სიცოცხლე, რომ პირნათლად შეესრულებინოს ბოლომდის წმინდა მოვალეობა ქმარ-შვილისა და ოჯახის წინაშე, რომ ჩვენს საზოგადოებაში მას მოეხვეჭოს ისეთივე სახელი და პატივისცემა, როგორც დამსახურებული აქვს ილიას.”

შემდეგ მარო წამოდგა.

მე არ ვეთანხმები ბ. თამადას. — დაიწყო მან. — ჩემი მეგობარი მართლაც ბედნიერია, მაგრამ არა იმ შხრით, როგორც ზოგიერთებს ჰგონიათ: იგი თავისთავად იმდენად თვალსაჩინო პიროვნებაა. რომ ამისთანა ღირსეული კაცის ცოლობა ყერას შემატებს მის სახელს. ნიეთიერს კეთილდღეობას და ოჯახურს კმაყოფილებას იგი ვერ გაიხდის ცხოვრების მიზნად: მას არ შეუძლია ისიამოვნოს მაშინ, როდესაც გარშემო ძალმომრეობა, უმეცრება და სილატაკე მეფობს, სადაც ტანჯული ხალხის განუწყვეტელი კენესა ისმის. არა! მისი იდეალი სულ სხვაა; ამ იდეალისადმი ჰუდმივი მისწრაფება. მისთვის თავდადებული სამსახური, — აი თინას ცხოვრების აზრი. აი. მისი ნამდვილი ბედნიერება! შე მსურს დღეგრძელობა ვუსურვო ამ სიმპატიურს ადამიანს და ძვირფასს მწერალს, რომლის გული სწუხს და იტანჯება ჩაგრული კაცობრიობის ტკივილებით. გაუმარჯოს თინას. გაუმარჯოს მის მადლიან კალამს!

— დააბოლოვა მარომ და გადაეხვია აცრემლებულს თინას.

— დაიწყეს!.. — უკმაყოფილოდ შენიშნა ვილამაც.

მაროს სიტყვებმა გააცხარა ილია და მისი მომხრეები: სადღეგრძელო ყველას დააფიწყდა და მეტად მწვავე კამათი გაიპართა.

— ნება მიბოძეთ, სურვილი და შეხედულობა გამოვსთქვა ისე, როგორც მე მინდა... — სთქვა ისევ თამადამ. — თქვენ ხომ სულ იდეალებს ეპოტინებით... ვინ იცის, იტნება ჩვენც გვექონდეს რაივე იდეალი, თუქცა. შეიძლება, სხვაგვარად ვაზროვნობდეთ... ჩვენ საქიროდ მიგვაჩნია, რომ ცოლ-ქმარს

შორის თანახმობა სუფევდეს. როგორც უნდა ბძანოთ, ეს აუცილებელია მათი ბედნიერებისთვის. მოხდება ხოლმე, რომ ადამიანი ხან და ხან ვერ აფასებს შესაფერად მდგომარეობას. რომელშიაც იგი ბედს ჩაუგდია. ამგვარს შეცდომას ყოველთვის სამწუხარო შედეგი მოსდევს. მე ვუსურვე თინათინა ალექსანდროვნას, რომ იგი ასცდეს ამას... ჩვენ ერთობ გვიყვარს პრტყელ-პრტყელი ფრაზები და მალალ ფარდებში ფრენა და ის კი გვაფიწყდება, რომ შინ ოჯახი გვექცევა და ერთიანად ვიბრწუნებით... ეს ასე არ იქნება, რომ ჩვენ ჩვენი მოვალეობა სისწორით გვესმოდეს. ყველა ჩვენგანი თავის შესაფერ ასპარეზზე უნდა იღვწოდეს. ქალის მოვალეობაა მტკიცე ნიადაგზე დააყენოს ოჯახი...

— ქუჩის რაინდების მიდრეკილებაზე ლაპარაკი. რასაკვირველია, არ ღირს, — დაიწყო ილიამ, რომელსაც აშკარად ეტყობოდა მოუთმენლობა და გაბრაზება, — ნორმალური ადამიანისთვის კი ცხადი უნდა იყოს, რომ დედაკაცის პირდაპირი დანიშნულება სწორედ ოჯახია. არსად, არც ერთ სხვა ასპარეზზე დედაკაცის ღვაწლი არ შეიძლება იყოს ისეთი დიდი და ნაყოფიერი, როგორც ოჯახში. ეს მისი ნამდვილი მოწოდებაა. ყოველი რიგიანი ქალისთვის ოჯახი არის სიამოვნების და ბედნიერების დაუშრეტელი წყარო. თვითვეული ოჯახის და მისი წევრების კეთილდღეობა ნიშნავს მთელი საზოგადოების წარმატებას. ცოლი, ქმრის ერთგული მეგობარი და დედა, საზოგადოების მომავალი წევრების აღმზრდელი, თავის ვალს იხდის პირნათლად საზოგადოების წინაშე; იგი ნამდვილი საზოგადო მოღვაწეა; დიად, საზოგადო მოღვაწე, ამ სიტყვის საუკეთესო მნიშვნელობით... როდესაც დედაკაცი ოჯახს ივიწყებს და მის გარეშე ეძებს სამოღვაწეო ასპარეზს, იგი ღალატობს თავის პირდაპირ მოვალეობას... წარმოუდგენელია ისეთი ოჯახი, სადაც დიასახლისს საზრუნავი არაფერი ჰქონდეს... აი, თუნდა ჩვენ პირადათ... ყველაფერს რომ თავი დავეანებოთ... მე და თინას შვილი გვყავს... მე ვუსურვებ

ჩემს თინას, რომ იგი ჰუდამ ოჯახის ნამდვილი ბურჯი იყოს...
რომ მას თვალწინ ედგას...

— როგორც სჩანს, ამიერიდან ძალიან ბევრს გაუადვილდება საზოგადო მოღვაწის სახელის მოხვეჭა, — მოისმა მარჯილაძის ხმა, — თვითუღოს პარაზიტს, რომელიც, უეჭველია, მისავე მსგავს არსებას შესძენს ქვეყანას, შეეძლება დამწვიდებული სინიღისით დაქსახურებულ მოღვაწეთა გუნდს შეუერთდეს... მაგრამ ჩვენ მაინც ექვი გვიპყრობს: ვაი თუ ყველამ არ მიიღოს თქვენი აღმოჩენა ქეშმარიტებათ; ეს მით უფრო ჰოსალოდნელია. რომ დღევანდელს პირობებში საუკეთესო, მოსიყვარულე მშობელიც კი შეუფერებელი აღმზრდელია თავისი შვილებისათვის, რადგან უკეთილშობილესს მისწრაფებათა განვითარებას ყოველთვის წინ ელობება თქვენ მიერ სათაყვანებელი თანამედროვე ოჯახი, რომელიც უკეთეს შემთხვევაშიც კი ერთს დიდ სიძალბეს წარმოადგენს. ამიტომ თქვენ მიერ აღმოჩენილ მოღვაწეობით ვერაოდეს ვერ დაკმაყოფილდება ის, ვისაც ნამდვილი ადამიანის სახე შერჩენია. ვისთვისაც საზოგადოებრივ იდეალისადმი ლტოლვილება სულიერ მოთხოვნილებას შეადგენს... დიდ შეურაცხყოფად მიმაჩნია ქ — თინასთვის ის, რაც ამ წუთში მოვისმინეთ აქ: მას ურჩევნ: დაიფიქროს თავისი ჰალალი მონადეობა, უარპყოს ყველაფერი, რაც მას აქალღებს, როგორც ადამიანს, და ძვირფასი მგუჟლის სასიამოვნოდ, მემჩანურ ცხოვრების ქაობში ჩაეფლას...

ეს სიტყვები ნაპერწკალი იყო. რომელმაც ნამდვილი აფეთქება გამოიწვია.

— გთხოვთ, თავი დაანებოთ!.. — შეპყვირა მოთმინებიდან გამოსულმა ილიამ.

— ასე ესმით დედაკაცის დანიშნულება მათ, რომელნიც ზოოლოგიური ინსტიტუტების დაკმაყოფილებას მოღვაწეობად აღიარებენ... — სცადა მოლაპარაკებ.

— კმარა!.. ქუჩურ სიტყვებს ჩემს სახლში ადგილი არა აქვს!.. ნებას არავის მივცემ!.. — ღრიალებდა ილია, რომელიც

გრძნობდა, რომ ამ პდგომარეობაში მისთვის თავის შეკავება შეუძლებელი იყო. — ან რა უნდა ქუჩის ხალხს აქ?! — ცახცახით მიუბრუნდა იგი გაბილაშილს, — როგორ გაბედეთ თქვენ... თქვენ... ჩემ სახლში...

— ესენი მე დავბატონე!... ჩემი სტუმრებია... ხომ არ გაგიჟდი!.. — შეუტია ქმარს აკანკალებულმა თინამ.

— აქ თქვენ სახსენებელი არ ხართ! — გაცხარებით შენიშნა გაბილაშილმა ილიას, — ამ სახლში სცხოვრობს პატივცემული მანდილოსანი; თუმცა იგი დღეს, რაღაც ბრმა შემთხვევის წყალობით, თქვენს სახელს ატარებს, მაგრამ ქვეყანა მას იცნობს. როგორც მწერალს და მოღვაწეს. აი, სწორედ ამ მოღვაწესთან მოვედით ჩვენ და ვსარგებლობთ შემთხვევით, რომ ღრმა თანაგრძნობა გამოვუცხადოთ მას...

— დაიკარგეთ აქედან თქვენის თანაგრძნობით!..

— კიდევ ვიმეორებ, რომ არ გცნობთ... თქვენ გსურთ ხალხს მოღვაწე მოსტაცოთ. მაგრამ ამას ვეღარ შესძლებთ! ფრთები შეეკვეცება თქვენს...

— თავბეღო!.. ეხლავე გაეთრიე!.. — შეჰყვირა გააფთრებულმა ილიამ და ზეზე წამოვარდა.

სტუმრებიც წამოიშალნენ. ყველას აღშფოთება ეტყობოდა.

— დღეს ჩვენი მიზანი მიღწეულია... შემდეგშიაც ასე იქნება თქვენდა საჩუხაროდ... სანამ ამ სახლში ბინა ექნება იმ ადამიანს, რომელსაც უკვე დაჰსახურებულა აქვს ხალხის წდობა და სიყვარული, ჩვენ დაუბრკოლებლივ ვინაჩულებთ მას აქ...

გაბილაშილმა და მისმა ამბანაგებმა თავი დაუკრეს თინას და კარებისკენ გაემართნენ.

✓ — გაეთრიე!.. გასწი... ჩქარა!.. აი ეგრე!... — მიაყარა ილიამ.

— სიმდაბლე!.. — თრთოლვით ძლივს წარმოსთქვა გაფთრებულმა თინამ. ამ აჰბავმა უზომოდ შეაწუხა იგი: მას უნდოდა, სასტიკი წინააღმდეგობა გაეწია ქმრისთვის, მაგრამ გრძ-

ნობდა, რომ საიმისო ძალა არ შესწევდა იმ წუთში; მეტის მდღელვარებისაგან გული უღონდებოდა და ხმის ამოდებას ვერ ახერხებდა.

— არაფერია, ჩემო კარგო! ასე არა სჯობს.... ჰაერი გასუფთავდა... — ფრთხილად შენიშნა ილიამ.

ყველა უხერხულობას გრძნობდა.

თამადა შეეცადა გაექარწყლებინა მომხდარი უსიამოვნების შთაბეჭდილება. გარეგნულად თითქო აღდგენილ იქნა კიდევ სიმშვიდე, მაგრამ ერთმა გარემოებამ ყველაფერი ჩაშალა და კიდევ უფრო გააშწავა საქმე.

— გთხოვთ განაგრძოთ წინანდებურად! — მიმართა თავადამ დამსწრეთ, — საიმისო არაფერი მომხდარა... გთხოვთ. ბატონებო...

— მაგისტანა ხალხთან... — ჩაერია ქ-ნი დიდგულაძისა.

— დავანებოთ, ბატონო, ამას თავი! — გააწყვეტინა სოფრომმა, — აბა, ექსტრა! მე განმეორებით ვსვამ დიასახლისის სადღეგრძელოს: კვლავ ვუსურვოთ პატივცემულ თინათინას აღექსანდროვნას ხანგრძლივი ბედნიერება. გაუმარჯოს!.. ურა!...

— ურააა! — გაისმა გრიალი, რომელსაც ზედ დაერთო მწყობრი „მრავალყამიერი“

— ცოლ-ქმარი განუყრელი მეგობრები არიან, — განაგრძო თამადამ. — მათ შორის თანხმობა, ერთსულოვნება თავმდება საერთო ბედნიერების...

— ოღონდაც! — დაემოწმა ილია; — მაგრამ აქ მხოლოდ წუთიერი უთანხმობაა. ასე ვსთქვათ, პატარა გატაცება: სერიოზულად მე და თინას უკმაყოფილება არ მოგვივა... იმედი მაქვს... იცოცხლე, ჩემო ძვირფასო, მრავალყამიერ!... — ღიმილით დაუმატა მან და ღვინით სავსე ჭიქით ხელში ცოლთან მივიდა.

თინა გარინდებული იჯდა, თითქო ყურადღებასაც არ აქცევდა, რაც იქ ხდებოდა.

— კარგი ახლა, გენაცვალე... შეერიგდეთ! — მხიარულად მიმართა მას ილიამ.

— რასაკვირველია!... რა გაქვთ საიმისო... ეხლავ უნდა დაამტკიცოთ, რომ ეჭვი არავის დარჩეს...—ხუმრობით შენიშნა ვილაპაც.

— რატომაც არა... მართლა ხომ არ ვემდურით ერთმანეთს!—ლიმილით წარმოსთქვა ილიამ, დაიხარა და აკოცა თინას.

თინა ერთბაშად აირია; მან საშინელი დამცირება იგრძნო; სირცხვილისა და სიბრაზისაგან თვალი დაუბნელდა; გველნაკბენივით წამოიქრა ზეზე, ანგარიშ-მიუცემლად დაავლო ხელი ღვინიანს, ჭიქას და თვალის დახამხამებაში ესროლა ქმარს.

ღვინომ სახე შეუღება ილიას და წურწურით წამოვიდა წვერ-ულვაშიდან.

ილია გაშეშდა და გაბოროტებით შეანათა თვალები თინას.

სტუმრები მისცივიდენ, ილია გაიყვანეს. „რა სისამაგლეა“, „სადაური ქცევაა:“ „შეუწყნარებელია,“ „ვის გაუგონია ქმართან ასეთი...“ — ისმოდა აღშფოთებული ხმები.

— ძალიან ისახელა თავი!.. ქალი რომ ეხტიბარს გაიტეხს და ქუჩის ხალხს გაუამხანაგდება, იმისგან ყველაფერი მოსალოდნელია... ამაზე მეტი თავის შერცხვენა აღარ შეიძლება!..—გაიძახოდა ელენე დიდგულაძისა.

— თავი დამანებეთ!.. მომშორდით!..—უტბად დაიწივლა გამწარებულმა თინამ.

მას მთელი სხეული აუკანკალდა.

— თქვენ წაბილწეთ, დაანაგვიანეთ ცხოვრება!.. მეზიზღებით. მეზიზღები... ი... ი... ით...—ველარ დაასრულა თინამ, ისტერიული ხარხარი აუტყდა და სკამზე მიესვენა.

XII

თინა მეორე დღესაც ძლიერ ცუდად გრძნობდა თავს; უსიამოვნებამ წაუშლელი დაღი დაასვა მის გულს. იგი ცხადად დარწმუნდა, რომ მის სურვილს და მიდრეკილებას ვერა-

სოდეს ვერ შეურიგდებოდა ილია... დღეს თინამ საბოლოოდ გაუსწორა თვალი მთელს სინამდვილეს და აღშფოთებით დანახა, რომ მის სულიერ მისწრაფებათა დასამარებას აუცილებლად ითხოვდა ილიას გულის თქმა, მისი პირადი სიამოვნება... თინამ შეძრწუნებით იგრძნო, რომ მისი ქმარი, რომელიც მასში მარტო ღამაზ სხეულს აფასებდა, ბეჯითად ცდილობდა მის დაცემას, პირუტყვობამდე ჩამოქვეითებას...

ცოლ-ქმარს შორის გაუვალი უფსკრული აღმოჩნდა. თინას არსება მთლად შეირყა; ახლა მას ხომ აღარაფერი აკავშირებდა ილიასთან; მის სახლში კი მაინც ცხოვრობდა, მისი ქონებით ისევ სარგებლობდა. იგი მაინც კიდევ ცოლი იყო იმ კაცის, რომელსაც დღეს პატივს აღარ სცემდა; კანონიერი ცოლი, უკეთ ვსთქვათ. ხასა... იგი იძულებულია ითმინოს უზომოდ დამამკირებელი მდგომარეობა... თინას ახლა გულით სძაგდა ეს კაცი, რომელმაც მას ცბიერებით ახალგაზრდობა მოსტაცა და ახლა მისი მომავლის პატრონობასაც ჩემულობდა... არა! მეტის მოთმენა შეუძლებელია!.. თინა გრძნობს, რომ მან აუცილებლად უნდა გადასდგას გადამწყვეტი ნაბიჯი; ვალდებულია, თავი დაახწიოს ამ მდგომარეობას და მოშორდეს ქმარს, რადაც უნდა დაუჯდეს ეს...

თინა დარწმუნებულია, რომ ბავშვის ინტერესიც სწორედ ამას მოითხოვს, რომ მისი მომავალი მაშინ შედარებით უფრო საიმედო იქნება. თინას ძალიან უნდოდა ბავშვის წაყვანა, მაგრამ მან კარგად იცოდა, რომ ამაზე ფიქრი მეტი იყო, რადგან ილია შეილს არას გზით არ დაუთმობდა მას. თინა ბოლოს იმ აზრსაც შეურიგდა, რომ ბავშვი მამასთან დარჩენილიყო.

თინას მტკიცედ სჯერა, რომ მისი მხრით მსხვერპლი ამ შემთხვევაში პირდაპირ უაზრო და შეუწყნარებელი იქნება. რა გაკეთდება მით, რომ მან სრულიად უარჩყოს თავისი თავი, საუკუნოდ დასამაროს ყველაფერი, რაც დღემდე ასე ძვირფასი იყო მისთვის? დედის მოვალეობის ასე გაგება ხომ შეუძლებელია. ჯერ ერთი, თინას არ სწავს ისეთი „მოვალე-

ობა“, რომელიც ადამიანური ღირსების უარყოფას გულის-
ხმობს; მაგრამ, კიდევ რომ იწამოს, რა შედეგი მოჰყვება
ამას? განა ცხადი არ არის, რომ ის, ვინც თავის პიროვნე-
ბის გათელვას ურიგდება, ვინც თავის თავს პატივს არ სცემს,
იგი ვერ აღზრდის ნორმალურს ადამიანს?

თინა კარგად გრძნობს, რომ ის, რაც სხვა დროს რამ-
დენადმე მაინც მოსახერხებელი იქნებოდა, დღევანდელს პი-
რობებში შეუძლებელია მისთვის. შეურაცხყოფილი, დამცი-
რებული. მუდამ აღშფოთებული და უკმაყოფილო რა მზრუ-
ნველობას გაუწევს ბავშვს?.. სად მოიპოვოს ის სიმშვიდე და
მოთმინება. რაც ისე საჭიროა ამ შემთხვევაში? ის მოშხამული
ატმოსფერო მშობლებს შორის ყოვლად შეუწყნარებელი
დამოკიდებულება, რომელიც, ექვი არ არის, თანდათან კი-
დევ უფრო გამწვავდება, მუდმივი ბრძოლა და უსიამოვნო
სცენები ხომ პირდაპირ დამლუპველ გავლენას იქონიებს ბავ-
შვზე...

არა, გადაწყვეტილია, თინა დაუყოვნებლივ უნდა წავი-
დეს ქმრის სახლიდან, სანამ გვიან არ არის!..

XIII

ილია უსახუროდ გააბრაზა თინას ქცევამ. დილით იგი
პრისხანელ შეხვდა ცოლს.

— მე შენ თავხედობის ნებას არ მოგცემ!.. კარგად
იკოდე... განანიებ მაგას... პატივისცემა ვერ შეიფერგ... შე-
ნი წარსული დაგავიწყდა, ალბად: ლუკმა გენატრებოდა...
ტალახიდან ამოგიყვანე... ამისთანა ცხოვრებას სიზმრადაც
ვერ ნახავდი... — ნაწყვეტ-ნაწყვეტად მიახალა ილიამ.

— ჩემთვის ნულარ იწუხებთ თავს!.. მე თქვენგან ამიერი-
დან არაფერს ვითხოვ... ჩემს წარსულს კი ნუ ეხებით, რად-
გან მასში დასაძრახი არაფერია... — დამშვიდებით შენიშნა
თინამ.

მაგრამ ილიას არაფერი ესმოდა; იგი ისეთს გუნებაზე
იყო, რომ არც კი უნდოდა მოესმინა ცოლის სიტყვა.

— შენი პატრონი მე ვარ!.. ვიცი, როგორც უნდა მოგექცე ამის შემდეგ!.. — წამოიძახა ბრახ-მორეულმა და მეტის მღელვარებისაგან მძიმედ დაიწყო ქშენა.

მეტად უსიამოვნო სურათს წარმოადგენდა მაშინ თინასთვის რუმბივით გასივებული, თვალვებ-გადმოკარკლული ილია: იმ წუთში მის ზორბა ტანს ადამიანის ტვინი თითქო აღარ განაგებდა... მის კისერზე უზომოდ ამობერილო ძარღვი თინამ გაწოლილს გოქს შეადარა და მათში საოცარი მსგავსებაც კი აღმოაჩინა. როგორღაც ერთბაშად წარმოიდგინა თინამ უზარმაზარი გროვა სხვა და სხვა სანოვაგისა, მთელი ის მასალა, რაც მისი აზრით ამ კაცის სხეულის აშენებაზე დაიხარჯებოდა. თინას აზრით აუარებელი გოქი, ქათამი, ინდოური და სხვა ამგვარი უნდა ყოფილიყო ჩაქსოვილი ილიას განიერს მხარ-ბეჭვში. ყველა ეს გოქები, ქათმები და ინდოურები ახლა უკვე ცოცხლებად წარმოუდგა ქალს: იგინი, ალბად, ახლა საცოდავად ქყვირიან, კაკანებენ და, თითქო შარჯვე დრო შეარჩიესო, თავის განთავისუფლებასაც კი ცდილობენ ილიას სხეულისაგან: მისი მსხვილი კისრიდან და ამობერილი ლოყებიდან გადმოცივიანას ლაქობენ...

— მე შენ გიკრძალავ!.. — უცებ დაიღრიალა ილიამ, თითქო რაღაც მოაგონდაო. — გიკრძალავ... იმ ხალხში ტრიალს... არასდროს აღარ მოვიტყენ, რომ შენ იმ ავაზაკების საქმეში ერეოდე... მათ უფლება არა აქვთ!..

— მე უკვე გითხარი, რომ თქვენ თავისუფალი ბძანდებით... ჩემთვის ზრუნვა თქვენს მოვალეობას აღარ შეადგენს... — მიუგო თინამ, შემოტრიალდა და თავის ოთახისაკენ გასწია.

— რაო?.. — შეუბღვირა ილიამ ცახცახით, — მიფრთხილდი, დედაკაცო!.. ის მე ვიცი... რაც არის ჩემი მოვალეობა... ვნახოთ, როგორ დაესწრები... ავაზაკების კრება აკრძალულია... კარგად იცოდე ეს...

ილიამ იცოდა, რომ იმ დღეს დანიშნული ყო სხდომა, რომელსაც თინაც უნდა დასწრებოდა. ილიამ ეს შემთხვევით შეიტყო: იმ დღესვე იგი ჩვეულებრივზე აღრე ადგა დილით,

რადგან ცუდ გუნებაზე იყო. კიბესთან, თანჯარაზე, მან იპოვა ბარათი, რომელშიაც მაროს ხელით აღნიშნული იყო დრო და ბინა, სადაც უნდა შეკრებილიყვნენ სათათბიროდ. ფუნქციალადის მსახურს, რომელსაც თინასთვის უნდა გადაეცა ეს ბარათი, არ ეგონა, თუ ისე ადრე გამოიღვიძებდა ვინმე: მან ბარათი იქვე დააგდო, თითონ კი ქუჩაში გასაფლელ კარებთან დადგა და ნაცნობს დაუწყო ლაპარაკი, ისე რომ სულაც არ შეუნიშნავს ილია.

ილია გაცოფებული იყო: იგი უკვე გრძნობდა თავის დამარცხებას; მან იცოდა, რომ თინა თავისას არ დაიშლიდა და გულზე სკდებოდა. რაღა თქმა უნდა, ყველაფერს გაბილაშიელს და მის ამხანაგებს აბრალებდა ილია; დარწმუნებული იყო, რომ სწორედ ეს ხალხი გადაეღობა მას წინ ცხოვრების გზაზე, სწორედ ამათ დაამსხვრიეს მისი ბედნიერება... მას ექვი არ ჰქონდა, რომ ტკილად, სიამოვნებით იცხოვრებდა ბოლომდის თინასთან, ეს ხალხი რომ არ ყოფილიყო... ილია მთლად გაიტაცა შურისძიების გრძნობამ... „ისინი ხომ ავაზაკები არიან... მათი წყალობით შეიქნა ცხოვრება მოუსვენარი, მყუდროება დაირღვა, ხალხი აღელდა... არა, მათი არსებობა დიდი ბოროტებაა: ბოროტების მოსპობა კი მოვალეობაა.“ — გადასწყვიტა მან.

ერთი საათის შემდეგ ილიამ სათანადო უწყების ერთ მოხელეს შეატყობინა შემდეგი: „შემთხვევით გავიგე, რომ დღეს, საღამოს 8 საათზე, მ—ს ქუჩაზე, გარჯილაძის ბინაზე № 12 უნდა შესდგეს მთავრობის საწინააღმდეგო კრება, რომელსაც დაუსწრებიან ზოგიერთი ხელმძღვანელნი მოძრაობისა... როგორც კანონიერებისა და წეს-წყობილების მომხარებ. საჭიროთ დავინახე მეცნობებინა ეს თქვენთვის.“

ილია დარწმუნებული იყო, რომ თინა ამ კრებას ვეღარ დაესწრებოდა, რაკი ბარათს არ მიიღებდა: იმედი ჰქონდა, რომ გაბილაშიელის და სხვების დატყუალება, მათი სამაგალითო დასჯა ჩაშლა შორებდა მათ წრეს თინას და ერთობ კარგი ვაკვეთილიც იქნებოდა მისთვის... მაგრამ მოლოდინი არ გაუმართლდა ილიას.

იმ დღეს სალამოჰდის თინა ცნობას ელოდა მაროსაგან, რადგან ვერაფერი მიიღო, მოსამსახურეს გამოჰკითხა და მხოლოდ მაშინ გაიგო, რაშია ც იყო საქმე. იგი მაშინვე წავიდა მაროსთან. შებინდდა. უსიამოვნო ფიქრებით გარემოცული თინა ისე მიეშურებოდა, რომ გზასაც არ არჩევდა, თუშუცა ახალი ნაწვიმარი იყო და გზა იმდენად მოსველებული, რომ ქუჩაში ფარნის მკრთალს სინათლეზე აქა-იქ ლაპლაპებდა დაგუბებული წყალი.

თინათინა აღექსანდროვნა! — უცებ შემოესმა შემკრთალს ქალს და ქუჩის მეორე მხარეზე ბიქტორ გაბილაშვილი გამოჩნდა.

— მეც თქვენი თანამგზავრი ვარ: ჯერ, მგონი, ადრეა, — დაუმატა მან და ახლოს მივიდა.

— მაროსთან მივდივარ; მინდოდა შეგეტყო, შევიკრიბებით დღეს, თუ არა...

— ნუთუ არ გაგაგებინეს?..

— ბარათი გამოვეზავენათ, მაგრამ მაინც... — დაბნეულად უპასუხა თინამ.

— ვწუხვართ, რომ ასეთი უსიამოვნება შეგხვდათ ჩვენი პიზეზით... — დაიწყო ბიქტორმა, — ყველანი სრულს თანაგრძნობას...

— ნუღარ მომაკანებთ, გეთაყვა... — გააწყვეტინა თინამ, რომლის სახეზე ტანჯვა აღიბეჭდა.

— წუხელი დიდი ჩხრეკა ყოფილა, — სთქვა ბიქტორმა ცოტა ხნის სიჩუმის შემდეგ, — ეხლა ყველაფერს სასტიკად დევნიან; უნდათ დასაწყისშივე ჩაჰკლან...

— ეს საქმე ჩვენ უთუოდ უნდა დავაბოლოოთ, რაც უნდა გახდეს, — მტკიცედ წარმოსთქვა თინამ, — ერთხელ თუ დაინტერესდა ხალხი, მერე აღარა უშავს-რა. ცუდი დროა...

— საჭიროა დიდი ზნეობრივი ძალა...

ისინი ნელა მიდიოდნენ.

— მეტად მძიმე პირობებია მუშაობისთვის საზოგადოთ, მაგრამ ამან გული არ უნდა გაგვიტეხოს... იდეა ბოლოს

პინც გაიმარჯვებს... მე შეურყეველად მწამს ეს! — გატაცებით წამოიძახა ბიქტორმა, უეჭველად გაიმარჯვებს, ოღონდ იყოს სულიერი აღფრთოვანება, გამამხნეველელი ძალა... ხანდახან მე თვალწინ მეწლება, როგორც მომხიბლავი მოჩვენება, სულის დამატკობელი სურათი: სწორ-უპოვარი წალკოტი, სადაც უხვად იბნევა რალაც საოცნებო სხივები ნეტარებისა. გამოუთქმელი სიხარულითა და უსახღვრო ბედნიერებით ივსება ჩემი გული და ვფიქრობ, რომ აქ ვიძინ საოცარს ძალას. შეუდრეკელს მხნეობას, საზღაპრო გმირი ვხდები... მე ვგრძნობ, რომ მარტო თქვენ შეგიძლიათ გადასწყვიტოთ, რამდენად შეეხამება სინამდვილეს ჩემი ოცნება.. თქვენი მხრივ ერთი სიტყვა, მხოლოდ ერთი თანაგრძნობის ხმა კმარა, რომ ფრთა შევისხა... მაშინ მთელი ჯოჯოხეთის ტანჯვა-წამებასაც არად მივიჩნევ და მედგრად გავწევ წინ... — ბიქტორი გაჩუმდა: იგი თითონვე შეკრთა, რომ ბოლოს, თუმცა ბუნდოვანად. პინც სთქვა ის, რის თქმასაც დღემდე ერიდებოდა.

თინა დაიბნა, აღელდა: ბიქტორის მოულოდნელმა სიტყვებმა უხერხულს მდგომარეობაში ჩააგდო იგი.

მაგრამ ამ დროს მან დაინახა მათკენ აჩქარებით მომავალი წარო; იგი ქაქანით მიუახლოვდა მათ; დაღლილობისაგან ძლივს-ლა სუნთქავდა.

უკან დაბრუნდით!.. წავიდეთ, წავიდეთ!.. ვანოს სახლს ალყა შემოარტყეს... სჩხრევენ... კარგი, რომ დროზე შევიტყუეთ... — ძლივს ჩაილაპარაკა მან.

— დაგვაბეზღეს!.. — გაბრაზებით წამოიძახა ბიქტორმა.

თინა შეძრწუნდა და ქარხალივით გაწითლდა: ის მიხედა, ვისი საქმეც იყო ეს...

„საზარელი ჯაშუში! იგი არასოდეს არ ყოფილა თანაგრძნობის ღირსი!“ — ზიზღით გაიფიქრა მან ილიაზე.

თინა ცალკე ბინაზე გადასვლას ეშურებოდა. ამ გარემოებამ საშინლად გააბოროტა ილია; იგი სასტიკად ეწინააღმდეგე ბოდა ამ აზრს და საშუალება არ დაუზოგავს, რომ ხცმლი შეეშალა ცოლისთვის: ჯერ სცადა, გაეღენა მოეხდინა

იმაზე დიდის მოვალეობის მოგონებით, „სკანდალებსაც“ დაემუქრა, მაგრამ თინა მინც მტკიცედ ადგა თავის გადაწყვეტილებას.

ლამის პირველი საათი იქნებოდა. ყველას ეძინა. თინა აღელვებული წამოდგა, შეალო განის კარი და მეორე ოთახში გავიდა. პატარა, ლამაზად მორთულს კრაოტში ხუთი თვის ბავშვი იწვა; იქვე, ტახტზე, ძიძა ხვრინავდა. თინა კანკალით დაჰყურებდა ბავშვს, თითქო მის სახეზე რისლაც ამოკითხვას კდილობდა. ბავშვს მშვიდად ეძინა. „იქნება არ მიყვარს, რადგან ილიას შვილია?.. ნუთუ უმანკო ბავშვს...“ გაუელვა შეძრწუნებულს თინას და თითქო ამ ფიქრის გასაქარწყლებლად, დაიხოქა და გრძნობით მიეკრა ბავშვს. რომელმაც დედის შეგებაზე მხოლოდ ტუჩები ააცმა ცუნა. „მაპატიე, ჩემო პაწიავ!..“ — თრთოლივით წაიჩურჩულა თინამ; კიდევ მხურვალედ ჩაჰკოცნა იგი და აცრემლებული ფეხაკრფით გავიდა ოთახიდან.

თინა იმ დილასვე მაროს ბინაზე გადავიდა და ქმრისაგან დამოუკიდებელი ცხოვრება იწყო.

ერთს საღამოს თინა ნაცნობ-მეგობრებს (მათ შორის მარო და ბიქტორი იყვნენ) თავის ახალ ნაწარმოებს უკითხავდა. უცებ ვიღაცამ გარედან მაგრა დააბრაახუნა დაკეტილი კარი. შემდეგ ილიას ბრაზიანი ხმა მოისმა: „ეხლავე გააღეთ!.. ვის შეუძლია დამიკეტოს... ჩემს ცოლს ნება არ აქვს... მოვითხოვ!..“

მას ხმა არ გასცეს.

ილიამ რამდენჯერმე მძლავრად სთბლიშა კარს რაღაც მძიმე; კარმა საშინლად დაიჭექა და სახე-შეშლილი ილია ოთახში შემოიქრა.

-- მაშეგრეა?.. -- ხრინწიანის ხმით დაიძახა მან დარეველვერი იშიშვლა. თინამ თვალი შეასწრო და კივილით წამოვარდა ზეზე.

თვალის დახამხამებაში მისცვიდნენ ილიას, მაგრამ გვიანდა იყო; მან უკვე მოასწრო და გაისროლა; ტყვია თინას მოხვდა მხარში. ღონე მიხდილი ქალი იქვე წაიქცა. ილია

თავგანწირვით იბრძოდა, რევოლუციის გასროლას კიდევ ცდილობდა.

— ეს მაწანწალაც უნდა... არც მაგას გავუშვებ ცოცხალს... ყველას...—ხრიალებდა იგი.

ბოლოს, როგორც იყო, მას იარაღი წაართვეს და გარეთ გაიყვანეს.

ამ ამბავმა მთელი საზოგადოება ააღელვა და დიდი მოთქმა-მოთქმა გამოიწვია...

თინა მძიმედ დაქრილი აღმოჩნდა, მაგრამ სიკვდილს გადაარჩა. იგი კარგა ხანს საავადმყოფოში იწვა, შემდეგ ისევ მაროსთან დაბრუნდა.

XIV

ბოლო დროს გაბილაშვილს სასტიკად სდევნიდნენ, როგორც არა კეთილ-საიმედო პირს. ერთ საღამოს იგი თინას სანახავად მივიდა; ამას ახლა ოთახში სიარული შეეძლო, თუმცა დიდ სისუსტეს გრძნობდა; ავადმყოფობას საოცრად შეეცვალა იგი.

„ბევრი ლაპარაკის თავი არ აქვს... აღელვება აწყენს...“
კარებშივე გააფრთხილა გაბილაშვილი მარომ.

ბიქტორის ნახვა თინას ძლიერ ესიამოვნა.

— ყველაფერი ეს სიზმარი მგონია... გონს ვერ მოვსულვარ...—სთქვა მან.

— იმედია, მალე კარგად გახდებით და უსიამოვნებასაც ბოლო მოეღება.—გაამხნევა ბიქტორმა.

— კარგია, რომ მოსელა მოახერხეთ...—დაიწყა ისევ თინამ, როდესაც მარტოდ დარჩნენ, —იმ დღეს ველარაფერი გითხარი... მე არ მინდა ჩვენ შორის გამოუარეველი დარჩეს რამე...—იგი შეჩერდა, ღრმად ამოისუნთქა და შემდეგ განაგრძო, —უნდა გამოვტყდე, ჩემთვის სრულიად მოულოდნელი იყო თქვენი სიტყვები... ნუთუ შესაწყნარებლად მიგაჩნიათ ოჯახური ბორკილები თავდადებულ მებრძოლისთვის?.. მე კი ვფიქრობ, რომ ეს დიდი ბოროტებაა... ამას უნდა გაუბრძოდეს ის, ვისაც საზოგადო ასპარეზზე მუშაობა სურს. ვინც ოჯახს ეკიდება, იგი ძალაუნებურად იძულებულ-

ლი ხდება ჩამოშორდეს საქმეს. გადაჭარბებული შიში, სიფრთხილე და კომპრომისები აუცილებელია ამ შემთხვევაში. აქედან თავისი რწმენის უარყოფამდეც დიდი მანძილი აღარ არის... თქვენ ხედავთ, როგორი გაკვეთილი მივიღე ცხოვრებისაგან:.. ეხლა ერთის გრძნობით ვარ შეპყრობილი და არც მსურს სხვა რამეზე ვიფიქრო: მინდა სრულიად თავისუფალი ვიყო, რომ ჩემი სურვილისამებრ მოვიხმარო სიცოცხლე... განსაკუთრებით სამძიმოა დედაკაცის მდგომარეობა... ჩემი მაგალითი, იქნება, მოსატანი არ იყოს, რასაკვირველია, ჩემი შეცდომა არაჩვეულებრივია, მაგრამ უკეთეს პირობებშიაც არ არის მთლად უზრუნველყოფილი ადამიანი... ჯერჯერობით მეტად იშვიათია ისეთი ურთიერთობა დედაკაცსა და მამაკაცს შორის, სადაც პირველი დამცირებული არ იყოს უკანასკნელის წინაშე. რაც უნდა კარგი შეხედულება და აზრები გქონდეს, რაგინდ დიადი იყოს ჩვენი იდეალები, ჩვენ ჯერჯერობით მაინც არ ვართ თავისუფალი ერთგვარ ფსიხოლოგიის გავლენისაგან... ეს მხოლოდ შესაფერ პირობებში მოიხსობა და მთელი ძალ-ღონე იმას უნდა მოვახმაროთ, რომ მომზადდეს საერთო ნიადაგი თანასწორობისათვის... მე გულწრფელი პატივისმცემელი ვარ თქვენი. არ ვიცი, სხვა დროსა და გარემოებაში რა ხასიათის იქნებოდა ჩემი გრძნობა, მაგრამ დღეს კი მსურს, რომ თქვენ მთელის არსებით ეკუთნოდეთ იმ საქმეს, რომელმაც ერთნაირად ძვირფასია ჩვენთვის. მე მინდა მუდამ ამ სიმაღლეზე გხედავდეთ...

თინა გაფითრდა, ხმა დაუსუსტდა და ღონე მიხდილი მუთაქაზე მიესვენა.

— მშვიდობით!...—მცირე დასვენების შემდეგ წარმოსთქვა მან; მერე წამოდგა და შუბლზე აკოცა აღელვებულს ბიქტორს.—განაგრძეთ საქმე თქვენებურის აღფრთოვანებით. მშვენიერია ეს გატაცება...—დაუმატა თინამ. ათრთოლებულის ტუჩებით შეეხო მის ხელს ბიქტორი, მაგრამ იგრძნო, რომ ცრემლით ავესო თვალები და აჩქარებით მოშორდა იქაურობას.

ვაბილაშვილი მალე დაატუსაღეს. იგი კარგა ხანს იჯდა ციხეში; ბოლოს მისი საქმე სასამართლომ განიხილა და ხუთი წლის კატორღა მიუსაჯა, როგორც „წვერს ისეთის ჯგუფისას, რომელსაც არსებული წეს-წყობილების დამხობა ჰქონდა მიზნად დასახული.“

ილია პასუხის გებაში მისცეს; მას ბრალად ედებოდა ცოლის მოკვლის განზრახვა. სასამართლოში ილიამ განაცხადა: მე მსხვერპლი გავხდი იმ ჯგუფის ავაზაკობისა, რომელიც ცნობილია თავისი მავნე მიმართულებით... სიცოცხლე მომიშნამეს... ოჯახში შემომეჭრნენ და მომტაცეს უძვირფასესი საუნჯე. დაუზოგველად მწიწნიდნენ... ავაზაკურად გამცარცვეს... რა უნდა მქენა? ნაძირალების თავხედობას ხომ ვერ შეეფურიგდებოდი, ხომ ვერ დავსთმობდი ჩემს უფლებას... რაც მე მეკუთნოდა... ის უფრო მახელებდა, რომ ისეთს ხალხს დაუახლოვდა... მათი შეუწყნარებელი მოძღვრების მონაწილე ვახდა ჩემი ცოლი... მე ის მიყვარდა. მოსალაპარაკებლად მივედი. არ მიმიღო. ამან გამაბრაზა. როდესაც მის ოთახში დავინახე ისინი, რომლებმაც ჩემი ბედნიერება გაანადგურეს, უზომოდ ავღელდი და აღარ ვიცი, რა ჩავიდინე... ეხლა კი ვხედავ, რომ განზრახვა ვერ შევასრულე. ჩემი მიზანი სულ სხვა იყო...“

სასამართლომ ილიას სამი წლით ტუსაღთა გამასწორებელ რაზმში გაგზავნა მიუსაჯა, მაგრამ მხედველობაში მიიღო „დანაშაულის შემამსუბუქებელი ზოგიერთი გარემოებანი“ და დაადგინა: აღძრულ იქნას შუამდგომლობა, რომ ფუნცხალაძე სრულიად განთავისუფლებულ იქნას სასჯელისაგან.

თინას ჯან-მრთელობა ვერ დადგა სასურველს დონეზე, მისთვის აუცილებელი შეიქნა სეროზული, ხანგრძლივი ექიმობა. ნაცნობ-მეგობართა დახმარებით იგი საზღვარ-გარეთ წავიდა.

ეს არის ჩვენი „ბედნიერი“ დღე!

სანდრო ქოჩორაძემ საავადმყოფოში მთელი თვე გაატარა, მაგრამ მაინც ვერ შეეთვისა იქაურობას: მას მუდამ აღელვებდა ის გარემოება, რომ არავისაგან თანაგრძნობას არ ხედავდა აქ. საავადმყოფოში ყველა ავადმყოფი ერთნაირს პირობებში არ იყო ჩაყენებული; ამას კარგად ამჩნევდა სანდრო და გული ბოღმით ეცებოდა. ვისაც სახსარი ჰქონდა, იგი ფულით ყიდულობდა საჭირო ყურადღებას; სანდრო კი მოკლებული იყო ამნაირს საშუალებას და ამიტომ დიდს შევიწროებას განიცდიდა. მას მუდამ აბრაზებდა ცხოვრებაში გამეფებული უთანასწორობა, მაგრამ ეხლა, ამ საავადმყოფოს ზღუდეთა შორის, იგი განსაკუთრებულის სიმწვავით გრძნობდა ამას. მხოლოდ რჩეულთ ეპყრობოდნენ აქ ყურადღებით: დანარჩენებისთვის ზრუნვა კი უსიაჰოვნო მოვალეობად, აუცილებელ ბოროტებად მიაჩნდა.

დღეს სანდრო რიყრაცზე წაქოდვა, გაიგრილა წყლით გახურებული შუბლი და თანჯარას მიეყრდნო. შორს იტაცებდა მას ფიქრი: იქ, ნაცნობი ადგილებისაკენ, ბუნებასთან ახლო უნდოდა მას ყოფნა, იმ ბუნებასთან, რომელიც არავის არჩევს და ერთნაირად უმასპინძლდება ყველას, სადაც გაზაფხულის მზეზე ისე მოჰხიბლევლად იცინის ტყე, ილიმება მინდორ-ველი...

ქალაქი საახალწლო სამზადისს შესდგომოდა. სხვა-დასხვა ავადმყოფებთან მოდიოდნენ მათი ნათესავები, ნაცნობ-მეგობრები; მოჰქონდათ საჩუქრები, ცდილობდნენ შეეშუსუბუქებინათ მათთვის ტანჯვა. სანდროს გული სტიკეოდა; მასაც ენატრებოდა გრძნობით გამთბარი სიტყვა... ერთად-ერთი ამხანაგი მოუცლევლობის გამო ვერ მოდიოდა მასთან.

„ხვალ ბედნიერ დღეს ეგებებიან,“ — გაიფიქრა სანდრომ, — მაგრამ რით იქნება იგი „ბედნიერი“ მისთვის? ეს ხომ დაცინვაა მისი ბედის; იგი მოკლებულია ყოველგვარს სიამოვნებას: მუდამ ერთგულად, პატიოსნად შრომობდა, მაგრამ სად არის ამის ნაყოფი? რას შესწირა სიცოცხლე? ტანჯვით განვლო ცხოვრების გზა, ბედნიერება ერთხელაც არ მოლანდებია.“ ასეთი იყო წარსული...

სანდრო აივანზე გამოვიდა. თბილი დღე იყო. პირდაპირ ბალი მოსჩანდა, სადაც ქალ-ვაჟი სეირნობდა. ფიქვის ხეივანში მიდიოდნენ, ცელქობდნენ. ვაჟს ლაღად ექირა თავი; ეტყობოდა, ვისი გულის გმირიც იყო იგი, ქალი ნაზად ვაღიხარა მისკენ; ამანაც ხელი მოხვია და ცქრილით განაგრძეს გზა. გააყოლა ნაღვლიანად სანდრომ მათ თვალი და შემდეგ საექიმო ოთახისკენ გასწია. შეწლო წინა ოთახის კარი. აქ ფერშლები და მოწყალების დანი ფუსფუსებდნენ. სანდრომ კუთხისაკენ მიიხედა და ელდა-ნაკრავივით გაშეშდა: იქ, საკაცეში, მან დაინახა გასისხლიანებულს ჩვარში შეხვეული ადამიანი. ცხადი იყო ყველაფერი... საკაცეში მდებარე მუშა სულ რამდენიმე დღის წინად ჩამოსულიყო სოფლიდან; იგი სადღაც დღიურ ქიზაზე მუშაობდა. კეთილი, პატიოსანი, რაინდული ხასიათის კოტე საკვირველის გულმოდგინებობით ასრულებდა თავის მოვალეობას; იგი ძნელსა და საფათერაკო საქმესაც არ ერიდებოდა. დღეს დილით, სარდაფში მუშაობის დროს, გასკდა საორთქლე ქვაბი და სიცოცხლითა და ჯან-ღონით სავსე ახალგაზდა თვალის დახმამებაში ერთიანად გაიფუფქა. გაფუქდა კაცი, მაგრამ იმ წუთში მას უფრო სირცხვილი აწუხებდა: როგორ მოუვიდა, რომ ასე უსახელოდ დამარცხდა. ეს ფიქრი უტრიალებდა მას თავში. ვინ იცის, რა მიზეზით გასკდა ქვაბი, მაგრამ კოტე მაინც არავის ამტყუნებდა ამაში; იგი უფრო თავის გაუფრთხილებლობას თუ გამოუცდელობას აბრალებდა; იქნება უხერხულად გავიარე, ან როგორმე შევეცხეო... დაშავებულის მკერდი გამაღებით ირხეოდა, ძარღვები ძალზე დაქიმული ჰქონდა

და მთელი სხეულიდან სისხლი ჟვანავდა. ჯოჯოხეთურს ტკივილებს განიცდიდა საწყალი, მაგრამ ხმას არ იღებდა. იგი უკვე გრძნობდა აღსასრულს, მაგრამ არ უნდოდა აქ დაეღია სული. თითქო სიკვდილისაც კი სცხვენოდა ამ უცხო ხალხში...

იგი მალე გაიტანეს იქიღვან. ნახევარი საათის შემდეგ სისხლიანი საკაცე დერფენის ბოლოზე გამოჩნდა.

— საით მიჰყავთ? — კანკალით იკითხა სანდრომ.

— ВЪ МЕРТВЕЦКУЮ! — მიუგო მსახურმა.

ამ დროს საავადმყოფოს ეზოში შემოიქრა გაფითრებულის სახით ახალგაზდა კაცი, მას ხელში ორი კვერცხი და პურის ნატეხი ეჭირა; აქ ის გაფოთებული ტრიალებდა და თვალით რალაცას ეძებდა.

— რას ეძებ, ძმაო? — თანაგრძნობით გადასძახა მას სანდრომ.

— წელან კაცი წამოიყვანეს ქარხნიდან... მუშაობის დროს დაშავდა... მაჩვენეთ, ღეთის გულისათვის! უქმელი იყო, იქნება... — ქაქანით შეევედრა მოსული, რომელსაც თითქო სჯეროდა სასწაულთ-მოქმედი ძალა კვერცხისა და ის მოჰაკვდავისთვის სულზე მისწრება ეგონა.

— უკვე გათავდა! — მწუხარებით წარმოსთქვა ქოჩორაძემ და თავი ჩაჰკიდა.

მდიდრული სახლის ფანჯარაში ის ბედნიერი ახალგაზდები მოსჩანდნენ. ქალი როილს უკრავდა, ვაჟი კი გატაცებით მღეროდა. ახლა ეკალივით მოხვდა ეს ხმა სანდროს გულს.

— დაჩუმდით! — ცახკახით შეჰყვირა მან, — ხმა გაკმინდეთ იმ წმინდა მსხვერპლის წინაშე!.. თქვენ მოჰკალით ის! თქვენ, თქვენმა ძმებმა, ნათესავებმა, მეგობრებმა... თქვენ მიითვისეთ ჩვენი წილი ბედნიერება!.. უდარდელად სიამოვნებთ ახალი წლის მოლოდინში... ჩვენი ბედნიერი დღე კი ეს არის!.. დასტკბით, ავაზაკებო, მცარცველებო!.. თქვენ მოგეჯაცეთ!.. — სიტყვის დასრულება ვეღარ შესძლო სანდრომ; მას გული წაუყვიდა. როდესაც გონს მოვიდა, იგი ლოგინში იწვა გავარვარებული და თავზე ყინულიანი ბუშტი ედო.

ს ა რ ჩ ე ვ ი:

არსენ ანტონის ძე მამულაიშვილი (ბიოგრაფია) 33-5

ა. მამულაიშვილის მოთხრობები:

ფირალი დავლაძე	
რაქვიანა	61
ეფემიას ოცნება	83
მშობლები	128
შემთხვევა	135
„დამშვიდება“	141
თეატრში	147
ბეჭედი ხვედრი	153
სამკურნალოში	165
თქნა	172
ეს არის ჩვენი „ბედნიერი“ დღე!	227
